



ALB. MANTII
DE QVAESITIS
PER EPISTOLAM
LIBRI. TRES

IAN. CVLIE LIII
VERISIMILIVM
LIBRI. TRES

VENETIIS. 1576
ANTVERPIAE
PLANTIN. 1582






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4025/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4025/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4025/A

1390

4025/A
3007/




From the
Sunderland Library, Blenheim Palace,
Purchased, July, 1882,
By BERNARD QUARITCH, 15 Piccadilly, London.

H. R. Hall
Nov. 8. 1898.

Eg. 51

1/2



Caroli Berna
86416 (1)
DE
QVAESITIS

PER . EPISTOLAM

LIBRI . III

ALDI . MANVTII

PAVLLI . F.

ALDI . N.



VENETIIS

∞ . D . LXXVI

OF THE HISTORY

OF THE

ROYAL

ACADEMY


OF SCIENCES

AND ARTS



1711

1711



AD . SERENISS.

A L O Y S I V M

M O C E N I C V M

V E N E T I A R V M

P R I N C I P E M

&

I L L . ^{MOS} X . V I R O S



R A V I S S I M E
peccare mihi ui
derer, & pecca
rem equidem,
S E R . M E P R I N -
C E P S . I L L . M I
X . V I R I , si, quae multorum
annorum

annorum studio , Patris etiam
mei industria adiutus , compara-
ui , ea non , in publicum edens ,
uestrae tutelae commendarem .
quibus tantum debere me profi-
teor , quantum , si uitam pro Rep.
effundere contingeret , uix aut ne
uix quidem persolvere mihi lice-
ret . Quid ? Spiritum me ducere
in hoc amplissimo Orbis Terra-
rum Theatro , a uobis benigne
amplexum , exiguum ne illud est ?
Hoc certe affirmare non uerear :
maximo me beneficio uestro id
esse consecutum , ut , a uobis excita-
tus , quod ingenio consequi me
posse diffidebam , iudicij uestri
auctoritate sperare mihi liceat .
Tantum potest amplissimorum
uirorum testimonium , ut mini-

ma

ma quaeque interdum maximis se
aequari posse confidant. Nec ue
ro minimum illud est, immo
maximum, benignitatis uestrae
indiciū: esse id mihi a uobis hu
manissime concessum, quod non
ita facile conceditur, multis et
iam, nimis iniuste petentibus, in
terdum iuste denegatur. Est hoc
Venetum. Est hoc Reip. uestrae
propriū. hoc exterorum aures
personant. hinc longinqui o
mnes huius uisendae Reip. desi
derio ardent. Italiamque, mul
tis illustrem ciuitatibus, hac prae
cipue illustriorem reddi, quis non
affirmat? Hic morum cultus,
hic ardens de bonis benemerendi
consuetudo uiget. Diuinitus ut
hoc VENETAE. REIP. tribu
tum

tum esse uideatur . Et certe ue-
rissimum illud dici potest , quod
dicitur , Cum multae in orbe sint
ciuitates, orbem ipsum hac una in
Ciuitate contineri . Verum, quo
me ducit Patriae iucunda comme-
moratio? non hoc onus mearum
uirium : & , si uirium esset, non
huius neque temporis , neque lo-
ci . Forſan erit; erit forſan , cum
V E N E T A . R E S P . ſcriptis meis
lucem afferat ; & ingenij mei exi-
guitas materiae grauitate ſuble-
uetur . Interim hoc , debiti pi-
gnus, animi non ingrati ſignum,
benigna, & hilari fronte accipe-
re ne grauemini . Deus Opt.
Max. uosque, et Remp. ſingulare
non Italiae modo , ſed totius fere
Orbis ornamentum, ita fortunet,

ut

ut ad summam felicitatem desi-
derari nihil possit .

SER.^{TI} V.

&


ILL.^{MIS} D. V.

Deuinctissimus,

Aldus Manutius,
Paulli F. Aldi N.


XXX

De } Accumbendi, & Comedendi ratione.
 Aquis, in urbem Romam olim influentibus.
 Artibus liberalibus.
 Auspicijs.
 Bonorum diuisione.
 Caelatura, & Sculptura.
 Caestu.
 Castello, Pago, Vico, Opido, Vrbe, Villa.
 Conuiuium tempestiuo, seu intempestiuo.
 Drachmis.
 Epistolis.
 Etesijs.
 Fulgure, & Fulmine.
 Galliae diuisione.
 Interkalandi ratione.
 Libertis, Libertinis, & Inguenis.
 Metonis anno.
 Parma, Clypeo, Scuto, Pelta, Ancile.
 Phaleris.
 Primpilo.
 Ptolemacis, Aegypti regibus.
 Sacro, Sacrosancto, Sancto, & Religioso.
 Sabina gente.
 Sestertijs.
 Signo, & Statua.
 Subsellis.
 Tibijs.
 Toga Romanorum.
 Trabea.
 Tunica Romana.



I
De Reatina urbe, agroque,
Sabinaq. gente,

AD · M · ANTONIVM
AMVLIVM
CARDINALEM ·



SAEPE audio de parente meo,
cum dicat se tibi debere plu-
rimum, non eo tantum nomi-
ne, quod ad exornandam,
augendamq. uirtutem, quam
deformauit magna ex parte,
atque imminuit temporum iniquitas, assidue to-
tus incumbis; uerum etiam, quod ipsum praeci-
pua quadam humanitate sis cōplexus, officiisq.
quotidie, quibus potes, (potes autem plurimis)
ita tuearis, ut sibi maximum in patrocínio tuo
praesidium, atque ornamentum esse constitutum
intelligat. et, quoniam tua in illū merita ad me
quoque pertinent; fouet enim simul, atque alit
& patris industriam, & studia mea benignitas
tua ideo decreni ex ijs studijs, quae a te silen-
ti uideo, si quos fructus percipiam, eos ad te,
tamquam tibi debitos, mittere: qui si neque
uberes, neque suam assecuti maturitatem uide-
buntur;

2 De Reat. urbe, agroque,

buntur; peto a te, ne mihi uitio uertas, ne ue
hoc meum praeproperum officium condemnes,
uerum nimia quadam indicandae tibi singularis
obseruantiae nostrae cupiditate excuses. nihil
exiguum uideri potest, cum optima uoluntate
coniunctum: & quam aetas mihi nunc facul-
tatem negat, dies asseret, ut spero: labori enim,
& operae non parcam, ut in tuis laudibus prae-
dicandis quod onus praesentes ingenij mei uires
non ferrent, aliquando mihi satisfaciam. Inte-
rim ad te mitto Reatinae urbis, agrique, Sabi-
naeq. gentis descriptionem. quae ideo collegi, ut,
quoniam, creatus eius Ciuitatis Episcopus, ad
curam tui muneris aliquando accedere cogita-
res, quod Reatini omnes, eximia tuarum uirtu-
tum fama commoti, uehementer exoptant, ad
summum tuum in illam Ciuitatem studium, si
fieri posset, aliquid adderes; cum eam & uetusta
te, & multis rebus admodum insignem cogno-
sceres. Ac primum de Sabinorum regione sic
Strabo Geographiae lib. V. Ἀρέχουσι πρὸς τὰ Ἀπέν-
νινα ὄρη, τὰ πλησιάζοντα τῇ Ἀδρίᾳ, πρῶτοι μὲν
Ομβρικοὶ, μετὰ δὲ τούτους Σαβῖνοι, τελευταῖοι δ'
οἱ τὴν Λατίνω ἔχοντες. & paullo post: Ἡ Σα-
βῖνη μεταξὺ τῆς Λατίνων καὶ τῆς Ομβρικών.
ἐκτείνεται δὲ καὶ αὐτὴ πρὸς τὰ Σαμνητικὰ ὄρη,
καὶ μᾶλλον σωάπλει τοῖς Ἀπεννίνοις, τοῖς καὶ Ουεσί-
νους τέ, καὶ Πηλίγνους, καὶ Μέρσους. & infra: Σα-
βῖνοι

ὧν οἱ γενὴν οἰκοῦσι χώραν, ὅπῃ μῆκος ὃ δὴ κούσαι· καὶ
 χιλίων σαδίων ἀπὸ τοῦ Τιβερέος, καὶ Νωμέντου πολί-
 χνης, μέχρις Ουεσίνων πόλεις δ' ἔχουσιν ὀλίγας, καὶ τε
 ταπεινωμένας, διὰ τοὺς συνεχεῖς πολέμους, Ἀμίτερνον,
 καὶ Ρεάτω πλησιάζει κώμη Ἰντεροκρέα, καὶ τὰ ἐν Κου-
 τιλίαις ψυχρὰ ὕδατα, ἀφ' ὧν καὶ πίνουσι, καὶ ἔγκα-
 θίζοντες θεραπεύουσι νόσους. Σαβίνων δ' εἰσὶ καὶ
 οἱ Φόρουλοι, πέτραι πρὸς ἀπόσασιν μᾶλλον, ἢ κα-
 τοικίαν, εὐφυεῖς. Κύρεις δ' νυνὶ μὲν κώμιόν ἐστιν, καὶ
 ὃ πόλις ἐπίσημος, ἐξ ἧς ὠρμήλυτο εἰς τῆς Ρώμης βασι-
 λεύσαντες, Τίτος Τάτιος, καὶ Νουμᾶς Πομπήλιος. ἐν-
 τεῦθεν δὲ καὶ Κυρίτας ὀνομάζουσιν οἱ δημηγοροῦντες
 τὲς Ρωμαῖες. Τριβέρα τὲ, καὶ Ἡρητον, καὶ ἄλλαι κα-
 τοικίαι τοιαῦται κώμαι μᾶλλον, ἢ πόλεις, ἐξ ἑταίροι τ'
 αὐτῶν. ἅπαντα δ' αὐτῶν ἢ γῆ διαφερόντως ἐλαϊόφυτος
 ἐστὶ, καὶ ἀμπελόφυτος, βάλανόι τε ἐκφέρει πολλὴν σπε-
 δαία δὲ καὶ βοσκήμασι τοῖς τε ἄλλοις, καὶ δὴ καὶ ἑρμιό-
 νων γένους καὶ Ρεατίνων διωνόμασαι θαυμασῶς. ἐστὶ δὲ
 καὶ παλαιότατον γένος οἱ Σαβίνοι, καὶ αὐτόχθονες. τέ-
 των δ' ἄποικοι Πικεντινοὶ τὲ, καὶ Σαμνῖται. τὴν δ' ἀρ-
 χαίότητα τεκμήριον ἅν τις ποιησάτω ἀνδρείας, καὶ τῆς
 ἄλλης ἀρετῆς, ἀφ' ἧς ἀντέσχον μέχρι πρὸς τοῦ παρόν-
 τοι χρόνον. φησὶ δ' ὁ συγγραφεὺς Φάβιος, Ρωμαῖες αἰδέ-
 σθαι τὴν πλῆθυσιν τότε πρῶτον, ὅτε τῶν ἔθνους τέτε κατέ-
 σθησαν κύριοι. ἔσφρωται δὲ δι' αὐτῶν, ἢ τε Σαλαρία ὁδός,
 καὶ πολλὰ ὅσα, εἰς τὴν καὶ ἢ Νωμέντάνη συμπίπτει, κα-
 τὰ Ἡρητὸν, τῆς Σαβίνης κώμην, ὑπὲρ τοῦ Τιβερέος κει-
 μένη, ὑπὲρ τῆς αὐτῆς πόλεως ἀρχομένη τῆς Κολλινῆς.

4 De Reat. urbe, agroque,

Interocrea uero, cuius a Strabone mentio fit, opidum fuit, non longe a Reate, ut ex Antonini Itinerario cognoscitur: licet in omnibus libris impressis, etiam in illo, quem proauus meus, Andreas Asulanus, edidit, mendose legatur, Interocrio. Virgilius quoque, cuius uersus apponam, lib. vii. nominat Amiternum, Heretum, Mutuescas, Nomentum, Casperiam, Forulos, Roseam agrum, Velinum lacum, Tetricum, & Seuerum montes, flumen Himellam: quo loco & uetustatem gentis indicat.

*Ecce Sabinorum prisco de sanguine magnum
Agmen agens Clausus, magniq. ipse agminis instar,*

*Claudia nunc a quo diffunditur & tribus,
& gens,*

Per Latium, postquam in partem data Roma Sabinis

Vna ingens Amiterna cohors, prisici. Quirites,

Hereti manus omnis, oliuiferaeq. Mutuescae,

Qui Nomentum urbē, qui Rosea rura Velini,

Qui Tetricae horrentes rupes, montemq.

Seuerum,

Casperiamq. colunt, Forulosq. & flumen Himellae.

*Probitatis uero fama ita Sabini homines florere, ut eis omnia tuto committi posse uiderentur.
itaque*

itaque Cicero in quadam ad Trebonium epistola
ita scripsit: Oratorem meum Sabino tuo com-
mendaui . natio me hominis impulit , ut ei re-
cte putarem . nisi forte , candidatorum licentia
hic quoque usus , hoc subito cognomen arripuit .
etsi modestus eius uultus , sermoq. constans ha-
bere quiddam a Curibus uidebatur . Nimirum et
Virgilius ad integritatem spectauit , cum dixit
lib. IIX . Curibusq. seueris . Et Statius Silu-
lib. IV . Curibusq. uetustis . Et Horatius rigi-
dos Sabinos ; Ouidius tetricas Sabinas uocauit ,
& alio loco incultas : quod est indicium pudici-
tiae . coluntur enim eae , quae placere cupiunt .
qua de re sic Horatius Epodon ode II .

Quod si pudica mulier in partem inuet

Domum , atque dulces liberos ,

Sabina qualis , aut perusta solibus

Pernicis uxor Apuli .

Et Iuuenalis Sat . x .

- Sanctos licet horrida mores

Tradiderit domus , ac ueteres imitata Sabinas .

Item Martialis lib. I .

Castane antiquis cedens Laeuina Sabinis ,

Et quamuis tetrico tristior ipsa uiro . &c .

Quid religio ? ubi culta diligentius ? de quo Pli-
nius : Sabini , inquit , ut quidam existimauere , a
religione & cultu deorum , Seuini appellati , Ve-
linos accolunt lacus , rosidis collibus : Nam am-

6 De Reat. urbe, agroque,

nis exhaurit illos sulfureis aquis, Tiberim ex
his petens replet, e monte Fiscello labens, iuxta
Vacunae nemora, & Reate in eosdem conditus.
respiciens ad illud Virgilij lib. v i i.

- audijt amnis

Sulfurea Nar albus aqua, fontesq. Velini.
In quo illud Ennij Virgilius est imitatus, vi.
Annalium, apud Priscianum lib. x
Sulfureas posuit spiramina Naris ad undas.

Plinius autem, cum dixit, Quidam ex-
stimauere, Varronem uidetur indicare: quod ex
Festo cognoscitur. quamquam originem nominis
alio retulit Porcius Cato, ut ait Dionysius Ha-
licarnassens lib. 2. in quo haec sunt: Scripsit Ca-
to, Sabinorum gentem esse nominatam a Sabi-
no, filio Sangi, dei gentilis, qui & Pistius di-
ctus est. Linius autem Sabinis optimam discipli-
nam tribuit: ait enim de Numa: Suapte ingenio
temperatum animū uirtutibus fuisse opinor ma-
gis, instructumq. non tam peregrinis artibus,
quam disciplina tetrica, ac tristi ueterum Sabi-
norum: quo genere nullum quondam incorrupti-
us fuit. Ad hanc laudem accessit militiae gloria.
itaque Virgilius de Italia sic, lib. 2. Ge.

Haec genus acre uirū, Marsos, pubēq. Sabellā
Extulit -

Cicero etiam in oratione pro Ligario: Sabini,
inquit, fortissimi uiri, Caesari probatissimi, to-
tusq.

tusq. ager Sabinus, flos Italiae, robur reip. Et
a Livio acerrima Sabinorum cum Romanis bel-
la, uaria fortuna, exponuntur. Nunc de Rea-
tina urbe: quam ab Herculis comite conditam
esse, opinio fuit: & Suetonius in Vespasiano,
Mediocritatem, ait, pristinam neque dissimula-
uit umquam, ac frequenter etiam praefetulit.
quin & conantes quosdam originem Flauij ge-
neris ad conditores Reatinos, comitemq. Her-
culis, cuius monumentum exstat uia Salaria, re-
ferre, irrisit ultro. id confirmat uetus inscriptio,
quae est in templo D. Mariae, Reate

L O C
C V L T O R V M
HERCVLIS RESP
SVB. QVADRIGA
IN. FR. P. XXX
IN. AGRO. P. XXV
HVIC LOCO
Q. OCTAVIVS. COMMVN
T. FVNDILIVS. QVARTIO
IN. FR. P. XIIII
IN. AGRO. P. XXV
DONAVERVNT

1 4 Et

8 De Reat. urbe, agroque,

Et hi uersus, qui sunt in eiusdem urbis foro.

S A N C T E

DE . DECUMA . VICTOR . TIBEI . LVCIVS
 MVNIVS . DONVM
 MORIBVS . ANTIQVEIS . PRO . VSVRA
 HOC . DARE . SE SE
 VISVM . ANIMO . SVO . PERFECIT . TVA
 PACE . ROGANS . TE
 COGENDEI . DISSOLVENDEI . TV
 VT . FACILIA . FAXSEIS
 PERFICIAS . DECVMAM . VT . FACIAT
 VERA E . RATIONIS
 PROQVE . HOC . ACQVE . ALIEIS . DONIS
 DES . DIGNA . MERENTI

HVNC autem deum Martianus libro secundo Nuptiarum appellat Sancum, his uerbis: Ex duodecima Sancus tantummodo aduocatur. Lactantius uero lib. 1. cap. 15. Priuatim, inquit, singuli populi gentis, aut urbis conditores, seu uiri fortitudine insignes erant, seu feminae castitate mirabiles, summa ueneratione coluerunt; ut Aegyptij Isidem, Mauri Iubam, Macedones Cabyrium, Poeni Vranum, Latini Faunum, Sabini Sancum, Romani Quirinum, Athenae Mineruam, Samos Iunonem, Paphos Venerem, Lemnos Vulcanum, Naxos Liberum, Apollinem Delphi. Et Festus: Proteruiam fit sacrificium

cium quod est proficiscendi gratia, Herculi, aut
Sanco, qui scilicet idem est deus. De eodem sic
Ovidius lib. VI. Fast.

Quaerebam, nonas Sancto, Fidio ue referrem,
An tibi, Semipater: tunc mihi Sanctus ait:
Cuicumque ex istis dederis, ego numen habebo:

Nomina terna fero: sic uoluere Cures.
Hunc igitur ueteres donarunt aede Sabini,
Inq. Quirinali constituere iugo.

Et Varro de sermone Lat. lib. IV. Aelius Gallus,
Dius Fidius, dicebat, Dijouis filius, ut Graeci
Διόσκουρον Castorem: & putabant hunc esse San-
ctum ab Sabina lingua, & Herculem ab Graeca.
Et Propertius eum pro Hercule agnoscit, cū ait:

Sancte pater, salue, cui iam fauet aspera Iuno.
Et Silius lib. IIX.

Ibant, & laeti pars Sanctum uoce canebant
Auctorem gentis: pars laudes ore ferebant,
Sabe, tuas, qui de patrio cognomine primus
Dixisti populos magna ditione Sabinos.

Et Plutarchus in Caussis, in Sancti templo sta-
tuam ait ex aere positam C. Caeciliae, coniugis
unius ex Tarquinij liberis. Et Dionysius lib. IV.
eius iurisiurandi, quod inter Tarquinius, & Sa-
binos factum est, monumentum ait Romae posi-
tum in templo Iouis Pistij, quem Romani San-
ctum uocabant. D. Augustinus alio nomine ap-
pellat, si modo locus mendo uacat. ait enim lib.

10 De Reat. urbe, agroque,

XIIX. de Ciuit. Dei, cap. 19. Sabini regem
suum primum Xanthum, uel, ut aliqui appel-
lant, Xanthium, retulerunt in deos.

De eodem mentio in lapide, qui est in domo Ga-
brielis.

PATRĪ. REATINO. SACR
OB. HONOREEM. AVGVSTOR
VI. VIRI. AVGVST
T. BETVINVS. FELIX
:LICINIVS. SVCCESSVS
:POMPONIVS. MODERATVS
ET. TIVS. MODERATVS
:VS. HERMEROS
:VS. ACHORISTVS
L. D. D. D

Nomen suum Reatina urbs uidetur sumpsisse a
Rhea Dea, idest Cybele; cui etiam dicatam fuis-
se, ostendit Silius lib. IIX. in illo uersu:

- Magnaeq. Reate dicatum

Caelicolum matri.

Rheam uero Cybelem fuisse, & scriptor antiquus
Cornutus, & Suidas perspicue demonstrant.

Nobilitatur & Vespasiano imperatore urbs Rea-
te, in qua natus est: ait enim Suetonius: Natus
est in Sabinis, ultra Reate, uico modico, cui no-

men

Sabinaq. gente.

II

men est Phalacrine, xv. Kal. Dec. uesteri. Et
infra: Cutilias, ac Reatina rura, ubi aestiuare
quotannis solebat, petijt. hic exstinctus est ix.
Kal. Iulij, annum agens aetatis sexagesimum,
ac nonum, superq. mensem, ac diem septimum.
Accedunt lapidum antiquorum testimonia.

Ad D. Petri.

C. CARANTIO

VOLTINIA

VERECVNDIO

VIENNAE. VETERANO

CHO. VII. PR. DEDVCTO
AB. DIVO. VESP. REATE. TI
CARANTIO. PHOEBIO. ET
CARANTIAE. EPAENFIENI
LIB. POSTERISQ. SVIS
IN. AGRO. P. VI. IN. B. P. V

Es

12 De Reat. urbe, agroque,

Et ad D. Mauri.

D I S . M .

C . C O M I N I O . C
V E T E R A N O . M I
P R . M A R T I A L I S . M I
D E D V C T V S . R E A T E . A . D I V O
V E S P A S I A N O . V I X . A
C . C O M I N I V S . C
S E C V N D I N V S . P A T R I . B E N E M E R E N
C . C O M I N I A . C . L . F . C

Item in aedibus Petri Siluerij.

D I S . M A N I B V S

C . I V L I O . C . F .

L O N G I N O

D O M O . V O L T I N I A

P H I L I P P I S . M A C E D O
N I A . V E T E R A N V S
L E G . V I I I . A V G . D E D V C T V S
A B . D I V O . A V G V S T O
V E S P A S I A N O . Q V I R I N

R E A T E

S E . V I V O . F E C I T

S I B I

E T . I V L I A E . C . L I B E R T
H E L P I D I . C O N I V G I . S V A E
E T . C . I V L I O . C . L I B E R T . F E L I C I
E T . P O S T E R I S Q . S V I S . F E C
E T . C . I V L I O . C . L . D E C A M B R O
E T . I V L I A E . C . L . V E N E R I A E
E T . C . I V L I O . C . L . P R O S D O X O

Neque solum Vespasiano imperatore, sed Numma etiam Pompilio, qui, Curibus accersitus, Romae secundus regnavit, iure Sabini gloriantur: de quo Virgilius lib. vi.

-Primus qui legibus urbem
Fundabit, Curibus parvis, & paupere terra
Missus in imperium magnum-

Varro autem de sermone Lat. lib. iv. Quartae, inquit, regionis Palatium, quod palantes cum Euandro uenerunt; aut quod Palatini, qui & Aborigines, ex agro Reatino, qui appellatur Palatium, ibi consederunt. cuius rei apud Dionysium quoque Halicarnasensem lib. i. mentio fit. Solinus uero, Palatium, inquit, nemo dubitavit, quin Arcades habeat auctores: a quibus primum Palanteum opidum constitutum; quod aliquandiu Aborigines habitauerunt, & propter incommodum uicinae paludis, quam praeterfluens Tiberis fecerat, profecti Reate, postmodum reliquerunt.

Reatina ciuitas in media fere Italia sita est. qua de re Plinius lib. iii. cap. 12. In agro, inquit, Reatino Catiliae lacum, in quo fluctuet insula, Italiae umbilicum esse, M. Varro tradit. Et Solinus cap. 7. Umbilicum, ut Varro tradit, in agro Reatino habet Italia. qua in sententia uidetur Virgilius fuisse, cum ait lib. vii.

Est locus Italiae in medio, sub montibus altis
Nobilis,

14 De Reat. urbe, agroque,

Nobilis, & fama multis memoratus in oris,
 Amsancti ualles. densis hunc frondibus atrum
 Urget utrimq. latus nemoris, medioq. fragosus
 Dat sonitum saxi, & toto uertice torrens.
 Nunc agri Reatini admiranda persequamur.
 Varro lib. IV. de sermone Lat. A fontibus, &
 fluminibus, & ceteris aquis, dei, ut Tiberinus
 a Tiberi, & ab lacu Velino Velinia, & nym-
 phae Commotiae ad lacum Cutiliensem, a com-
 motu, quod ibi insula in aqua commouetur. Pli-
 nius lib. III. cap. 12. In agro Reatino Cutiliae
 lacum, in quo fluctuet insula, Italiae umbili-
 cum esse, M. Varro tradit. Et lib. 2. cap. 94
 Quaedam terrae ad ingressus tremunt, sicut in
 Gabiensi agro, non procul urbe Roma, iugera fer-
 me ducenta equitantium cursu; similiter in Rea-
 tino. Et eodem libro, capite sequenti: Quaedam
 insulae semper fluctuant, sicut in agro Caecubo,
 & eodem Reatino, Mutiensi, Statoniensi. in Va-
 dimonis lacu, & ad Cutilias aquas opaca silua,
 quae numquam die, ac noctu eodem loco uisitur.
 Et ibidem, cap. 103. In Ciconum flumine, &
 in Piceno, lacu Velino lignum deiectum, lapi-
 deo cortice obducitur. Ibidem, paullo post: In
 exitu paludis Reatinae saxum crescit. Et ibi-
 dem: In Reatino fons Neminae appellatus,
 alio atque alio loco exoritur, annonae mutatio-
 nem significans. Et lib. XXXI. cap. 2 Cicero,
 inquit,

inquit, in Admirandis posuit, Reatinis tantum paludibus ungulas iumentorum indurari. quem Ciceronis locum cum significaret Isidorus, Etymologiarum lib. XIII. cap. 13. haec ait: Reatinis paludibus iumentorum ungulas indurari, dicunt. Cutilijs aquis remedium tribuit Plinius lib. XXXI. cap. 2. ad medicinam stomachi, neruorum, uniuersi denique corporis, his uerbis: Cutiliae, in Sabinis gelidissimae, suctu quodam corpora innadunt, ut prope morsus uideri possit, aptissimae stomacho, neruis, uniuerso corpori. Et eodem libro, cap. 6. Bituminata, aut nitrosa, qualis Cutilia, utilis est bibendo, atque purgationibus. Et Celsus lib. IV. cap. 5. Consistere in frigidis, medicatisq. fontibus, quales Cutiliarum, Symbruinarumq. sunt, salutare est. Quo in loco male quidam, Subcutiliarum; cum de Symbruinis mentiosit apud Tacitum lib. XI. & XIV. Et Vitruuius lib. IIX. cap. 3. Est, inquit, aquae frigidae genus nitrosum, uti Pinnae, Vestinae Cutilijs, alijsq. locis similibus, quod potionibus depurgat, per aluumq. transeundo etiam Strenarum minuit tumores. Dionysius autem Halicarnassensis illustrem, ac nobilem urbem appellat Cutiliam lib. I. quo loco & de lacu, & de insula mobili mentionem facit his uerbis: Ἀπὸ δὲ σαδίων ἐβδόμηκοντα Ρεάτε Κοτυλία, πόλις ἐπιφανής, πρὸς ὅρει κειμένη, ἧς ἐστὶν ἡ πρόσω λίμνη λεγόμενη τάρων

τάρων πλέθρων ἔχουσα τὴν διάσασιν, αὐθιγενὲς πλή-
 ρης νάματος ἀπὸ ῥέοντος αἰῶ, βάθος, ὡς λέγεται, ἄβυσ-
 σος· ταύτην ἔχουσάντι θεοπρεπὲς, ἱερὰν τῆς νίκης οἱ
 ἐπιχώριοι νομίζουσι, καὶ περιείρξαντες κύκλω σέμμα-
 σιν, τῇ μηδένα τῶ νάματι πελάξιν, ἄβατον φυλάσσε-
 σιν, ὅτι μὴ καιρῶις τισι διετησίοις ἐν οἷς ἱερὰ θύουσιν,
 ἃ νόμος ἐπιβαίνοντες τῆς ἐν αὐτῇ νησίδος, οἷς ὅσιον· ἡ
 δὲ νῆσός ἐστι μὲν ὥσπερ ἀνὰ πεντήκοντα ποδῶν τὴν διά-
 μετρον, ὑπερανέστηκε δὲ τῷ νάματι, ὃ πλεῖον ἢ πω-
 δῖα ὦν ὑψὺς ἀνίδρυτος δ' ἐστὶ, καὶ φεινέκεται πωλα-
 χῇ, δινοῦντος αὐτὴν ἄλλοτε κατ' ἄλλας τόπους τῷ
 πνέματι. χλόη δὲ τις ἐν αὐτῇ φύεται βετόμῳ πρῶ-
 σεμφερῆς, καὶ θάμνοι τινὲς ἔμεγάλοι πρᾶγμα κρεῖτ-
 τον λόγῳ τοῖς ἀθεάτοις ὧν ἡ φύσις δρᾷ, καὶ θαυμά-
 των ὁδὸν δόξεν. Idem lib. 2. sic: Κάτων δὲ Πόρ-
 κῖος τὸ μὲν ὄνομα τῶ Σαβίνων ἔθνεϊ τεθῆναι φησιν ἐπὶ
 Σαβίνῳ τῷ Σάμῳ, δαίμονος ἐπιχώριου. τότε δὲ τὸν
 Σάμον ὑπὸ τινῶν Πίσειον καλεῖσθαι Δία. πρῶτην δ'
 αὐτῶν οἰκιστὴν ἀποφαίνει γειῖάσαι κόμην τινα καλεμέ-
 νην τεσρίναν, ἀγχι πόλεως Ἀμῖτέρνης κειμένην, ἐξ ἧς
 ὀρμηθέντας τοὺς Σαβίνους εἰς τὴν Ρεατίνην ἐμβαλεῖν,
 Ἀβοριγίνων ἅμα κατοικοῦντων, καὶ πόλιν αὐτῶν τὴν
 ἐπιφανεστάτην Κοτυλίαν πολέμῳ χειρωσάμενος κατα-
 σχεῖν. ἐκ δὲ τῆς Ρεατίνης ἀποικίας ἀποσείλαντας ἄλ-
 λας τὲ πόλεις κτίσαι πολλὰς, ἐν αἷς οἰκεῖν ἀτειχέσας,
 καὶ δὴ, καὶ τὰς προσαγορευόμενας Κυρεῖς. χώραν δὲ
 κατασχεῖν τῆς μὲν Ἀδριανῆς θαλάττης ἀπέχουσαν ἀμ-
 φι τὸς ὀγδοήκοντα, καὶ δῖακοσίους σταδίους, τῆς δὲ Τυρ-
 ρηνικῆς

ῥήνικῃς τετράκοντα πρὸς Δία κοσίοις , μῆκος δὲ αὐτῇ εἶναι φησιν ὀλίγον μείον χιλίων σταδίων. Macrobius etiam Saturnaliorum lib. 1. Pelasgi, inquit, ut Varro memorat, cum, sedibus suis pulsī, diuersas terras petissent, confluxerunt plerique Dodonam; & incerti, quibus adhaererent locis, eiusmodi accipere responsum:

Στίχεται μαϊόμενοι Σικελῶν Σατύριον αἶαν
 Ἡ δ' Ἀβοριγενέων Κοτύλην. οὐ νᾶτος ὄχεϊται
 Οἷς ἀναμιχθέντες δεκάτην ἐκπέμψατε Φοῖβον
 Καὶ κεφαλὰς Ἀδῆ, καὶ τῷ πατρὶ πέμπετε φῶτα.

Acceptaq. sorte, cum Latium post errores plurimos appulissent, in lacu Cutiliensi enatam insulam deprehenderunt. amplissimus enim cespes, siue ille continens limus, seu paludis fuit, coacta compage, uirgultis & arboribus in siluae licentiam comptus, iactantibus per omne mare fluctibus uagabatur, ut fides ex hoc etiam Delo facta sit, quae celsa montibus, uasta campis, tamen per maria migrabat. Hoc igitur miraculo deprehenso, has ibi sedes praedictas esse didicerunt; uastatisq. Cutiliensibus incolis, occupare regionem, decima praedae, secundum responsum, Apollini consecrata, erectis Diti sacello, & Saturno ara: cuius festum Saturnalia nominauerunt.

Linus Cutilias inter Reate, & Amiternum
 B consli-

18 De Reat. urbe, agroque,

constituit, lib. xxvi. Coelius, inquit, Romam euntem ab Hereto diuertisse eo Hannibalem tradit; iterq. eius ab Reate, Cutilijsque, & ab Amiterno orditur: ex Campania in Samnium, inde in Paelignos pervenisse.

Agri quoque amoenitas ita celebrata est apud ueteres, ut eam Thessalicis tempe comparaerint. itaque Cicero dixit ad Atticum ep. 15. lib. 1v. Reatini me ad sua τέμνη duxerunt, ut agerem causam contra Interamnates apud consulem, & decem legatos quod lacus Velinus, a Man. Curio emissus, interciso monte, in Nar defluit; ex quo est illa siccata, & humida tamen modice Rosia. uixi cum Axio: qui etiam me ad Septem aquas duxit. Eadem de re sic Varro de re rust. lib. 111. cap. 2. Comitij aedilicij cum sole caldo ego, atque Axius senator tribulis suffragium tulissemus, & candidato, cui studebamus, uellemus esse praeflo, cum domum rediret, Axius mihi, Dum dirimuntur, inquit, suffragia, uis potius uillae publicae utamur umbra, quam priuati candidati tabella, dum ita aedificemus nobis? Opinor, inquam, non solum, quod dicitur, Malum consilium consultori esse pessimum, sed etiam, Bonum consilium, qui consulit & qui consulitur, bonum habendum. itaque imus, uenimus in uillam. ibi Ap. Claudium augurem sedentem inuenimus in subsellijs, ut consuli,

suli, si quid usus poposcisset, esset praesto. sedebat ad sinistram eius Cornelius Merula, consulari familia ortus, & Fircellius Pavo Reatinus, ad dexteram Minucius Pica, & M. Caetronius Passer. (sic enim lego, non, Petronius, ex antiquo lapide, qui est, Rome ad aquam Virg. in hortis, olim Car. Vall. cuius in extrema epistola sequitur exemplum) ad quem cum accessissemus, Axius Appio, subridens, Recipis nos, inquit, in tuum o'nithona, ubi sedes inter aues? Ille, Ego, inquit, te praesertim, cuius aues hospita-les etiam nunc ructor, quas mihi apposuisti, paucis ante diebus in villa Reatina, ad lacum Velini eunti, de controuersis Interamnatum, & Reatinorum cognituro. sed non haec, inquit, uilla, quamquam aedificarint maiores nostri, frugalior, & melior est, quam tua illa perpolita in Reatino? Et Tacitus in primo Annalium sic: Nec Reatini silebant, Velinum lacum, qua in Narem effunditur, obstrui recusantes: quippe in adiacentia erupturum. Addam & Virgilij testimonium de lacu Velino. is enim sic lib. VII.

Qui Nomentū urbem, qui Rosca rura Velini.
Quo loco Seruius, Velinus, inquit, lacus est circa Reate, iuxta agrum, qui Rosulanus uocatur. Varro tamen dicit, lacum hunc a quodam consule in Naran, uel Naren fluuium (nam utrumque dicitur) esse diffusum: post quod tanta est ea

loca secuta fertilitas, ut etiam perticae longitudinem altitudo superarit herbarum: quin etiam, quantum per diem demptum esset tantum per noctes crescebat: quod Virgilius ad suam provinciam transtulit, dicens:

Et quantum longis carpent armenta diebus,
Exigua tantum gelidus ros nocte reponet.

Quem locum explicans idem Servius, Vbertas, inquit, fuit in Rosulano agro, postquam Velinus siccatus est lacus, ut longam perticam magnitudo superaret herbarum. Columella lib. IIX. cap. 16. Velinus lacus lupos, auratasque habet. In eodem lacu dixit Plinius lib. 2. cap. 62. nullo non die apparere arcus. Et lib. XXXI. cap. 2. in Velino lacu potantes calculo sanari. De fertilitate, etsi iam recitata Servij verba non obscure indicant, subiungere tamen placuit quae scripta sunt apud Plinium lib. XV. cap. 4. Caesar Vopiscus, cum caussam apud censores ageret, campos Rosae dixit Italiae sumen esse, in quibus perticas, pridie relictas, gramen operiret. Quae verba sumpsit Plinius a Varrone; qui lib. 1. de re rust. Caesar ait, Vopiscus, aedilicius, caussam cum ageret apud censores, campos Rosae Italiae dixit esse sumen, in quo relictas pertica postridie non appareret, propter herbam. Festus, Rosae, inquit, in campo Reatino campus appellatur, quod in eo arua rore humida semper seruntur.

*seruntur . Eandem Sabini agri amoenitatem no-
tat Horatius Carm. lib. I. Od. IX. his uersibus:*

Vides , ut alta stet niue candidum

Soraete , nec iam sustineant onus

Siluae laborantes , geluque

Flumina constiterint acuto .

Dissolue frigus , ligna super foco

Large reponens : atque benignius

Deprome quadrimum Sabina

O Taliarche merum dyota .

Item Od. XVII. eiusdem libri:

Velox amoenum saepe Lucretilem

Mutat Lycae Faunus , & igneam

Defendit aestatem capellis

Vsque meis , pluuiosq. uentos

Impune tutum per nemus arbutos

Quaerunt latentes , & thyma deuiae

Olenteis uxores mariti,

Nec uirides metuunt colubros :

Nec Martiales haedilia lupos

Vtcumque dolci , Tyndari , fistula

Valles , & Vsticae cubantis

Laeuia personuere saxa .

Dij me tuentur : Dijs pietas mea,

Et Musa cordi est . hinc tibi copia

Manabit ad plenum benigno

Ruris honorum opulenta cornu .

Hic in reducta ualle Caniculae

22 De Reat. urbe, agroque,

Vitabis aestus, & fide Teia

Dices laboranteis in uno

Penelopen, uitreamq. Circen.

Hic innocentis pocula Lesbij

Duces sub umbra, nec Semeleius

Cum Marte confundet Thyoneus

Proelia, nec metues proteruum

Suspecta Cyrum: ne male dispari

Incontinentes inijciat manus,

Et scindat haerentem coronam

Crinibus? immeritamq. uestem?

Et eodem libro, Od. x x. ad Maecenatem:

Vile potabis modicis Sabinum

Cantharis -

Item Carm. lib. 2. Od. x i i x.

- nihil supra

Deos laceffo, nec potentem amicum

Largiora flagito,

Satis beatus unicis Sabinis

Item Carm. lib. 3. Od. x i i i.

O fons Blandusiae, splendidior uitro,

Dulci digne mero, non sine floribus

Cras donaberis haedo,

Cui frons turgida cornibus

Primis & Venerem, & proelia destinat

Frustra: nam gelidos inficiet tibi

Rubro sanguine riuos

Lasciui soboles gregis.

Te

Te flagrantis atrox hora Caniculae
 Nescit tangere : tu frigus amabile
 Fessis uomere tauris
 Praebes , & pecori uago.
 Fies nobilium tu quoque fontium
 Me dicente cauis impositam ilicem
 Saxi , unde loquaces
 Lymphae desiliunt tuae.

De cochleis Reatinis sic Varro de re rust. lib. III. cap. 14. Genera cochlearum sunt plura , ut minutae albulae , quae afferuntur e Reatino , & maximae , quae de Illyrico apportantur , & mediocres , quae ex Africa afferuntur .

Haec uero de asinis Reatinis mirabilia . Apud Varronem de re rust. lib. 2. cap. 6. Murrius , Ego , inquit , de asinis potissimum dicam , quod sum Reatinus , ubi optimi , & maximi fiunt , e quo seminio ego hic procuravi pullos , & ipsis Arcadibus uendidi aliquoties . Igitur , asinorum gregem qui facere uult bonum , primum uidendum , ut mares , feminasq. bona aetate summat , utique , ut quamdiutissime fructum ferre possint firmos , omnibus partibus honestos , corpore amplo , seminio bono , ex ijs locis , unde optimi exeunt : quod faciunt Peloponnenses , cum potissimum eos ex Arcadia emebant , in Italia ex agro Reatino . Et eodem libro , cap. 8. Qui

B 4 non

non habent eum asinum, quem supposuerunt
 equae, & asinum admissarium habere uolunt,
 de asinis quemque amplissimum, & formosissi-
 mum, quem habere possunt, eligunt, quiq. se-
 minio natus sit bono, Arcadico, ut antiqui di-
 cebant; ut nos experti sumus, Reatino: ubi tri-
 cenis, ac quadragenis millibus HS admissarij ali-
 quot uenierunt. Idem Sexagesi, apud Nonium:
 An, si equam emissēs quadrupedem, ut meo asi-
 no Reatino admitteres, quantum poposcissem,
 dedisses equimentum? Strabo lib. v. Τὸν ἡμέτερον
 γένος ἔστιν Reativὸν διωνόμασθε Δαυμασῶς.

Et, quoniam erant in Italia coloniae, municipia,
 praefecturae, liberae ciuitates, neque erat omniū
 eadem administratio, sciendum est, Reate prae-
 fecturam fuisse. porro, quia praefectarum duo
 genera, ut ait Festus; Reate praefectura fuit ex
 illo genere, in quas ibant praefecti, a praetore
 urbano Roma missi. hinc illud Ciceronis in Cati-
 linam, oratione tertia: Ex praefectura Reatina
 complures dilectos adolescentes, quorum opera
 uitor assidue in reip. praesidio, cum gladijs mise-
 ram. Eiusdem praefecturae mentio lib. 2. de
 nat. de. Haec autē praefectura ius ferendi suffra-
 gij habebat. testis Velleius hist. lib. 1. Suffragij fe-
 rendi ius Sabinis datū. Item Valerius, lib. 1. cap.
 8. de Castoribus uisis bello Latino, & Persico, P.
 Vatinius nominat, Reatinae praefecturae uirū.

Haec

Sabinaq. gente. 25

*Haec de Reatinis tuis : quae tibi , licet humilia
uideri possint , (maiora enim postulat dignitas
tua) non tamen parum grata fore confidimus .
nam in tuis maximis uirtutibus maxime tamen
elucet humanitas . Romae , ∞ D LXIV . Kal.
Sext .*

Romae ,

in hortis olim Car. Vall. ad aquam Virg.

Q . CAETRONIVS

Q . F . PVB

PASSER

MIL . COH . IIII . PR . ANNIS . XVIII

MISSVS . DVOBVS . GEMINIS

SIBI . ET

MASVRIAE . M . F . MARCELLAE

VIXI . QVOD . VOLVI . SEMPER . BENE

PAVPER . HONESTE . FRAVDAMI

NVLLVM . QVOD . IVVAT . OSSA . MEA

IN . F . PXI . S . IN . AGR . P . XIII S .

II

De aquis, in urbem Romam
olim influentibus,

AD · IO · MORONVM CARDINALEM



Sed I. quae antiquorum monu-
menta sparsim apud scripto-
res scripta leguntur, IOAN-
NES · MORONE, Cardinalis
amplissime, in unum collecta
ob oculos posita essent : non
est dubitandum, maiorem, quam nunc habemus,
Antiquitati nos honorem habituros . Vel A-
quaeductuum cura quam Romanis cara, quam
in honore fuit ? Feci igitur libens, ut Aquas,
in Urbem Romam olim influentes, describerem:
in quo cum mihi ipsi placeam, qui de studiosis be-
ne merendi auitam consuetudinem imiter, est sa-
ne, cur alio nomine mihi magis placeam : quod
Tibi, tanto uiro, cuius tanta in nos merita exsi-
stunt, ut omnem spem gratiae referendae abijce-
re sim coactus, aliqua tamen ex parte gratum
faciam . Tu me hilari illo fronte, quo semel es
complexus, hilariter accipe . meq. in tuorum,
Tibiq. addictorum, numero primum locum obti-
nere

De aquis ueterib. in Urb. infl. 27

nere ne graueris. enitar quidem certe, ut me non indignum tanto honore iudices.

AB VRBE condita per annos CDXLI contenti fuerunt Romani usu aquarum, quas aut ex Tiberi, aut ex puteis, aut ex fontibus hauriebant. postea in Urbem influxere aquae, Appia, Anio uetus, Marcia, Tepula, Iulia, Virgo, Alsietina, quae eadem uocatur Augusta, Claudia, Anio nouus. APPIA, a censo-
re Appio Claudio Caeco, anno urbis CDXLII, in Urbem inducta, in agro Lucullano concipiebatur, uia Praenestina, inter milliarium sextum, & octauum, diuerticulo sinistrorsus passuum DCCXXC. Ductus eius habuit longitudinem a capite usque ad Salinas, qui locus est ad portam Trigeminam, passuum undecim millium CXC; subterraneo riuo passuum undecim millium CXXX; substructione, & supra terram opere arcuato proxime ad portam Capenam, passuum LX. ANIO VETUS concipiebatur supra Tibur uigesimo milliario. Ductus eius habuit longitudinem passuum XLII millium; riuo subterraneo passuum XLIII millium CCXCVII; substructione supra terram passuum DCCII. Distribui coeptus est uetus Anio uico Publicij ad portam Trigeminam, qui locus Salinae appellabatur, post annos XL, quam Appia perducta est,

est, anno ab urbe condita C D X X C I X.
 Man. Curius Dentatus censor, anno urbis C D-
 X X C I, Anienis, qui postea Vetus dictus est,
 aquam in Urbem perducendam ex manubijs de
 Pyrrho captis curauit. post annum nonum ex s.
 C. duumviri creati aquae perducendae, Curius
 idem, & Fuluius Flaccus. perduxit Flaccus,
 Curio mortuo intra quintum diem, quam erat
 duumvir creatus. Haec aqua, & Anienis quo-
 que Noui, minus permanebat limpida. nam su-
 mebatur ex flumine, ac saepe etiam sereno tur-
 babatur: quoniam Anio, quamuis purissimo
 defluens lacu, mobilibus tamen cedentibus ri-
 pīs, auferebat aliquid, quo turbaretur, prius
 quam deueniret in riuos. sed Anio Vetus, cum
 plerumque libra esset inferior, incommodum in-
 tra se tenebat. Nouus autem Anio uitiabat ce-
 teras aquas: nam, cum editissimus ueniret, &
 in primis abundans, aliquando defectioni alia-
 rum succurrebat. inquinabat igitur alias aquas,
 maximeq. Claudiam. sed Nerua imperator
 aquas omnes discernendas curauit: effecitque, ut
 Anio Vetus, quia minus salubris, in hortorum
 rigationem, & in ipsius urbis sordidiora exiret
 ministeria. Anienis quoque Noui uitia exclu-
 sit. omisso enim flumine, repeti ex lacu, qui est
 super uillam Neronianam Sublacensem, ubi lim-
 pidissima est, iussit. nam, cum oriretur Anio
 supra

supra Trebam angustam, seu quia per saxosos montes decurreret, paucis circa ipsum opidis obiacentibus cultis, seu quia lacus altitudine, in quo excipiebatur, uelut depuraretur, imminentium quoque nemorum opacitate inumbratus, frigidissimus simul ac splendidissimus perueniebat. Anno ab Urbe condita DCIX, cum Appiae, Anienisq. ductus, uetustate quassati, priuatorum etiam fraudibus interciperentur; datum est a senatu M. Titio praetori negotium eorum ductuum reficiendorum, & uindicandorum: &, quoniam incrementum urbis exigere uidebatur ampliore aquae modum, eidem mandatum, ut curaret quatenus alias aquas posset in urbem perduceret, & ampliores ductus faceret, reip. causa. a tertio milliario opera fabrorum duxit, cui ab auctore MARCIAE nomen fuit. perducta est anno urbis DCXIII in Capitolium, atque etiam in colles Coelium, & Auentinum. sed, postea quam Nero imperator Claudiam opere arcuato assumpsit, exceptam usque ad templum diui Claudii perduxit, ut inde distribueretur; Marcia, & Iulia, quae ipsa quoque in eos colles perducta fuerat, non ampliatae, sed amissae sunt. Nerva imperator, quia, quoties Claudia casu aliquo deficeret, fiebat, ut celeberrimi colles sitirent, plures aquas, in primisq. Marciam ijs restituit, eamq. ampliore opere a

re a Coelio in Auentinum usque perduxit. Huius aquae splendor a capite integer, nihil, aut minimum pluuiâ inquinabatur, si putei exstructi obiecti essent. sed, cum Nouus Anio editissimus ueniret, & in primis abundans aliarum aquarum defectioni aliquando succurreret; imperitia aquariorum, deducendum in alienos eum specus, frequentius, quam explemento opus erat, etiam sufficientes aquas inquinabat, maxime Claudiam; quae, per multa millia passuum proprio perducta riuo, Romae demum cum Aniene permixta, perdebat proprietatem, adeoque obuenientibus non succurrebat, ut pleraeque aquae accerserentur per imprudentiam, non uti dignum erat aquis parientium Marciam, ita ut ipsa, splendore & frigore gratissima, balneis, ac fullonicis, & relatu quoque foedis seruire ministerijs. omnes ergo discerni placuit, tum singulas ita ordinari, ut in primis Marcia potui tota seruiret, & deinceps reliquae, secundum suam quaeque qualitatem, aptis usibus assignarentur. Concipiebatur Marcia uia Valeria, ad miliarium XXXIII, atque sub Nerone principe primum strata ad miliarium XXXIX, finita sustructionibus, paene statim stagnino colore praeuiri. Ductus eius habebat longitudinem a capite ad urbem passuum LX milliū DCC, & semis, primum riuo subterraneo, deinde opere
supra

supra terram, tum opere arcuato, mox substructione, postremo rursus opere arcuato. De hac aqua Plinius lib. 31. cap. 3. a Frontino in eius auctore dissentiēs, haec tradit: Clarissima aquarū omniū in toto orbe, frigoris salubritatisq. palma praecio Urbis, Marcia est, inter reliqua deū munere Urbi tributa. Vocabatur haec quondā Aufeia, fons autem ipse Piconia. Oritur in ultimis montibus Paelignorum: transit Marsos, & Fucinum lacum, Romam non dubie petens. mox, specu mersa, in Tiburtina se aperit, 1 x mill. pass. fornicibus structis perducta. Primus eam in Urbem ducere auspiciatus est Ancus Marcius, unus e regibus, postea Q. Marcius Rex in praetura: rursusq. restituit M. Agrippa. Idem & Virginem adduxit ab osti lapidis diuerticulo 11 mill. pass. Praenestina uia. iuxta est Herculaneus riuus; quē refugiens, Virginis nomen obtinuit. Horū amnīū comparatione, differentia supradicta deprehenditur; cum, quantū Virgo tactu, tantū praestet Marcia haustu. quamquam utriusq. iampridem Urbi perijt uoluptas; ambitione, auaritiaq. in uillas ac suburbana detorquētibus publicā salutem. Idē lib. 36. cap. 15. Q. Marcius Rex, inquit, iussus a senatu aquarum Appiae, Anienis, Tepulae ductus reficere, nouam a nomine suo appellatā cuniculis per montes actis intra praeturae suae tempus adduxit. De hac aqua mentionem inuenimus in sequentibus inscriptionibus antiquis, quas hic placuit subscribere.

Romae, in Porta Esquilina, nunc D. Laurentij.

IMP. CAESAR. DIVI. IVLI. F. AVGVSTVS
PONTIFEX. MAXIMVS. COS. XII
TRIBVNIC. POTESTAT. XIX. IMP. XIII
RIVOS. AQUARVM. OMNIVM. REFECIT

IMP. CAES. M. AVRELIVS. ANTONINVS. PIVS. FELIX. AVG. PARTH. MAXIM
BRIT. MAXIMVS. PONTIFEX. MAXIMVS
AQUAM. MARCIAM. VARIIS. KASIBVS. IMPEDITAM. PVRGATO. FONTE. EXCISIS. ET. PERFORATIS
MONTIBVS. RESTITVTA. FORMA. ADVISITO. ETIAM. FONTE. NOVO. ANTONIANO
IN. SACRAM. VRBEM. SVAM. PERDVCENDAM. CVRAVIT

IMP. TITVS. CAESAR. DIVI. F. VESPASIANVS. AVG. PONTIF. MAX
TRIBVNICIAE. POTESTAT. IX. IMP. XV. CENS. COS. VII. DESIG. IX
RIVOM. AQUAE. MARCIAE. VETVSTATE. DILAPSVM. REFECIT
IT. AQUAM. QVAE. IN. V'GV'. ESSE. DESIERAT. REDVXIT

TEPVLA, ex agro Lucullano, quem quidam Tusculanum credidere, in Coelum collem, Auentinum, & Capitolium a censoribus Caepione, & Longino perducta, anno urbis DCXXVII. Huius aquae fontes nulli fuere: uenis quibusdam conflabat, quae interceptae sunt in Iulia: itaque caput eius obseruabatur a piscina Iuliae. Concipiebatur uia Latina, ad miliarium XI. inde riuo suo in urbem perducta, Iuliae post mixta. nam Agrippa anno urbis DCCXIX, ad miliarium XII, uia Latina, alterius aquae proprias uires collegit, & Tepulae riuum intercept: acquisitaeq. ab inuentore nomen IULIAE est datum; ita tamen diuisa erogatione, ut maneret Tepulae appellatio. Ductus Iuliae efficiebat longitudinem passuum XV millium CDXXVI, opere supra terram, substructione, opere arcuato. Idem Agrippa, annis XIII post Iuliam deductam, VIRGINEM, in agro quoque Lucullano collectam, Romam perduxit. dies, quo primum in urbem responderit, v iduum Iun. inuenitur. Virgo appellata, quod quaerentibus aquam militibus puella uirguncula quasdam uenas monstrauit; quas secuti, qui foderant, ingentem aquae modum inuenerunt. aedicula fonti apposita hanc uirginem pictura ostendit. Ali- ter Plinius lib. XXXI. cap. 3. Agrippa, inquit, Virginem adduxit ab octaui lapidis diuerticulo

C II. millium

34 De aquis ueterib. in Urb. infl.

11 millium passuum, Praenestina uia. iuxta est
 Herculanensiu; quem refugiens, Virginis
 nomen obtinuit. Aquarum duarum, Virgi-
 nis, & Marciae, comparatione, differentia de-
 prehenditur; cum, quantum Virgo tactu, tan-
 tum praestet Marcia haustu. Idē lib. xxxvi. cap.
 15. Agrippa in aedilitate sua, adiecta Virgine
 aqua, ceteris corriuatis, atque emendatis, lacus
 DCC fecit, praeterea salientes CV, castella C-
 xxx, complura etiam cultu magnifica. operi-
 bus ijs signa CCC aerea, aut marmorea impo-
 suit, columnas ex marmore CD: eaq. omnia an-
 nuo spatium. Concipiebatur autem Virgo uia Col-
 latia, ad milliarium octauum, palustribus lo-
 cis, Signino circumiecto continendarum scatu-
 riginum caussa. Adiunabatur ex compluribus
 alijs acquisitionibus: ideo mensura eius ad ca-
 put inueniri non potuit. Veniebat per longi-
 tudinem passuum XIV millium CV; riuo subter-
 raneo passuum XI millium DCCCLXV; supra
 terram passuum ∞ CCXL; substructione riuorū
 locis compluribus pass. DXL; opere arcuato pass.
 DCC. acquisitionum ductus riuī subterranei ef-
 ficiunt passus ∞ CDV. Arcus Virginis ini-
 tium habuere sub hortis Lucullanis: finiebantur
 in campo Martio, secundum frontem saeptorum.
 Aquam Virginem in hac inscriptione, quae est
 in aedibus Colotianis, nominatam uidemus.

TI.

Et in duabus praeterea, ad Trinitatis aedem, in hortis.

I.

VIRG

TI . CAESAR . AVG
PONTIF . MAXIM
TRIB . POT . XXXVIII
COS . V . IMP . VIII

I

P . C C X L

Et . 2

VIRG

TI . CLAVDIVS
DRVSI . F . CAESAR
AVG . GERMANICVS
TRIBVNIC . POTESTAT . IIII
COS . III . IMP . VIII . P . P
I . P . C C X L

C 2

TI . CLAVDIVS . DRVSI . F . CAESAR . AVGVSTVS . GERMANICVS
PONTIFEX . MAXIM . TRIB . POTEST . V . IMP . XV . P . P . COS . DESIG . IIII
ARCVS . DVCTVS . AQVAE . VIRGINIS . DISTVRBATO . PER . C . CAESAREM
A . FVNDAMENTIS . NOVO . S . FECIT . AC . RESTITVIT

ALSIETINAM cur perduxerit Augustus,
 non satis intelligitur, nullius gratiae, immo &
 parum salubrem, & nusquam in usus populi fluē-
 tem. nisi forte, cum opus naumachiae aggrede-
 retur, ne quid salubrioribus aquis detraheret,
 hanc proprio opere perduxit: & quod nauma-
 chiae coeperat superesse, hortis subiacentibus,
 & priuatorum usibus ad irrigandum concessit.
 Concipiebatur ex Lacu Alsietino, uia Claudia,
 milliario XIV. Ductus eius efficiebat longitu-
 dinem passuum XXII millium LXXII; opere ar-
 cuato passuum CCCLIX. Idem Augustus in
 supplementum aquae Marciae, quoties siccita-
 tes agerent, auxilio aliam aquam, quae uoca-
 tur AVGVSTA ab inuentore, eiusdem bonitatis,
 opere subterraneo usque ad Marciae riuum per-
 duxit. Post hos Caligula, cum parum & publi-
 cis usibus, & priuatis uoluptatibus septē ductus
 aquarum sufficere uideretur, anno urbis DCCXC
 duos ductus inchoauit: quod opus Claudius ma-
 gnificentissime consummanit, dedicauitq. anno
 urbis DCCC, VI Kal. Aug. alteri nomen, quae
 ex fontibus Caeruleo & Curtio perducebatur,
 CLAVDIAE datum. haec bonitate proxima
 Marciae. altera, quoniam duae Anienis aquae
 in Urbem fluere coeperant, ut facilius appella-
 tionibus dignoscerentur, ANIONOVVS uocari
 coepit. Plin. lib. XXXVI. cap. 15. Vicit, inquit,
 antece-

antecedentes aquarum ductus nouissimum impendium operis inchoati a C. Caesare, & peracti a Claudio. quippe a lapide quadragesimo ad eam excelsitatem, ut in omnes Urbis partes leuarentur, influxere Curtius, atque Caeruleus fontes. erogata in id opus HS ter millies. Et Suetonius in Claudio: Opera magna potius, quam necessaria, multa perfecit, sed uel praecipue aquaeductum, a Caio inchoatum. Idem paullo post: Claudiae aquae gelidos, & uberes fontes, quorum alteri Caeruleo, alteri Curtio, & Albulino nomen est, simulq. riuum Anienis Noui lapideo opere in Urbem perduxit, diuisitq. in plurimos & ornatissimos lacus. Concipiebatur Claudia uia Sublacensi, ad milliariū XXXIIX, ex fontibus duobus amplissimis, & speciosis, Caeruleo, qui a similitudine appellatus est, & Curtio. accipiebat & eum fontem, qui uocabatur Albulinus, tantae bonitatis, ut Marciae quoque adiutorio, quoties opus esset, ita sufficeret, ut adiectione sui nihil ex qualitate eius mutaret. Claudiae ductus longitudinem habebat passuum XLVI millium, riuo subterraneo, opere supra terram, opere arcuato, substructione riuorum, opere arcuato. De aqua Claudia testimonium praebent hae tres inscriptiones.

Romae, in Porta Naevia; nunc Maiore.

TI·CLAVDIVS·DRVSI·F·CAISAR·AVGVSTVS·GERMANICVS·PONTIF·MAXIM
TRIBVNICIA·POTESTATE·XII·COS·V·IMPERATOR·XXVII·PATER·PATRIAE
AQVAS·CLAVDIAM·EX·FONTIBVS·QVI·VOCABANTVR·CAERVLEVVS·ET·CVRTIVS·A
(MILLIARIO·XXXXV
ITEM·ANIENEM·NOVAM·A·MILLIARIO·LXII·SVA·IMPENSA·IN·VRBEM
(PERDVENDAS·CVRAVIT

IMP·CAESAR·VESPASIANVS·AVGVST·PONTIF·MAX·TRIB·POT·II·IMP·VI·COS
(III·DESIG·III·P·P·
AQVAS·CVRTIAM·ET·CAERVLEAM·PERDVCTAS·A·DIVO
(CLAVDIO·ET·POSTEA·INTERMISSAS·DILAPSASQVE
PER·ANNOS·NOVEM·SVA·IMPENSA·VRBI·RESTITVIT

IMP. T. CAESAR. DIVI. F. VESPASIANVS. AVGVSTVS. PONTIFEX
(MAXIMVS. TRIEVNIC

POTESTATE. X. IMPERATOR. XVII. PATER. PATRIAE. CENSOR. COS. VIII

AQVAS. CVRTIAM. ET. CAERVLEAM. PERDVCTAS. A. DIVO. CLAVDIO. ET. POSTEA

A. DIVO. VESPASIANO. PATRE. SVO. VRBI. RESTITVTAS. CVM. A. CAPITB

(AQVARVM. A. SOLO. VETVSTATE. DILAPSAE. ESSINT. NOVA. FORMA

{REDVCENDAS. SVA. IMPENSA. CVRAVIT

C

4

40 De aquis ueteribus,
*Castellarius aquae Claudiae nominatur in sequen
ti inscriptione.*

D . M
CLEMENTI . CAESARVM
N . SERVO . CASTEL
LARIO . AQVAE CL
AUDIAE . FECIT . CLAV
DIA . SABBATHIS . ET . SI
BI . ET . SVIS

*In Arcu quoque ex Tiburtino, Aquae Claudiae
ductui subiecto, sequentes
literae leguntur:*

P . CORNELIVS . P . F . DOLABELLA COS
C . IVNIVS . C . F . SILANVS . FLAMEN . MARTIAL
EX . S . C .
FACIENDVM . CVRAVERVNT . IDEMQVE . PROBAVERVNT

in Urbem influentibus . 41

ANIO NOVVS Sublacensi uia, ad milliarium
 LXII, in suo riuo excipiebatur ex flumine: quod
 cum terras cultas circum se haberet soli pinguis,
 & inde ripas solutiores, etiam sine pluuiarum
 iniuria limosum, & turbulentum fluebat: ideoq.
 a faucibus ductus interposita est piscina limaria,
 ubi inter amnem & specum consisteret, & liqua-
 retur aqua. sic quoque, quoties imbres superue-
 nirent, turbida peruenit in Urbem. Ductus
 Anienis Noui efficiebat passuum L I I X milliū
 DCC, riuo subterraneo, opere supra terram,
 substructionibus, opere arcuato, substructione,
 opere arcuato. hi sunt arcus altissimi, subleua-
 ti in quibusdam locis C I X pedum. Aquae duae
 in omnem partem urbis attollebantur: ex reli-
 quis aliae maiore, aliae leuiore pressura coge-
 bantur. Altissimus erat Anio Nouus, proxi-
 ma Claudia: tertium locum tenebat Iulia, quar-
 tum Tepula, dehinc Marcia, quae capite etiam
 Claudiae libram aequabat, sextum Anio Ve-
 tus, septimum Virgo, octauum Appia: quae,
 cum ex urbano agro perducerentur, non in eam
 altitudinem perducipotuerunt. omnium humil-
 lima Alsietina fuit, quae Transiberinae regio-
 ni, & maxime subiacentibus locis seruebat.
 Apud antiquos omnis aqua in publicos usus ero-
 gabatur: legeq. cautum ita fuit, ne quis pri-
 uatus aliam duceret, quam quae ex lacu abun-
 daret:

daret: quam posteri caducam uocarunt: & haec ipsa non in alium usum, quam in balnearum, aut fulloniarum, dabatur: eratq. uestigali statuta merces, quae in publicum penderetur. aliquid & in domos principum dabatur, concedentibus reliquis. Ius dandae, uendendaeue aquae censorum fuit, quoties in rep. erant; cum non erant, aedilium curulium. Tutela singularum aquarum locabatur: eorumq. operum probandorum cura fuit penes consules aliquando, & aediles, interdum etiam censores. postea tota res ad curatores transiit: primusq. curator ab Augusto nominatus Messalla Corvinus. Nerva imperante gessit eam curam Sex. Iulius Frontinus, uir consularis, qui scripsit in eo munere libros duos de Aquis, unde nos haec sumpsimus, adhibito studio, ut, quae ille fusius, nos quam breuissime fieri potuit exponeremus. Eos libros, a nobis innumeris fere locis ex ingenio emendatos, propediem emittemus. Quantopere autem curae fuerit, ne quis uiolare ductus, aquamue non concessam deriuare auderet, cum ex multis apparere potest, tum ex hoc, quod Circus Maximus ne diebus quidem ludorum Circensium, nisi aedilium, aut censorum permissu, irrigabatur: quod durasse etiam, postquam res ad curatores translata, sub Augusto, scripsit Ateius Capito. Agri uero, qui aqua publica contra
legem

legem essent irrigati, publicabantur, mancipia etiam, sicut ea, quae aduersus legem fecisse dicebantur. In iisdem legibus adiectum est ita: Ne quis aquam oletato dolo malo, ubi publice salit: si quis oletarit, HS x millium multa esto. Oletato, uidetur esse, olidam facito. Ius impetratae aquae neque heredem, neque emptorem, neque ullum nouum dominum apud ueteres sequebatur. balneis, quae publice lauarent, priuilegium antiquitus concedebatur, ut semel data aqua perpetuo maneret. postea omnis aquae cum possessore instauratum est beneficium. Familiae duae erant, quae aquis operam praeberent, una publica, Caesaris altera. publica antiquior, quam Augustus, ab Agrippa sibi relictam, publicauit, homines circiter CCXL. Caesaris familiae numerus, CDLX; quam Claudius, cum aquas in Urbem perduceret, constituit. Vtraque familia in aliquot ministeriorum species diducebatur, uillicos, castellarios, curatores, filicarios, tectores, aliosq. opifices. Commoda publicae familiae ex aerario dabantur. quod impendium exonerabatur uectigalium redditu ad ius aquarum pertinentium. ea constabant ex hortis, aedificijsue, quae fuere circa ductus, aut castella, aut munera, aut lacus. quem redditum prope HS CCL millium, salientem, ac uagum, deinde in Domitiani loculos uersum, iustitia Nernae populo restituit, Frontini sedulitas

tas ad certam regulam redegit; ut constaret, quae ad hoc uectigal loca pertinerent. Caesaris familia ex fisco accipiebat commoda: unde & plumbum, & omnes impensae, ad ductus, & castella, & lacus pertinentes, erogabantur. Tutela ductuum in primis necessaria. corrumpuntur enim aut uetustate, aut impotentia possessorum, aut ui tempestatum, aut culpa male facti operis: quod saepius accidit in recentibus. fere aut uetustate, aut ui tempestatum partes ductuum laborant, quae arcuationibus sustinentur, aut montium lateribus applicatae sunt, & ex arcuationibus, eaeq. per flumen transiiciuntur. minus iniuriae subiacent subterranea, nec gelicidys; nec caloribus exposita. Vitia autem eiusmodi aut talia sunt, ut, non interpellato cursu, subueniatur eis, aut emendari nisi auersa non possunt, sicut ea, quae in ipso alueo fieri necesse est. Haec duplici ex causa nascuntur, aut limo concrecente, qui interdum in crustam durescit, iterq. aquae coartat: quod aut teetorio corrumpitur; unde fiunt manationes; quibus necesse est latera riuorum, & substructiones uitiari. Pylae quoque ipsae, tophe exstructae, sub tam magno onere labuntur. Resui, quae circa alueos sunt riuorum, aestate non debent; ne aquae intermittatur usus, tempore, quo praecipue desideratur; sed uere, uel autumno, & maxima cum festinatione; ita ut, ante praeparatis omnibus, quam

*quampaucissimis diebus riui cessent. neminem
 fugit, per singulos ductus hoc esse faciendum; ne,
 si plures pariter auertantur, desit aqua ciuitati.
 Ea, quae non interpellato aquae cursu effici de-
 bent, maxime structura constant; quam suis tem-
 poribus, & fidelem fieri oportet. Idoneum stru-
 cturae tempus est a Kal. Apr. in Kal. Nou. ita
 ut optimum sit intermittere eam partem aesta-
 tis, quae nimis caloribus incandescit: quia tem-
 peramento caeli opus est, ut ex humore commode
 structura combibat, & in unitate corroboretur.
 Non minus autem sol acrior, quam gelatio,
 praecipit materiam: neque ullum opus diligen-
 tiorem poscit curam, quam quod aquae obsta-
 turum est. Fides itaque eius per singula secun-
 dum legem, notam omnibus, sed a paucis obser-
 uatam, exigenda est. Illud nulli dubium esse cre-
 diderim, proximos ductus, idest, qui a sexto mil-
 liario, lapide quadrato, consistunt, maxime cu-
 stodiendos: quoniam & amplissimi operis sunt,
 & plures aquas singuli sustinent: quos si necesse
 fuerit interrompere, maior pars aquarum ur-
 bem Romam destituet. Remedia tamen sunt,
 ut his difficultatibus inchoatus alueus excite-
 tur ad libram deficientis; alueus uero plumbatis
 canalibus per spatium interrupti ductus rursus
 contineatur. Plerumque autem uitia oriuntur
 ex impotentia possessorum: qui plurimis modis
 riuos uiolant. Primum enim spatia, quae circa
 ductus*

46 De aquis ueterib.in Vrb.infl.

duetus aquarum ex S. C. uacare debent, aut aedificijs, aut arboribus occupant: (arbores magis nocent; quarum radicibus & concamerationes, & latera soluuntur) deinde uicinales uias, agrestesq. per ipsas formas dirigunt: nouissime aditus ad tutelam praeccludunt: quae omnia S. C. prouisa sunt. Plinius lib. xvi. cap. 42. arbores indicat, quibus ad aquarum ductus utebantur. Pinus, ait, piceae, alni ad aquarum ductus in tubos cauantur; obrutae terra, plurimis durant annis. Adijciam illud ex eodem, ut ueterum Romanorum magnificentia cognoscatur. Si quis, inquit lib. xxvi. cap. 15. diligētius aestimaue rit aquarum abundantiam in publico, balineis, piscinis, domibus, euripis, hortis suburbanis, uillis, spatioq. aduenientis exstructos arcus, montes perfossos, conualles aequatas; fatebitur, nihil magis mirandum fuisse in toto orbe terrarum. P. Victor aquas xxiv, in Urbem influentes, his nominibus appellat, Appiam, Marciam, Virginem, Claudiam, Herculeam, siue Herculaneam, Tepulam, Damnata, Traianam, Amniam, siue Anniam, Alsiam, uel Halsietinam, uel Halsientinam, quae & Augusta dicta; Caeruleam, Iuliam, Argentianam, Ciminam, Sabatinam, Aureliam, Septimianam, Seuerianam, Antonianam, Alexandrinam, Anienem Nouum, Anienem Veterem, Albudinam, Crabram.

III

De ratione interkalandi,

AD . ALEXANDRVM
FARNESIVM

CARDINALEM.

DE . RATIONE interkalandi cum multi scripserint, FARNESI amplissime, quid tamen obstat, cur non aliquid nos quoque in medium afferamus? nā, quia satis haec est obscura notitia, & quod in obscuritate non facile vitatur error; ideo nobis placuit operam in hoc genere diligenter ponere, ut ea, quae dispersa, nec admodum, ut res indicat, aperta, apud ueteres leguntur, collecta a nobis, & patefacta, si modo tantum industria proficere potuimus, impertiretur ijs, quos rerum antiquarum scientia delectat. Quod eo libentius factū a nobis est, quo Tibi ostenderē, Patris mei me iudiciū secutū, Te obseruare, ac in eorum loco ponere, in quorum cliente la summum mihi praesidium esse constitutum intelligo. Verum, ut initium nostrae narrationis paullo altius repetamus: triplici anno Romanos diuersis temporibus usos esse, sciendum est: pri-

mo primi regis Romuli, altero Numae, tertio C. Caesaris, qui perpetuam dictaturam obtinuit. sed Romulus, bellorum peritior, quam astro-
rum, incerto usus est anno; qui dies CCCLX in
duodecim mensibus complexus, ut Licinius Ma-
cer, Fenestella, Plutarchus credidere, uel CCC
IV in decem mensibus, ut Iunio Gracchano, Ful-
uio, Varroni, Suetonio, Censorino, Macrobio,
Solino, placuit, quibus ego assentior, neque cum
Lunae rationibus congrueret, ut annus Graeco-
rum, qui dies habuit CCCLIV, quem secutus
est Numa; neque cum solis cursu, ut Aegyptio-
rum annus, quos C. Caesar postea imitatus, an-
num ex diebus CCCLXV, & quadrante consti-
tuit. Ovidium quidem lib. 3. Fastorum posuif-
se, annum Romuli cum Lunae decimo orbe ter-
minatum, ualde miror. nam, si ita fuisset; cur
Numa curam anni ad Lunae cursum dirigendi
postea suscepisset? Macrobio igitur potius in
hac re, quam Ouidio, credendum: cum praefer-
tim errauerit idem Ouidius in eo, quia Numum
a Pythagora doctum in eodem libro tradit: in
quo Macrobius uidit acutius, qui dixit Numam
ante Pythagoram fuisse: quod Liuius, quoque
sensit, & in eo falsam aliorum opinionem coar-
guit. Inscitia Romuli necessitatem attulit in-
terkalandi. nam, cum eius annus, ut dixi, neque
cum sole, neque cum Luna conueniret; non num-
quam

quam usu ueniebat, ut frigus anni aestiuis mensibus, & contra calor hiemalibus incideret. quod uitium ita corrigebant. tantum dierum sine ullo mensis nomine patiebantur elabi, quantum ad id anni tempus adduceret, quo caeli habitus instanti mensi aptus inueniret. Hoc Macrobius, qui Macri etiam Licinij ad comprobendam Romuli interkalationem testimonio utitur. Post Romulum Numa, uel ingenio, uel doctrina praestantior, fluctuantem annum ita constituit, ut singulos Lunae cursus singulis mensibus imitaretur: & quia Lunae annuus circuitus perficitur diebus CCCLIV, ideo suum annum, ut Lunae cursibus responderet, totidem dierum effecit. sed idem mox, studio imparis numeri, diem unum addidit: ut ex impari numero & annus constaret, & singuli etiam menses, excepto Februario, quo mense dijs Manibus iusta solui uoluit: itaque deminutionem inferis, paremque numerum conuenire iudicauit. uno igitur die annum Graecorum annus Numae superabat. ideo cum alternis annis modo dies uiginti duos, modo uiginti tres, qui sunt annis octo dies nonaginta, inter diem uigesimum tertium, & uigesimum quartum Februarij Numa interkalaret, ut undecim illos dies, & quadrantem, quibus annuo Solis cursu annuus Lunae cursus inferior est, prehenderet, ratio non congruebat. nam eius in

D terkala-

terkalatio Graecorum quidem instituto, qui & ipsi octauo quoque anno dies interkalabant nonaginta, respondebat: sed unus ille dies in anno additus efficiebat, ut octo annis octo dies abundarent, & Solis cursum praeterirent. hoc uitium, non satis constat, utrum ab ipso Numa an ab alijs postea emendatum sit. Macrobius uidetur auctor esse, ab alijs cognitum, & emendatum. Ego Numae potius hoc tribuerim, cum praesertim & annos XLIII regnauerit, ut errorem suum spatio temporis facile posset intelligere, & in eo genere obseruationis, qui iam annum ad Lunae rationem ordinasset, uersari solitus esset. Emendatio fuit haec, ut tertio quoque octennio interkalarentur dies tantum sexaginta sex, non, ut duobus superioribus octennijs, nonaginta. ita redibat annus, qui XXIV annorum spatio diebus XXIV excurrerat, ad solis mensuram definitam, detractis de ordinaria octo annorum interkalatione, quae erat, ut ostendimus, dierum nonaginta, XXIV diebus. De interkalari uero mense, quem alternis annis modo dierum uiginti duorum, modo uiginti trium a Numa interpositum iam diximus, significat Cicero in oratione pro Quinctio, cum ait: Pridie Kal. interkalares. quo loco uigesimum tertium Februarij diem, qui proximus antecedit primum interkalaris mensis diem, significari non dubito. nam,

qui

qui dies sequebantur idus febr. ij signabantur nomine Kalendarum interkalarium, si modo annus erat interkalaris : (alternis enim annis , non singulis , fiebat interkalatio) ipsi uero dies interkalares sic appellabantur : primus , Kalendae interkalares : alter , quarto nonas interkalares : (nam quattuor tantum , non sex nonae in mensibus erant interkalaribus , ut maior esset Kalendarum numerus , quam reliquorum dierum : quod in ordinarijs quoque mensibus seruatum est) tertius , tertio nonas interkalares : & sic deinceps usque ad mensis interkalaris idus , idest , ad diem interkalarē decimum tertium . deinde uero singulis diebus nominabantur Kalendae Martiae . nam primus dies post idus interkalares , dicebatur , si dies uiginti duo interkalabantur , xv Kal. Martias , subductis in hac ratione quinque postremis Februarij diebus , qui sequebantur post interkalares . eodemq. modo reliqui dies interkalares , & quinque praedicti dies Februarij , a Kalendis Martijs nomen accipiebant , deminuto numero usque ad Kalendas Martias . sin autem dies uiginti tres interkalabantur ; tunc primus dies post idus interkalares dicebatur , xvi. Kal. Martias : alter , xv : tertius , xiv : & sic deinceps . Fiebat autem , ut dixi , alternis annis haec interkalatio , non post ultimum Februarij diem , sed post uigesimum tertium , idest post

Terminalia, ut omnino Martius mensis post Februarium sequeretur, uetere religionis more, sicuti Macrobius existimat. uerum haec postea ratio, ut Cicero docet lib. 11. de leg. & Macrobius lib. 1. Sat. parum diligenter a Sacerdotibus obseruata, (horum enim erat interkalandi cura) uel quia prorsus omnem superstitione aliqua interkalationem omitterent; uel quia dies interdum aliquot, ut publicanis, alijsue gratificarentur, adderent, maiorem perturbationis occasionem praebuit. arbitrato autem suo pontifices, praeter institutum Numae, interkalare consueuisse, satis plane docent epistolae Ciceronis, secunda lib. v 11. ad Marium, & ad Atticum tres, nona, decima tertia, & ultima, lib. v. & epistola Coelij nona lib. 11 x. ut Macrobij, Censorini, aliorum testimonia praetermittam. Hanc igitur inconstantiam C. Caesar tertium consul, pro iure, & officio suo, quia pontifex maximus erat, sustulit, additis ad annum Numae decem diebus, & quadrante, qui quattuor annis diem unum facit. itaque necessaria fuit quadriennio quoque unius diei, ex quattuor quadrantibus confecti, interkalatio, quae hodie quoque obseruatur, ut Solis cursus aequaretur. is dies post xxiv. Februarij diem, qui sexto Kalendas uocatur, ex antiquo interkalandi more interpositus bissexto Kalendas dictus est. quo anno dies

xxix

XXIX. in eo mense numerantur. Sed, ut annus cum Solis cursu inciperet, qui usque eo progressus erat Sacerdotum uel incuria, uel fraude, ut aequinoctium, quod esse debebat, ad Graecam, Aegyptiamque rationem, quam Caesar spectabat, die Martij XXV, uel XXVI, (nam die XXV Martij notant aequinoctium Columella, Plinius, & marmore a duo Kalendaria) incideret in diem Maij XVII: (ut ex epistola 15. lib. X. ad Atticum intelligitur) interkalauit Caesar dies LXV. nam in Dione, qui dies LXVII, & in Censorino, qui LXIIX nominat, opinor esse mendum. recte enim ratio quadrat, si legatur LXV. nam ad dies CCCLV, qui erat annus Numae, additis a sacerdotum collegio primum diebus ordinarijs interkalaribus XXI, ut ait Censorinus, deinde a Caesare extra ordinem diebus LXV, qui dissipati sunt duobus mensibus interkalaribus inter Nouembrem, & Decembrem, sunt in anno dies CDXLI. quo numero dierum affirmat Macrobius fuisse ultimum illum confusio- nis annum, quem Caesar ad Solis cursum rede- git. Suetonius dies illos, qui biennio quoque XXII, aut XXIII a pontificibus interkalabantur, mensē interkalarium uocat: cuius uerba, quia pertinent ad ea, quae diximus, comprobanda, recitabimus. Fastos, inquit, Caesar correxit, iampridem uitio pontificum per interkalandi li- centiam adeo turbatos, ut neque messium feriae

D 3 aestati,

æſtati, neque uindemiarū autumnō competere-
 annumq. ad curſum Solis accommodauit, ut CCC-
 LXV dierum eſſet, & interkalendario menſe ſub-
 lato, unus dies quarto quoque anno interkalare-
 tur. quo autem magis in poſterum ex Kalendis
 Ian. nobis temporum ratio congrueret; inter No-
 uembrem, & Decembrem menſem interiecit
 duos alios, fuitq. is annus, quo hæc conſtitue-
 bantur, quindecim menſium cum interkalendario,
 qui ex conſuetudine in eum annum incidere-
 Sublatum a Caſſare menſem interkalendarium, Sue-
 tonius dicit: quia, redactō ad curſum Solis an-
 no, nihil deinde opus fuit interkalatione illa
 uel XXII dierum priore biennio, uel XXIII po-
 ſteriore: quæ menſis interkalendaris uocabatur,
 licet dierum numero menſem non æquaret. Ean-
 dem hiſtoriam Plutarchus litteris mandauit.

Οὐ μόνον, ἰνκνίτ, ἐν τοῖς παλαιοῖς πάνυ χρόνοις τε-
 ταρμέναις ἐχρῶντο Ρῶμαῖοι ταῖς τῶν μυνῶν πρὸς τὸν
 ἐνιαυτὸν ἀειόδοις, ὥς τε τὰς θυσίαις, δὲ τὰς ἐορτάς ὑ-
 ποφερομένης κατὰ μικρὸν, εἰς ἐναντίας ἐκπεπρωκέαι
 τοῖς χρόνοις ὥρας, ἀλλὰ καὶ περὶ τὴν τότε ὄσαν ἡλια-
 κὴν οἱ μὲν ἄλλοι παντάπασι λέγων ἀσυλλογίστως εἶχον,
 οἱ καὶ ἱερεῖς μόνοι τὸν καιρὸν εἰδότες, ἐξαίφνης, καὶ προ-
 ηρημένως μηδενός, τὸν ἐμβολῆμον, προσηγραφισμῆνα,
 μερκηδονίον ὀνομάζοντες, ὃν Νομάς ὁ βασιλεὺς
 πρῶτος ἐμβαλεῖν λέγεται, μικρὰν καὶ δι' αἰνέσαν οὐ
 πόρρω βοηθεῖαν ἐξευρῶν τῆς περὶ τὰς ἀποκαταστάσεις
 πλημμελείας. Καῖσαρ δὲ, τοῖς ἀρίστοις τῶν φιλοσόφων,
 καὶ

καὶ μαθηματικῶν, τὸ πρόβλημα προθεῖς, ἐκ τῆς ὑπο-
 κειμένων ἥδη μεθόδων ἔδειξεν ἰδίαν τινὰ δι' ἡκριβο-
 μένην μάλλον ἐπανόρθωσιν· ἢ χρώμενοι μέχρι τοῦ Ρ' ω-
 μαῖοι, δοκῶσιν ἥπρον ἐτέρων σφάλλασαι ἀπὲρ τὴν ἀνωμα-
 λίαν. Quibus haec Latine respondent. Nū modo in
 antiquissimis temporibus utebantur ambitu mē-
 sium Romani ad annum ita constituto, ut & sa-
 crificia, & festi dies, paullatim suo loco moti,
 in contraria temporibus tempora delaberentur,
 uerum etiam Solis cursum, qui tunc erat, alij
 quidem prorsus ignorabant, soli uero sacerdo-
 tes, occasione cognita, ex improviso, & prae-
 sentiente nemine, mensem interponebant, in-
 terkalarem appellantes, quem Numa rex pri-
 mus interposuisse dicitur, neque magnum, ne-
 que diu duraturum remedium nactus anni per-
 turbati. Caesar autem, optimis philosophis,
 & mathematicis quaestione proposita, propriam
 quandam, ac certiolem ex rationibus iam exa-
 minatis correctionem ostendit; qua Romani ad-
 huc utentes, in culpam inaequalitatis minus,
 quam alij, uidentur incidere. Quo igitur anno Cae-
 sar annum correxit, eo anno dies illi omnes No-
 uembris mensis, qui Kalendarum Decembrium
 nomine signari solebant, appellari coepti sunt,
 ommissa Decembris mentione, Kalendarum inter-
 kalarium priorum nomine; hoc modo: quartus
 decimus Nouembris dies dicebatur; xvii Kal.

D 4 inter-

interkalares priores : & sic deinceps , usque ad ultimum Nouembris diem , qui uocabatur , II Kal . interkalares priores . qui est dies in epistola ad Ligarium , lib . VI . fam . a Cicerone nominatus . Quo loco uir doctus legit , V . Kal . non , ut in omnibus ueterib . libris , quos quidē ego uiderim , II . Kal . Sed ego satis habeo , quid mihi placeat , ostendere , & probare . suum quisque iudiciū sequatur . Vbi uero prioris interkalaris mensis dies primus erat appellandus , sic dicebant , Kalendae interkalares priores ; ubi secundus , sexto nonas interkalares priores ; ubi tertius , quinto nonas interkalares priores ; ubi quartus , quarto nonas interkalares priores ; ubi quintus , tertio nonas interkalares priores ; ubi sextus , pridie nonas interkalares priores ; ubi septimus , nonis interkalariis prioribus . Eadem erat in idibus ratio . post idus autem qui primus sequebatur dies , idest decimus sextus , is uocabatur XIX Kal . interkalares posteriores : sic deinceps usque ad extremum eiusdem mensis diem , qui uocabatur II Kal . interkalares posteriores . Primus uero dies secundi mensis interkalaris , in quo erant dies XXXII , Kalendae interkalares posteriores ; secundus , sexto nonas interkalares posteriores ; & deinceps reliqua . Itemq . in idibus . sextus decimus uero dies dicebatur , XIIII Kal . Decembris : & sic deinceps . Nunc triplicem Romanorū annū , Romuli , Numa , & Caesaris , ostēdamus .

Annus Romuli, dierum CCCIV.

<i>Martius mensis dies habet</i>	XXXI,
<i>Aprilis</i>	XXX,
<i>Maius</i>	XXXI,
<i>Iunius</i>	XXX,
<i>Quintilis</i>	XXXI,
<i>Sextilis</i>	XXX,
<i>September</i>	XXX,
<i>October</i>	XXXI,
<i>November</i>	XXX,
<i>December</i>	XXX.

Numae annus, dierum CCCLV.

<i>Ianuarius dies habet</i>	XXIX,
<i>Februarius</i>	XXIIX,
<i>Martius</i>	XXXI,
<i>Aprilis</i>	XXIX,
<i>Maius</i>	XXXI,
<i>Iunius</i>	XXIX,
<i>Quintilis</i>	XXXI,
<i>Sextilis</i>	XXIX,
<i>September</i>	XXIX,
<i>October</i>	XXXI,
<i>November</i>	XXIX,
<i>December</i>	XXIX.

Caesaris

58 De ratione interkalandi.

Caesaris annus, dierum CCCLXV.


<i>Ianuarius</i>	XXXI,
<i>Februarius</i>	XXIIX,
<i>Martius</i>	XXXI,
<i>Aprilis</i>	XXX,
<i>Maius</i>	XXXI,
<i>Iunius</i>	XXX,
<i>Quintilis</i>	XXXI,
<i>Sextilis</i>	XXXI,
<i>September</i>	XXX,
<i>October</i>	XXXI,
<i>November</i>	XXX,
<i>December</i>	XXXI.

Scrupulus ille remanet, quo modo Caesar interkalationem fecerit dierum LXV: quod uideri potest non omnino necessarium: quia, si retrahendum erat aequinoctium a die XVII Maij, in quē diem incidit primo belli ciuilis anno, ad diem XXV Martij; satis erat interponere dies LII. Respondetur id, quod non modo uerisimile, sed etiam necessarium uidetur: quemadmodum ante primum belli ciuilis annum mutatus erat aequinoctij dies, trāsdūctusq. a die XXV Martij ad diē XVII Maij, pontificum culpa, qui suo arbitratu, ut dixi, interkalationibus uterentur; sic a primo belli ciuilis anno, quo C. Marcellus, & L. Lentulus consulatum gessere, ad quartum, quo Caesar tertium consul fuit, eadem culpa protrusum esse aequinoctium dies tredecim ultra diem XVII Maij.

IV

De Accumbendi, & Comedendi ratione.

AD. NICOLAVM. GAETANVM
SERMONETANVM
CARDINALEM.



*VM de Accumbendi, & Co
medendi ratione uarie a mul
tis disputatum sit, non inui-
cundam rem me facturum pu
taui, si & ipse quaedam a
me obseruata in lucem pro
ferrem, Antiquitatis iuuandae gratia. in quo
Patrem, Auumq. meum cum sequar, par est, eo
rum me quoque aes alienum soluere. quod autem
maius, quā Auum ex eo loco, cui familia Tua ius
dicit, auitoq. imperio praeest, originem duce-
re? Quodq. maius est, Patrem meum Tu semper
in tuis numerasti, singularemq. illi beneuolen-
tiam ostendisti. Quae cum ad me filium pertine-
ant, nolui committere, nostram obseruantiam,
quam Tibi singularem debet Familia nostra, taci-
tam praeteriri: sed eam posteris testatam relin-
quere uolui. Et, cum nunc maiora non possim, hoc
saltem uel exiguo signo contentus, animum pro
re accipias, rogo.*

A C-

ACCUMBENDI in lecto, aut sedendi in sella, uarius mos fuit apud Romanos. Priscis temporibus, cum frugalitas, & modestia uigerent, sedebant, non accumbebant uiri pariter, & mulieres. Post cum opibus, ut fit, succedente luxu, paullatimq. ad mollitiem moribus inclinantibus, accumbere uiri coeperunt, mulieres in sedendi consuetudine, pudoris gratia, diu permansere. Id ego ex illo Virgilij uersu primum conieci,

Perpetuis soliti patres considerare mensis.

Quo loco Seruius, Maiores, inquit, nostri sedentes epulabantur. quem morem habuerunt a Laconibus, & Cretensibus, ut Varro docet in libris de uita Populi Romani: in quibus dixit, quid a quoque traxerit gente. Isidorus etiam Hispalensis Etym. lib. xx. cap. xi. Apud ueteres, inquit, non erat usus Accumbendi, unde & Considerare dicebantur: postea, ut Varro ait de uita populi Romani, uiri discumbere coeperunt, mulieres sedere: quia turpis uisus est in muliere accubitus. Accessit Valerij Maximi testimonium. Feminae, ait lib. ii. cum uiris cubantibus cenitabant. quae consuetudo ex hominum conuietui ad diuina penetrauit. nam Iouis epulo ipse in lectulum, Iuno, & Minerva in sellas ad cenam inuitabantur. Quod genus seueritatis aetas nostra diligentius in Capitolio, quam in suis domibus, seruat: uidelicet, quia magis ad rem pertinet,

tinet, dearum, quam mulierum, disciplinam contineri. Postrema Valerij uerba mulieres etiam, contagione morum deprauatas, una cum uiris accumbere coepisse, tantum in Capitolino Iouis epulo, antiquitatis gratia, sedere solitas, aperte demonstrant. Huc pertinet illud Ciceronis, ep. 1. ad Att. lib. v. Discubuimus omnes, praeter illam. Et Ouidius, in quadam Elegia:

Ibis, ut accumbas: clam mihi tange pedem.

Et Plinius, lib. ix. cap. 35. Lolliam Paullinā, Caij Principis matronam, accubuisse ostendit. Sessio igitur uernacula fuit, mansitq. cum frugalitate, & pudore aliquandiu, idest, ut ego arbitror, usque ad Asiam deuictam, Graeciamq. cognitam. nam ex eo tempore ciuitas, externi belli metu, uicto iam Hannibale liberata, diuitijsq. aucta, peregrinos mores libenter adsciuit, & ab antiqua continentia ad luxuriam, nequitiamq. deflexit. unde Horatius:

Graecia uicta suum uictorem cepit.

A Graecis enim primum manauit Accubitus: quem Populus Romanus, semel acceptum, in magnis copijs perpetuo retinuit. Sed, ut Accubitus index est dissolutae laetitiae, et iucunditatis cuiusdam uiro graui parū dignae: sic Sessio seuerior, & a uoluptate remotior. Propterea Cato ille Uticensis, quo nemo patriam dilexit magis, post exortum ciuile bellum, maerore animi affectus,

Etus, sedens, non cubans, semper cenauit : quod a Plutarcho scriptum legimus . Fortasse eodem modo Graeci, posteaquam & ipsis, fastidita uetere parcimonia, contemptaq. uerecundiae norma, delicate, & molliter uiuere placuit, morem cubandi in cena a barbaris acceperunt . nā Syphacem Numidia Regem cubantem cenasse, & cum eo Scipionem & Hasdrubalem in eo loco, testatur Linius lib. I I X. Nec dubito, quin Virgilius rationem habuerit barbarae consuetudinis, cum de Didone scripsit :

*Cum uenit, aulaeis iam se regina superbis
Aurea composuit sponda .*

Et mox, de Aenea :

Inde toro pater Aeneas sic orsus ab alto .

VETERIBVS in more fuit, quater ut in die cibū sumerent . prima erat matutina lentatio, quam Prandiculum prisci appellauerant ; mox Prandium ; tum Cena ; postremo Comeffatio . nam Merendam, quae a cibo meridiano nomen sumpsit, cum Prandio eādem apud ueteres fuisse, monet Festus . quamquam eam post Prandium, & post Meridiem collocat Nonius . Sed haec facile, habita ratione temporum, controuersia dirimitur . ut priscis temporibus Merenda pro prandio fuerit, prandij nomine, & usū nondum inducto ; deinde uero, ut luxus, & nequitia serpit, cum a Merenda

renda ad Cenam, idest a meridie ad uesperam, unde *Vespernam* (ut ait *Plautus* apud *Festum*) *Cenam* dixere, *ieiunitas* nimium longa uideretur, *Prandij* usus, in *Merendae* locum, & horam successerit, *Merenda* uero post eam horam, unde nomen sumpserat, idest post meridiem, producta sit, qui hodieq. mos retinetur. Item non quatter modo, sed quinquies quotidie cibum capi solitum esse, constabit. Certe multo ante *Festi* aetatem, qui tamen de suorum temporum consuetudine non loquitur, & *Prandium*, & *Merendam* in usu fuisse, ex *Plauto* intelligitur. quamquam homines, eleganter, & liberaliter educatos, non modo quinquies, sed nec quater, ac nec ter quidem, comedisse, numquam crediderit. quod & *Suetonius* uidetur comprobare. notat enim hoc non ut generale, & apud omnes usitatum, sed ut extraordinarium quiddam, & *Vitellio* cum paucis commune, quod epulas trifariam semper, interdum quadrifariam, in *Ientacula*, *Prandia*, *Cenas*, *Comessationesq.* disperriuerit. Sed *Celsus* ne prandium quidem ut ordinarium uidetur agnoscere. ait enim lib. IV. Tamen facilius fert adolescens, quam puer, & uno cibo, quam prandio quoque assuetus. Et lib. I. cap. 3. Hieme si prandet aliquis, utilius est exiguum aliquid, & ipsum siccum, sine carne, sine potione sumere. aestate uero, & potione, & ci
bo

bo corpus saepius eget: ideo prandere quoque cō-
modum est. Cena igitur praecipua fuit, & in ea
largius uescebantur; conuiuasque, quos paullo
lautius uellent excipere, ad cenam, non ad pran-
dium inuitabant. hinc saepe apud Ciceronem in
epistolis ad Papirium mentio Cenarum, num-
quam Prandij. quamquam, ut dixi, Prandia
quoque in usu fuere, quibus etiam, ut apud Ma-
crobium scriptum est, lex Didia sumptum defi-
niuit. sed, prandendi morem puerorum magis,
quam adolescentum, fuisse, & aestate potius,
quam hieme, Celsi uerba, proxime recitata, de-
monstrant. Id quidem constat, cum hora no-
na cenaretur, quod ex eo uersu satis intelli-
gitur,

Incipit exstructos frangere nona thoros,
locum Prandio uix fuisse. mane enim, paullo
post somnum, quis putet? nec de tertia, aut
quarta, aut quinta hora crediderim. non enim
stomacho tantum spatij ad concoquendum relin-
queretur, ut cenae uacare posset: cum a prandio ad
cenam hodie quidem horas nouem, aut minimum
octo uideamus interponi. Itaque, paucos admodū
pransos esse, (de ingenuis, & nobilibus loquor)
aut, si quis praderet, exiguo cibo cōtentum fuisse,
ratio docet. prandere autem solitos existimo pue-
ros, qui famen non ferunt; opifices seruos uiato-
res, quorum uires labore fractas, atque immi-
nutas

nutas refici, & augeri cibo necesse est. Hora cenae cum semper fuerit, ut exemplis perspicuum est, diei nona, longe distat a more nostro: nam, cum apud ueteres ex duodenis horis aequae dies omnes, noctesq. constarent, aestiuis diurnis longioribus, nocturnis breuioribus, hiemalibus uero contra: quis non uidet, cenas olim hieme diurnas fuisse, quae nobis nocturnae sunt; ceteris autem anni partibus omnino longius a uespera, quam nostras, absuisse?

Eduliorum dissimilitudo apud eos fuit: in quo lucrum a nobis in iactura factum. nam garum illud, quo nullae umquam exquisitae epulae caruerunt, praeterea muriam, halec, tyrotarichum, & huiusce generis multa, nec turpe est ignorare, nec in fructuosum. Sumatur exemplum a garo, ut ex hoc uno de reliquis coniectura fiat. uenisse gari congium aureis quindenis, auctor est Plinius. Congium autem libras decem capit. ergo singulae librae aureo cum dimidio uenierunt. quid hodie tanti est? quamquam nos quidem gulae libenter indulgemus, nec iacere patimur eduliorum pretia: uerumtamen, quod garo comparetur, nihil uideo: sicut nec in Mullo, quem Romae TRIGLIA, Venetijs BARBONE appellant, hodie quisquam, ut opinor, ita insanierit, ut emendum putet, Asinij Celeris,

E miri

66 De Acc.& Comed.ratione.

*uiri consularis, exemplo, octo millibus num-
mum, qui sunt, nummo nostro, aurei CCXL.
nec magitudo pondus excusat. nam binas pon-
deris libras raro admodum, ut Plinius asserit,
nullus exsuperat.*

*Vinis quoque eos plurimum tribuisse prae-
ter alios, Plinius quoque testatur, lib. XIV.
cap. 6.*

V

De Conuiuio tempestiuo,
seu intempestiuo,

AD · IO · FRANCISCVM
COMENDONVM
CARDINALEM,



Qui uel in emendandis, uel
in explanandis Antiquorum
scriptis uersantur, praecla-
re operam suam ponere mihi
uidentur. Quam multa enim
in ijs reperiuntur, quorum
uel intelligentia non ita facilis, uel deprauata
lectio lectores remoratur? Vidi ego plurimos
non inertes uiros aliquando in quibusdam haesi-
tare, quae si uel emendentur, uel explanentur,
non solum eorum facilem cognitionem reddunt,
sed & ut ad ulteriora progrediantur, homines
inuitant. Sed, quid ego haec ad Te? Cuius ea
est eruditio, ut admirationem conciliet. qui tan-
tum iudicio excellis, quantum dignitate prae-
stas. cui maiora quoque deberi, nemo bonus est,
qui non & fateatur, & cupiat. Ego certe, uir-
tutis amore incensus, obseruantiam Tibi sum-

E 2 mam

68 De Conuiuio tempestiuo,

nam debeo . quod a Patre , dum uiueret , mihi traditum , quantum in me erit , omnibus ingenij uiribus enitar , ut praestem .

CENARVM antiquissima Romanis consuetudo fuit , a propinquis , ut arbitror , deducta Sabinis , quorum & in uictu , & in omni uita seuerior , quam ceterarum gentium , disciplina fuit . parce comedebant , cibo simplici , nullo , praeter famem , condimento . postea , rerum copia bellis parta , peregrinitate paulatim priscos mores immutante , parcimonia transiit in luxū . inde cena lautior , & ab hora uigesima prima , quae tum nona semper diei erat , in noctem producta . conuiuia , ne parum opportuna , contraque morem maiorum esse uiderentur , tempestiua dicta , uocabulo rem excusante . mansitque nomen in consuetudine corrupta . nam , quod ex ueterum monumentis liceat colligere , multa liberius inter epulas & dicebantur , & fiebant , quae graues , & boni uiri non probarent . ideo uidetur Cicero de tempestiuis conuiujs ita loqui , tamquam in ijs turpitudinem aliquam agnoscat . cuius rei perspicue documentum asserunt illa uerba pro Murena : Nemo fere saltat sobrius , nisi forte insanit , neque in solitudine , neque in conuiuio moderato , atque honesto . tempestiui conuiuij , amoeni loci , multarum deliciarum comes est

est extrema saltatio. Et subiungit, Nullum
 turpe conuiuium ostenditur; plane significans,
 non interfuisse Murenam tempestiuo conuiui-
 o: ut in eo saltasse, quod in moderato, honestoq.
 conuiuium non liceret, dici posset. Nec sine pro-
 bro dicitur illud pro Archia: Quantum alij tri-
 buunt tempestiuis conuiuijs, quantum denique
 aliae, quantum pilae, tantum mihi egomet ad
 haec studia recolenda sumpsero? Non laudat Ca-
 to ille senior tempestiua conuiuia, cum ait: Ego
 uero propter sermonis delectationem tempesti-
 uis conuiuijs delector: sed usitata ostendit, usq.
 se delectari non propter epulas, sed propter coe-
 tum amicorum, sermonisq. delectationem: qua-
 si alij non easdem ob causas tempestiuis conui-
 uijs interessent. epulari enim ei propositum est, ut
 ne hac quidem uoluptate, quae epulari accuba-
 tione percipitur, carere senectutem significet,
 cum eo tamen, ut eligat id, quod in ea uoluptate
 honestum est, sermonis uidelicet fructum, & iu-
 cunditatem; reliqua inuenibus concedat. Quid,
 quae ad Atticum lib. ix. scribuntur? an repre-
 hensione carent? Audio, inquit, bonis uiris
 hanc cunctationem nostram non probari, mul-
 taq. in me & senere in conuiuijs tempestiuis qui-
 dem disputari. Et ad eundem, in eodem libro.
 Viris bonis me non nimis excuso. quas enim eos
 cenas & facere, & obire scripsit ad me Sextus?

70 De Conuiuio tempestiuo,

quam lautas? quam tempestiuas? Reprehenduntur cenae, quia laetae, quia tempestivae: contra uerbi significationem usitatam: sed ad uituperandum ita multa concurrunt exempla, ut assentiri cogar in eo, quod non placet. Quid enim dicam ad illud Taciti lib. XI? Claudius, domum regressus, & tempestiuis epulis delentus, ubi uino incaluit, iri iubet, nunciariq. miserae, dicendam ad causam postera die adesset. Equidem de modicis epulis loqui Tacitum non arbitror, cum subiungat, Vbi uino incaluit. Eoq. minus dubitare licet, quia lib. XII. seueritatem, & tempestiua conuiuia ut contraria constituit. Discubuerat, inquit, Vitellius Tici-
cini, adhibito ad epulas Virginio. Legati, tribuniq. ex moribus imperatorum seueritatem aemulantur, uel tempestiuis conuiuijs gaudent. perinde miles intentus, aut licentior. Haec de tempestiuo conuiuio, pro re scilicet contra uerbum: nunc, an aliquid pro uerbo dici possit, sic, ut cum re consentiat, consideremus. Primum nemo dubitat, quin, cum interpretamur, sententiae nostrae ad antiquorum exemplarium testimonia sint accommodandae. quo posito; locus ille pro Murena, a nobis recitatus, nihil, quod a propria uerbi natura discrepet, habebit. quattuor enim ueteres libri, tres Masseiani, unus, quē patri meo singulari doctrina uir, omni-
umq.

umq. quos in uita nouerim, humanissimus, Gu-
 lielmus Sirlettus Cardinalis dono dedit, habet ,
 Intempestiui conuiuij, non, Tempestiui . ita fiet,
 ut res cum uerbo congruat . nam ibi de turpi con-
 uiuiio, cuius comes esset extrema saltatio, ser-
 monem fieri satis constat . Accedit Suetonius,
 cuius haec sunt in Caligula: Absentem sena-
 tum, populumq. grauissimo obiurgauit edicto,
 quod, Caesare proeliante, & tantis discrimini-
 bus obiecto, intempestiua conuiuiia circum &
 theatra, & amoenos secessus celebrarent . Nec
 tempestiua, sed intempestiua conuiuiia Curtius
 appellat lib. vi. Intempestiua, inquit, conui-
 uia, & perpotandi, peruigilandiq. insana dul-
 cedo, ludiq. & greges pellicum, omnia in exter-
 num lapsa sunt morem . Idem paullo post: Igi-
 tur cum intempestiuis conuiuijs dies pariter no-
 ctesq. consumerent, satietatem epularum ludis
 interpolabat . Haec a tempestiuis conuiuijs in-
 tempestiua distinguunt, turpia scilicet ab hone-
 stis . Nec de luxuria, atque immoderatis epu-
 lis, sed de temperato conuiuiio, locutus est Appule-
 ius Apologia prima, cum dixit: Nuptiae ne
 illae fuerunt, an aliud celebratum officium, an
 tempestiuum conuiuium? Cur igitur, cum in-
 tempestiuum conuiuium saepe nominetur, tem-
 pestiuum ad eius rei significationem, quae suum
 nomen habet, usurpari credam? Dicatur id,

E 4 quod

72 De Conu.temp.seu intemp.

quod licet, tempestium; quod contra, intempestium: Latine, & proprie loquemur. quod si secus est in peruulgatis libris: abesse mendum numquam putabo. nisi si de Latina lingua ita sentimus, ut eodem interdum uerbo contraria comprehendat. Nam, quod ad locum de Senectute pertinet: in deteriore partem accipi necesse non est: cum dicat Cato, non se tantum conuiujs tempestiis interesse, uerum etiam suos aequales, & illos ipsos, quibuscum loquebatur, Scipionem, & Laelium, uiros eos, quibus grauitate, temperantia, & integritate acquari fortasse non nulli, praeserri certe nemo posset. Haec pro nostro ingenio: lector eruditus perpendat, ac iudicet.

VI

De Metonis anno .

AD . GVLIELMVM
SIRLETTVM
CARDINALEM.



DE CRT cum parentibus libe-
ros idem sentire, & idem uel-
le . itaque cum in alijs rebus
Patris iudicium plurimi sem-
per feci, tum nihil facio li-
bentius, quam ut eius in ami-
cilijs colendis consuetudinem imiter . Quis au-
tem nescit, quanto Tu semper ornamento nobis
fueris? Quo fit, ut, cum Tibi pares referre non
possim grates, ingratitude uisum ut apud
Te subeam, interdum dubitem . quo nihil peius
odi . Verum, cum te sciam humanitatis in pri-
mis laude excellere, eumq. esse, qui homines, non
ex beneficij accepti relatione, (saepe enim contin-
git, ut quis oneri succumbat uirium imbecillita-
te) sed ex animi gratitudine iudices : nihil mihi
dubitandum est, quin Tu in tua illa uetere erga
nos beneuolentia perseueres . Ego contra, Tuū
me esse profiteor, & in Te colendo cedere tuorum
nemini . Interim hoc quidquid est, in tuo nomine
apparere

apparere uolui. Vt exstaret aliquod in Te obser-
uantiae meae signum. Quod si hilari fronte, ut
soles, acceperis, animos mihi addes ad maiora
conanda, & ad meum de Te iudicium praestan-
tiore forsan aliquo munere posteris ostendendum.

DE Metonis Anno scriptor antiquissimus
Theophrastus ἐν τῷ περὶ σημείων ὑδάτων καὶ πνευμά-
των, sic inquit: Διὸ καὶ ἀγαθοὶ γεγέννηται κατὰ τόπους
τινὰς ἀσρόνομοι, οἷον Μαρτικέτας ἐν Μηθύμνῃ ἀπὸ τῆς
Λεπετύμνης, καὶ Κλεόστρατος ἐν Τενέδῳ ἀπὸ τῆς Ἰδης, καὶ
Φαεινὸς Ἀθήνησιν ἀπὸ τῆς Λυκαμβηλῆος περὶ τὰς προ-
πὰς σωῆς. παρ' ὧν Μέτων ἀκέρσας, τῆς τῷ ἐνὸς δέοντα
εἰκοσιν ἐνιαυτῶν σωῆταξε. οὗ δὲ ὁ μὲν Φαεινὸς, μέτοι-
κος Ἀθήνησιν. ὁ δὲ Μέτων Ἀθηναῖος, καὶ ἄλλοι δὲ ἴετον
τὸν πρόπον ἡσρολόγησαν. Latine sic: Quapropter
& optimi locis quibusdam Astronomi exstiterē,
quemadmodum Methymnae Matricetas in Lepe-
tymno genitus, neque non & in Tenedo insula
Cleostratus ab Ida profectus. quin & Phaenus
Athenis e monte Lycambeto, qui brumam solsti-
tiumq. praenuit. Auditor huius discipulusq.
Meton fuit Atheniensis, qui Annum undeuigin-
ti annorum spatium praefinitum complexus est. &
quidem Phaenus Atheniensium ciuitate dona-
tus, Meton uero eiusdem urbis indigena & popu-
laris. Sunt & alij, qui in Astrologia eodem se mo-
do exercuere. Diodorus etiam Siculus paulo
fusius

fusiis his uerbis, quae sunt libro XII: Εν δὲ
Αθήναις Μέτων ὁ Παντανίης μὲν υἱὸς, δεδοξάμενος
καὶ ἐν ἀστρολογίᾳ, ἐξέθηκε τὴν ὀνομαζομένην ἐννεακα-
δεκαετηρίδα, τὴν ἀρχὴν ποιησάμενος ἀπὸ μηνὸς ἐν
Αθήναις σκироφοριῶνος τρισκαδεκάτης· ἐν δὲ τοῖς εἰρη-
μένοισι ἔτεσι τὰ ἄστρα τὴν ἀποκατάστασιν ποιῆται, κα-
θάπερ ἐν αὐτῷ τινὸς μεγάλῃ τὸν ἀνακυκλισμὸν λαμβά-
νει. διὸ καὶ τινες αὐτὸν Μέτωνος ἐνιαυτὸν ὀνομάζουσι·
δοκεῖ καὶ ὁ ἀνὴρ ἔτος ἐν τῇ προρρήσει καὶ προγραφῇ
ταύτῃ θαυμαστῶς ἐπιτετελέχεναι· τὰ γὰρ ἄστρα τὴν τε
κίνησιν καὶ τὴν ἐπισημασίαν ποιῆται συμφώνως τῇ
γραφῇ· διὸ μέχρι τῆς καθ' ἡμᾶς χρόνον οἱ πλείστοι τῶν ἐλ-
λήνων χρώμενοι τῇ ἐννεακαδεκαετηρίδι, ἢ διαψά-
δονται τῆς ἀληθείας. *quae Latina recitabo, ut Grae-*
ce nescientibus consulatur: Athenis Meton, Pau-
saniae filius, astrologia clarus, spatium illud un-
deniginti annorum demonstrauit, quod Graeci
ἐννεακαδεκαετηρίδα, initio factō die decimatertia
eius mensis, qui σκироφορῶν Athenis nominatur:
in his autem, quos diximus, annis in eundem
astra statim reuertuntur, ac ueluti magni cuius-
dam anni conuersionem capiunt: quocirca nonnul-
li Metonis annum appellarunt. uidetur autem
hic uir in eo, quod praedixit, & praescripsit, mi-
rabiliter ueritatem attigisse. nam, ut ille scri-
psit, ita & motum, & significationes astra fa-
ciūt. quare Graecorum plurimi, ad aetatem usq.
nostram unde uiginti annorum observatione usi,

non errarunt. Idem uidetur significasse lib. 2. cū
 ait: Λέγεται δὲ καὶ τὸν θεὸν δι' ἐτῶν ἐνεακαίδεκα κα-
 ταντᾶν εἰς τὴν νῆσον. ἐν οἷς καὶ τῶν ἄστρον ἀποκατα-
 σῆσεις ἐπὶ τέλους ἄγονται. καὶ διὰ τῆτο τὸν ἐνεακαί-
 δεκαετῆ χρόνον ὑπὸ τῶν ἑλλήνων Μέτωνος μέγαν ἐνιαυ-
 τὸν ὀνομάζεσθαι. hoc est: Apollinem narrant un-
 deniginti annorum spatium, quibus astrorum con-
 uersiones ad finem perducuntur, ad insulam oc-
 currere: propterea tempus undeniginti annorum
 a Graecis Magnum annum vocari. Sic Diodorus.
 Aratus etiā ἐν τοῖς φαινομένοις, - σωμαίδεται ἡδὴ,
 Εννέα καὶ δέκα κύκλα φαινεῖ ἡελίοιο. Quo loco Θεοῦ
 interpres, Μέτων, ait, τίς γέγονε παλαιὸς ἀστρονό-
 μος, ὃς ἀκριβῶς ἀριθμήσας, εἶπε μικρὸν ἐνιαυτὸν, ὥς
 πρὸς σύγκρισιν τῆ μεγάλης, περὶ ὅτερον εἵπομεν,
 ἡγοῦμαι ὅταν σήνοδος γένηται ἐπ' ἀπωλείᾳ τῶ παντός.
 εἰ δὲ μετὰ Μέωνα ἀστρονόμοι, καὶ πίνακας ἐν ταῖς πό-
 λεσιν ἐθήκαν, περὶ τῶν τῶν ἡλίου φαινομένων τῶ ἐνεακαί-
 δεκαετρίδων. Est etiam, non dum peruiulgatus A-
 chilles, quem prudentissimum Iulius Firmicus ap-
 pellat, ualde quidem, (quod ex eius recondita do-
 cetrina cognoscitur) antiquus. is in libro, cui titu-
 lus, τῶν ἀράτε φαινομένων πρὸς εἰσαγωγὴν ἐκ τῶν Ἀχι-
 λῆως περὶ τῶ παντός, ubi agit περὶ ἡλίου, scriptum
 ita reliquit: Λέγεται ἐνιαυτός ἢ ἀπὸ ζωδίου ἐπὶ ζώ-
 διον ἀποκατάστασις αὐτῆ ἐν ἡμέραις τξξ, καὶ ἐλαχί-
 στω μορίῳ. ἀπὸ δὲ σημείων ἐπὶ σημείῳ καθίσταται ἐν
 ὀκτῶ δεκαετηρίδι: εἴγε γνήσιόν ἐστὶ τὸ σύγγραμμα

E'ρα-

Εἶρα το δένης γὰρ ἀντέγραψεν αὐτῷ δεικνύς ὡς ἔκ εἴη
 Εὐδόξου. κατὰ δὲ τίνας, ἐν ἑβδομήκοντα ἔτεσιν, ἥς
 δόξη ἐστὶ Κάλλιππος. κατὰ δὲ Μέτων, δι' ἐννέα καὶ
 δεκατηρίδος. Ταύτῃ κατηκολέθησεν Αἰρατος: φησὶ γὰρ
 σωεγχεῖται ἥδη. Εννέα καὶ δέκα κύκλα φασὶν ἡελίοιο.
*Nominatur & ab Interprete alio, cuius nomen
 non exstat, item a Ptolemaeo libro III. cap. 2.
 magnae constructionis, & in mēsibus Aegyptijs.
 & ab Aristophane, & eius Interprete in An-
 tibus. Aelianus autem de varia historia lib. x.
 Μέτων ὁ Λάκων ἀσρόλογος ἀνέστη σήλας, καὶ τὰς τῷ
 ἡλίου τροπὰς κατεγράψατο, καὶ τὸν μέγαν ἐἰαυτὸν,
 ὡς ἔλεγεν, εὐρεν, καὶ ἔφατο αὐτὸν, ὡς ἔλεγεν, ἐνὸς
 δέοντα εἴκοσιν ἔτων. Idem lib. XIII. ait, eum
 calamitatem prouidisse, quam Athenienses in
 Sicilia, aduersus Lacedaemonios pugnantes,
 pertulerunt, stultitiamq. simulasse, ne cum
 ijs nauigare cogeretur. Suidas quoque sic: Εἰς
 αὐτὸς Μέτωνος ἡ ἐννεακαδεκατηρίς. Μέτων γὰρ ὁ
 μαθηματικὸς περίοδον ἐκτιθεὶς χρόνῳ, ἐνέταξε ιδ'. Le-
 gimus etiam apud Tzetzen lib. XII. de varia
 historia hos uersus:*

Ο Μέτων Αθηναῖος ἦν υἱὸς τῷ Παυσανίῳ,
 Ἦν ἐν Ὀλυμπιάδι δὲ ὀγδοηκοσθεβδόμῃ.
 Αἰριστος ἀσρόλογος δὲ τελῶν ὑπὲρ τὰς πάντας
 Πάντων ᾠρῶτος, ὡς λέγουσι, ἢ ἄλλων ἀσρολόγων,
 Περὶ ἀπάντων ἔγραψεν, ὡς ψεύδονται κ' ἀνταῖθα.
 Τὰς ἐν. εακαδεκατηρίδας τε, καὶ δὴ, καὶ ἄλλα.

Haec

Haec de Metonis anno scriptores Graeci. *Accedunt Latinorum testimonia. primum Vitruvii lib. IX. c. 7. in quo tamen corrupte Melo legitur; deinde Columellae in praefatione, qui eius providentiam in astrorum uetorumque motibus laudat. Et eiusdem lib. IX. cap. 14. in quo sunt haec: Sequor Eudoxi, Et Metonis, antiquorumque fastos astrologorum, qui sunt aptati publicis sacrificiis; tum Plinii lib. XII. cap. 31. etsi mendose legitur, Ion, pro Meton, ut est in antiquo libro; postremo Censorini in libello de die natali (quem librum a nobis emendatum propediem emittemus) qui, quo loco maiores annos colligit, Sunt, inquit, magni anni complures, ut Metonicus, quem Meton Atheniensis ex annis unde uiginti constituit; isque δεκαεννέατης appellatur; Et interkalatur septies: in eoque anno sunt dierum sex millia, Et CDXL. Cic. quoque ad Att. lib. XII. ep. 3. Quando, inquit, iste Metonis annus ueniet?*

Verum, cuius observationis inuentorem Theophrastus, Diodorus, Aelianus, Censorinus Metonem faciunt; quod ita creditum, Et Tzetzes indicat; eam Numae Pompilio, qui multis ante Metonem annis Romae regnavit, non ignotam fuisse uideo. quod ex his Linii uerbis conicio: Omnium primum, ad cursum Lunae in duodecim menses describit annum: quem, quia tricenos dies singulis mensibus Luna non explet, de suntque.

suntq. dies solido anno, qui solstitiali circumagi-
tur orbe, interkalares mensibus disponendo ita
dispensavit, ut uigesimo anno ad metam eandem
Solis, unde orsi essent, plenis annorum omnium
spatijs dies congruerent. Animaduertit igitur
Meton, (ut uberius de eius anno loquamur) uige-
simo quoque anno nouilunium eodem cuiusq. mē-
sis die incidere, cum per annos XIX. superio-
res uarijs semper cuiusq. mensis diebus incidis-
set. exempli gratia: Si Luna Kalendis Ian. cum
Sole coierit, quod nouilunium uocatur, uigesimo
post anno eodem die coibit. &, quod de Ianua-
rio posui, de reliquis mensibus idem sentien-
dum. nam per annos XIX. numquam eo die ne-
que Ianuarij, neque reliquorum mensium incidit
nouilunium, quo semel antea inciderat aut Ia-
nuario, aut reliquis mensibus: sed annis XIX.
incurrit in totidem uarios dies cuiusque mensis.
Illud est notandum, singulis horum XIX. anno-
rum mensibus nouilunium praecurrere modo un-
decim, modo duodecim dies. exempli gratia: Si
primo Ianuarij die nouilunium incidit, anno se-
quenti incidet die XXII. aut XXI. eiusdem men-
sis: anno tertio undecim item dies citius: item
anno quarto eodem intervallo: praecurrere au-
tem nouilunium dixi eodem mense singulis an-
nis, quia omnium mensium dies, ad hanc quidem
rationem nouilunij quod attinet, in seipsos re-
uoluunt-

uoluntur. ita praecurrit nouilunium a primo
 Ianuarij die ad xxi . uel $xxii$. tum ad xi . uel
 x . mox ad primum eiusdem mensis diem. Quod
 autem Censorinus de Metonis anno septies inter
 kalato dixit, id neque Graeca, neque Romana
 ratio pati uidetur. nam, cum apud Graecos quar
 to quoq. anno, idest ultimo cuiusque olympiadis,
 & extrema anni parte interkaletur: fit, ut in
 Metonis anno, idest in annis unde uiginti, non
 septies, sed modo quater, modo quinquies in
 terkaletur: quater quidem, si Metonis annus in
 cipiat a primo olympiadis anno: nam hoc modo
 non attingit ultimum annum, idest quartum,
 quintae olympiadis, quo interkalatur in extre
 mo: quinquies autem, si incipiat uel a secundo,
 uel a tertio, uel a quarto olympiadis anno. nam,
 si incipit a secundo, ultimus eius annus, idest un
 de uigesimus, erit quartus quintae olympiadis:
 ita quintam interkalationem assequetur: quia
 quarto cuiusq. olympiadis anno interkalatur.
 quod si a tertio; undeuigesimus numerabitur pri
 mus olympiadis sextae. si a quarto: secundus eius
 dem olympiadis. qua utraque ratione Metonis
 annus quinquies interkalatur, quia quinque
 olympiadum postremos annos, quibus interka
 lari diximus, complectitur. non potuit igitur
 Censorinus certum, & immutabilem interkala
 tionum numerum in Metonis anno definire: cum
 modo

modo quinquies, modo quater interkalatur, ut iam ostendimus. Age, cogitauerit Censorinus de Romano anno, quem C. Caesar instituit: ne sic quidem procedet. nam quarto quoque anno, collectis quattuor quadrantibus, hoc est horis XXIV. interkalatur, ut expleatur annus dierum numero CCCLXVI. ita sequuntur plane totidem interkalationes, quot apud Graecos in Metonis anno: si quidem ita quarto quoque anno apud nos, ut apud illos, interkalatur, dissimili tamen ratione: nam nostra unius modo diei interkalatio est: illi uero in olympiade impari, una, tertia, quinta, septima, nona, unum interkalant mensem; in pari, secunda, quarta, sexta, octaua, decima, duos. Hic mihi occurrit illud, fortasse Censorinum, Interkalatur septies, dixisse, pro, interkalantur septem menses: quia in sequentibus exemplis, cum Philolai, Callippi, Democriti, Hipparchi magnos annos persequitur, de interkalatis mensibus aperte loquitur: sit ita. ueruntamen non semper in anno Metonis menses septem, sed modo sex, modo septem, modo octo interkalabuntur: sex, cum annus Metonis incipiet ab olympiadis imparis anno primo, & claudetur quintae item imparis tertio, idest citra interkalationem, quae fit anno quarto. Septem uero menses interkalantur, cum incipit a secundo, tertio, quarto item imparis olympiadis:

F dis:

dis : quoniam , ab his omnibus annis incipiens ,
 attingit quartum annum quintae olympiadis ,
 in qua , ut omnibus imparibus , unus interkala-
 tur mensis . Quod si Metonis annum incipere
 uelimus ab olympiade pari : distinguendi sunt an-
 ni . nam , si a primo incipiet , claudetur item ter-
 tio paris olympiadis , idest citra interkalatio-
 nem . ita sex modo mensium sequetur interkala-
 tio . secundo autem initium faciens , quartum
 comprehendet paris olympiadis ; item , si uel a
 tertio , uel a quarto incipiet . ita menses octo in-
 terkalabuntur . nam cum in olympiade pari men-
 ses duo , in impari unus interkaletur : necesse est ,
 ut tribus olympiadibus paribus menses sex , in
 imparibus duabus duo interkalentur : qui sunt
 omnino octo . quis porro non uidet , si Metonis
 annus a secundo , tertio , quarto anno paris olym-
 piadis incipiat ; necessario sequi , ut quinq. olym-
 piadum , trium parium , duarum imparium ,
 interkalationem comprehendat ? In dierum quo-
 que numero uel ipsius Censorini , uel , quod liben-
 tius crediderim , librarij mendum est . nam in
 anno lunari Metonis dies sunt non sex millia
 CDXL , sed sex millia DCCXXVI . quod si de so-
 lari , non de lunari , anno intellexerit Meto :
 dies erunt 6940 . constat autem lunaris annus
 ex 354 . diebus , solaris ex 365 , & quadrante .
 sed de lunari Metonem intellexisse , ideo creden-
 dum ,

dum, quia Graeci omnes, praeter Arcades, & Acarnanes, annum diebus CCCLIV. computabant: Metonem autem in Graecia natum, Athenis Theophrastus, Diodorus, Censorinus, & Tzetzes, Spartae Aelianus dixit, nemo apud Arcades, qui tribus, aut apud Acarnanes, qui sex mensibus annum suum explicabant: ut apud Macrobius scriptum est.

VII
De Libertis, Libertinis, &
Ingenuis.

AD · FRANCISCVM
ALCIATVM
CARDINALEM



VM omnes artes, eae quidem, quae sunt homine libero dignae, hoc habent, ut erga eos, qui ipsis in artibus cum laude uersantur, amorem quēdam concilient: tum uero praecipuum hoc esse uidetur litterarum munus, eoq. magis, si moribus & probitate scientia commendatur. porro, cum haec ipsa, quae a libris, & studio petitur, multiplex admodum cognitio sit: est enim multis distincta partibus, multasq. tamquam in classes dissipata: in uersa tamen litterarum doctrina elucet in primis ea, quae ab humanitate nomen sibi adsciuit: quam cum coluerint multi, qui Iuris cognitione praestitere, Andreas ille Alciatus in primis numerandus est. Cuius tu uestigia secutus, id doctrinae tuae speciem dedisti, quod a singulari uiro sperare possemus. Verum parce haec ego, uere-

De Libertis, Libert. & Ingen. 85

uererundeq. commemoro, quia scribo ad te Te, cuius me pudor, & optimis institutis ad moderationem directa natura ab hoc sermonis genere deterret. Haec ego nunc tacita praetereo: quia tecum quasi loquor. satis mihi sit, exstare in hac epistola, paucis quidem uerbis expressam, sed exstare tamen quoquo modo significationem quandam iudicij de Te mei. nam, quod ad meam obseruantiam pertinet, eam ego officijs potius, quā uerbis, testatam apud Te ipsum ut relinquam, operam dabo. & inter officia, peto a te, ut locū habere sinas obseruantiam ipsam: ut, si re non potero, quod a fortuna pendet, studio tamen, ac uoluntate, quae sunt in me ipso posita, satisfaciam. Interim haec, cum a grauioribus curis respirare Tibi licebit, legas, mei memor.

LIBERTVS, & Libertinus interdū differunt, interdum idem sunt. utrumque patet, si tempora distinguantur. nam priscis temporibus, idest ante Appium Caecum censorem, & aliquanto post, Liberti uocabantur, qui manumissi fuerant; Libertini autem, ex his nati. Ciceronis uero aetate, & ante aliquanto, & post, liberti, & libertini idem dicti, idest qui manumissi fuerant. quamdiu autem libertini uocabantur ij, qui ex libertis nati erant; tunc ingenuitas incipiebat in libertinorum filijs, nepotibus eorum,

F 3 qui

qui aliquando seruitutem seruierant. sed, ubi libertinorum nomen ad ipsos libertos transiit; tunc ingenui erant, non libertini, ut antea, sed libertis nati. ex quo emergit, habita duarum aetatum ratione, duplex libertini, duplex item ingenui definitio: libertini sic. Libertinus est liberti filius. Quae definitio in superiorem aetatem conuenit. Item: Libertinus est, qui manumissione libertatem consequitur. Quae definitio ad posteriorem aetatem pertinet. Duplex libertini definitio, duplicem ingenui definitionem parit. nam, si una tantum esset libertini definitio, unam similiter ingenui definitionem oportet esse. Prior haec: Ingenuus est, qui libertinum patrem habuit. Quae definitio priorem sequitur libertini definitionem. Posterior: Ingenuus est, qui ex liberto natus est. Quae definitio ad posteriorem accedit libertini definitionem. Primum igitur ex libertinis, qui numquam seruierant, ingenui nascebantur, deinde ex libertinis, idest libertis, qui aliquando seruierant. quam definitionem unus indicat maxime Suetonij locus: nec ab eo discrepare uideo, quae notauit diligenter, aliorum exempla. Latum clauum, inquit de Claudio, quamuis initio affirmasset, non lecturum se senatorem, nisi ciuis Romani abnepotē, etiam libertini filio tribuit, sed sub condicione, si prius ab equite Romano

no adoptatus esset. ac sic quoque reprehensionem uerens, etiam Appium Caecum censorem, generis sui proauctorem, libertinorum filios in senatum allegisse docuit; ignarus, temporibus Appij, & deinceps aliquandiu, libertinos dictos non ipsos, qui manumitterentur, sed ingenuos ex his procreatos. Quem locum ita interpretor. Affirmauerat Claudius imperator, nolle se quemquam in senatum legere, nisi antiquo more: postea tantum abest, ut antiquam consuetudinem seruauerit, ut etiam recentiore, quae aliquid amplius concedebat, neglexerit. Antiquus mos hic fuerat, ne senator esse posset, qui abauum suum ciuem Romanum nominare non posset: ut quam longissime a seruili sorde, & facce distaret. per hos enim quasi gradus, ad ingenuitatem adscensus olim dabatur.

Libertus, ciuis erat, sed publico nullo, nisi apparitoris, aut coactoris fungebatur munere. apparitores autem erant scribae, praecones, interpretes, accensi, lictores, uiatores, statores. haec enim ueteres munera, ut Ciceronis ad fratrem epistola declarat, libertis deferebant, excepto tamen scriptu: postea uero scribae quoque liberti fuere. in quattuor autem urbanis tribubus, quas rusticis ingnobiliores fuisse Plinius docet, suffragium libertos tulisse constat. Libertinus, liberti filius, eodem iure.

Ingenuus, libertini filius, liberti nepos, in-

90 De Libertis, Libertinis,

si diceret: libertini tunc uocabantur, qui hodie sunt ingenui, ex manumissis procreati. quem morem idem Suetonius confirmat in Augusto. Valerius, inquit, Messalla tradit, neminem umquam libertinorum adhibitum ab eo cenae, excepto Mena, sed asserto in ingenuitatem. Inter libertinos nominat Menam, quem libertum fuisse Pompeij Magni notum est. Idem in uita Otacilij rhetoris, uocat eum libertinum, quem seruuisse iam dixerat. Et in uita Seruij Nicanoris: Satyram fecit, in qua libertinum se ostendit. At is in Satyrae uersibus, qui subiunguntur, libertum se nominat. Et Valerius Max. lib. v. cap. 2. Aelium Manciam libertini filium appellat, eundemq. paullo post redolere ait paternam seruitutem. Varro lib. vii. Alij nomina habent ab opidis, alij aut non habent, aut non, ut debent, habent. plerique libertini a municipio manumissi. Libertinos appellat manumissos. Quin Etilianus etiam lib. v. cap. 10. Qui seruus, inquit, est, si manumittatur, fit libertinus, non itidem addictus. Idem lib. vii. cap. 3. Seruus, cum manumittitur, fit libertinus: addictus, recepta libertate, est ingenuus. Et Martialis lib. v. infra ingenuam statim libertinam ponit, infra libertinam uero ancillam:

Ingenuam malo; sed, si tamen illa negetur,
Libertina mihi proxima condicio est.

Ex-

*Extremo est ancilla loco : sed uincet utrāque,
Indole si nobis haec erit ingenua.*

*Nec obscure de libertis Cicero loquitur ep. 1.
lib. 11. ad Att. cum ait : An libertinis, atque
etiam seruis seruiamus ? nam seruis condicione
proxime sunt liberti, nihil interest medium . Ad
hanc & posteriores iuris consulti consuetudinem
respexere, ingenuum sic definientes : Ingenuus
est, qui statim, ut natus est, liber est. Sic enim
ingenuitas datur ei, qui liberto natus sit .*

IIX

De Bonorum diuisione.

AD . PETRVM . DONATVM

CAESI VM

CARDINALEM



IN litterarum studio quam multa iucunda occurrant, quorum lectione mirifice animus pascitur, PETRE . DONATE . CAESI praeclare nosti . Sed nihil magis nos afficit, quam earum rerum contemplatio, quibus quotidie utimur, quorumq. adiumento, homines nos esse, facile dignoscimus . Nam, hoc, animus noster ad ea se erigit, earumq. rerum cognitionem consequitur, quae ad bene, beatq. uiuendum nobis duces sunt . Hinc fit, ut ego, quod in studijs temperis consumere mihi datur, libenter in similium indagatione erogem . Haec autem, quae nunc edo, Tibi dicare uolui, obseruantiae meae signum : ut, quando tuae humanitati respondere nunc temporis alio modo non conceditur, eius immemor interim Tibi non uidear.

BONORVM tria genera, externa, corporis, et animi, nominat Aristoteles Ethic. lib. III. & Polit.

De Bonorum diuisione. 93

Et Polit. lib. VII. Et Cicero naturae, studio,
 Et fortunae tribuit Fam. lib. III. ep. 3. Et lib. II.
 de Orat. Crassus, inquit, in orationis suae prin-
 cipio dixit: quae natura, aut fortuna darentur
 hominibus, in ijs rebus se uinci, posse animo ae-
 quo pati: quae ipsi sibi homines parare possent,
 in ijs rebus se pati non posse uinci. Et lib. III.
 Genera rerum expetendarum tria, corporis, ani-
 mi, externarumq. rerum. Interdum tamen idem
 Cicero naturae, Et fortunae bona confundere ui-
 detur. nam post ea uerba, quae recitauimus, ex
 lib. II. de Orat. subiungit haec: Qui laudabit
 quempiam, intelliget exponenda sibi esse fortu-
 nae bona. ea sunt generis, fortunae, propinquo-
 rum, amicorum, opum, uoletudinis, formae,
 uirium, ingenij, ceterarumq. rerum, quae sunt,
 aut corporis, aut extraneae. Quo loco bona
 corporis, quae naturae sunt, Et extraneae, quae
 fortunae, pariter ad fortunam retulit. Et in-
 fra, in eodem libro: Genus, forma, uires, opes,
 diuitiae, ceteraque, quae fortuna det, aut ex-
 trinsecus, aut corpori, non habent in se ueram
 laudem, quae deberi uni uirtuti putatur: sed ta-
 men, quod ipsa uirtus in earum rerum usu ac mo-
 deratione maxime cernitur, tractanda, etiam
 in laudationibus haec sunt naturae, Et fortunae
 bona. Isocrates etiam in oratione, quae inscri-
 bitur Νικοκλῆς, cum dixisset, ἀξίον τὸς φύσει

καὶ

94 De Bonorum diuisione.

κοσμίως ὄντας ἐπαίειν καὶ θαυμάζειν ἔτι δὲ μᾶλλον τῶν
καὶ μετὰ λογισμοῦ τοιοῦτος ὁ τις: subiunxit: Οἱ μὲν
γὰρ τύχη, καὶ μὴ γνώμη σωφρονεῖντες, τυχερὸν ἂν καὶ
μεταπαισθῆεν: οἱ δὲ πρὸς τῷ πεφυκέναι, καὶ διεγνω-
στότεσ' ὅτι μέγιστόν ἐστι τῶν ἀγαθῶν ἀρετὴ, δῆλον ὅτι
πάντα τὸν βίον ἐν ταύτῃ τῇ τάξει διαμένουσι.

*Sunt autem Naturae, ualētudo, forma, uires,
ingenium, memoria; Fortunae, pecunia, &
opes; Studij, doctrina, eloquentia, iudicium,
probitas: quae neque fortuna dat, neque natu-
ra: quamquam aptos ad haec natura gignit. Ge-
neris nobilitas, propinquitates, amicitiae, quae
Cicero, ut ostendimus, fortunae tribuit, mihi
uidentur inter extranea potius esse numeranda.
quamquam & fortuna ad extraneas res perti-
net: sed extranearum, siue externarum rerum
nomen (utroque enim modo appellat Cicero) la-
tius patet, quam fortunae. nam nobilitas, a pa-
rentibus, aut maioribus relicta, externa res est,
nec tamen fortunae. Verior igitur, atque per-
fectior haec bonorum diuisio: externa, corporis,
& animi: quam, fortunae, corporis, & animi.*

IX
De Auspicijs.

AD · FERDINANDVM
MEDICEM
CARDINALEM



VM multa in Antiquorum scriptis obscura reperiuntur, quaeq. illustratione egeant: nihil tamen difficilius, quam totam auspiciorum rationem reperiri uix posse arbitror. Nihil enim docti uiri de eâ re scripsere. ut in re tam difficili, tamq. ardua, quid homines opinari debeant, saepe ignorent. Factum igitur a me est, ut quaedam in hoc genere collecta ederem, fortasse non iniucunda. Magnum hoc: fateor: sed tamen magna aggressis (etiamsi non, quod cupiunt, assequantur) aliqua saltem ex parte laus debetur. Haec autem Tibi, FERDINANDE, potissimum dicare uolui, quod, cum magni illius Cosmi filius sis, qui liberales disciplinas uetere maiorum exemplo magnis praemijs, dum uixit, ad antiquam dignitatem reuocauit, Paternae quoque laudis imitator egregius ab omnibus iudicaris.

CVM

CUM aliae ueterum auspiciorum partes, amissis iniuria temporum auguralibus libris, aut prorsus incognitae nobis, aut obscurae admodum sunt: tum illa perdifficilis, & a nemine ad hanc diem, quod quidem ego legerim, satis explicata scientia est; utrum ad solos augures auspicia plane omnia, an ad augures quaedam, ad magistratus alia, proprio quodam & separato iure, pertinerent. Augurum, & magistratum auspicia multis modis diuersa. Primum, augures auspicabantur, ut ex quibusdam signis uel probarent aliquid, uel uetarent: magistratus, si comitijs auspicabantur, nunquam non uetabant: alijs rebus, pro signorum ratione, item ut augures, aut uetabant, aut probabant. Deinde augures nunciationem solam habebant, sine spectione: magistratus utramque. Tertio loco, augures necessario adhibebantur: magistratus, nisi cum uellent, non auspicabantur. Quarto, augures obnunciabant uel institutis comitijs, uel habitis iam, uel futuris: magistratus futuris tantum. Quinto, augures obnunciabant, cum auspicati essent: magistratus, & post auspicium, & ante. Sexto, tres augures interdum, ut in ferenda lege curiata, quandoque unus, ut in comitijs magistratum, auspicio utebatur: magistratus autem uel unus, qui de caelo seruaret, impedire legum comitia poterat. Singula probemus.

probemus. Primum hoc fuit, augures obseruasse quaedam signa, ex quibus aut probandam rem esse, aut uetandam interpretarentur. id nemo uocabit in dubium. quis enim ignorat, aues quasdam boni ominis, aduersi alias fuisse? dextra auspicia contraria, sinistra prospera? haec scientia non more tantum, quasi tradita per manus, ab ipso primum accepta Romulo, qui urbem auspicato condidit, sed libris etiam continebatur: de quibus ep. 9. & 11. lib. 111. item lib. 11. de leg. lib. 1. de Diuin. & apud Festum fit mentio. Potestatem eorum in utramque partem, sancienti, uetandi, planissime lib. 11. de leg. Cicero expressit. Magistratus uero ceteris quidem in rebus, ut Cicero lib. 11. de Diuin. ostendit, signa obseruabant, ex quibus aut prohiberent, aut probarent: comitijs autem, uel si nulla instructi scientia essent, nulla signorum obseruatione, solo auspicio uetabant; siue aliquid contrarium uidissent, siue non uidissent. Itaque in oratione pro domo, Negant, inquit augures, fas esse agi cum populo, cum de caelo seruatur. Ipsa igitur actio, non ea, quae agentes uidissent, impediendi uim habebat. Hoc si cui uidetur incredibile, loca inspiciat, atque consideret, in quibus hoc auspicij genus nominatur. equidem illa Ciceronis uerba Phil. 2. Confecto negotio, bonus augur, Alio die, inquit. O impudentiam

G singula-

*singularem . quid uideras ? quid senseras ? quid audieras ? nec enim te de caelo seruasse dixisti , neque hodie dicis . Haec , inquam , ego sic interpretor . Cum tu , quibus augures signis adducuntur , ut , Alio die , dicant , ex ijs nullum uideris , senseris , audieris ; cur obnuncias ? nam si , quod consul potuisti , de caelo seruasses : haberes , quo confugeres . obnunciare enim potuisses , si nihil uidisses , sensisses , audisses . Verum , de caelo te seruasse , neque dixisti , neque hodie dicis . Quid igitur , dicet aliquis , obnunciabat magistratus ? Hoc ipsum , se de caelo seruasse : ut in oratione pro Sextio : *Vieta est reip. caussa , & uicta non auspicijs , non intercessione , non suffragijs , sed ui , manu , ferro . nam , si obnunciasset Fabricio is tribunus pl. qui seruasse de caelo diceret : accepisset resp. plagam , sed eam , quam acceptam gemere posset . Ergo tribunus pl. non aliquo aduerso signo , sed eo ipso obnunciabat , eum se de caelo seruasse diceret . Nam , quod in eadem oratione , non ita multo post , sequitur de Sextio tribuno pl. Cum reip. caussam suscepisset ; cumq. auspicijs religioniq. parens , obnunciaret quod senserat : id exaggerandi gratia oratorie dictum puto : ut augetur scelus eorum , qui Sextium tribunum pl. non modo simpliciter obnunciantem , idest , se de caelo seruasse dicentem ; quod cum fieret , agi cum populo nefas**

fas erat ; sed obnunciantem id , quod senserat ,
propemodum occiderant . Huc illud pertinet ,
quod obijcit Vatino Tullius : Num quē post urbē
conditam scis tribunum pl. egisse cum plebe , cum
constaret seruatum esse de caelo ? Signa non ap-
pellat : ipsum perse , seruare de caelo , tribuni-
cias actiones impedire demonstrat . Hanc opi-
nionem Dio lib. xxxix. uel maxime confirmat .
Cum e caelo , inquit , atque ex alijs quibusdam
publica diuinatio fieret : ea , quae e caelo , ma-
ximam uim habebat , sic , ut cetera quidem au-
spicia , quae multa erant , per singulas actiones ,
illud autem semel tantum quocumque die fieret .
hoc igitur huius auspicij maxime proprium erat ,
illud praeterea , quod in alijs rebus omnibus uel
permittebat quaedam fieri , & fiebant , nullo
amplius auspicio per singulas res adducto , uel
prohibebat , & reijciebat aliquid ; populi uero
suffragationes omnino uetabat , eratq. semper ad
ipsas prodigium , siue faustum omen esset , siue
triste . Quoniam igitur multi , uel legum latio-
nes , uel magistratum creationes , quae ad po-
pulum deferrentur , impedire cupientes , prae-
nunciabant , ut eo die de caelo seruaturi : pro-
pterea ueritus Clodius , ne , si Ciceronem accu-
sasset , dilationem , & moram iudicio non nulli
facerent , legem tulit , nequis magistratus , per
quos dies populum aliqua de re suffragia ferre
G 2 oporteret ,

oportere, de caelo seruaret. Quid apertius?
nonne magistratum, qui de caelo seruat, ut po-
puli comitia prohibeat, a signis non pendere de-
monstrat? Ut omittam duorum locorum testi-
monia, quorum altero satis certo, ex oratione
pro domo, altero non admodum dubio, ex Phil.
2. iam sum usus. Ac mihi quidem huius tantae
potestatis, cunctis magistratibus attributae,
causam quaerenti, admirabilis plane ueterum
Romanorum sapientia uideri solet: qui cum po-
puli leuitatem, inscitiamq. nossent, inutiles
quandoque reip. leges iubentis; in auguribus,
autem, uaria signa obseruantibus, praesidij mi-
nus, quam in magistratibus, positum uiderent;
auspicia de caelo, ut praesenti remedio subitis
malis occurreretur, nullis obligata signis, li-
bero impediendi iure, magistratibus dederunt.
Exemplis non egemus. seruauit saepe consul Bi-
bulus de caelo, ut Caesaris, collegae sui, legi-
bus obsisteret. seruauit autem ut consul, non ut
augur. nam, si quis augurem fuisse dixerit; op-
ponam Ciceronis testimonium: qui scripsit ad
Caninium, ipsius Bibuli quaestorem, Bibulum
ad se litteras misisse de auguratu filij sui. ex quo
patet, augurem patrem non fuisse. nam duobus
eiusdem gentis mandari sacerdotium illud non li-
cuit. quod apud Dionem lib. xxxix. scriptum
est. Exstat eiusdem impedimenti significatio in
ep. 16.

ep. 16. lib. 2. ad Att. De rege Alexandrino, placuisse, sibi, aliquando confici: Bibulus de caelo tum seruasset, nec ne, sibi quaerendum non fuisse. Et ad eundem ep. 3. lib. 1 v. Proscripsit, se per omnes dies comitiales de caelo seruaturum. Qua proscriptione, comitia aedilicia fieri non posse, ostendebat: cum agi cum populo non posset eo die, quo de caelo seruaretur. Propterea, ne hoc auspiciorum genere impedirentur ea comitia, quae creandis magistratibus haberentur, leges latae sunt: de quibus Cicero Phil. 2. Quisquam ne diuinare potest, quid uitij in auspicijs futurum sit, nisi qui de caelo seruare constituit? quod neque licet comitijs per leges: & si quis seruauit, non, habitis comitijs, sed prius, quam habeantur, debet nunciare. Porro, quia tribuni pl. legibus interdum neglectis, comitia impedire cupientes, de caelo seruabant, ut ep. 3. lib. 1 v. ad Attic. Sextius, & Milo, & ad eundem ep. 16. eiusdem libri, Q. Scaeuola: ideo consules, ut lib. XIII. Gellius docet, in edicto, quo significabant, quis comitijs centuriatis dies futurus esset, hoc addebant ex uetere forma perpetua: ne quis magistratus minor de caelo seruasse uellet. Cum igitur, qui de caelo seruabat, comitia impediret; locum illum Ciceronis ep. 30. lib. VII. Ille autem, qui comitijs tributis esset auspicatus, centuriata habuit: non pu

to sic intelligendum, ut arbitremur Caesarem seruasse de caelo: (ipse enim sua comitia impedisset: & contra leges fecisset, quae seruari de caelo comitijs uetabant) sed auspicabatur Caesar per augures: quod erat in more positum: uel auspicabatur ipsemet ut augur. nam eo sacerdotio praeditus erat. itaque Cicero epist. 68. lib. xiiii. uocat eum collegam suum. Alterum, ad ostendendam dissimilitudinem, illud erat: augures nunciationem sine spectatione habuisse, magistratus utrumque. id Varro significat obscure, Cicero clarissime: Varro sic lib. v. de ling. Lat. In auspicijs distributum est, qui habeant spectationem, qui non habeant. Non enim opinor hoc significari: augures alios habuisse spectationem, alios non habuisse: sed potius, auspicia sic inter augures & magistratus fuisse distributa, ut spectationem magistratus haberent, augures non haberent. dubitationem omnem tollit Cicero in Phil. 2. nam, cum Caesar consul ostendisset, uelle se, prius quam ad bellum Parthicum proficisceretur, Dolabellam consullem surrogare; Antoniusq. eius collega, & idem augur, iratus Dolabellae, eo se sacerdotio praeditum esse dixisset, ut comitia auspicijs uel impedire, uel uitiare posset: Incredibilem, ait Cicero, stupiditatem hominis cognoscite. Quid enim? istuc, quod te sacerdotij iure facere posse dixisti; si augur

gur non esses, & consul esses, minus facere potuisses? uide, ne etiam facilius. nos enim nunciationem solum habemus, consules, & reliqui magistratus etiam spectationem. Quibus uerbis communem augurum, & magistratum nunciationem, propriam fuisse magistratum spectationem, aperte demonstrat. in quo maiorem habeo fidem Ciceroni, praesertim auguri, quam Festo; qui, cum Cicero nunciationem auguribus det, spectationem adimat, ipse contra adimit nunciationem, spectationem tribuit: si modo locus ille mendo uacat. Apertius etiam Varro in Rhetoricis, a Nonio appellatus. Eo die, inquit, cis Tiberim redeundum est: quod de caelo auspicari ius sit nemini, praeter magistratum. Non enim dubito, quin, auspicari de caelo, sine seruare de caelo, & spectationem habere, idem sit. Nec de auguribus Cicero, sed de magistratibus illud prodidit lib. 11. de Diuin. De caelo seruare non ipsos censes solitos, qui auspicabantur? nunc imperant pullario: ille renunciat. Hoc enim dicit. Olim qui auspicabantur, de caelo seruabant: nunc auspicantur per pullarium: in urbe scilicet: nam extra urbem proconsules, aut propraetores auspicari solere, infra negat: & subiungit causam: Qui auspicia non habent: idest, quibus auspicari non licet. non enim eam potestatem a populo acceperunt, quam accipiunt ij, quibus magistratum

G 4 populus

*populus mandat . quo referuntur illa uerba : De
 iotarus auspicijs semper utebatur : nos , nisi dum
 a populo auspicia accepta habemus , quam mul-
 tum ijs utimur ? At supra diximus , impedijse
 semper , qui de caelo seruaret . Diximus , sed ,
 in comitijs populi : ex auctoritate Dionis . nam
 in alijs rebus obseruari solere signa , quibus aut
 prosperum auspiciū fieret , aut aduersum , con-
 cessimus . propterea , dum comitia magistratum
 haberentur , non licuisse de caelo seruare , osten-
 dit Cicero in Phil. 2 . Cum igitur dixit loco su-
 pra recitato : Nunc imperant pullario : ille re-
 nunciat : manere quidem seruandi de caelo mo-
 rem significat , sed per pullarium : & intelligen-
 dum , praeterquam comitijs : in quibus cur ute-
 retur pullario , uel pullos obseruante , uel alia si-
 gna , cum semper in comitijs , quaecumque signa
 essent impediret ? Rursus aduersari uidetur Var-
 ro , cum dixit : Auspicari de caelo ius est nemi-
 ni , praeter magistratum . Cicero autem auspi-
 cari pullarium ait . Pullarius auspicari proprie
 non dicitur , sed adhiberi in auspiciū ab eo , qui
 auspicatur , idest a magistratu . Ita magistratus
 auspicatur de caelo comitijs ipse , ceteris rebus
 per pullarium : cur enim aliena uel scientia , uel
 opera uteretur in ijs rebus , quas omnino , qui-
 buscumque signis , ipso tantum auspicio sciret im-
 pedi ? Quod si quis magistratum pullario sem-
 per*

per usum esse contendat, saltem ut species quaedam ueteris auspicij retineretur: cum hoc, quando solam rationem sequimur, caremus exemplis, non ualde pugnabimus: modo stet illud, quod satis probatum putamus, seruare de caelo, comitijs impedimentum semper fuisse, alijs rebus non item: quod plane Dio narrat: idq. non augurum, sed magistratum, fuisse: quod ex Varro-
rone cognouimus: qui dixit: Auspicari de caelo ius est nemini, praeter magistratum. Cum quo Cicero consentit, solis magistratibus spectationem tribuens oratione secunda in Antonium. Quod si quis, de caelo seruatum esse alijs quoque rebus, praeter quam comitijs, aliquo scire cupiat argumento: legat illud lib. 11. de Diuin. Auspicia, quibus utimur, siue tripudio, siue de caelo, simulacra sunt auspiciorum, auspicia nullo modo. Q. Fabi, te uolo mihi in auspicio fuisse. Volo, respondet: audini. Hic apud maiores nostros adhibebatur peritus, nunc quilibet. peritum autem esse necesse est eum, qui, silentium quid sit, intelligat. id enim silentium dicimus in auspicijs, quod omni uitio caret. Hoc intelligere, perfecti auguris est. Illi autem, qui in auspiciu adhibetur, cum ita imperauit is, qui auspicatur: dicito, si silentium esse uidetur: nec suspicit, nec circumspicit: statim respondet, silentium esse, uideri. Quibus uerbis Cicero ge-
nus

nus illud auspiciorum describit, quod, seruare de caelo, uocabatur: cum dicat: Nec suspicit. Mox de tripudio sequitur: Dicit, si pascuntur aues. Cum igitur pullarius interroganti magistratui respondeat, silentium, esse uideri: uidelicet ostendit, auspiciu uitio carere; itaque rem, auspicio commissam, posse fieri. quod referri ad comitia nullo pacto potest: quae, seruante de caelo magistratu, ita semper impediabantur, quasi silentium nunquam esset, idest quasi aduersa signa semper essent. ergo non comitijs tantum de caelo seruabatur. Tertio loco posuimus: augures necessario adhibitos esse. quod utrumque satis constat. quis enim nescit, neque magistratum comitia, neque legum haberi potuisse, nisi augures adessent, & probarent? quod perspicue docet Cicero lib. I I. de leg. & ad Atticum epist. ult. lib. I V. . Augures tres in ferenda lege curiata adesse oportere demonstrat. Magistratus autem seruare de caelo nulla res cogebat: sed, ubi comitijs impedimento esse cupiebant, tunc de caelo seruabant. Obijci potest: nonne consulem, comitia consularia cum habere uellet, auspicari necesse erat? Negari non potest: sed tunc de caelo non seruabat: quod, ostendimus iam, comitijs magistratum non licuisse; ne scilicet impedirentur: uerum auspicabatur per augures, aut ipsemet, si augur esset, altero auspicij

cij genere, idest tripudio: cui dabat operam pul-
larius augure spectante. duo enim auspicij genera
lib. 11. de Diuin. Cicero nominat, seruare de
caelo, & tripudio uti. nam auium uolatus, aut
cantus, necessaria non sunt: non enim sunt in no-
stra potestate: sed, si incidunt, ex ijs quoque au-
spicium capitur; si non incidunt, auspicium ta-
men peragitur tripudio necessario. Eiusdem ge-
neris fulmina, uel tonitrua sunt: quae cum au-
diebantur, irrita comitia erant. Quarta inter
augurum, & magistratum auspicia dissimilitu-
do fuit: augures non obnunciassent futuris tantum
comitijs, uerum etiam institutis, aut iam habi-
tis; magistratus futuris tantum. De auguri-
bus Cicero sic lib. 11. de leg. Quid maius est,
quam posse a summis imperijs, & summis pote-
statibus comitiatus, & concilia, uel i. stituta di-
mittere, uel habita rescindere? quid grauius,
quam rem susceptam dirimi, unus si augur, Alio
die, dixerit? quid magnificentius, quam posse
decernere, ut magistratu se abdicent consules?
Haec ad comitia uel instituta, uel iam habita,
pertinent: quod sequitur, ad futura. Quid re-
ligiosius, quam cum populo, cum plebe agendi
ius aut dare, aut non dare? Eiusdem generis
exempla non desunt. Magistratus autem obnun-
ciare solitos esse, priusquam comitia haberen-
tur, plane docet Cicero Phil. 2. Quisquam ne,
inquit,

inquit, diuinare potest, quid uitij in auspicijs futurum sit, nisi qui de caelo seruare constituit? quod neque licet comitijs per leges: & si quis seruauit, non, habitis comitijs, sed prius, quam habeantur, debet nunciare. Idem intelligitur ex epist. 3. lib. 14. ad Att. Quintum erat, de diuerso obnunciandi tempore. nam, cum augures obnunciarent e signis: obnunciationem auspicio posteriorem esse, satis constat. magistratibus autem semper impediens, observatio signorum necessaria non erat. ita enim obnunciabāt, quasi aduersa signa semper essent. propterea liberum illis fuit, non modo post auspiciū, sed ante etiam obnunciare: quasi diuinarent, uitij aliquid in auspicijs futurum. hoc ne mirum uideatur, Cicero testē comprobetur. Quisquam ne, ait in Phil. 2. diuinare potest, quid uitij in auspicijs futurum sit, nisi qui de caelo seruare constituit? Item lib. XXXIX. ostendit Dio. Προεπήγγελλον, inquit, ὥς ἔκ τῶ ἔραν ἅ πῆν ἡμέραν ἐκείνην μαντευσόμενοι. id est: Praenunciabant, ut de caelo die illa seruaturi. Vbi legisse uidetur interpres, parum intellecta re, μαντευσάμενοι: uertit enim: De caelo se seruasse, obnunciare solebant. Eodem illud pertinet epist. 3. lib. 14. ad Att. Proscript, se per omnes dies comitiales de caelo seruaturum. Proscriptio enim illa, obnunciatio quaedam est. Obnūciatum etiam a magistratibus post auspicia,

auspicijs, legimus in oratione pro Sextio duobus locis: ut alia omittantur exempla. Postremum fuit, augures, cum lex curiata ferretur, adesse tres oportuisse: id ex epist. ult. lib. 1v. ad Att. plane liquet; comitia uero magistratuum cum haberentur, satis unum fuisse: quod Cicero lib. 11. de leg. ostendit, his uerbis: Quid grauius, quam rem susceptam dirimi, unus si augur, Alio die, dixerit? Magistratum unum de caelo seruantem impedire comitia potuisse, ex ijs, quae supra diximus, patere satis arbitramur. Quocirca magistratuum, aut augurum auspicia, quod initio proposueram, differunt inter se plurimum.

X

De Ptolemaeis , Aegypti regibus.

A D . A N T O N I V M

C A R A F F A M

C A R D I N A L E M



ET FAMILIAE tuae dignitas, ANTONI . CARAFFA, & uero quam Tibi obseruantiam praestitit Pater meus, postulare uidentur, ut in Te colendo Patris iudicium sequar . quod cum libenter faciam, Patris exemplo commotus ; libentius tamen id mea sponte facere profiteor . tuarum nempe uirtutum fama impulsus, iampridem Te obseruo . Haec igitur ad Te mitto, quae me Tibi de facie ignotum commendent . Quae si Tibi non displicuisse sentiam, satis amplum laborum meorum fructum me retulisse existimabo .

AEGYPTI regnum floruit olim omnibus copijs, donec ab Augusto, deuictis Cleopatra, & Antonio, in prouinciae formam redactum est . in eorum ordine, qui regnarunt, ueteres dissentiunt . Strabo Ptolemaeum Auletem, patrem Cleopatrae, qui nominatur in Ciceronis
epistolis

De Ptolemaeis, Aegy. reg. III

epistolis ad Lentulum, regnasse nonum putat, Appianus undecimum: Eusebius eum non nominat, sed ante Cleopatram Dionysium quendam regem appellat: de quo quid sentiam, infra suo loco ostendam. nunc Aegyti reges, qui omnes Ptolemaei, a rege primo, uocati sunt, enumeremus, & primum e Strabonis, deinde ex Euseby sententia. tum, in quo mihi uterque (pace dixerim antiquitatis) errasse uideatur, breuiter exponam.

Ordo Ptolemaeorum, e Strabone.

1. Ptolemaeus Soter, Lagi filius, uel, ut Pausanias lib. I. significat, Philippi, Alexandri Magni patris, unus ex Alexandri ducibus Persico bello, Aegypti regnum occupauit. eo mortuo, regnauit eius filius Philadelphus.
2. Philadelphus,
3. Euergetes,
4. Philopator,
5. Epiphanes,
6. Philometor,
7. Euergetes secundus, siue Physcon, qui Cyrenis regnarat, Philometoris frater.
8. Lathurus,
9. Auletes.

Ordo

Ordo Ptolemaeorum, ex Eusebio.

1. Ptolemaeus Lagi filius,
2. Philadelphus,
3. Euergetes,
4. Philopator,
5. Epiphanes,
6. Philometor,
7. Euergetes,
8. Physcon, siue Soter,
9. Alexander,
10. Ptolemaeus, a matre eiectus,
11. Dionysius,
12. Cleopatra.

E G O plures, non mdo quam Strabo, grauis in primis auctor, qui unum Lathurum ab Euergete secundo ad Auletem interponit, sed etiam quā Eusebius, Aegypti reges inuenio: de quibus singulis agam planissime, allato ueterum testimonio, ne coniecturam inanem uidear secutus. Primum ordiar ab Euergete secundo, cui septimum Strabo, Athenaeus, & Eusebius locum tribuunt. Hic igitur cum Cyrenis regnasset, fratre mortuo, quem Philometorem Strabo, Eusebiusq. appellant, & regnum Aegypti, & uxorem Cleopatram, sororem ipsius, fratris antea uxorem, accepit. Iustini uerba sunt haec lib.

XXXIIX.

XXXIIX. Mortuo rege Ptolemaeo, ei, qui Cyrenis regnabat, Ptolemaeo per legatos regnum, & uxor Cleopatra regina, soror ipsius, deferretur. & epitome Liuiana lib. LII. Ptolemaeus (de Philometore sermo est) in caput grauius uulneratus, inter curationem, dum ossa medici terrebare contendunt, exspirauit: atque in locum eius frater minor Ptolemaeus, qui Cyrenis regnabat, successit. Hic autem in eadem epitome Euergetes cognominatur, lib. LIX. & Euergetem in Aegypto septimum regnasse, confirmat Athenaeus lib. IV. & XII. Quo anno perierit, nemo plane docet: sed uidetur & postquam Seleucus, Demetrii filius, Syriae rex, a matre necatus est, & antequam ipsa uenenum bibere ab altero eius filio Grypo cogeretur. nam inter haec duo parricidia eum obijisse, perspicue uidetur lib. XXXIX. Iustinus ostendere, cum ait: Inter has regni Syriae parricidiales discordias moritur rex Aegypti Ptolemaeus. Porro Seleucus, Grypi frater, interfectus a matre uidetur, quo anno consul Q. Metellus Baleares deuicit, id est anno DCXXX. idq. clare demonstrat epitome lib. LX. Spatium autem illud a Seleuci nece ad matrem exstinctam, quod in bello contra Alexandrum, Syriae regem, Grypus, ut paternum, regnum recuperaret, consumpsit, biennio minus fuisse, uerisimile non est. ex quo sequitur, ut an-

H . no

no urbis perierit *Euergetes* DCXXXII, aut DC-
 XXXIII. quo posito, quaerendum est, qui post
 eum usque ad *Cleopatram* reginam, *Auletis* fi-
 liam, & quot quisque annos in *Aegypto* regna-
 uerit. *Euergetes* duos habuit ex legitima uxore
 filios, *Straboni*, ut suspicor, ignotos, *Ptole-*
maeum, & *Alexandrum*, quos in *Aegypto* ma-
 tris iudicio regnare uoluit; tertium *Apionem* ex
 pellice, cui *Cyrenarum* regnum testamento reli-
 quit: qui sine filijs, herede relicto populo Roma-
 no, decessit. *Ptolemaeus*, natu maior, inui-
 ta matre, quae minorem filium praeferebat, sum-
 ma populi uoluntate rex *Aegypti* creatus est.
 Sed aliquot post annis, multitudine in eum a ma-
 tre concitata, regno pulsus in *Cyprum* abiit. rex,
 frater eius *Alexander* substituitur: quem postea,
 odio matris ab eo interfectae, populus in exsu-
 liū egit, reuocato patre *Ptolemaeo*. Habemus igi-
 tur duos post *Euergetē* *Aegypti* reges: quorū histo-
 riā satis plane lib. XXXIX. *Iustinus* persequitur.
 reliqua cōsideratio est, quot annos uterque regna-
 uerit. in quo utemur *Eusebio* teste. is *Ptolemaeū*,
 quē *Physconem* falso putat, cum sit *Physconis* fi-
 lius, regnasse annos XVII, *Alexandrum* eius
 fratrem X, rursus eundem *Ptolemaeum* XIX. qui
 sunt omnino XXXV, ab eo anno, quo perijt *Euer-*
getes. ita *Ptolemaeum* hunc, *Euergetis* filium,
 perijsse constabit anno urbis DCLXIX; cum pa-
 ter

ter parierit, ut ostendimus, anno DCXXXIII. Successit Ptolemaeo Alexander, beneficio Sullae dictatoris: quod ex Appiano lib. I. de bel. ci. plane cognoscitur. hic Alexandri filius cum ab Appiano uocetur, patrem eius fuisse crediderim Alexandrum illum, Physconis filium, qui regnavit annos X. Sed eum, ob insolentiam, XIX regni die populus necavit. id factum constat anno DCLXXI. quo anno Sulla dictatorem inuasit. ita uidetur per biennium in Aegypto nemo regnasse, id est ab anno DCLXIX, quo Ptolemaeum Physconis filium obijisse demonstratum est, ad annum DCLXXI, quo Sulla dictator Alexandri filium substituit. Post hunc quis regnaverit, explorare nemo tradidit. ego tertium Alexandrum puto, filium eius, aut fratrem, quem a populo interfectum proxime diximus. nec dubito, quin sit is, quem regno eiectionem Suetonius in Iulio declarat his uerbis: Tentavit per partem tribunorum, ut sibi Aegyptus provincia plebiscito daretur, nactus extraordinarij imperij occasionem, quod Alexandrini regem suum, socium, atque amicum a senatu appellatum, expulerant, resq. improbatur. Hoc Caesar aedilis cum tentauerit; quod perspicue Suetonius declarat: aedilitatem autem Cotta, & Torquato cos. gesserit; de quo quidem Romanae peritus historiae nemo dubitat: facile colligitur, uel ijs-

dem consulibus, uel anno certe superiore, qui fuit post urbem conditam DCXXCVII, hunc Alexandrum esse pulsum. ita uidebitur regnasse annos XVI, ab eo scilicet anno, quo Sulla, rerum potitus, primo dictaturae anno, Alexandrum illum, cuius facta mentio est, regnare uoluit. Ac, nequis miretur, cur ego hunc Alexandrinorum regem, cuius nomen Suetonius omittit, Alexandrum appellem; recitabo Ciceronis uerba, quibus & Alexandri nomen cognoui, & hoc amplius, perijisse eum exsulem post aedilitatem Caesaris, id est post Cottam, & Torquatum consules, herede relicto Aegypti regni, ex quo pulsus erat, populo Romano. Ciceronis uerba sunt haec in agraria 1. Dicent decemuiri, id quod & dicitur a multis, & saepe dictum est, post eosdem consules regis Alexandrini testamento regnum illud populi Romani esse factum. Consules, quorum hic nomina omittuntur, sine dubio sunt Cotta, & Torquatus. nam, quae ibi proxima sequuntur uerba, Caesarem describunt, qui de administranda Alexandria, quod iam Suetonio teste probauimus, aedilis apertissime pugnauerat: quod factum esse constat Cotta, et Torquato cos. Quo in loco, cum Alexandriam, Aegyptumq. nominauerit, subiungi non placet, Regis Alexandrini. de quo enim, nisi de ipsius Alexandriae rege, sermo est? ac malim, ut libere dicam,

dicam, & hic; & in agraria 1. Regis Alexandri potius, quam Alexandrini. Sequitur enim hic proxime: (ut argumento utar firmiore) Video, qui testamentum factum esse confirmet. auctoritatem senatus exstare hereditatis aditae sentio, tum, quando, Alexandro mortuo, legatos Tyrum misimus, qui ab illo pecuniam depositam nostris recuperarent. Quod si & post Cottae, ac Torquati consulatum, ut Agraria 1. demonstrat, Aegypti regnum populo Romano legauit Alexander; & id factum ante se consulem Cicero in eo oratione, quam in Rullum consul habuit, aperte significat: perierit Alexander, necesse est, L. Caesare, C. Figulo cos. qui annus post Cottam, & Torquatium, ante Ciceronem, & Antonium consules interiectus est. Alexandro mortuo, successit is, de quo ibidem Cicero illa dicit: Eum, qui regnum illud teneat hoc tempore, neque genere, neque animo regio esse, inter omnes fere uideo conuenire. Qui quidem uideri potest Auletes non esse: cum dicat Cicero haec: Eum regio genere non esse, inter omnes fere uideo conuenire. contra quam de Aulete scripsit in oratione pro domo: Cuius, inquit, cum patre, auo, maioribus societas populo Romano iuncta est. quod etiam comprobat in ea pro Sextio his uerbis: Rex Ptolemaeus, qui, si non dum erat ipse a senatu socius appellatus, erat tamen frater eius

H 3 regis,

regis, qui iam erat a senatu honorem istum consecutus; erat eodem genere, iisdemq. maioribus, eadem uetustate societatis; denique erat rex, si non dum socius, at non hostis; pacatus, quietus, fretus imperio populi Romani regno paterno, atque auito, regali otio, perfruebatur. Ego tamen, Auletem eum esse non dubito. non enim moneor, quod diuerse de eodem sit Cicero locutus. oratorium hoc est, aliud alio tempore sentire, si causa postulet. quod Tedianus in oratione pro Cornelio, cum Cicero non idem, quod in ea de haruspicum responsis, dixisset, notauit his uerbis: Oratoriae calliditatis est, ut, cum opus sit, eisdem rebus ab utraque parte, uel a contrarijs utantur. In agraria oratione Alexandrini regni possessionem omnibus modis uocari in dubium oportuit, quo maior decemuirorum, quos Rulli lex creabat, de Aegypto diuidenda, aut certe regi uendenda, spes ostenderetur. itaque tum de Alexandri regis testamento iniecit: tum, genere eum regio non esse, qui eo tempore regnabat, astute subiunxit. in oratione autem pro domo, ut Clodij leges infamarentur, duorum Ptolemaeorum fratrum, alterius Aegypti, alterius Cypri regis, cuius regnum Clodius sua lege publicarat, antiqua nobilitas, & hereditaria regnorum possessio fuit ostendenda. Adiuuat hanc opinionem, nisi fallor, Plinij locus lib. xxxiii. cap. 10.

cap. 10. in quo haec sunt: Ptolemaeum Varro tradit, Pompeio res gerente circa Iudaeam, octona millia equitum sua pecunia tolerasse, mille conuiuas, totidem aureis patorijs mutan-tem uasa cum ferculis, saginasse. Quem ego Auletem fuisse Ptolemaeum facile crediderim. nam eo beneficio Pompeius eum, pulsum postea ab Aegyptijs, Romae hospitem suum esse uoluit, & ut restitueretur, enixe operam dedit. quorum alterum ex Dione, alterum e Strabone cognoscitur. quo anno autem Cicero agrarias orationes habuit, eo liberius de Aulete potuit detrabere, quod is non dum socius, et amicus populi Romani appellatus erat: quem honorem quadriennio post, emptum a Caesare consule sex talentorum millibus, obtinuit: quod in Suetonio legimus: & Caesar ipse lib. 111. de bel. ci. in suo priore consulatu societatem cum Aulete factam demonstrat. Atque haec plane causa fuit, cur societatem, & amicitiam populi Romani Ptolemaeus tanta mercede sibi parandam putauerit, quod uereretur, ne sibi testamento regis Alexandri populus Romanus Aegyptum adimeret, qui praesertim non esse regio genere crederetur. quamquam in orationibus pro domo, & Sextio, ubi societas a Romanis cum eius patre, auo, maioribus iuncta nominatur, plane ut filius agnoscitur Aegyptij regis, non Alexandri, qui, herede relicto populo Roma-

no, exsul obiit, sed Ptolemaei Physconis filij, quē bis regnasse diximus. nam, si aliquo ex tribus Alexandris nominatis patre natus esset, nomen ei fuisset Alexandro potius, quam Ptolemaeo, ut patrem nomine reserret: cum & duo superiores Alexandri a patre nomen accepissent. certe ultimus Alexander, qui regni heredem instituit populum Romanum, numquam regno filium priuasset, neque fratrem, neque patrum, idest filium uel secundi, uel primi Alexandri. Hic igitur Auletes est, Cleopatrae pater: qui successit Alexandro ultimo, ei, cui & Lathuro, ut & Strabo eum uocat, cognomen fuit, uel potius, ut ego arbitror, Lamyro, a facetijs uidelicet. nam Graeci, quem nos dicacem, & facetum, λαμυρόν uocant. quae si uidetur infirma opinio, muniatur auctoritate Plutarchi, qui dicacitatem quibusdam regibus causam cognominis attulisse, ut Antigono, & Ptolemaeo, quorum hic Lamyrus, ille Doso dictus est, in Coriolani uita scripsit. minus mendose in Plinio, lib. vi. cap. xxx. sed mendose tamen legitur, Quibusdam ante Ptolemaeum Lathyrum, regem Aegypti, ignium fuit usus ignotus. pro, Lamyrum. Auletem perijsse Ser. Sulpicio M. Marcello cos. annis xiii. post obitum tertij Alexandri, quem I. Caesare, C. Figulo cos. obijsse ostēdimus, indicat M. Coelij ad Ciceronē epistola, Inuideo. Equidem

Equidem in eo quoque mihi uideor Eusebii diligenti-
am posse requirere , quod inter Philometorem , & Physconem , regem ponit Euergetem ,
Physconemq. putat Euergetis esse filium : cum ,
Philemetori statim fratrem eius Physconem suc-
cessisse , satis ex Strabone , Iustino , epitome Li-
uiana , et Valerio Max. constet . ex quo patet ,
Strabonem in eo melius , quam Eusebium , sen-
sisse , quod Euergetem , & Physconem eundem
facit . nam Physcon ἀπὸ τῆς κοίτης , id est a uen-
tre obeso , dictus est : ideoq. Romanis legatis , ad
eum adeuntibus , ridiculum fuisse , Iustinus pro-
didit . Euergetes autem , quo nomine beneficen-
tia significatur , non liberi populi iudicio , sed
adulantium obsequio , aut eius crudelitatis me-
tu , nominatus . itaque scribit Athenaeus lib.
xii . cum ipse Euergeces dici uellet , cacoerge-
tem , id est maleficum a populo uocatum . fuit
enim tyrannorum omnium crudelissimus , quippe
qui non modo urbem Alexandriam caedibus exi-
naniuerit , sed duos etiam ipsius filios necarit ,
quorum alterum in membra concisum ad ma-
trem inter epulas , die natalis eius , afferri ius-
sit . Nec in Physconis cognomine Athenaeus a
Strabone dissentit : cum Euergetem ita lato
fuisse uentre ostendit , ut propterea talari ueste ,
quae corporis deformitatem obtegeret , utere-
tur . Quid , quod post Ptolemaeum a matre cie-
tum

Etum non plures, quam duos, Aegypti reges idem Eusebius facit, Dionysium, & Cleopatram? exclusis duobus Alexandris, illo, cui Sulla dictator Aegypti regnum tradidit, quem regnasse xix tantum dies iam diximus; & eo, quem in agraria 11. Cicero nominat. addo illud, quod is Dionysius, quem ante Cleopatram regem constituit, si Auletes est, eius filius omititur, qui Magnum Pompeium necari iussit. sin Auletis filius, Auletes ipse praeteritur. Peccat in eo quoque, quod istum Dionysium annos xxx regnare uult, nec locum relinquit Alexandro, quem Suetonius, & agrariae orationes exsulem fuisse Cotta, & Torquato cos. demonstrant. Illa uero turpis in supputatione temporum negligentia, quod annos xxx, quos regnare Dionysium putat, ab eo anno, qui Sullae dictaturam proximus antecessit, ad Cleopatram enumerat: quos esse xxxv, quis iam ignorat? siquidem Cleopatra regnum a Caesare 11 dictatore accepit: qui fuit annus urbis dccvi. cum Sulla dictaturam inierit anno dclxxi. Alius igitur Ptolemaeorum instituendus est ordo; cum neque Strabonis, nec Eusebij sententiae acquiescere possimus; nec inter ipsos quidem conueniat: quo magis ab utroque dissentire nobis licet. Incipiamus a Philometoris fratre Euergete, uel Phiscone; quem regnasse in Aegypto septimum, Philometore

lometore fratre mortuo , inter Strabonem , Athenaeum , Eusebium uideo conuenire . Appianus etiam in Syriaco Ptolemaeum sextum appellat eum , cui successisse Euergetem fratrem non dubie coniiciet , qui epitomen Liuianam trium librorum , XLV , XLVII , LII , diligenter inspexerit .

VII. Ptolemaeus Euergetes Physcon, frater Philometoris. epitome Liuiana lib. XLVII & LII . Iustinus lib. XXXIIX . Strabo lib. ultimo, Athenaeus lib. IV. & XII.

IIIX. Ptolemaeus, Physconis maior filius, quo pulso fratrem eius minorem Alexandrum mater substituit . ex Iustini lib. XXXIX .

IX. Alexāder, Physconis minor filius. ex eodē. Ptolemaeus idem, qui antea regnauerat, Physconis filius, ex eodem, & Eusebio : quamquam Eusebius eum non recte Physconem uocat .

X. Alexander, Alexandri filius, eius, quem Physconis minorem filium fuisse diximus . qui, accepto a dictatore Sulla regno, intra XIX dies a populo caesus est. Appianus lib. I. bel. ci.

XI. Alexander alius, proximi superioris filius, aut fortasse frater, qui perijt, ut ostendimus, L. Caesare, C. Figulo cos. quod

quod ex agrarijs orationibus, prima,
secunda, cognovimus.

XII. Ptolemaeus Auletes, Pompeij Magni a-
micus; quem ab Alexandrinis exactum
Gabinius, Syriae proconsul, restituit.
testis multorum historia.

XIII. Ptolemaeus ultimus, Auletis filius, cu-
ius iussu Pompeius Magnus occisus est.
nota historia.


XIV. Cleopatra, qua devicta Aegyptum in pro-
vinciae formam Augustus redegit.


Appianus autem, cum undecimum Aegypti re-
gem Auletem in Syriaco libro, & in Parthico
nominat; regem, opinor, non numerat Alexan-
drum illum, qui XIX dumtaxat dies regnavit.
nam Ptolemaeus, Physconis filius, etsi bis re-
gnavit, unum tamen, quia unus est, inter Ae-
gyptios reges locum obtinet. qua ratione Ap-
piani defenditur opinio. At Pausanias lib. I.
octavum Ptolemaeum, qui in Aegypto regna-
vit, Philometorem vocat, & eum esse putat,
quem mater regno expulit, minore filio Alexan-
dro substituto: ut propterea, Philometor sit di-
ctus, quia matri minime carus. in quo vel ipse,
vel Strabo falli videtur. nam, Philometori Euer-
getem fratrem successisse, & Strabo confirmat.
Euergetis vero, qui & Physcon vocatus, fi-
lij fuere illi duo, quorum maiorem a matre pul-
sum

sum diximus, minore substituto. quod si Philometor ante fratrem Energetem regnavit: videtur omnino non octavum locum, sed sextum inter Aegypti reges habere, nec is esse, quem odio mater habuit, sed eius patruus, & fortasse Philometoris cognomen accepisse non ab odio matris in illum, significatione nomini contraria, sed ab eius amore erga matrem. aut igitur Philometor fuit Energetis frater, sextus Aegypti rex, ut Strabo sensit; aut Energetis filius, octavus Aegypti rex, ut scriptum est apud Pausaniam.

Le premier point que nous devons examiner
est de savoir si l'homme est libre ou non.
C'est une question qui a occupé les philosophes
de tous les siècles. Les uns ont dit que
l'homme est libre, les autres qu'il n'est
pas. Mais il faut remarquer que ces deux
parties ont chacune des raisons qui leur
servent de fondement. Les uns disent que
l'homme est libre, parce qu'il a la faculté
de choisir entre le bien et le mal. Les autres
disent qu'il n'est pas libre, parce qu'il est
gouverné par les passions et les sens.

Il est évident que ces deux opinions sont
contraires. Mais il est également évident
qu'elles ne le sont pas absolument. Car
il est possible que l'homme soit libre en
certains points, et non libre en d'autres.
Par exemple, il est libre de choisir entre
le bien et le mal, mais il n'est pas libre
de résister aux passions et aux sens.
C'est pourquoi il est si difficile de déterminer
la liberté de l'homme. Il faut examiner
tous les points de la question, et les
peser avec soin. Car si l'homme n'est
pas libre, il n'y a point de morale.





I

De Toga Romanorum.

A D . I A C O B V M

S V P E R A N T I V M

E Q V I T E M

E T . D . M A R C I

P R O C V R A T O R E M



A N T I Q V A R V M rerum
 scientiam, IACOBE. SVPE
 RANTI, plurimum ad o-
 mnia adiumenti asserre, quis
 ignorat? quod Tu optime o-
 mnium nosti: qui cum pru-
 dentia, quam Tibi summam a Natura ingeni-
 tam omnes fatentur, ita Antiquitatis cogni-
 tionem coniunxisti, ut, in utra excellas, diju-
 dicari uix possit. Quo fit, ut omnes Te obser-
 uent, eumq. esse iudicent, qui Reip. Venetae
 maximis in negotijs utilissimam operam nanare
 possis. Quod cum praeclare in omni Tua uita
 praestiteris, in dies Te ipsum uincis, qui alios
 iā uirtute uiceris. Non igitur potui diutius me
 tenere, quin aliquod meae obseruantiae si-
 gnum ad Te mitterem. quod si Tibi non ingra-
 tum fuisse cognouero, laetabor; sin minus,
 A uoluisse

uoluisse me saltem hoc exiguo munere Tibi gratificari, idq. posteris testatum relinquare, tam mihi gratum erit, quam quod gratissimum.

DE togae forma primū agemus, de mēsurā, de colore: praeterea quaerēdum putauimus, utrū ea Romani tantum, an Itali pariter omnes uterentur; utrum mares, an etiam feminae; utrum uiri, an omnis aetas; utrum uulgo, an soli honestiores; utrum urbani, an milites quoque. sed, ante quam haec aggrediamur, togarū genera uidentur explicanda: sunt enim multa, uarijs nominibus, sicuti materia, colore, pictura distinguantur. ac primum agemus de praetexta: deinde trabeam, pictam, purpuream, undulatam, soriculatam, rasam, Phrygianam, papaueratam, Attalicam, Babyloniam, Alexandrinam, ordine persequemur: nam pura communis erat, quae reseruatur in extremum locum.

PRÆTEXTA non omnes passim, sed hi tantum utebantur; pueri, puellaeq. ingenuae, illi ad initium anni xvii, hae donec nuberent; magistratus omnes, non modo Romae, sed in colonijs etiam, & municipijs; magistri uicorum, & collegiorum; sacerdotes, quorum in numero augures fuere; senatores ludorum Romanorum diebus; postremo, mulieres nonis Caprotinis. Puerorum praetexta cognoscitur ex multis. Filij
trium-

triumphantium praetextati, leguntur apud Ciceronem in orat. pro Murena. & in Verrem: Neque te tam commouebat, quod cum toga praetexta, quam quod sine bulla uenerat. Et in Antonium or. 2. Tenes ne memoria praetextatum te decoxisse? sumpstisti uirilem, quam statim muliebrem togam reddidisti. Quibus uerbis ostenditur, & uirilem togam sumi solitam deposita praetexta; & meretrices toga usas esse. subiungit enim: Primo uulgare scortum: sed cito Curio interuenit, qui te a meretricio quaestu abduxit, &, tamquam stolam dedisset, in matrimonio stabili & certo locauit. Ut enim togatae meretrices, sic matronae stolatae. & in Laelio: Amores puerorum saepe una cum praetexta toga deponuntur. Plinius etiam lib. i v. cap. 23. perspicue pueros designat, cum ait: Murenis tenuissimum tergus, contra anguillis crassius, eoq. uerberari solitos tradit Verius praetextatos. Omitto Macrobij, Suetonij, aliorum testimonia: sunt enim multa. De puella uero praetextata Cicero in Verrem: Eripies pupillae togam praetextam? Catullus: Mitte brachiolum teres Praetextatae puellae. Prop. lib. i v. Mox ubi iam facibus cessit praetexta maritis, Vinxit & acceptas altera uicta comas. Festus: Nubentibus, depositis praetextis, a multitudine puerorum obscena clamabantur. Legimus & illud

in Institutionibus de Iniurijs : Siue quis matrem familias, aut praetextatum, praetextatamue affectatus fuerit. Nec aliter accipio Varronis illud apud Nonium, ex libro de liberis educandis: Ut puellae habeant potius in uestitu chlamydas, encombomata, ac arnacidas, quam togas. Opinor enim de togis praetextis, non de togis puris, locutum esse. nam, quis credat, puellas ingenuas puris togis uti solitas, quas fuisse meretricum, & iam significauimus, & infra probabimus? Libertinis autem pueris ac puellis adimo praetextam auctore Pediano, qui ait: Praetexta honestorum, toga uiliorum. Verum Papinij uersus, de Glaucia liberto prolatus, dubitationem omnem tollit: Sola uerecundo deerat praetexta pudori. In quo tamen illud animaduertendum, libertinorum filios, modo iuxta matre familias nati essent, ingenuorum in numero positos esse. quod si quis in dubium uocat, legat illud Suetonij in Claudio: Latum clauum, quamuis initio firmasset, non lecturum se senatorem, nisi ciuis Romani abnepotem, etiam libertini filio tribuit, sed sub condicione, si prius ab equite Romano adoptatus esset. ac sic quoque reprehensionem uerens, etiam Appium Caecum censorem, generis sui proauctorem, libertinorum filios in senatum adlegisse docuit, ignarus, temporibus Appij, & deinceps aliquandiu, libertinos dictos

Etos non ipsos , qui manumitterentur , sed ingenuos ex his procreatos . Aperte docet , ingenuos fuisse natos ex ijs , qui seruissent . quod etiam posteriores iurisconsulti suos in libros retulerunt . Caussam & originem attributae praetextae libertinorum filijs , Macrobius lib. 1. Sat. exponit his uerbis . Libertinis nullo iure uti praetextis licebat , ac multo minus peregrinis , quibus nulla esset cum Romanis necessitudo : sed postea libertinorum quoq. filijs praetexta concessa est , ex caussa tali , quam M. Laelius augur refert : qui , bello Punico secundo duumuiros , dicit , ex S. C. propter multa prodigia libros sibyllinos adiisse ; & , inspectis his , nunciasse , in Capitolio supplicandum , lectisterniumq. ex collata stippe faciendum , ita ut libertinae quoque , quae longa ueste uterentur , in eam rem pecuniam subministrarent . aucta igitur obsecratio , pueris ingenuis , itemq. libertinis pronunciantibus carmen . ex quo concessum , ut libertinorum quoque filij , qui ex iusta dumtaxat matre familias nati fuissent , togam praetextam , & lorum in collo pro bullae decore gestarent . De praetexta magistratum quis ambigat , qui modo paullo sit humanior ? In oratione post reditum in senatu : Consul , cum uos uestem mutandam censuissetis , cunctiq. mutassetis , unguentis oblitus , cum toga praetexta , quam omnes praetores aedilesq.

tum abiecerant, irrisit squalorem uestrum. Et, in Pisonem: Quid? tu in licitoribus, in toga praetexta esse consulatum putas? quae ornamenta etiam in Sex. Clodio, te consule, esse uoluiſti. cenſores, & tribunos pl. excipio, admonente de cenſoribus Polybio, Plutarcho de tribunis pl. Polibus enim lib. vi. cum ornamenta mortuorum narrat, & illa ipſa perſequitur, quae uiuentes habuerant, conſulibus, praetoribusq. togam purpurea circumdatam, ideſt praetextam, cenſoribus uero non praetextam, & ijs, qui triumphauerant, auro contextam tribuit. Plutarchus, ubi tribunum pl. magistratum eſſe negat, hoc utitur argumento, quod praetextam non habuerit.

Praetores, aliquē capitis condemnaturi, praetextam prius deponebant: quod lib. ix. cap. 12. Valerius docet: opinor, quia tristem ſententiam in ueste laetitiam indicante ferri non deceret. Coloniaſ quoque & municipiorum magistratibus praetextae ius fuit: quod Lini j teſtimonio probatur. Purpura, inquit lib. xxxiv. uiri utemur, praetextati in magistratibus, in ſacerdotijs: liberi noſtri praetextis purpura togis utentur: magistratibus in colonijs, municipijsque, hic Romae infimo genere magistris uicorum togae praetextae habendae ius permittemus, nec id ut uiui ſolum habeant tantum inſigne, ſed etiam ut cum eo cremen-
uſu

usu purpuræ interdicemus? Exstat illud Cicero-
nis in Pisonem, qui Capuae duumvir fuerat:
Capuae te praetextatum nemo adspexit, qui non
gemeret desiderio mei. Magistri uicorum, &
collegiorum, aequae praetextati reperiuntur,
illi apud Liuium loco proxime recitato, hi apud
Pedianum. nam, cum illud in Pisonem interpre-
taretur: Sex. Clodium, qui numquam antea
praetextatus fuisset, ludos facere, & praetex-
tatum uolitare passus es: haec subiunxit: L. Cae-
cilio, Q. Marcio cos. S. C. collegia sublata sunt,
quae aduersus remp. uidebantur esse. Solebant
autem magistri collegiorum ludos facere, sicut
magistri uicorum. faciebant compitalicios prae-
textati. qui ludi, sublati collegijs, discussi sunt.
post nonem deinde annos, quam sublata erant, P.
Clodius tribunus pl. lege lata restituit collegia.
inuidiam ergo, & crimen restitutorum confert
in Pisonem, quod, cum consul esset, passus sit,
antequam lex ferretur, facere praetextatum lu-
dos Sex. Clodium. Sacerdotum praetextam
adducta paullo ante Liuij uerba demonstrant. in
quo quaerendum uidetur, cum sacerdotum plu-
ra genera fuerint, omnes ne pariter, an aliqui
tantum praetextam habuerint. nostri autem in-
stituti est, quod ueterum testimonijs confirmare
non licet, in incerto relinquere, omissa conie-
ctura, nisi si eiusmodi sit, ut magnam habeat

speciem ueritatis. Praetextatorum omnium sacerdotum exemplum illud exstat apud Capitolinum in uita Galieni: Cum picta toga, & tunica palmata, inter patres, omnibus sacerdotibus praetextatis, Capitolium petijt. Pontificis max. apud Lampridium praetexta cognoscitur in uita Seueri. Accepit, inquit, praetextam, etiam cum sacra faceret, sed loco pontificis max. non imperatoris. De auguribus non uideor posse dubitare, cum dicat Cicero ep. 9. lib. 2. ad Atticum, Vatinij strumam Sacerdotij *ῥιδαῖα* uestiant. quod satis aperte cognoscitur ex ep. 4. lib. xv. agebatur enim de Vatinio in auguris locum Q. Metelli Celeris mortui subrogando. Dibaphus autem non modo purpura fuit, sed purpura bis tineta. Et in oratione pro Sextio, Lentuli Spintheris filium augurem creatum significans, Cui superior, inquit, annus idem & uirilem patris, & praetextam populi iudicio dedit. Inter sacerdotes & decemuiros fuere: de quibus Liuius lib. xxvii. Virginum ordinem sequebantur decemuiros, coronati laurea, praetextaque. Senatorum sequitur praetexta: quam probare non facillimum puto. unus enim, nisi fallor, locus est, in 2. Phil. quem cum legerem, adductus sum in hanc opinionem, sic tamen, ut affirmare non audeam. Nescis, inquit, heri quartum in circo diem ludorum Romanorum fuisse?

fuisse? te autem ipsum ad populum tulisse, ut
quintus praeterea dies Caesari tribueretur? cur
non sumus praetextati? cur honorem Caesaris,
tua lege datum, deferri patimur? Cum dixit,
Cur non sumus praetextati? dixisse arbitror de
toto senatu: si quidem in senatu loquebatur. id
autem significauit: Cur quintum ludorum Ro-
manorum diem, attributum Caesari tua lege,
praetextati non celebramus, ita ut reliquos quae-
tuor? Quod si ita est: considerandum, an re-
liquis quoque publicis ludis ordini senatorio
praetextam habere licuerit. fortasse enim pro-
prium hoc fuit ludorum dumtaxat Romanorum.
nam, si commune ludorum omnium fuisset; Pom-
peio Magno, ex Mithridatico bello reuertenti,
honoris causa tributum non esset, ut ei scenicis
ludis praetexta uti liceret. Extremum posui-
mus, praetextatas fuisse mulieres nonis Capro-
tinis. hoc si ostenderimus, omnes erunt promissi-
nostri partes absolutae. quo igitur potissimum
teste utemur? uno, qui instar omnium esse potest,
M. Varrone. is lib. v. sic: Nonae Caproti-
nae, quod eo die in Latio Iunoni Caprotinae mu-
lieres sacrificant, & sub caprisco faciunt, & e
caprisco adhibent uirgam. ob hoc toga prae-
texta data eis. Praetextam ne quis putet pur-
puream totam fuisse. purpureum enim, praeter
limbum, extremam uestem ambientem, nihil
habuit:

habuit : unde praetextae nomen . eo autem limbo quia communis toga caruit, ideo pura est appellata. quod si praetexta tota purpurea fuisset: non dixisset *Liuius lib. xxxiv* . Liberi nostri praetextis purpura togis utentur : nec *Polybius* , ut supra demonstratum est, consularem praetextam a purpureo censorum amictu diuersam fecisset . Iam *Macrobius lib. i. Sat.* Putant , ait , *Priscum Tarquinium* instituisse, ut patricij bulla aurea, cum toga, cui purpura praetexitur, uterentur . Graeci quoque omnes περιπρόρπουρον appellantes, limbum solum, non totam uestem purpurei coloris fuisse, satis ostendunt . Iam praetexta pulla a *Festo* nominata, praetextam esse posse, nec tamen purpuream, demonstrat . Hic mihi tamen illud obijcitur, quod ait *Plinius lib. xxxiii. cap. 9.* Cyprio aeri si addatur plumbū, colos purpurae fit in statuarum praetextis . Verum, cur de tota ueste intelligatur, non uideo . potuit enim artifex, cum ex aere statuā faceret, separatim in limbo praetextarum purpuram imitari. Occurrit *Ciceronis* quoque locus. nam in *Sextiana*, inuebens in *Pisonē cōsulem*, idest praetextatū, *Vestitus*, inquit, aspere, nostra hac purpura plebeia, ac paene fusca. Consularem uestem, idest togam praetextā, uidetur dicere, purpureā fuisse: uerum nō togā, sed tunicā lati clauī significat, quae purpurea fuit. propterea subiungit, *Nostra:*

stra: quia senator ipse erat, & latum clauū habebat. non enim, *Nostra*, referri potest ad togā praetextam: cū Cicero praetextatus tū non esset. Nā, si quis, cum legerit uersum Statij Silu. lib. v.

Nec saltem teneris ostrum puerile lacertis
Exsuit:

ostrum dicat pro tota purpurea praetexta usurpatum: respondebitur, togam quidem puerilem, id est praetextam indicari, cuius in limbo ostrum, id est purpura cernebatur: non tamen hoc dici, totam praetextā purpuream fuisse.

T O G A pura, uirilis, libera, recta, eadem erat. Pura uocabatur, quia nulla diuersi coloris fascia praetexeretur. Dabatur in exitu anni xvi, sicuti data est M. Ciceroni filio: qui cum natus esset Cotta, & Torquato cos. quod ep. i. ad Atticum ostendit, puram togam accepit Lentulo, Marcello cos. ut ep. 6. lib. ix. ad eundē. mos tamen ille imperatorum aetate mansisse nō uidetur. nam Caligula togam puram anno xix, M. Aurelius xv accepit, auctoribus Suetonio, & Capitolino. Ea uestis initium uirilis aetatis indicabat: propterea uirilis etiam dicebatur. Qui uero eam sumebant, tirones appellabantur. Plinius lib. iix. cap. 48. Tanaquil prima tenuit rectam tunicam, qua simul cum toga pura tirones induuntur, nonaeq. nuptae. Suetonius de Caio: Vno atque eodem die togam sumpsit, barbāq.

barbamq. posuit, sine ullo honore, qualis contigerat tirocinio fratrum eius. In quo illud animaduertendum, togam simpliciter dixisse Suetonium pro toga pura: quamquam praetexta, quae a pueris puram sumpturis deponebatur, ipsa quoque toga esset, uerum addito limbo purpureo. Sic Appianus lib. IV. Atilius, praetexta deposita, togam sumpturus. Licuisse tamen pueris non expectato aetatis anno XVI, per unum tantum diem Baccho dicatum toga pura uti, ostendit Ouidius Fast. lib. 3. his uerbis:

Restat, ut inueniam, quare toga libera detur

Luce geri pueris, candide Bacche, tua.

Liberā uocat, quia pueris toga pura initium quodā libertatis erat, cum antea custodirentur a paedagogis. Recte nomen ex Festo cognouimus, cuius haec sunt uerba: Recte appellantur uestimenta uirilia, quae patres liberis suis conficienda curant ominis causa, ita appellata, quod a stantibus, & in altitudinem texuntur. Et alio loco: Regillis, tunicis albis, & reticulis luteis, utrisque rectis, textis sursum uersum a stantibus, pridie nuptiarum diem uirgines indutae cubitum ibant, ominis causa: ut etiam in togis uirilibus dandis obseruari solet. Plinius etiam, cuius uerba paullo ante recitauimus, tunica, & toga, utraque recta, tirones indui solitos declarat. Locus in quo sumebatur, Capitolini Iouis, ut opinor, templum

templum fuit: aut certe, post eam domi sumptam, statim in Capitolium ad Iouis aedem ibatur: quod Valerius Max. lib. v. cap. 4. declarat his uerbis: Hanc pietatem aemulatus M. Cotta, eo ipso die, quo togam sumpsit uirilem, protinus ut e Capitolio descendit, Cn. Carbonem, a quo pater eius damnatus fuerat, postulauit.

TRABEA, inter togarum genera uidetur esse referenda. nam Dionysius lib. II. qui de Salijs loquitur, Χιτῶνας, αἶτ, ποικίλους, χαλκείας μίτρας κατεζόμενοι, καὶ τήβεννας ἐμπεπορπημένοι περιπορεύεσθαι, φοινικοπαρύφους ἄς καλεῖσθαι τραβίας. Latine sic: Tunicas pictas aereis zonis cincti, togasq. fibulis adstrictas induti, purpura praetextas, puniceo colore alternis intertexto: quas uocant trabeas. Haec est trabeae descriptio. quam cum appellauerit τήβεννον; togam esse plane liquet. nam idem lib. III. quam Romani togam, Graecos appellare τήβεννον aperte demonstrat. Descripsit igitur sacerdotalem trabeam: quam & Suetonius e purpura & cocco ait fuisse. fuere enim duo praeterea trabearum genera, unum deorum, e sola purpura, alterum regum, e purpura quidem, sed non sine albo: ut a Seruio didicimus, Suetonij uerba ex libro de genere uestium recitante.

TOGA PICTA, uestis Etrusca fuit, purpurei coloris, auro distincta, a triumphan-
tibus

tibus geri solita . eam , ut ait Florus , subactis
 duodecim Tusciae populis , Tarquinius Priscus
 Romam transtulit . Inde , inquit , fascēs , tra-
 beae , curules , anuli , phalerae , paludamen-
 ta , praetexta : inde quod aureo curru quattuor
 equis triumphatur , togae pictae , tunicaeq. pal-
 matae , omnia denique decora , & insignia , qui-
 bus imperij dignitas eminet , sumpta sunt . At
 Macrobius lib. Sat. 1. non hoc Prisco tribuit ,
 sed Tullo Hostilio . Dionysius , non dubiae scri-
 ptor fidei , consentit in Prisco . Plinius de Tullo
 potius uidetur credere . hunc enim , superatis
 Etruscis , praetexta , & latiore clauo primum e
 regibus usum esse demonstrat . quod si uerum est ;
 uenisse in urbem eodem tempore cum praetexta ,
 & lato clauo togam pictam possit aliquis existi-
 mare . Propertius lib. 1 v. togam pictam Romu-
 lo tribuit : sed , ut poeta , rationem historiae
 non habuit . apud eum sic alloquitur Tarpeia
 uirgo Tatium Sabinorum regem :

Te toga picta decet , nō quē sine matris honore

Nutrit inhumanae dura papilla lupae .

Purpureā fuisse Dionysius ostendit , quia περιβό-
 λαιον πορφυρέω ποικίλον uocat . Picta uoca-
 batur , quod in ea uariae figurae ita fingeren-
 tur , ut ea species ad picturae similitudinem ac-
 cederet . Figurae autem illae , ut opinio mea
 fert , auro , non serico , fiebant . quid enim , nisi
 pictam

pictam togam, illa Plinij verba lib. ix. cap. 36. significant? *Purpura in triumphali miscetur auro*. Quid Polybius lib. vi. cum eos, qui funus comitabantur, si triumphalis mortuus esset, uestem purpuream ait gestasse auro contextam, qualem scilicet is, qui efferebatur, in triumpho gestauerat? Adde Plutarchum, qui de Paulo Aemilio sic inquit: Ἀλουργίδα χρυσόπασον ἀμπεχόμενος: idest purpuream uestem, intextā auro, indutus. Quod planissime Liuius lib. xlv. Paulus, auro purpuraq. fulgens. Fortasse etiā huc spectat illud Ciceronis in Oratore: Quos numeros cū quibus, tamquam purpuram, misceri oporteat, nunc dicendum est. Veterum testimonijs accedit ratio. quid enim cum purpura misceri, praeter aurum, decuit? in ea praesertim ueste, quam ferret is, qui triumphans, Iouis habitu, aureo curru quadriiugo, per urbem, pompa praeunte ueberetur: quo nihil augustius cogitari potuit. Quaerebam, texerentur auro, an insuerentur togae pictae. laborem quaerendi Plinius ademit. Apud Homerum, inquit, pictas uestes inueni: unde triumphales natae. acu facere id Tgryges inuenerunt. Nisi si quis, primis temporibus acu insutum, postea intextum esse aurum dixerit. Ostendimus, togam pictam ex Etruria translata, auro variata, a triumphantibus geri solitam. hoc enim postremum si quis
in

in dubio ponet, ratus ea, quae diximus, non satis ad probandum ualere: testem Liuium adhibebo: cuius haec sunt lib. xxx. Scipio Massanisam, regem appellatum, aurea corona, aurea patera, sella curuli eburnea, scipione eburneo, toga picta, & palmata tunica donat. addit uerbis honorem: neque magnificentius quidquam triumpho apud Romanos, neq. triumphantibus ampliolem ornatum esse. Et Ouidius Fast. lib. vi.

Vidimus ornatos aerata per atria picta

Veste triumphales succubuisse senes.

Quaeramus igitur, soli ne triumphantes, an etiā priuati pictam togam habuerint. Duos historiae memorant, quorum uirtuti tributum est, ut picta toga, quamquam priuati, uterentur; Paullum Aemilium, qui de ultimo Macedoniae rege Perseo triumphauit; & Pompeium Magnum, Sertorio denicto. Paulli honorem omissum a Plutarcho, (nam Liuius mutilus est) qui totam eius uitam litteris mandandam suscepit, equidem ualde miror: auctorem tamen non contemno, eum, qui scripsit librum de uiris illustribus. Pompeij notitia certior: de quo Velleius lib. ii. T. Ampius, & T. Labienus, tribuni pl. legem tulerunt, ut Pompeius ludis circensibus corona aurea, & omni cultu triumphantium uterentur. Et Dio lib. xxxvii. concessum ait Pompeio, ἐπινίκιον ἐνδύειν ἐν τοῖς τῶν ἱππῶν ἀγῶσι: idest, uestem

vestem triumphalem induere in equestribus certaminibus. Cicero autem ep. 16. lib. 1. ad Att. Pompeius togulam illam pictam silentio tueretur suam. Propriam postea suam habuit priuatus Gordianus: cum eam de Capitolio, uel de Palatio imperator accipere solitus esset: quod a Capitolino didicimus. Putabat Verrius, ut ex Festi liquet epitome, pictam togam purpurea posteriorem fuisse, & purpurea pura eos, qui triumpharent, primum esse usos, deinde picta. mihi fidem non facit: utitur enim argumento parum firmo. Picta, inquit, toga quae nunc dicitur, purpurea ante uocitata est, eaq. erat sine pictura. eius rei argumento est pictura in aede Vertumni, & Consi: quarum in altera M. Fulvius Flaccus, in altera L. Papirius Cursor triumphantes ita picti sunt. Haec Verrius. mihi alia mens est. qui enim possum credere, Flacci & Cursoris aetate triumphalem habitum non fuisse togam pictam, cum in ea multo ante, si Plinio, Floro, Macrobio credimus, Romanos reges triumphasse uideam? Accedit illud, quod M. Flaccus belli Punici anno primo triumphauit: at pictam togam aliquot ante annis a triumphantibus consulibus gestari solitam, indicat Linius lib. x. cum ait: Quos uos tunica palmata, & toga picta, & corona triumphali, laurea q. honoratis. Videbat eam picturam, dicet aliquis, Verrius, cum illa
B scriberet.

scriberet. Non abnuo: sed morem communem si quis ex una re probat, imperite facit. fortasse enim, & Cursor & Flaccus, uiri graues, aurum contemnentes, puram purpuram adarnarunt. fortasse etiam, cum in picta triumphassent, pictor tamen illo rudiore saeculo, qui purpuram auro in textā penicillo nesciret exprimere, aurū omisit.

T O G A M palmatam pauci, tunicam multi nominarunt. eam opinor a pictis palmis esse dictam. Martialis lib. vii. ad loriam Domitiani:

I comes, & magnos illaesa merere triumphos,

Palmataeq. ducem, sed cito, redde togae.

At, ne quis eum putet, cum, Tunicae, seruata metri ratione dicere non posset, pro tunica togae uocabulum usurpasse: quia toga picta, tunica palmata triumphantes uterentur: Suetonius, Crassi, Claudium triumphantem secuti, palmatam uestem appellat: nec dubitandum, quin eam praetextae, quam proxime nominauerat, opposuerit. nam, cum dixisset, Secuti & triumphalia ornamenta eodem bello adepti, sed ceteri pedibus & in praetexta: subiunxit, quasi contraria referens: Crassus equo phalerato, & in ueste palmata. est enim uerisimilius, togae togam, idest praetextae palmatam, quam togae tunicam, oppositam esse. Nec opinor de tunica, sed de toga locutum Valerium lib. ix. cap. i. Quid sibi uoluit, inquit, Metellus Pius, cum palmata

palmata ueste conuiuia celebrabat? Alifonius quoque, ubi gratias agit pro consulatu Gratiano Imperatori, palmatam uestem in pace consulis, in uictoria dicit esse triumphantium: nec distinguit eam a trabea, uel a picta ueste. Dimicaturus, inquit, palmatae uestis meae ornamenta disponis. parum est, si qualis ad me trabea mittatur, interrogas: te coram promi iubes. haec est picta, ut dicitur, uestis non magis auro suo, quam tuis uerbis.

Toga purpurea differebat a picta & a praetexta: a picta, quia pura erat; quod iam ostendimus: a praetexta, quia praetexta erat alba, cum limbo purpureo circumducto; purpurea uero limbum non habebat. & Liuius lib. xxxi. separatim eas nominat. Dona, inquit, ampla data, quae ferrent regi, uasa aurea, argenteaq. togaq. purpurea, & palmata tunica cum eburneo scipione, & toga praetexta. De hac locutum in Cluētiana Ciceronem crediderim, cum de Quintio trib. pl. ait: Facite, ut non solum mores eius, & arrogantiam, sed etiam uultum, atq. amictum, atque illam usque ad talos demissam purpuram recordemini. Non enim praetextam significare potuit: quam tribuni pl. non habebant: ex quo arguit Plutarchus tribunatum non fuisse magistratum.

TOGARVM alia genera. undulatam, sori-

B 2 culatam,

culatā, Phrygianā, Scutulatā, rasam, nomināt Plinius, Martialis, Iuuenalis, deductis nominibus a uario genere picturae: quamquam rasa nihil ad picturā: sicuti nec pexa: de qua Martialis lib. II.

Emi seu puerum, togamue pexam.

Et ibidem:

Texatus pulchre rides mea Zoile trita.

NUNC aggrediamur illa, quae proposuimus: ac primum de togae forma. Semicircularem dixit esse Dionysius Halic. Idem ostendit Quintilianus: ait enim lib. XI. Rotundam esse togam, & apte caesam uelim.

Togas a summo ad imum integras, nulla scissura, nullis manicis fuisse, multis argumentis adducor ut credam. Primum, si apertae sint, patere pectus, indecorum uidetur. nam tunicae priscis temporibus non fuisse: quod Peditano, & Gellio testibus probare possum. Peditanus haec in commentario orationis pro Scauro: Cato praetor iudicium, quia aestate agebatur, sine tunica exercuit, campestri sub toga cinctus: in forum quoque sic descenderat, insq. dicebat: idq. repperat ex uetere consuetudine, secundum quam & Romuli statuae in Capitolio, & in Rostris Camilli fuerunt, togatae sine tunicis. Quod Plutarchus etiam notauit his uerbis: Αἰρεθὴς ὁ Κάτων στρατηγὸς ἀνυπόδητος, καὶ ἀχίτων πολλάκις ἐπὶ τὸ βῆμα προσερχόμενος. Verum, quod omisit Plutar-

Plutarchus , de uetere consuetudine Pedianus addidit . Gellius aperte lib. VII. cap. 12. Viri Romani primo quidem sine tunicis , toga sola amicti fuerunt : postea substrictas , & breues tunicas , citra humerum desinentes , habebant . Subiungit idem : Ennius quoque tunicatam non sine probro inuentutem Carthaginensium uocauit . Quibus uerbis inusitatas fuisse tunicas Ennij aetate , idest inter secundum , & tertium Punicum bellum , satis constat . coepere tamen paulo post , sed breues , & citra humerum desinentes . itaque Africanus minor P. Sulpicio Gallo , homini delicato , probro dedit , non quod tunica uteretur , sed quod tunica manus totas operiente . Hoc etiam licet ex Liuiο conijcere . nam lib. III. Cincinnatum , ait , cum ei senatus dictaturam aranti , aut fodienti , detulisset , togam e tugurio , ne nudus , & respersus puluere mandata senatus audiret , proferri iussisse ; eaq. simul absterfo puluere , ac sudore uelatum processisse . Tunicae mentionem nullam facit : qua puluerem , & sudorem abstergi decuit , potius quam toga . ut mirari non satis possim , cur scripserit Plutarchus in Coriolano , eos , qui magistratum petebant , descendere solitos in forum togatos sine tunicis , uel ut supplicarent humiliter , uel ut uulnerum cicatrices , quae pro rep. pugnautes acceperant , populo patefacerent . nam multis post

Coriolanum annis ignotam fuisse tunicam, & tunicatos probri causa dictos ab Ennio Carthaginienses, iam ostendimus. Quintilianus etiam lib. x i. cum de oratoris amictu praecepta dat, apertam togam agnoscere non uidetur. Hodieq. aliquot in locis togatae extant statuae, nostrā opinionem comprobantes: ut apud aedes uiri omni laude cumulati, Ascanij Casarelli, item in hortis Caesianis, & alibi.

De manicis cur ambigam? nam, si tamquam lasciuiae reprehendebantur in tunica, quanto magis in toga? Praeterea, si manicas togae habuissent; non manum subter togam Decius ille, qui se Latino bello pro patria deuouit, ad mentum exenisset, ut ait Linius lib. i i x. Pontifex, inquit, eum togam praetextam sumere iussit, & uelato capite, manu subter togam ad mentum exerta, super telum subiectum pedibus stantem sic dicere. Non igitur per manicas brachium emittebatur, sed, reiecta in humerum ima toga, expediebatur. Quo spectat illud Quintiliani lib. v i. Afer uenusle Manlium Suram, multum in agendo discursantem, salientem, manus iactantem, togam deijcientem, & reponentem, non agere dixit, sed satagere. Per annum tamen, sumpta uirili toga, modestiae causa toga in humerum nō reijciebatur. qua de re sic in oratione pro Coelio: Nobis quidem olim annus

nus erat unus ad cohibendum brachium toga constitutus.

Cingeretur, nec ne, (nam & hoc ad eius formam pertinet) considerandum. Cingi solitam ostendit Macrobius lib. I I. Sat. his uerbis. Post uictoriam Caesaris interrogatus Cicero, cur in electione partis errasset, respondit: Praecinctura me sefellit: iocatus in Caesarem, qui ita toga praecingebatur, ut, trahendo laciniam, uelut mollis incederet: adeo ut Sulla, tamquam prouidus, dixerit Pompeio: Caue tibi illum puerum, male praecinctum.

Valet apud me plurimum, sicuti debet, auctoritas Macrobij: sed locum uacare mendo non arbitror. quod enim togae Macrobius, id tunicae grauis auctor Suetonius tribuit. Cultu, inquit, notabilem ferunt. usum enim lato clauo ad manus fimbriato, nec ut umquam aliter, quam ut super eum cingeretur, & quidem fluxiore cinctura: unde emanasse Sullae dictum, optimates saepius admonentis, ut male praecinctum puerum cauerent. Cum igitur inter eos controuersia sit; ego, si litem dirimere mei sit arbitrij, secundum Suetonium iudicare malim; tum quod Romanae historiae diligentissimus, qui etiam de genere uestium, auctore Seriuo librum scripsit; tum etiam, quod maior mutatio fiat, si pro lato clauo, reponas, Toga, quam si pro, To

B 4 gae,

gae, Tunicae. Ac mihi quidem, rem ipsam ante oculos proponenti, maiorem habere dignitatem discincta toga uidetur, quam cincta. Praeterea, cum Quintilianus oratori praecipiat, ut acturus caussam, utrique humero togam imponat, id qui fieri possit, si cingatur, non uideo. Mouerent me Valerij Max. uerba: scripsit enim haec lib. I I I. c. I. Aemilius Lepidus puer etiam tum, progressus in aciem, hostem interemit, ciuem seruauit. cuius tam memorabilis operis index est in Capitolio statua bullata, & incincta praetexta, S. C. posita: Haec, inquam, me mouerent, nisi subsidium ab historia peterem. praetexta enim illa cincta militarem morem, non urbanum, declarat. mos enim fuit apud antiquos Romanos, ut incinctis togis pugnarent. de quo sic Plutarchus in Coriolano. Ην δὲ τότε τοῖς Ῥωμαίοις ἔθος εἰς τὰς ἰν καθισαμένοις, καὶ μέλλουσι ἐπὶ θυρεοῦς αἰαλαμβάνειν, καὶ περιζώννυσαι τὴν τήβεννον, ἅμα καὶ διαδήκας ἀγφάρους τίνεσθαι. quod enim Romani togam, Graeci τήβεννον uocant. itaque Dionysius lib. I I I. Τοιαῦτα, inquit, τῶν ἀμφιασμάτων Ῥωμαῖοι μὲν τόγας, ἑλλῶες καὶ τήβεννον καλεῖσιν. Sinum togae nominat Suetonius in Iulio. Vt animaduertit, inquit, undique se strictis pugionibus peti, toga caput obuoluit, simul sinistra manu sinum ad ima crura deduxit, quo honestius caderet, etiam inferiore corporis parte uelata.

Et

Et Tibullus lib. i.

Tunc procul absitis, quisquis colit arte capillos.

Efluit effuso cui toga laxa sinu.

Sed hic sinus extrema pars togae fuit. alij uero sinus illi, qui apud Quintilianum, Tertullianum, Appuleium, Statium, & alios leguntur: qui Caesaris, & Ciceronis aetate non fuere. ait enim Quintilianus: Veteribus nulli sinus, posterioribus perquam breues. Veteres autem cum dicit, Ciceronis aetatem significat: ut ibidem, qui attente legerit, animaduertet. quo ductus argumento, si quae nunc togatae statucae sine sinibus cernuntur (sunt autem Romae aliquot, quas inspeximus) eas ante Imperatorum tempora factas esse crediderim. atque hi quidem posteriorum temporum sinus non attexebantur, ut existimo, sed assuebantur, uel appendebantur in toga: quorum alter superior a dextro latere ad sinistrum humerum tamquam balteus oblique ducebatur; alter inferior ab umbilico demittebatur, sic ne infra imā togam deflueret: ab oratore autem in dextrum humerum reiciebatur quē admodum ille superior in sinistrum: quod Quintilianiani uerba declarant.

TOGAE mensura non eadem omnibus, sed, ut inquit uetus Horatii interpretes Porphyrio, pro opibus uaria fuit. quibus enim domestica res angustior, ijs togae paruae; quibus ampla, maiores.

iores . hinc illud Horatij epist. 19. lib. 1.

Arta decet comitem sanum toga. Et. ep. 20.

Exiguæq. togæ simulet textore Catonem.

Iusta uero togæ mensura sex ulnarum fuit.

Horatius Epod. 4.

Viles ne, sacram metiente te uiam

Cum bis ter ulnarum toga. Quo loco subiūgit Porphyrio: Hanc esse iustam togæ mensuram, intelligendum. Nec discrepant Quintilianī uerba. Pars, inquit, togæ prior medijs cruribus terminatur, posterior eadem proportionē. Longiores tamen stante rep. togas fuisse uideo, ad calceos uidelicet. de quo sic Quintilianus: Togam ueteres ad calceos usque demittebant, ut Graeci pallium. idq. ut fiat, qui de gestu scripserunt, Plotius, Nigidiusq. præcipiunt. quo magis miror Plinij Secundi, docti hominis, & in hoc utique libro paene etiam nimium curiosi, persuasionem, qui solitum id facere Ciceronem uelandarum uaricum gratia tradit: cum hoc amicitius genus, in statuis eorum quoque, qui post Ciceronem fuerunt, appareat. Togæ componendæ quæ cura fuerit, quod artificium, ut rugæ, titillae, tabulata, umbones fingerentur, indicat in lib. de pallio Terrull.

COLOR togæ qui fuerit, nemo diserte narravit: sed album Isidori Hispalensis uerba uidentur indicare. Fit, inquit, toga addito quodam

dam cretae genere candidior . Quasi hoc dicat : communis togae color, si quoddam cretae genus addas, ad candorem deducitur . est enim in colore candido splendor quidam, qui non est in albo . itaque candidam niuem, qui proprie loquuntur, appellant, albam non item : contra album pallorem, non candidum . Genus autem illud cretae, cuius nomen omittit, opinor illud fuisse, quod inter Cimoliae genera Saxum Plinius appellat his verbis : Candidis uestibus Saxum utilius a sulphure, inimicum coloribus . Argumentum ex oratione in Vatiniū pro alba toga certius elicetur, reprehēdēte Cicerone, quod in publico epulo Q. Arrij accubuerit Vatinius cum toga pulla : cum tot hominum millia, & ipse dominus epuli Arrius, albati accumberent . Cum igitur ad epulum, in funere dari solitum, non propinqui, aut amici nominati inuitarentur, sed populus uniuersus ; in quo propemodum innumerabiles erant sic a re domestica imparati, ut uestitum epuli gratia mutare non possent : uerisimile non uidetur, albam togam eos pro tempore sumpsisse, ut mox, epulo finito, aliam induerent . Pertinet ad hanc opinionem locus Martialis : ex quo liquet, populum uniuersum alba ueste indutum spectaculis interesse . uersus hi sunt lib. i v .

Speſtabat modo ſolus inter omnes,
Nigris munus Horatius lacernis,

Cum

Cum plebs, & minor ordo, maximusq.

Sancto cum duce candidus sederet.

Et illud eiusdem lib. IIX. ad togam sibi a Parthenio uate donatam:

Lilia tu uincis, nec adhuc dilapsa ligustra,

Et Tiburtino monte quod albet ebur.

Et lib. IX. de eadem toga usu trita:

Nunc anus, et tumulo uix accipienda tribuli,

Quam possis niueam dicere iure suo.

Iocatur enim & in colorem, quo laudari toga olim poterat, & in uetustatem, quod ita consumpta detritaq. iam esset, ut niuea potius, quam lanca, iure dici posset. Nec Gellij testimonium contemno. is lib. III. cap. 4. Legimus, inquit, P. Scipioni, Paulli F. postquam de Poenis triumphauerat, censorq. fuerat, diem dictam esse ad populum a Claudio Asello trib. pl. cui equum in censura ademerat; eumq. cum esset reus, neque barbam desisse radi, neque non candida ueste uti, neque fuisse cultu solito reorum. Candida ueste, pro alba toga, dixit: ut Martialis, Candidus sederet, pro albatu sederet. non enim tunc magistratum Scipio petebat, ut uere candidatus esse deberet. Vtor etiam ea ratione, quod, si albo colore togae non fuissent, certe pullo potius, quam aut rubeo, aut uiolaceo, aut flauo, aut alio quolibet, fuissent. at pullus color in maerore tantum a uiris sumebatur:

tur : quemadmodum albus a mulieribus : quod Graeci scriptores duo, Plutarchus in Problematibus, Herodianus lib. IV. demonstrant. propterea turbam pullatam, ut apud Suetonium legimus, cum uidisset Augustus, colore offensus inusitato, indignabundus, & clamitans, En, ait, Romanos, rerum dominos, gentemq. togatam. Non igitur tantum eo nomine accusabat illā turbam Augustus, quod pullata, sed etiam, quod sine toga esset. ex quo liquet, pullam togam non fuisse. Quoniam igitur, dicit aliquis, pullatorum uestis erat, si toga non erat? Lacerna. Subiunxit enim idem Suetonius: Negotium aedilibus dedit, ne quem posthac paterentur in foro, circo ue, nisi, positis lacernis, togatum, consistere. Et infra, cum dixit: Sanksit, ne quis pullatorum media cauea sederet: sortis extremae homines colore uestis ab honestioribus, idest a togatis, distinxit. Idem color apud Prudentium, in libro contra Symmachum, non dubie perspicitur, in illis uersibus:

Exsultare patres uideas, pulcherrima mundi
Lumina, conciliumq. senum gestire Catonum,
Candidiore toga niueum pietatis amictum
Sumere.

Et apud Iuuenalem Sat. x.

Niueos ad frena Quirites.

Sed nihil apertius Papinij testimonio. is. lib. v.
Silua-

Silvarum ita scriptum reliquit :

*Nec saltem teneris ostrum puerile lacertis,
Exsuit, albentiq. humeros induxit amictu.*

Accedit Tertullianus : Si famulum tuum, ait in libro de resurrectione carnis, libertate mutaueris, & uestis albae nitore, & anuli aurei honore, & patroni nomine, ac tribu, mensaq. honoratur. Omitto enim quasi obscurum argumentum, quod in Domitiano scripsit Suetonius: Generum fratris indigne ferens albatos & ipsum ministros habere, proclamauit, οὐκ ἀγαθὸν πολὺ κοίραν· quamquā licet coniungere, quicumque principibus seruirent, eos albam uestem, idest togam, praecipuo iure concessam ferre potuisse. quod cum Titi gener suis & ipse ministris largiretur, indignatum Domitianum exclamasse, Non expedit multos dominari. Hic Romae mos: quid in reliqua Italia? Togati tantum, qui Romanis uterentur legibus, ut in praefecturis, colonijs, municipij. Capua praefectura fuit bello Punico secundo: & Campanum adolescentem, qui Hannibalis de nece cogitauit, Liuius lib. xxvii. togatum fuisse ostendit. Tacitus lib. xlix. Ornatum ipsius municipia, et coloniae in superbiam trahebant, quod uersicolore sagulo, brachas, tegan, barbarum, indutus, togatos alloqueretur. Sociorum uero nec leges, nec amictus Romanus erat. mortui tamen, honoris gratia,

tia, cum toga efferebantur. unde Iuuenalis sat. 3.

Pars magna Italiae, si uerū admittimus, in qua

Nemo togam sumit, nisi mortuus .

Nec uero aut Virgilius, aut mimorū poeta Labe-
rius togatam gentem pro Romanis usurpassent ;
id quod lib. VI. Sat. notauit Macrobius ; nisi Ro-
manorum toga propria fuisset . unde Suetonius
in Claudio peregrinis togae usum adimit , pal-
lium assignat, his uerbis : Peregrinitatis reum,
orta inter aduocatos leui contentione , togatum
ne an palliatum dicere caussam oporteret, quasi
aequitatem integram ostentans , mutare habi-
tū saepius, prout accusaretur, defendereturque,
iussit . Exsulibus etiam Romanis, quibus aqua
& igni esset interdictum, uti toga non licuisse
docet Plinius ep. lib. IV. Age, Romae toga ute-
bantur uiri : numquid feminae ? Si ex honesta
familia , stolatae ; sin obscuri loci , togatae : ne-
que hae solum, sed ancillae, & impudicae omnes.
de ignobilibus auctorem habeo Pedianum . To-
ga, inquit, communis habitus fuit & marium,
& feminarum : sed praetexta honestorum, toga
uuliorum : quod etiam circa feminas seruabatur.
Quamquam non de adultis feminis, nec de adul-
tis uiris , sed de pueris , & innuptis puellis lo-
quitur Asconius . quis enim ignorat , uel uiros ,
absoluto aetatis anno decimo sexto , togam pu-
ram , praetexta deposita, sumere consueuisse ; uel
matro-

matronas uti stola, non toga, solitas esse? propterea stolatum Vlysses Caligula Liniam Augustam uocabat. Iam Sulpicia, Seruii filia, togatae mulieris consuetudinem exprobrat Cherino apud Tibullum, ijs uersibus:

Sit tibi cura togae potior, pressumq. quasillo
Scortum, quam Seruii filia Sulpicia.

Et Horatius Sat. 2. lib. 1. -quid inter-

Est, in matrona, ancilla, pecces ue togata?

Et paullo post:

Num quid ego a te

Magno prognatum deposco consule cunnum,
Velatumq. stola, mea cum conferbuit ira?

Et infra matronae togatā opponit, his uersibus:

Desine matronas sectarier; unde laboris
Plus haurire mali est, quam ex re decerpere
fructus.

Nec magis huic iter niueos, uiridesq. lapillos,
Sit licet hoc Cherinte tuum, tenerum est femur,
aut crus

Rectius: atque etiā melius persaepe togatae.
Vbi Porphyrio: Togatae in publicum procedere cogebantur feminae, adulterij commissi conuictae. Quo spectat illud Iuuenalis Sat. 2.

- est moecha Labulla:

Damnetur, si uis: etiam Corphinia. talem
Non sumet damnata togam.

Martialis autem lib. 1.

Quis floralia uestit, & stolatum

Permit-

Permittit meretricibus pudorem?

Et lib. VI. cum ignominia dixit:

Matrisq. togatae filius.

Miror autem & Seruium in lib. I. Aeneid. & Nonium Marcellum tribuisse togam probis etiā feminis, ac nobiles, non modo ignomina notatis, & ignobilibus. Sexus omnis, ait Seruius, & condicio toga utebatur: togas autem etiam feminas habuisse, cycladum & recini usus ostendit. Nonius: Toga non solum uiri, sed etiam feminae utebantur. Seruium autem & Nonium de priscis reip. temporibus, non de posterioribus, locutos esse, licet existimare. quam coniecturam adiuuat ipse Nonius, haec subiungens: Varro de uita populi R. lib. I. Praeterea, quod in lecto togas ante habebant. ante enim olim fuit commune uestimentum, & diurnum, & nocturnum, & muliebre, & uirile. Nec uero possum aliter credere, cum uideam eundem Varronem lib. IIX. de ling. Lat. aperte uiris togam, mulieribus stolam tribuere. Similitudines, inquit, sequemur, ut uirilis tunica sit uirili similis, item toga togae, sic mulierum stola stolae pro portione, & pallium pallio simile. Omitto locum ex Phil. II. supra recitatum de togatis meretricibus. iterare enim eadem non placet. Tertulliani uerba non omittam. Habes, inquit, in libro de pallio, spectare, quod Caecina Seuerus gra-

C

uiter

uiter senatui impressit, matrona sine stola in publico. denique Lentuli auguris consultis, quae ita sese exauctorasset, pro stupro erat poena: quoniam quidem indices custodesque dignitatis habitus, ut lenocinii faciendi impedimenta, sedulo quaedam desuesecerant. at nunc, in semetipsas lenocinando, quo planius adeantur, & stolam, & supparum, & crepidulum, & calliandrum, ipsas quoque iam lecticas, & sellas, quae in publico quoque domestice ac secreta habebantur, eiecerunt. Hic mihi uenit in mentem, rogare aliquem posse, forense ne tantum, an etiam domesticum toga uestimentum esset. huic quaestioni satisfacit Nonius his uerbis: Toga, sicut in consuetudine habetur, uestimentum est, quo in foro amicimur. Quenam igitur domestica uestis erat, si toga non erat? Lacerna, ut opinor: quod tamen plane non affirmo: loca ostendam, ex quibus coniecturam facio. Gellius lib. xiii. cap. 21. Castritius, cum discipulos quosdam suos, senatores, uidisset die feriato tunicis & lacernis indutos, & gallicis calciatos, Maluissim, inquit, uos togatos esse. Et Suetonius in Augusto: Negotium aedilibus dedit, nequem posthac paterentur in foro, circo ne, nisi, positis lacernis, togatum, consistere. Videtur etiam Cicero forensia opponere domesticis. cum ait Phil. ii. Redij cum calceis, & toga, nullis nec caligis, nec lacerna.

na. Et Horatius quidam, cum in domestica ueste ad spectacula uenisset, sedente in alba toga populo uniuerso, ridetur a Martiale lib. 1v. his uersibus:

Speſtabat modo ſolus inter omnes
Nigris munus Horatius lacernis,
Cum plebs, & minor ordo, maximuſq.
Sancto cum duce candidus ſederet.

Quibus etiam uersibus nigri coloris fuiſſe lacernam conſtat. quod clariffime demonſtrat Suetonius in Auguſto. nam, cum dixiſſet: Viſa quondam pro concione pullatorum turba: ſubiunxit: Indignabundus, & clauitans, En, ait, Romanos rerum dominos, gentemq. togatam: negotium aedilibus dedit, ne quem poſthac paterentur in foro, circo ue, niſi, poſitis lacernis, togatum conſiſtere. Quo loco doctum hominem Budaeum, pro Pullatorum, Palliatorum legiſſe miror: ſi modo ita ipſe ſenſit. conſtat enim ex ſequentibus uerbis non de palliatis, ſed de lacernatis Auguſtum locutum eſſe. & infra de eodem Suetonius, Sanxit, ait, ne quis pullatorum media cauea ſederet.

Relinquitur ea quaefſtio, urbanae tantum, an etiam caſtreſes togae fuerint. Quis putet, milites, cum pugnarent, impediſi longa ueste uoluiſſe? demus igitur ſaga, militibus; in urbe comorantibus, togas. quamquam in urbe quoque,

C 2 propin-

propinquis hostibus, ac periculo impendente, saga sumpta esse legimus. ut in Phil. IIX. Consulares togati esse solent, cum ciuitas est in sagis. & Phil. XIV. Si D. Brutum egressum iam Mutina cognouissem; propter cuius periculum ad saga issemus, propter eiusdem salutem redeundum ad pristinum uestitum sine ulla dubitatione censerem. Expectatione tamen longioris belli togae uidentur ab urbe ad exercitum esse missae, non quibus in acie, sed quibus in otio castrorum uterentur. Liuius lib. XXII. Venusiam ad consulem ad quattuor millia peditum equitumq. qui sparsi fuga per agros fuerant, peruenere. eos omnes Venusini per familias benigne accipiendo, curandosq. cum diuisissent, in singulos equites togas & tunicas dederunt. Et lib. XXIIX. Hispanis populis pax reddita: stipendium eius anni duplex, & stipendium sex mensium eis imperatum, sagaq. & togae exercitui. Et infra, eodem libro: Vestimenta exercitui deerant. id mandatum Octauio praetori, ut cum praetore ageret, si quid ex ea provincia comparari, aut mitti posset. ea quoque haud segniter curata res. mille ducentae togae breui spatio, & duodecim millia tunicarum missa. Et lib. XLIV. Vestimenta militibus ab Roma mittenda esse: equis CC ferme opus esse, maxime Numidis. S. C. ut ea omnia ex litteris consulis fierent, factum est.

C. Sul-

C. Sulpicius praetor sex millia togarum, trigin-
ta millia tunicarum, & equos deportanda in Ma-
cedoniam, praebendaq. arbitrato consulis, lo-
cauit. Ex numero togarum satis licet suspicari,
non uniuerso exercitui, sed honestioribus, di-
stributas esse, ut centurionibus, & equitibus.
quod eo uerisimilius est, quia Liuius lib. xxii.
loco supra recitato, cum quattuor millia pe-
ditum equitumq. nominasset, solis tamen equi-
tibus attributas togas esse ostendit. De centurio-
nibus ideo suspicor, quia peditibus cunctis hono-
re praestabant: & cum his coniungo reliquos,
qui deinde locum in militia, qualem cuiusque uir-
tus postularet, obtinebant. Hoc si credimus;
uitabimus illam difficultatem, ne loca locis ad-
uersari uideantur. nam & lib. iiii. idem Liuius
togarum usum in castris insolitum esse demon-
strat, cum ait: Virginus, praeterquam quod
agmine prope quadrigentorum hominum ue-
niens, qui ab urbe, indignitate rei accensi, co-
mites ei se dederant, conspectus est; strictum etiā
telum, respersusq. ipse cruore tota in se castra con-
uertit: & togae multifariam in castris uisae,
maioris aliquantum, quam erat, speciem urba-
nae multitudinis fecerant. Et paullo post: Im-
mixti turbae militum togati &c. Cicero autem
in Pisonem, Togulae, inquit, licetoribus ad por-
tam praesto fuere: quibus illi acceptis sagula re-
C 3 iecerunt,

38 De Toga Romanorum .

iecerunt, cateruam imperatori suo nouam prae-
 buere. Quibus testimonijs (ut alia omitrantur
 multa) infirmantur superiora, sic, ut uidean-
 tur in castris togae non fuisse. uerum haec ita con-
 ciliantur, si non omnibus militibus, sed hone-
 stioribus togas esse datas arbitremur. Priscos
 tamen in toga pugnasse, cinctos, in Coriolano
 Plutarchus docet. Haec de toga.

II

De Tunica Romana.

AD·M·ANTONIVM

BARBARVM

D · M A R C I

PROCVRATOREM



QVI uel mediocriter in litterarum studio uersati sunt, M. ANTONI. BARBARE, quantum Hermolaus Barbarus, quantum Franciscus pater eius, quantum Daniel, frater tuus, quantum tot alij Illustres ex Familia Tua uiri pro re litteraria desudarint, optime norunt. Quibus Tu accessisti, ut Familiam illustrares, maximum Venetae Reip. ornamentum: in quo cum omnis uirtus eniteat, eam tamen praecipue laudem Tibi omnes tribuunt, ut dicant magis Te de Reip. salute, quam de Tua, sollicitum esse. recte. quis enim bonus, uel si contingat pro Reip. uitam effundere, umquam recusabit? Grauitatem illam tuam, integritatem, magnitudinemque animi, quis oratione ulla se assequi posse confidit? Onus hoc haud mearum esse uirium, facile intelligo: neque huius loci. In aliud igitur tem-

C 4 pus

pus reseruemus de tuis summis uirtutibus sermonem facere. Interim haec ad Te mittimur, animi nostri pignus. ut me scias in Tuis numerari uehementer cupere.

VETERES Romani togam habuere sine tunica. qua de re sic Gellius lib. VII. cap. 12. Tunicis uti uirum prolixis, ultra brachia, & usque in primores manus, ac prope digitos, Romae, atque omni in Latio, indecorum fuit. uiri autem Romani primo quidem sine tunicis toga sola amicti fuerunt: postea substrictas, & breues tunicas, citra humerum desinentes, habebant. hac antiquitate inductus P. Africanus, Paulli filius, P. Sulpicio Gallo, homini delicato, inter pleraque alia id quoque probro dedit, quod tunicis uteretur manus totas operientibus. Et D. Augustinus in tertio de doctrina Christiana: Talaris, ac manicatas tunicas habere, apud Romanos flagitium erat. quod etiam uidetur Virgilius confirmare, cum dicit Aen. lib. IX.

Et tunicae manicas, & habent redimicula mithrae.

Quo in loco Seruius haec: Tunicae uestrae habent manicas. quod etiam Varro uituperat, dicens, Manicatis, & talaribus tunicis. nam colobijs utebantur antiqui. Lato clauo, quod genus tunicae fuit, primus Romae usus est Tullus

Hosti-

Hostilius rex, deuictis Etruscis, ut ait Plinius lib. ix. cap. 39. nec dubitandum uidetur, quin eadem tunica reliqui reges usi sint. Pulsis regibus, per aliquot annos toga sola amictos fuisse senatores, & Gellij uerba, paullo ante recitata, demonstrant: & id confirmat Pedianus, qui Camilli aetate, a quo urbs Roma Gallorum obsidione liberata est, tunicas non fuisse, indicat his uerbis: Cato praetor iudicium, quia aestate agebatur, sine tunica exercuit, campestri sub toga cinctus. in forum quoque sic descenderat, inquit dicebat: idq. repererat ex uetere consuetudine, secundum quam & Romuli aetatis statuac in Capitolio, & in Rostris Camilli fuerunt togatae sine tunicis. Post obitum Camilli annis xxxi. latos clauos, audita pace Caudina, depositos, docet Liuius lib. ix. itaque nec uiuente Camillo, nec multis tamen post eius interitum annis indutus uidetur gestandae tunicae mos. Ac, ne quis putet, tunicam lati clauī communem omnium fuisse; tunicarum duo genera reperio, cum clauis unum, alterum simplex. clauī autem uel lati, uel angusti: lati omnium, qui uel patre senatore, uel equite nati essent, non a primis annis per omnem aetatem, sed ab anno xvii, quo etiam uirilis toga sumebatur, ad annum aetatis senatoriae. quo anno curiam ingredientibus remanebat eiusdem tunicae ius, addito praeterea omni

omni reliquo iure, quo senatorius ordo praecipue fruebatur: sin autem senatoriam dignitatem non assequerentur, uel quia nollent, otiosam ac tranquillam uitam honoribus anteponentes; uel quia non possent, gratia destituti; lato clauo deposito, angustū sumebant. id cognoscitur e sequentibus Ouidij uersibus: qui & sumptū ab eo significant latum clauum cum toga uirili, & eundem, recusante poeta senatorium locum, restrictum significant. natus autem est, ut ipsemet testatur, patre equite Romano, non senatore: & lato tamen clauo citra aetatem senatoriam ita usus est, ut qui patre senatore nati erant: quos opinor semel sumpto lato clauo semper usos esse: facile enim admissos in curiam, qui senatorum essent filij: quibus etiam, quo anno togam uirilem accepere, aditum in curiam solis Augustus permisit: ut infra ostendam. sed uersus Ouidij recitentur, qui sunt elegia 10. lib. 1v. Trist.

Interea tanto passu labentibus annis,

Liberior fratri sumpta mihiq. toga est:

Induiturq. humeris cum lato purpura clauo:

Et studium nobis, quod fuit ante, fuit.

Cepimus & tenerae primos aetatis honores:

Deq. uiris quondam pars tribus una fui.

Curia restabat: clauī mensura coacta est:

Maius erat nostris uiribus illud onus.

Nemo iam, opinor, dubitabit, si Ouidius, eque
stri

stri loco natus, latum clauum gestauit ante senatoriam aetatem, quin eundem ij gestare potuerint, quorum patres senatores fuerant. sed coniectura saepe fallax: igitur adiungetur exemplo. C. Caesarem, qui deinde perpetuam dictaturam inuasit, patricij generis, ortum nobilissimis maioribus, lato clauo adolescentem usum esse, Suetonius narrat. Cultu, inquit, notabilem fecerunt: usum enim lato clauo ad manus fimbriato, nec ut umquam aliter, quam super eum cingere tur, & quidem fluxiore cinctura: unde mansisse Sullae dictum, optimates monentis, ut cauerent puerum male praecinctum. Haec de Caesare nondum senatore Suetonius. idem de Augusto sic: Sumentem uirilem togam tunica lati clau, resuta ex utraque parte, ad pedes decidit. Quod si quis contendat, non simul cum toga uirili sumptam esse tunicam lati clau, sed ab iisdem antea quoque gestari solitam, & mansisse post sumptam uirilem togam: hic si Ouidij uersum iam a nobis recitatum consideret,

Induiturq. humeris cum lato purpura clauo;
non dubito, quin sententiam mutet, mecumq. sentiat, primum annum lati clau & uirilis togae eundem fuisse, uel in senatorum, uel in equitum filijs. postea mutauit eam consuetudinem Augustus, permisitq. solis senatorum filijs, ut cum toga uirili latum clauum sumerent, curiamq. sine
mora

mora introirent . qua de re Suetonius , Liberis , inquit , senatorum , quo celerius reip. assuescerent , protinus uirili togae latum clauum inducere , & curiae interesse , permisit . Hoc necesse uidetur ab Augusto factum esse post latum clauum ab Ouidio cum toga uirili sumptum : nam is equitis Romani , non senatoris , filius fuit . Augustus clauus equitum fuit post annum aetatis senatoriae decursum . Velleius lib. II. Maecenas non minus Agrippa Caesari carus , sed minus honoratus : quippe uixit angusti clauī paene contentus . Inde mos obtinuit , ut laticlauij , & angusticlauij dicerentur , quibus gestandi latum , aut angustum clauum , ius esset . ac de laticlauijs & apud Suetonium , & in antiquis lapidibus non infrequens mentio ; de angusticlauio autem sic idem Suetonius in Othone : Interfuit huic bello pater meus Suetonius Lenis , XIII . legionis tribunus angusticlauius . sic enim scriptum est in libro Vaticanae bibliothecae , non , ut in impressis , Augusti clauus . Hos clauos insutos fuisse tunicis , non , ut quidam putarunt , intextos , demonstrat Vlpianus , De auro & argento legato , L. Vestimentum . Vestimentorum , ait , sunt omnia lanea , lineaque , uel serica , uel bombycina , quae induendi , praecingendi , amiciendi , insternendi , iniiciendi , incumbandi ue causa parata sunt ; & quae his accessionis uice cedunt ,
quae

quae sunt insitae picturae, clauisq. qui uestibus insuntur. Et Quintilianus lib. IIX. cap. V. Porro, ut affert lumen clauus, purpurae loco insertus, ita certe neminem deceat intertexta pluribus notis uestis. Tunicae manicis carebant. Ideo Suetonius de Caesare dixit: Vsum ferunt lato clauo ad manus fimbriato. animaduersum enim significat, non modo quod ad manus demitteretur, uerum etiam quod fimbriatus esset Caesaris latus clauus. & Gellius lib. VII. cap. 12. Tunicis uti uirum prolixis, ultra brachia, & usque in primores manus, ac prope in digitos, Romae, atque omni in Latio, indecorum fuit: feminisq. solis uestem longe lateq. diffusam decere existimauerunt. uiri autem Romani primo quidem sine tunicis, toga sola amicta fuerunt: postea substrictas, & breues tunicas, citra humerum desinentes, habebant. hac antiquitate inductus P. Africanus, Paulli filius, P. Sulpicio Gallo, homini delicato, inter pleraque alia id quoque probro dedit, quod tunicis uteretur manus totas operientibus. Quod si manicatae ciuium Romanorum tunicae fuissent; non dixisset Cicero illa, quae leguntur oratione II. in Catilinam: Quos uidetis manicatis, & talaribus tunicis, uelis amictos, non togis. reprehedit enim quod ab improbis, luxuq. diffluentibus adulescentibus praeter communem consuetudinem fieret. De longitudine tunicae,

tae, haec ipsa, quae proxime recitata sunt, Ciceronis uerba, ad talos non demitti solitam ostendunt. Idem reprehendit in Verre talarem tunicam, ut indignam uiro. quod Quintilianus lib. x i. comprobat his uerbis. Cui lati clauus ius non erit, ita cingatur, ut tunicae prioribus oris infra genua paulum, posterioribus ad medios poplites usque perueniant. nam infra, mulierum est; supra, centurionum. latum habentium clauum modus est, ut sit paulum cinctis summissior. Porro, si quis roget, an lati clauus pariter & angustis cingerentur: de angustis annuere, de latis negare uideor posse. nam, quae tunicae latum clauum non haberent, eas cingi solitas esse, declarat Quintilianus lib. x i. iisdem uerbis: Cui lati clauus ius non erit, ita cingatur, ut tunicae prioribus oris infra genua paulum, posterioribus ad medios poplites usque perueniant. latum habentium clauum modus est, ut sit paulum cinctis summissior. Non cingi solitum latum clauum, et cingi tunicam lato clauo carentem, plane cognoscitur. Suetonius quoque de lato clauo non cincto significat his uerbis: Usus ferunt lato clauo ad manus fimbriato, nec ut umquam aliter, quam super eum cingeretur, & quidem fluxiore cinctura. Quibus uerbis aperte notat Caesaris morem in cingendo lato clauo contra communem consuetudinem. Horatius autem de tunica

non

non lati clauī locutus est, cum dixit Sat. 2. lib. 1.

Discincta tunica fugiendum est, ac pede nudo. Haec de clauatis tunicis . de simplicibus inde conijcio, quod, ut equites a senatoribus clauī magnitudine, post aetatem senatoriam, distinguebantur : sic eorum, qui equestri ordinis non essent, dissimilem equestri tunicam fuisse, atque omnino clauis caruisse, credibile uidetur. nec tribuni nominarentur angusticlauij, quod est argumentum honoris ab Imperatore accepti, si communis inter equites & infimi ordinis homines latus clauus fuisset. Restat color : quem fuisse purpureum non modo in latis clauis, uerum in reliquis etiam tunicis, ueterum testimonijs probabo . nam, si tunicae expertes lati clauī purpureae sunt : cur latos clauos, idest nobilissimum tunicae genus, purpura priuemus ? tunicas autem lato clauo carentes purpureas fuisse, aperte docet lib. xi. Quintilianus his uerbis : Ut purpurae recte descendant, leuis cura est : notatur interim negligentia . Non loquitur de tunica lati clauī, & purpuras tamen nominat . Cicero etiam purpuream tunicam non modo in ordine senatorio, uerum in plebeijs quoque hominibus uidetur agnoscere, cum ait de L. Pisone in oratione pro Sextio : Vestitus aspere, nostra hac purpura plebeia, ac paene fusca . Nostra, dixit, qua nos utimur senatores : Plebeia uero, quia purpu-

purpurea Pisonis tunica fili crassitudine plebe-
iae purpurae similior, quam senatoriae, uideretur.
deinde subiunxit de colore, Ac paene fusca:
quia uarius erat purpurarum color, ut ex Plinio
liquet. Verum de tunica lati clauī purpurea, ut
omittantur dubiae fortasse fidei testimonia, sa-
tis aperta sit significatio in hoc Ouidij uersu:

Induiturq. humeris cum lato purpura clauo.
Plinius autem lib. ix. cap. 36. cum dixit: Pur-
pura distinguit equitem a curia: non significa-
uit, in senatoria tunica purpuram fuisse, in eque-
stri non fuisse: iam enim probauimus, purpuram
in omni tunica fuisse: sed de lato clauo purpureo
locutus est, qui, senatorem ab equite purpureum
quidem clauum, angustum tamen gestante,
distingueret. id explanat idem Plinius lib.
xxxiii. cap. i. cum ait: Anuli distinxere al-
terum ordinem a plebe, sicut tunica ab anulis se-
natum tantum. quamquam & hoc sero: uulgoq.
purpura latiore tunicae usos inuenimus etiam
praecones. Quis non uidet latum clauum signi-
ficari? nam, si solus purpurae color senatum ab
equitibus distinxisset: non dixisset, Purpura la-
tiore tunicae, sed purpurea tunica. Nec uero
ijs assentior, qui, Festum secuti, si modo Festus
ita scripsit, tunicam palmatam a latitudine cla-
uorum dictam, & eandem esse cum lato clauo, ar-
bitrantur. quid enim simile habet clauus cum
palma?

palma? ego tunicam fuisse palmatam existimo, quam triumphantes, toga picta super imposita, tamquam insigne uictoriae gestarent. propterea Liuius eam simul cum toga picta nominat lib. x. Quos, inquit, uos sellis curulibus, toga praetexta, tunica palmata, & toga picta, & corona triumphali, laurea q. honoratis. Quo loco satis patet non significari latum clauum: non enim post togam praetextam nominaretur; cum toga praetexta sit honoratior, quia non ea senatores omnes, ut lato clauo, sed tantum qui magistratum gererent, utebantur. magistratum, & triumphantium insignia posuit Liuius; magistratum, sellam curulem, togam praetextam; triumphantium autem, tunicam palmatam, togam pictam, coronam triumphalem, lauream. sic idem Liuius lib. xxx. Massanisam Scipio sella curuli eburnea, & scipione eburneo, toga picta, & palmata tunica donat. addit uerbis honorem: neque magnificentius quidquam triumpho apud Romanos, neque triumphantibus ampliorem eo ornatu esse. Quis autem putet, non differre tunicam triumphantium a tunica senatorum, cum eorundem togas diversas esse uideat? Purpureae igitur tunicae & lati clauī, & angustī, & fortasse etiam quae clauorum expertes. itaque purpuram plebeiam Cicero nominauit in oratione pro Sextio. & Quinctilianus lib. xi. cum dixit,

D

xit,

xit, Purpurae recte descendant, de solis equitum tunicis, quae angustum clauum habebant, locutus non est, sed de tunicis omnium oratorum, qui latum clauum non haberent: qui tum equestris ordinis, tum de plebe etiam fuerunt. In eam tamen sententiā adducor, primū ut equestre tunicā plebeia, equestri senatoriā colore praestitisse putē: deinde, ipsos clauos clariore purpura, quam reliquam togam, fuisse, ut discerni scilicet possent. ideo dixit in Modio Varro, cuius testimonio utitur Nonius: Quorum vitreae togae ostentant tunicae clauos. Non puto, qui haec superiora legerit, dubitare quemquam posse, de communi omnium tunicarum purpura: quamquam, cum dixit Horatius, Tunicato scrutapopello, fateor de purpurea tunica non esse accipiendum. absurdum enim, si credamus, qui propter inopiam expers togae tunica tantum corpus tegat, eum purpura uti. Sed, cum dicimus communem fuisse omnium tunicarum purpuram, nimirum de tunicis eorum intelligi uolumus, qui toga quoque uterentur. Hic miror, qui uenerit in mentem non nullis opinari, quod etiam literis mandarunt, ius purpurae solis fuisse aut senatoribus, senatorum uel filiis, aut magistratibus, aut patricijs hominibus. ijdem, quod togae fuit, tunicae lati clauī tribuerunt, praetextam purpura fuisse asserentes, errore ita perspicuo,

quo, ut in refellendo superuacanea prorsus opera uideatur. non enim tunicae, sed togae praetextae nominantur, nec omnes togae, sed quibus uterentur quinque hominum genera, pueri ad ineuntem aetatis annum xvii, magistratus omnes, excepto tribuno pl. ut ait Plutarchus; sacerdotes omnes, quorum in numero augures comprehenduntur; senatores diebus festis, magistri collegiorum, cum ludos compitales facerent. quae de re aptior alias erit locus. Fortasse hic aliquis requirat; cum tunica lati clauī ab imperatoribus dabatur, utrum equitibus tantum, an etiam plebeijs hominibus daretur. Licuisse imperatoribus existimo, quidquid libuit: equitibus tamen solis latum clauum dari solitum, indicat Suetonius in Claudio, cum ait: Senatoriam dignitatem recusantibus, equestrem quoque ademit. latum clauum, quamuis initio affirmasset non leturum se senatorem, nisi ciuis Romani abnepotem, etiam libertini filio tribuit, sed sub conditione, si prius ab equite Romano adoptatus esset. Institutum autem hoc supplendi ex equestri ordine senatus antiquissimum uideo fuisse. nam, ut Liuius docet, L. Brutus, is qui Tarquinium eiecit, caedibus regis deminutum patrum numerum, primoribus equestris gradus electis, ad trecentorum summam expleuit. Eos autem equites plebeiarum fuisse gentium, non patriciarum,

Et Liuius ipse demonstrat, cum subiungit: Id mirum quantum profuit ad concordiam ciuitatis, iungendosq. patribus plebis animos: Et Festus etiam planius, Regibus, inquit, urbe expulsi, P. Valerius consul propter inopiam patriciorum ex plebe allegit in numerum senatorum CLXIV, ut expleret numerum trecentorum. Sed, ut aliquando de tunica concludamus; subculam primum, deinde tunicam, postremo togam uiri induebantur. ac de subucula sic Varro lib. I V. Capitium ab eo, quod capit pectus, idest, ut antiqui dicebant, indutu comprehendit: alterum, quod subtus, a quo subucula; alterum, quod supra, a quo supparus. Et Horatius:

- si forte subucula pexae

Trita subest tunicae.

Et Suetonius de Augusto: Hieme quaternis cum pingui toga tunicis, Et subuculae thoraci laneo muniebatur. Varro autem, lib. I. de uita populi Romani, indicat, cum binas tunicas Romanae habere coeperunt, subuculae, Et intusij orta esse nomina; quo scilicet ab inferiore superior tunica distingueretur; Et subucula esset inferior uiri tunica, quod iam exemplis probatum est; intusium inferior tunica mulieris; tunicae uero nomen in superiore tantum tunica remaneret. Varronis uerba, quae ad hanc rem pertinent, desiderari non patiar. Postquam, inquit apud

Nonium,

Nonium, binas tunicas habere coeperunt, instituerunt uocare subuculam, & intusium. Nec *Varro* morem suae aetatis, sed longe superioris ostendit. nam intusium semel, & iterum a *Plauto* nominatur. Intusium autem non fuisse uirilem, sed muliebrem inferiorem tunicam, primum ex *Plauti* locis intelligitur, muliebrem uerstem plane significantibus; deinde ex *Varronis* uerbis, quae cum palla intusium coniungunt, lib. I. V. nam, cum de capitiō dixisset, subiunxit haec: Alterius generis item duo, unum, quod foris, ac palam, a quo palla; alterum, quod intus, a quo intusium. Pallam uero mulierum fuisse, stolaeq. imponi solitam, uel *Horatii* uersus perspicue demonstrat, lib. I. sat. 2.

Ad talos stola demissa, & circumdata palla. Nec uero sibi *Varronem* aduersari quisquam putet, quia, cum de uetustiore duarum tunicarum usu scripsisset, in alio libro, cuius idem *Nonius* testimonio utitur, de unica tunica mentionē fecerit, hoc modo: Mihi puero modica una fuit tunica, & toga, sine fasceis calceamenta, equus sine ephippio, balneum non quotidianum, alueus rarus. Non enim dicit, Me puero modica una fuit tunica. quibus uerbis morem omnium communem ostenderet: sed, Mihi puero: ut continentiam suam, domesticamq. disciplinam ostenderet. nam, licet ante *Varronis* aetatem secunda

tunica esset inducta, quam in mulieribus intusium, subuculam in uiris appellatam dixi: non tamen ita increbuerat Varrone puero hic mos, ut omnium communis esset. Supparus autem, ut Varro, & Festus appellant, uel, ut Lucanus, & Nonius, Supparum, non uirilis tunica, sed muliebris, eaq. puellarum fuit, pectus capiens, ut ait Varro, id est indutu comprehendens, angusta, lacertosq. cingens, ut Lucanus lib. i. ostendit:

— humerisq. haerentia primis

Suppara nudatos cingunt angusta lacertos.
Inter Varronem autem, Festum, & Nonium, in eo non conuenit, quod Varro diuersum a subucula supparum, & a supra dictum, subuculam a subtus, demonstrant: Festus autem non distinguit supparum a subucula, cum ait: Supparum, uestimentum puellarum, quod & Subucula appellatur. Quibus uerbis uidetur existimasse, quod & Nonius plane narrat, supparum appellatum a subtus, non, ut Varro, a supra. nisi si mutatam consuetudinem putemus: ut, cum supparum Varronis aetate pectus dumtaxat comprehendisset, uel etiam, ut ex Lucano colligitur, lacertos cinxisset; postea, Festi, Nonijq. temporibus, ad talos usque penderet. ait enim Nonius: Supparus est linteum femorale, usque ad talos pendens, dictum, quod subtus appareat.

pareat. Quid, si nec Nonius, & Festus inter se satis congruunt? nam Nonius linteum femorale ad talos usque pendens uocat supparum: Festus autem subucula: quae si est capitij genus, ut ait Varro, certe ad talos non descendit, ac fortasse ne ad femora quidem. Hic mihi uenit in mentem, posse supparum & a supra, & a subtus uocari: a supra, habita ratione intusij, quae fuit inter omnes muliebres tunicas, haerebatq. carni, ut ait Nonius; a subtus, quia subesset stolae, & subtus appareret ad talos pendens, ut idem Nonius docet. ita, quod ad nominis causam attinet, non discrepabit a Varro ne Nonius. Fuere igitur, ut summatim agamus, & sparsa colligantur, muliebres quattuor uestes, intusium intra tunicas omnes, supparum, stolam, pallam: supparum autem subuculam esse dictum non Varronis aetate, cum praeter subuculam esset supparus; quod ipsius Varronis uerba declarant; sed scribente Festo, cum subuculae uirilis nomen ad suppari muliebris tunicae significationem transisset. Ac, ne quis erret in nominibus; tunicam Nonius etiam stolam appellauit, pallium autem pallam. Palla, inquit, & honestae mulieris uestimentum, hoc est tunicae pallium. Aperte tunicam uocat stolam: nam stola pallae suberat, ut Horatio teste probauimus: pallium autem pro palla accipit.

D 4 Varro

Varro etiam uidetur opponere togae uirili pallium muliebre: quod, nisi fallor, accipit pro palla, in quo sentit cum Nonio: tunicae autem uirili stolam muliebrem. eius uerba sunt haec lib. VII. de lin. Lat. In uestitu, cum dissimillima sit uirilis toga tunicae, muliebris stola pallio, tamen inaequalitatem hanc sequimur nihilo minus. In uiro togam, & tunicam nominat, in muliere stolam, & pallium. at pallium esse operimentum tunicae, & pallam significare, Nonij testimonio demonstratum. ita fit, ut, quemadmodum uirilis tunica sub toga, sic stola muliebris sub pallio sit, & pallium a palla non differat. idem Varro lib. IIX. cum stola muliebri pallium iungit, nulla pallae mentione; cum tunica uirili togam: ut necesse sit, respondere tunicae uirili muliebrem stolam, togae pallium. nam, si quis respondere putet pallium uirili tunicae potius, quam togae: is intra stollam pallium indui solitum opinetur, necesse est. quod absurdum plane uidetur, & cum Nonij, & Horatij sententia pugnabit: quorum alter pro palla pallium posuit, alter autem pallam stolae circumdedit, non stolam pallae in illo uersu:

*Ad talos stola demissa, & circumdata palla.
nec aliter Virgilius lib. II. Aen.*

- pro longae tegmine pallae

Tigridis exsuuiae per dorsum a uertice pēdēt.

& Varro

& Varro lib. i v. inde Pallam nominatam ait, quod foris, ac palam. Vlpianus etiam, De auro & argento legato, L. uestimentum, ideo palliū in muliebrium uestimentorum commemoratione omittit, quia pallam nominari satis arbitratur. nam, si quis omisſum arguat, quia muliebri uestimentum non eſſet: reſelletur duobus Varronis locis, pallium cum ſtola coniungentibus. Nec tamen negauerim, uirorum quoque, & puerorum pallia fuiſſe: uerum, ut hoc idem Vlpianus docet, ſic diſſimilia pallijs muliebribus, ideſt pallis, fuiſſe, declarat his uerbis: Muliebria ſunt, quae matris familias cauſſa parata ſunt, quibus uir non facile uti poteſt ſine uituperatione, ueluti ſtolae, pallae, tunicae, capitia. Nam, ſi palla uir uti non poteſt ſine uituperatione; & palla pallium eſt: ſequitur, ut uirile pallium a muliebri pallio, ideſt palla, differat.

III
De Trabea .

AD . IOANNEM
DONATVM



QUI Te norunt , IOANNES
DONATE , (omnes autem ,
ob eximiam integritatem ,
norunt) ita praedicare so-
lent : Te tamquam speculum
aliquod pellucidum esse , in
quod ceteri intuentes , uirtutum singularum ima-
ginem aperte perspiciant : patere aures iustitiae
tuae omnibus , qui Te alloqui uelint : iustum non
minus amare , quam nosse ; in eoq. nemini par-
cere , dum unicuique suum tribuatur : potissi-
mumq. eum esse , cuius aditus bonis minime in-
tercludatur : posse autem , qui litterarum a-
more flagrant , omnia ab humanitate tua spe-
rare , quae eorum rationibus conducant . Quo
fit , ut ego , a quo maxima quaeque expecta-
ri , cum Patris , & Aui memoriam recolo ,
praeclare noui , & minima praestari posse , im-
becillitatis ingenij mei plane conscius , uix con-
fidam , maximum in Teipso patrociniū posi-
tum mihi putem : & , tua ope fretus , ea conse-
qui me posse sperem , quorum auxilio tantae ex-
spectationi

speculationi non succumbendum mihi dubitem.
Haec igitur ad Te mittere placuit, exiguum
meae uoluntatis signum, si rem species; si ani-
um, maximum, & quale uix a quoquam de-
siderari possit.

TRABEARVM tria genera Suetonius in
 libro de uestimentis, auctore Seruio in lib. VII.
 Virgilij, fuisse ostendit, unum e sola purpura,
 dijs consecratum; alterum e purpura, non sine
 albo, quo reges utebantur; tertium augurale,
 e purpura, & cocco. secundum genus ab equi-
 tibus, cum trabeati idibus Quinct. transuehe-
 rentur, usurpatum puto: ut regum potius, quam
 deorum, aut sacerdotum amictum imitarentur.
 hoc autem genere usos esse etiam eos, qui trium-
 phabant, Ausonius poeta docet. nam, ubi Gra-
 tiano imperatori pro consulatu gratias agit, In
 procinctu, inquit, & tum maxime dimicatu-
 rus, Palmatae uestis meae ornamenta disponi
 feliciter, & bono omine. namque iste habitus,
 ut in pace consulis est, sic in uictoria triumphan-
 tis. Parum est, si, qualis ad me trabea mitta-
 tur, interrogas: te coram promi iubes. Qui-
 bus ex uerbis primum illud constat, triumpham-
 lem Romanis trabeam fuisse; quod alibi non le-
 gimus; triumphabant enim in toga picta: dein-
 de, consularem; quod reip. temporibus inusita-
 tum


tum fuit; praetexta enim tunc & consules, & reliqui magistratus utebantur: postremo, trabeam, & palmatam uestem idem esse: quod cuiusmodi sit, considerandum. aut enim de palmata tunica loquitur, aut de palmata toga. si de tunica, dissentit a Floro, qui trabeam, & palmatam tunicam in Tarquinio Prisco separatim nominat: & Plinius lib. ix. cap. 49. distinguit a trabea tunicam lati clavi: latum clauum autem palmatam esse tunicam ostendam. Plinius enim, Purpurae, ait, usum Romae semper fuisse uideo, sed Romulo in trabea: nam toga praetexta, & latiore clauo Tullum Hostilium & regibus primum usum, Etruscis deuietis, satis constat. Diuersum a trabea latum clauum aperte demonstrat. at latus clauus si post Etruscam uictoriam in urbem uenit, certe tunica palmata fuit: quam cum toga picta Romam ex Etruria allatam esse non modo Florus, uerum etiam Dionysius asserit. & uidetur Festus idem significare, cum ait: Tunica palmata a latitudine clauorum dicebatur, quae nunc a genere picturae appellatur. Non igitur de tunica, sed de toga palmata, quam nominat Martialis, locutus Ausonius uidetur. quod si ita est; sequitur, ut toga palmata sit idem cum toga picta. nam eodem loco subiungit Ausonius: Haec est picta, ut dicitur, uestis non magis

magis auro, quam tuis uerbis. Sed reip. temporibus toga picta numquam consules usi sunt. Aurum quoque trabeae dat, non solum in hoc loco, sed in extrema etiam gratiarum actione: ait enim: Trabeam non magis auro suo, quam tuo munere splendidam. At Suetonius, cum tria trabearum genera describeret, nullam auri mentionem fecit. Apparet igitur, Gratiano imperante, & trabeatos consules fuisse, qui praetextati antea fuerant; & trabeam fuisse togam auro pictam, contra ueterem consuetudinem: fuerat enim aurum quidem in toga picta, non tamen in trabea: & diuersas ostendit Plinius lib. II. cap. 48. seorsum utramque nominans. Trabeis, ait, usos accipio reges: Pictas uestes iam apud Homerum fuisse, unde triumphales natae. Quae cum dicit, primū a trabeis pictas uestes discernit: deinde illud ostendit, pictas uestes, nō trabeas, inter ornāmēta triumphalia fuisse. quamquā imperatorum aetate, ut praetexta, sic toga picta consulum in pace fuerit: quod, praeter Ansonium, in Alexandro Seuero Lampridius docet. Militarem habitum, post reges, crediderim trabeam fuisse, quo consules in bello uterentur. id mihi uenit in mentem, Liuij locum lib. XXXI. consideranti, Consul, inquit, cum Corcyrae hibernasset, uere primo in continente trabeatus ad hostem ducere pergit. Propterea equestres turmae, bellicam

cam speciem repraesentantes, idibus Quint. ante censores transuehebantur. Valerius Max. lib. II. cap. I. Trabeatos equites idibus Iulij Q. Fabius transuehi instituit. Et apud Tacitum lib. III. in funere Germanici: Praecedebant incompta signa, uersi fasces, atque, ubi colonias transgrederentur, atrata plebs, trabeati equites. Et Suetonius in Domitiano: Eadem formidine oblatum a senatu nouum & excogitatum honorem, quamquam omnium talium appetentissimus, recusauit: quo decretum erat, ut, quoties gereret consulatum, equites Romani, quibus fors obtigisset, trabeati, & cum hastis militaribus praecederent eum inter lictores, apparitoresque. Eodem uestitu salios quoque sacerdotes usos esse, Dionysius lib. III. auctor est: sed, quia trabeas illas περιπορφύρας ποινικοπαρύφας uocat, id est purpura praetextas, puniceo colore alternis intertexto; satis constiat, eum locutum esse de tertio illo trabearum genere, quod Suetonius e purpura factum & cocto sacerdotibus attribuit.

IV
De Subsellis.

AD. PAVLLVM. TEVPVLVM
EQVITEM

 **E**TSI nulla mihi tecum,
PAVLLE. TEVPV-
LE, consuetudo intercedit, fa-
ciundum tamen putavi, ut
Te in eorum numero colloca-
rem, quorum auctoritas plu-
rimum mihi adiunēti posset asserre. Tu enim, ob
summā in consuetudine facilitatem, in agendis re-
bus gravitatem, ita Senatui Veneto carus es, ut
merito Te omnes in oculis ferant. Tu non uita
solum, atque natura, sed sermone etiam comis
es. ideoq. multorū Tibi amicitiam adiunxisti,
qui Te usquequaque in ore habent, ut propemo-
dum singularem, excellentiam ingenij Tui esse
dicant. Ne sit igitur Tibi mirum, si ego haec in
tuo nomine apparere uolui: ut, meam summam
observantiam Tibi indicans, a Te non indignus
prorsus tuo patrocinio iudicer.

SUBSELLIORVM duo genera fuere, unum,
in quibus ij, qui causas agebant, siue defende-
rent, siue accusarent, alterum, in quibus ipsi iu-
dices

dices confidebant . de Varrone epist. 10 . lib. XIII . Fam . ita Cicero scriptum reliquit : Versatus in utrisque subsellis , optima & fide , & fama . Nisi si uersatum Varronem dicit in publicis priuatisq . causis , cum in utrisque fidem , & ingenium ostenderet . Accusatorum subsellia nota sunt ex oratione pro Roscio Amerino . patronorum fuisse quis dubitet , cum accusatorum fuerint ? cum praesertim reorum subsellia nominentur in epistola M . Coelij , & proximos reis patronos sedisse uerisimile sit . Quod ad subsellia iudicum attinet ; scire illud oportet , praefuisse iudicio uel eos , qui curulem magistratum gererent , ut praetorem , aedilem curulem ; uel qui non curulem , ut tribunum pl . aedilem pl . quaestorem , triumuirum . curulis magistratus in curuli sella sedebat , reliqui iudices , cum eo causam cognoscentes , in subsellis . quamquam aediles curules , soli ne , an cum consilio iudicarent , haud plane liquet . in eo etiam differebant a praetoribus , quod tribunal aediles cur . non habebant , praetores habebant . Qui uero , magistratum non curulem gerentes , iudicabant , ij uel sedentes in subsellis , non in sella curuli , uel stantes audiebant : sedentes , ut tribuni pl . quaestores , triumuii : hos enim nominat Pedianus : quibus ego aediles pl . & centumuiros addo : stantes , ut ij , quos Cicero significat in Bruto , cum ait :

Si,

Si, anguste, & exsiliiter dicere, Atticorum est: sint sane Attici, sed in Comitium ueniant, ad stantem iudicem dicant. ita subsellia & iudicum erant cum curuli magistratu iudicantium, & ipsorum magistratum, qui curules non essent. De hoc genere iudicum, qui de maioribus causis cognoscerent, dixit Cicero in Bruto: Subsellia grandiore, & plenioris uocem desiderant. Et ibidem: Volo hoc oratori contingat, ut, cum auditum sit, eum esse dicturum, locus in subsellis occupetur, compleatur tribunal. Et pro Cluentio: Accusabat tribunus pl. idem in concionibus, idem ad subsellia. In eadem infra: Rem a subsellis in Rostra detulit. Pro Postumo: Dixerunt hic modo nobiscum ad haec subsellia. In Vatinius: Quaero ex te, num quis reus in tribunal sui quaesitoris adscenderit, eumque ui disturbavit, subsellia dissipavit, urnas delenerit? Quibus locis consutari uidetur opinio Pediani, qui maioribus causis adimit subsellia; & ubi tribunalia sunt, ibi subsellia negat esse. Alienum, inquit, alij non nomen proprium putant esse, sed alienum, & alterius iudicii, & non ex auditorio praetoris, maiorumque causarum, sed a subsellis, hoc est, non a tribunalibus. sunt enim subsellia tribunorum, triumuirorum, quaestorum, & huiusmodi minora iudicia exercentium, qui non in sellis curulibus, nec tribunalibus, sed in

E subsellis

subsellis confidebant. Quod ad tribunos, triumphatores, quaestores attinet, recte sensit. ij enim non in sellis curulibus, sed in subsellis, confidebant. quod uero subsellia separat a maioribus caussis, & a sellis curulibus, & tribunalibus, falsum existimo. nam, etsi magistratus ipsi non in subsellis, uerum in sellis curulibus, confidebant: iudices tamen, qui erant illis in consilio, sedebant in subsellis. quod Ciceronis testimonio iam probauimus. Illud uero, quod ait idem Pedianus, Qui non in sellis curulibus, nec tribunalibus confidebant: non ita accipio, quasi qui in tribunalibus, ij non sederent in sellis curulibus: nam praetor & tribunal habebat, & sedebat in sella curuli: quod exemplis probare facile possum: sed ostendere uoluit, non omnes, qui sederent in sella curuli, tribunal habere, ut aediles cur. cum tamen qui tribunali, ijdem curuli sella uterentur, ut praetores. locus autem editior, in quo praetor sedens in curuli sella ius dicebat, tribunal uocabatur. in quo tamen, praeter ipsum praetorem, sedisse uidentur iudices nonnulli: quod illa uerba demonstrant lib. 1. de Orat. Nobis in tribunali Q. Pompeij praetoris urbani sedentibus. & Vitruuius lib. v. tribunal ita describit, ut locus in eo compluribus fuisse uideatur.

V

De Signo, & Statua.

AD . IOANNEM
MICHAELIVM
EQVITEM



*SEDE meum cogitavi,
IOANNES . MICHAELI,
quonam modo meam Tibi
ostendere benevolentiam pos-
sem . nec tamen in hac mea
cogitatione quidquam um-
quam dignum occurrit amplitudine Tua . Perop-
portune accidit nunc , ut , haec edens , possem
huic meae uoluntati satisfacere . Hoc certe af-
firmare non uerear , si tantum Tibi satisfecero ,
quantum intimis animi mei sensibus oblatam
hanc mihi occasionem laetor , rectissime meum
acturum . Nec dubito , Te meum hoc munuscu-
lum hilari fronte non accepturum , cum summa
Te humanitate praeditum omnes dicant .*

*QVAERITVR , sit ne idem signum cum
statua , an aliquid intersit . ego signis , & sta-
tuis communem opinor esse materiam : eandem
utrique nomini rem subesse non opinor . de mate-*

E 2 ria

ria primum, de significatione diuersa mox agemus. signorum materia multiplex, aurum, argentum, aes, marmor, ebur. quorum tria prima funduntur, marmor scalpitur, ebur tornatur. & , quamquam aurea signa, & argentea non nominentur: nihil tamen obstat, quin, ut ex aere fiunt, itidem ex argento, & auro fieri possint; cum praesertim de aureis, argenteisque statuis mentio fiat apud Plinium, & alios. aenea uero, marmoreaeq. signa appellat Varro lib. III. de re rust. & epitome Liuiana lib. LII. Plinius uero saepissime. idem nominat eburnea lib. XXXIV. cap. 8. & lib. XXXVI. cap. 15. & Cicero lib. IV. in Verrem, Nego, ait, ullam gemmam, aut margaritam fuisse, aut quidquam ex auro, aut ebore factum, signum ullum, aeneum, marmoreum, eburneum, nego ullam picturam neque in tabulis, neque textilem fuisse, quin quae fierit, inspexerit, quod placitum sit abstulerit. Eadem, quae signorum, statuarum materia. nota est aurea Gorgiae, notae argenteae Augusti, aenea Alexandri Magni, et Sp. Cassii, marmoreae multorum, eburnea Apollinis, ex Plinio, & alijs. Ergo signa, & statuae materia non differunt. uideamus, an differant forma. Fuit aliquando, cum dimidiata signa esse, statuas integras existimarem: nunc opinioni meae obstare multa animaduerto, primum signa duo, quae Cicero ibidem

dem appellat, unum Cupidinis e marmore, alterum Herculis ex aere. nam neque Cupido, neque Hercules dimidiati finguntur. Nec uero illa signa non integra fuisse existimandum est, de quibus idem Cicero statim haec subiungit: Erant aenea praeterea duo signa, non maxima, eximia uenustate, uirginali habitu, atque uestitu, quae manibus sublatis sacra quaedam, more Atheniensium uirginum, reposita in capitibus, sustinebant. Canephorae ipsae uocabantur. Idem infra, eodem libro: Erat admodum amplum, & excelsum signum cum stola. Nominat etiam Iouis Imperatoris signum: quod integra totius corporis forma fuisse, nemo, ut opinor, dubitet. omitto alia eiusdem exempla: quibus integra signa demonstrantur. Quare nec forma differunt a statuis signa. Possit etiam suspicari aliquis, non materia, nec forma distingui statuas a signis, uerum eorum condicione, quorum imagines referantur; & statuas esse hominum, deorum signa. Negatur. nam Cicero ipse canephoras illas, quas inter signa nominauit, postea deas non fuisse demonstrat. ait enim: Tibi habe canephoras: deorum simulacra restitue. Accedit Plinij testimonium lib. x x x i v. cap. 7. quo loco ait, in M. Scauri aedilitate tria millia signorum in scena fuisse. quae si quis putet deorum fuisse omnia, alucinetur. Idem, cum in-

E 3 quit,

quit, fuisse Rhodi, Athenis, Olympiae, Delphistria millia signorum, de omni signorum genere loquitur, non de ijs, quae deorum tantum essent. praeterea, canis ex aere, vulnus suum lambens, in cella Iunonis dicatus, & rana, ac lacerta, in columnarum spiris insculptae, quae omnia nominat idem Plinius, signa, an statuae dicentur? signa certe. sphingem quoque ex aere Corinthio, quam Verres reus Hortensio donauit, & Amazonis simulacrum, quo mire delatus est Verres, & buculam Myronis uidemus inter signa memorari. Non igitur deorum tantum, sed hominum etiam, atque adeo brutorum, signa sunt. quod si ita est; quaeri oportet certiore notam, qua signa a statujs & discernere possimus, & internoscere. ueritatem autem, rerumque uim, ac naturam, nihil aperit magis, quam definitio. itaque signum, & statuam placet definire. Signum est e solida materia similitudo uel dei, uel hominis, uel bruti. Statua est item e solida materia similitudo dei tantum, & hominis. Latius igitur patet signi nomen, quam statuae. Differunt etiam, ut puto, ratione loci. nam, quae in foro statuae sunt, aut in alio publico, & profano loco, statuae, non signa, dicuntur. eadem in domibus, ac templis signa uocantur potius, quam statuae. itaque simulacrum Herculis Tunicati, quod prope Rostra fuit, statuam

Plinius

Plinius appellauit lib. xxxiij. cap. 8. at simulacra Cupidinis, & Herculis, ablata a Verre ex Heij. Mamertini sacrario, signa, non statuas, Cicero nominat lib. iij. in Verrem. & omnino quae sustulit Verres ex aedibus deorum, signa semper uocat Cicero, numquam statuas. Quae igitur statuae sunt, eadem, si e publico loco in priuatum transferantur, signa erunt: rursusq. si e priuato signa in publicum, modo & integra sint, & hominum, aut deorum, statuae appellari poterunt. locus igitur nomen mutat, & altera causa, quod signum de brutis etiam dicitur, statua non dicitur. Tertium discrimen illud est, quod signa haerent interdum in eadem, e qua educta, uel in qua intus incisa sunt, materia, ut rana, & lacerta, supra nominatae, quae insculptae sunt in columnarum spiris; & illa, quae in gemmis, uel in alia pro anulorum usu materia inciduntur. Statuae uero & expressae sunt, non in cauo latentes, & ab ea, unde factae sunt, materia disiunctae. Nec eo moueor, quod ait Plinius lib. xxxiij. cap. 5. in domibus etiam priuatis statuas fuisse, atque in atrijs. nam idem ait id esse factum ad exemplum fori, in quo statuae poni solebant, ad prorogandam hominum memoriam, cum in earum basibus honores inscriberentur. Quare statuae proprie, quae in foro; signa, quae uel in aedibus priuatis, ut epist. iij. lib.

72 De Signo, & Statua.

VII. Fam. & ep. 3. 6. 7. 8. lib. I. ad Att. declarant; uel etiam in templis, ut ex lib. IV. in Verrem intelligitur. Nam illud Plinij lib. XXXIII. cap. 3. Harpocratem, statuasq. Aegyptiorum numinum, in digitis uiri quoque portare incipiunt: non ut proprie dictum accipio, sed quod reprehendere luxum sui temporis Plinius uoluerit, damnata eorum insolentia, qui figuras Aegyptiorum numinum, & solidas, & immoderate magnitudinis, in anulis gestarent. quam sententiam statuarum uocabulo, ut significationem augeret similitudo, apte, ac decenter expressit. Haec si cui non probantur, aliam ineat rationem dubitationis amouendae. forte enim hoc dici potest. ita statuam a signo differre, ut speciem a genere: & statuas omnes signa esse, non contra.

VI

De Parma, Clypeo, Scuto,
Pelta, Ancile.

AD · ALOYSIVM CONTARENVM EQUITEM



I tantum in me esset ingenij,
quantum ad praedicandas
eximias animi Tui dotes re
quiri omnes sciunt, ALOYSI
CONTARENE, non uererer
in ijs praedicandis aliquanti
per immorari. Verum, cum ego me optime no-
rim, quid faciam? eas tacita oratione contem-
plabor, ingenium uehementer admirans; sum-
maq. ope enitar, ut aliquando is sim, qui huic
meae uoluntati morem gerere possim. Interim
nolui hoc quaecumque sit iudiciũ de Te meũ nõ
apparere. Haec ad Te mitto, studiorum meo-
rum fructum. Quae si Tibi non displicuisse intel-
ligam, animos mihi ad maiora aggredienda ad-
des.

DE genere primum, tum de generis parti-
bus, dicemus. Genus est scutum, idemq. gene-
ris

ris pars. nam & parma, clypeus, pelta, ancile, scuta uocantur: & proprie scutum illud est, quo Romanae legiones, Latiniq. socij, atque Itali utebantur: cuius a Polybio descripta forma, suo loco infra ostendetur. Parma igitur, clypeus, scutum, pelta, ancile, genere sunt idem: corporis enim protegendj, arcendaeq. iniuriae causa sunt inuenta: forma uero, materia, usu differunt. quod antequam ostendamus, dicendum est de nominibus ipsis. quorum parma latinum est, ex eo uocata, ut lib. i v. de lingua Lat. ait Varro, quod a medio in omnes partes par; clypeus a κλέπῳ; quod est tego, quasi καλύπτῳ. id putauit Seruius in eo Virgilij uersu, lib. vii. Aen.

Nec clypei, currus uē sonant.

quamquam Plinius a γλύφῳ, idest scalpo, ductum existimat: ait enim lib. xxv. cap. 3. Scutis qualibus ad Troiam pugnatum est, continebantur imagines: unde & nomen habuere clypeorum, non, ut peruersa grammaticorum subtilitas uoluit, a cluendo. Scutum a σκύτος, quia pellibus tegetetur, ueteres nonnulli derivatum tradidere: uel etiam, quod ex pellibus totum constaret: qualia fuisse priscorum scuta, quae postea ob firmitatem lignea fuerint, Polybius ostendit. Varro autem a sectura deducit: quod minute confectum sit tabellis. Pelta, barbarum esse nomen arbitror, itemq. cetra: uel,
 si

si Graecum utrumque, inter ea uocabula referantur, quae primigenia Varro appellat: quod aliunde non gignantur, sed suas radices habeant. Ancile Latinum est, ab ancisu, quod est ab am & caedo, quasi circum caedo; ut ambio, circum eo; amburo, circumuro. scutum enim fuit ab utraque parte incisum. quod Varro breuiter, ideoque suboscure, dixit. Festus autem satis plane: Ancile, scutum breue, sic appellatum, quia ex utroque latere erat recisum, ut summum, infimumque eius latus medio pateret. Iuba & Plutarchus a Graeco deducunt: sed Varronem & Festum sequor libentius. est enim certior, praesertim in Latinis uocabulis, Latinorum fides, quam Graecorum.

Parmae forma.

Parma rotunda fuit: eius formam Polybij uerbis exponemus. Τοῖς νεωτάτοις, inquit in libro περὶ τῶν ὀπλιτῶν καταστάσεως, παρήγειλαν μάχαιραν φορεῖν, καὶ γρόσφος, καὶ πάρμην. ἡ δὲ πάρμη καὶ δυνάμιν ἔχει τῇ κατασκευῇ, καὶ μέγεθος ἀρκεῖν πρὸς ἀσφάλειαν. περιφερὴς γὰρ ὅσα τῷ σχήματι, τρίπεδον ἔχει τὴν διάμετρον. Quibus haec Latine respondent: Tironibus mandauerunt gladium ferre, & hastas, & parmam. parma uero cum uim habet, obstruaturam, tum idoneam securitati magnitudinem. cum enim rotunda figura sit, diametrum habet tripedalem. Liuius lib. xxxix. de

de parmae magnitudine idem, quod Polybius, tradit. Gladijs, inquit, a uelitibus trucidabantur, hic miles tripedalem parmam habet, & in dextera hastas, quibus eminus utitur: gladio Hispaniensi est cinctus. Varro apud Nonium: Quem sequuntur cum rotundis uelites leues parmis, Nonius parmam breue scutum fuisse ait: quid ita uerum est, si cum scuto, quod Polybius describit, conferatur. alioqui non breue scutum: cum diametrum habeat trium pedum: aut Nonij aetate parmarum magnitudo non eadem, quae Polybio, & Linio scribente, fuit.

Clypei forma.

Clypeus a parma differt non forma, sed materia. nam in Festi fragmentis est: Clypeum antiqui ob rotunditatem etiam corium bonis appellarunt, in quo foedus Gabinorum cum Romanis fuerat descriptum. Accedit ea ratio, quod Attius poeta comparauit caelo clypeum: ait enim in Agamemnone: In altissimo caeli clypeo. Quibus uerbis Varro subiungit: Cauum enim clypeum. Ex comparatione igitur caeli, & rotundum, & cauum clypeum fuisse, colligitur. Ouidius quoque unicum Polyphemi oculum clypeo comparauit:

Vnum est in media lumen mihi fronte, sed
instar

ingentis clypei.

Si

Si clypeo comparatur oculus; certe rotundum clypeum esse, constat. quod Virgilius aliquanto clarius demonstravit: nam lib. III. Aen. de eodem Polyphemo dixit:

- Telo lumen terebramus acuto

Ingens, quod torua solum sub fronte latebat, Argolici clypei, aut Phoebeae lapidis instar. Oculi ingentis, & clypei Argolici, & Solis eandem formam facit, idest rotundam. forma enim et oculi Polyphemi, & clypei Argolici, addita Solis mentione declaratur. Cognoscitur & clypei forma ex ipso nomine. ὀπίς enim Graece dicitur; ut infra, collatis inter se Linio & Dionysio Halicarnasseo, probabimus. ὀπίς autem rotunditatem significat: unde serpens ille, orbiculari se se forma inuoluens, dictus est. Iam Homerus plane formam expressit ἐν τῷ ↓. cum dixit, ὀπίδα πάντοσ' ἴσιν, idest clypeum ab omni parte aequalem. Et in argenteo uetere nummo imaginis Augusti, quem antea uir omni uirtute perpolitus, Hannibal Carus, nunc habet fratris eius filius, rotunda forma clypeus cernitur. Posterioribus temporibus ad ouatam speciem clypeos redactos esse, columnae duae, Traiani, & Antonini, declarant. Aelianus etiam Macedonicos grauis armaturae pedites, idest phalangitas, ὀπίσι περιφέρει, idest rotundis clypeis, usos esse demonstrat, nec maioribus, quam octo palmorum,

rum, idest bipedali diametro. quod si Romani quoque clypei bipedales tantum fuere; quod uerè simile uidetur; siquidem accepti sunt a Graecis, ideoq. a Dionysio, & Plutarcho Argolici uocantur: minores, quam parma, uno pede fuerunt; quam tripedalem habuisse diametrum, ostendimus.

Scuti forma.

Scutum opinor esse, quod Polybius, Dionysius, Plutarchus, Iosephus θυρεὸν appellant, oblonga forma quadrata, ad ianuae similitudinem, unde nomen acceperit: curua tamen superficie, ut ostendit Polybius: itaque non una perpetua tabula, sed dissectis pluribus fieri oportuit: ex quo Varonis orta etymologia est. audiamus Polybij uerba: Εἰς, αἰτ, ἡ Ῥωμαϊκὴ παιοπλία, πρῶτον μὲν θυρεὸς: οὗ τὸ μὲν πλάτος ἐστὶ τῆς κυρτῆς ἐπιφανείας, πενθ' ἡμιποδίων, τὸ δὲ μῆκος ποδῶν τεττάρων: ὁ δὲ μείζων ἔτι καὶ παλαισιαῖος: ἐκ διπλοῦσανιδώματος, ταυροκόλλη πεπηγῶς, ὁ θονίῳ μετὰ δὲ ταῦτα μοσχίῳ δέρματι περιείληπται τὴν ἐκτὸς ἐπιφάνειαν. ἔχει δὲ περὶ τὴν ἴσην ἐκ τῶν ἄνωθεν, καὶ κάτωθεν μερῶν σιδηρῆν σιάλωμα, δι' ὅ τας τε καταφορὰς τῶν μαχαιρῶν ἀσφαλίζεται, καὶ τὰς πρὸς τὴν γῆν ἐξαίρησις. προσῆρμοσαι δ' αὐτῷ καὶ σιδερεῖ κόγχος, ἢ τὰς ὀλοσχερεῖς ἀποσέγει πληγὰς λίτων, καὶ σαρισσῶν, καὶ καθόλου βιαιῶν βελῶν. Quae sic Latine conuertuntur: Romana armatura est, primum quidem scutum:

cuius

cuius latitudo est, in superficie curua, pedes duo, cum dimidio; longitudo, pedes quattuor: quod si maius, palmo amplius. Constat ex duplici tabulato, taurino glutino coniunctum, uelo interiecto, deinde superficies exterior pelle uitula circumdatur. supra & infra extremis partibus ferrea lamina munitur: ut & gladiatorum uehementes impetus sustineat; & ne, cum humum tangit, atteratur. Aptè etiam in eo ferrea constituta concha est, quae lapidum, sarissarum, cuiuscumque demum uiolenti teli crebros ictus propulsat. Miror Ianum Lascarem, praestantis ingenij uirum, clypeum pro scuto accepisse, ubi locum Polybij conuertit. haec est enim scuti, non clypei, descriptio: quod mihi uideor affirmare posse multis de causis: primum, quod *θυρεός* ex Polybij descriptione, & ex ipso nomine, quadratus est; clypeus uero, ut ostendi, rotundus: deinde, quod mentio duplicis tabulati, & pelliceum integumentum, clypeo non conuenit, qui totus erat aereus, ut infra probabimus, nec ullis tegebatur pellibus, sed aere nudo splendebat: unde Virgilius, *Ardentes clypeos*. tum, quod non solum aetate illa, qua Polybius litteris haec mandauit, idest circa Punici belli tertij tempora, sed multo etiam ante, scutis Romani utebantur, ut haec Liuij uerba lib. IIX. de Latinis armatura Romana instructis, declarant. Clypeis antea Romanis

Romanis usi sunt: deinceps, postquam stipendiarij facti sunt, scuta pro clypeis fecere. Idem lib. IX. Arma clypeus, sarissaeq. illis, Romano scutum, maius corpori tegumentum. Et lib. XLII. bello Macedonico adempta Romanis esse scuta dicit supra c. Postremo, quod a Polybio, & Dionysio Halic. ubi agit de Romanorum armatura, *Supers* uocatur, id a Livio scutum dicitur lib. I. qui uero clypeus a Livio, *ἀσπίς* a Dionysio, non *Supers*. afferamus utriusque testimonium. Arma, inquit Livius de prima classe, his imperata, galea, clypeus, ocreae, lorica, omnia ex aere. Et paullo post de secunda classe: Arma imperata, scutum pro clypeo. Dionysius autem de prima classe: ὅπλα χεῖριν ἐπέταξεν, ἀσπίδας ἀργολικὰς, καὶ δόρατα, καὶ κράνη χαλκία. Latine sic: Arma ferre iussit, clypeos Argolicos, hastas, & galeas aereas. Et de secunda. Ἀντὶ τῶν ἀσπίδων ἀνέδωκε *Supers*. Latine: Pro clypeis tradidit scuta. Et Strabo, quam urbem in Africa Plinius, & alij Clupeam, Lucanus, & alij Clypeam uocant, eandem ait *Aspidem* nominari: quia scilicet curvatas in clypei speciem turres haberet.

Clypei, Scuti, Parmae materia.

De materia, quam secundo loco proposueram, constat Livij, Dionysiiq. uerbis proxime recitatis, ex aere clypeum fuisse. Idem Livius lib. XLV. Edito, ait, ludicro omnis generis, clypeisq. aereis

aereis in naues impositis. Ideo Virgilius *Aen.* lib. II. *Ardentes clypeos dixit.* Et Festus *Ennium* illud: *Prolato aere adstitit: interpretatur, clypeo ante se protento.* Scutum uero non aereum, sed ligneum, fuisse, Polybij testimonio iam demonstratum est. in quo Romanorum industriam in militari studio licet admirari. non enim e quouis ligno, sed ex arborum praecipue aquaticarum, scuta faciebant. maxime autem ficus, & salix, quia leuissimae, probabantur. cur aquaticae arbores ceteris praeferrentur, causam uerbis lepidissimis, ut est elegantis admodum scriptor ingenij, Plinius explicauit lib. XVI. cap. 40. *Frigidissima, inquit, quaecumque aquatica, lentissima autem, & ideo scutis faciendis aptissima: quorum plaga contrahit se protinus, clauditq. suum uulnus, & ob id contumacius transmittit ferrum: in quo sunt genere ficus, salix, tilia, betulla, sambucus, populus utraque. Leuissimae ex his ficus, & salix, ideoq. utilissimae. Parmam uero loream fuisse, auctor est Suidas.*

Clypei, & Scuti usus.

Reliquum est, ut de usu dicatur. Romulus ante bellum Sabinum clypeis Argolicis utebatur: Sabinis in ciuitatem receptis, eorum scutis uti maluit. qua de re sic Plutarchus: *Θυρεοῖς δὲ τοῖς ἐκείνων ὁ Ρώμυλος ἐχρήσατο, καὶ μετέβαλε τὸν ὀπλισμὸν αὐτῷ τε καὶ τῶν Ῥωμαίων, Ἀργολικὰς πόρον ἀσπίδας φορέντων*

F

φορέντων

ὁπέρων. Idest: Scutis eorū Romulus usus est, suāq.
 & Romanorū, qui Argolicos antea clypeos fere-
 bant, armaturam mutauit. Ser. Tullio regnan-
 te, & clypeos, & scuta Romani gessere, sed cly-
 peos milites primae classis, idest praestantiores,
 scuta uero secundae: quod utrumque Liuij, &
 Dionysii testimonio perspicuum fecimus. postea
 uidentur scutis usi esse. ait enim Liuius lib. IIX.
 Clypeis antea Romanis usi sunt: deinceps, post-
 quam stipendiarij facti sunt, scuta pro clypeis fe-
 cere. Illud miror, secundo Punico bello triarijs
 clypeos, non scuta, a Liuiio tribui. ait enim lib.
 II. Spoliare cupientem triarij obiectis clypeis ar-
 cuere. Quod si factum dicatur, quia triarij, cum
 hastas haberent, commode scutis, quae clypeis
 maiora erant, uti non possent: rursus quaeram,
 cur igitur tertio Punico bello scutis usi sunt, nul-
 la triariorum exceptione, legionarij omnes: quan-
 tum e scriptore illius aetatis Polybio licet intel-
 ligere? ut omittam, quod idem Liuius lib. XXXI.
 scuta Romana, tamquam omnium communia pe-
 ditum, appellat: & scuti pedestris, numquam
 clypei, mentio crebra reperitur apud Caesarem,
 Tullium, & alios. Seruius grammaticus cly-
 peos cum ait fuisse maiora scuta: & addit: Cly-
 pei peditum sunt, scuta equitum: in utroque sa-
 tis ostendit, armaturae mutatam esse rationem.
 clypei enim & scutis & parmis minores fuisse:
 quod

quod supra ostendimus. Scuta uero ut concedamus equitibus, quod in epistola Galbae ad Ciceronem haec uerba declarant: Equum immisi ad eam legionem tironum, quae ueniebat ex castris, scuto reiecto: idq. Iosephus de Iudaico bello lib. IIII. confirmat: adimenda tamen peditibus non sunt: nisi si Polybii, Liiij, Dionysii auctoritatem aspernamur. ut Ciceronem omittam, qui Phil. II. Cum gladijs, inquit, agmine quadrato sequuntur scutati milites. Nihil ne igitur, dicet aliquis, equestria scuta differunt a pedestribus? Crediderim, breuiora fuisse equestria: ut leuitate aptiora essent ad mouendum: quia maior in equite cursus, quam in pedite, requiritur. Et illud Galbae, quod recitauimus: Equum immisi, scuto reiecto: scuti paruitatem demonstrat. Scuto uero pedestri, cuius longitudo pedum quattuor fuit, latitudo duorum cum dimidio, qui posset eques uti? nam, si ante pectus ferret, hostem, scuto interposito, uidere non posset; sin ab latere, pectus remaneret intectum.

Parmae usus.

Parmam fuisse leuis armaturae, idest uelutum, ex ijs, quae supra diximus, intelligitur. accedit Liiij testimonium lib. XXVI. Ex omnibus legionibus electi sunt inuenes, maxime uigore, ac leuitate corporum ueloces. eius parmae breuiores, quam equestres, & septena iacula, quaternos

F 2 longa

longa pedes, data, praefixa ferro, quale hastis uelitaribus inest. Idem lib. xxxi. Veliti Romano, parmam, gladiumq. habenti. Et lib. xlii. Pugnatum utrimque est leui armatura. missilibus procul regia auxilia melius pugnant: comminus stabiliior, & tutior aut parma, aut scuto Ligustino, Romanus erat. Virgilius lib. ix.

Ense leuis nudo, parmaq. inglorius alba. Vbi Seruius: Quasi tiro. Velites enim, licet, quo primum tempore sunt instituti, ex legionibus electi sunt, postea tamen tirones fuere, extra legionem. Equestres quoque parmae nominantur a Liuiio lib. ii. Desiliunt, ait, ex equis, prouolant in proelium, & pro antesignanis parmas obijciunt. Et lib. iiii. Eo se inferunt, obiectis parmis, ubi suorum plurimum laborem uident. Et lib. iiii. Equus, ad uulneris sensum, prioribus erectis pedibus, magna ui, cum caput quateret, excussit equitem: quem cuspide, parmaq. innixum, attollentem se a graui casu, Manlius ab iugulo, ita ut per costas ferrum emineret, terrae affixit. Et ibidem: Vexilla se suorum parmasq. cernere equitum. Apud Nonium Sallustius hist. lib. iiii. Soliti necitare ex uiminibus uasa agrestia, ibi tum, quod inopia scutorum fuerat, ad ea arte se quisque in formam parmae equestris armabat. Equestres tamen a uelitaribus magnitudine

gnitudine differebant . dixit enim *Liuius* de uel-
tibus lib. xxvi . *Eis* parmae breuiores , quam
equestres . *Parmulis* pugnare , ait *Festus* , milites
soliti sunt : quarū usum sustulit *C. Marius* , datis
in uicem earum *Bruttianis* . Idē alio loco : *Bruttia*
nae parmae dicebantur scuta , quibus *Bruttiani*
sunt usi . Quibus uerbis nō hoc dicit , sublatum esse
parmarū usum , sed , pro Romanis *Bruttianas* esse
inductas , nō mutata forma (rotundas enim aeta-
te sua *Varro* , *Mario iunior* , ostendit) sed magnitu-
dine uel aucta , uel imminuta : auctā tamen uerifi-
milis est , quia Romanas *Festus* parmulas , *Brut-*
tianas uero parmas appellat . Non alienum ui-
detur , id adscribere , quod apud *Suidam* legimus :
Carthaginenses parma usos esse . Πάρμαι , in-
quit , δερμάτινοι θυρεοὶ παρὰ καρχινδονίdis . Quod
est : Parmae , lorea scuta apud *Carthaginenses* .

De peltae , siue cetrae , forma , usu , materia .

Pelta , & *cetra* admodum similia sunt : quod ut
affirmem , his adducor argumentis . *Liuius* lib.
xxiix . *Menippum* quendam ex regijs ducibus
cum mille peltatis (pelta cetrae haud dissimilis
est) *Chalcidem* mittit . Et lib. xxxi . Nocte ce-
tratos , quos peltastas uocant , loco opportuno in-
ter bina castra in insidijs abdiderat . Iam , quos
Liuius lib. xlii . & xlii . ex *Persei* , *Mace-*
donum regis , exercitu cetratos uocat , eosdem
Plutarchus in *Aemilij* uita peltatos . Interpres

tamen Leonardus Arretinus, & postea Gulielmus Xylander, cum differre cetram a pelta opinarentur, Κρητικαὶ πέλται, καὶ Ὀρδάνια γέρρα, uertunt: Cretenses peltae, & Braciae cetrae: cum neque γέρρα necesse sit esse cetras: est enim uel scutum Persicum, uel scuti generale nomen: & cetrae a peltis, ut ostendi, non differant: Plutarchus autem ita loquatur, ut diuersa Cretensium, Thracumq. scuta ostendat. Tertius interpretum imitari uestigia turpe ducit, dupliciter peccat, primum pro Creticis peltis parmas, deinde pro gerris Thracijs tragulas conuertens. parmam autem diuersam esse a pelta, superiora demonstrant: tragulam uero missile telum esse, non scutum, exemplis intelligitur. Lunam semiplenam pelta referebat: uade Virgilius lib. i. Aen.

Ducit Amazonidum lunatis agmina peltis. Et Suidas: Πέλτον, ὃς τις εἶναι μὴ ἔχουσα: Clypeus rotunditatem non habens. Utebantur eo scuti genere Amazones; (ut antiquissima repetam) quod ex Virgilio, Plinio, Nonio perspicuum fit; Macedones, ut Lini, Plutarchi, Aeliani testimonio patet; Asri, ut ait Seruius de cetra; quā non differre a pelta diximus; Hispani, ut Caesar, Linius, alij; Cretenses, quod in Aemilio docet Plutarchus. De materia, quem sequar, unum auctorem habeo Seruium. is loreum ait scutum fuisse.

fuisse. *Aelianus etsi materiam non nominat, leue tamen scutum, exiguumq. uocat.*

De Ancilis forma, materia, usu.

Ancilis formam Festus ostendit his uerbis: Ancile appellatum, quia ex utroque latere erat recisum, ut summum, infimumq. eius latus medio pateret. Neque ab hac descriptione dissentire Plutarchus uidetur: apud quem haec scripta sunt in Numa: Αγκύλια καλῶσι διαχ' ὁ χῆμα κύκλος γὰρ οὐκ ἔστιν, οὐδὲ ἀποδίδωσιν, ὡς πέλτη, τὴν περιφέρειαν, ἀλλ' ἔχτομ ἦν ἔει γραμμῆς ἐλικοειδοῦς. ἧς αἱ κεραῖαι καμπὰς ἔχουσιν, καὶ συνεπιστρέφουσιν τῇ πυκνότητι πρὸς ἀλλήλας, ἀγκύλον τὸ χῆμα ποιοῦσιν. Latine: Ancilia uocant propter figuram. circulus enim non est, neque exprimit, ut pelta, orbiculatam formam, sed excisa est, ita ut reuoluta linea fiat: cuius extremas partes inflexas, & pariter densitate altera ad alteram conuersas, curuam figuram efficiunt. Quae si cui uidenter obscuriora, nummum aereum Antonini Pij, quem habet insigni doctrina & humanitate uir Fuluius Ursinus, inspiciat; in quo ipsam ancilis imaginem, a Festo, & Plutarcho designatam, facile recognoscet. Aereum fuit, eoq. Salij sacerdotes utebantur: quod utrumque Plutarchus ostendit. & Varro armilustrum ait esse dictum ab luendo, aut lustro, idest, quod circumibant ludentes ancilibus armati.

VII

De Castello, Pago, Vico,
Opido, Vrbe, Villa.

A D . I A C O B V M C O N T A R E N V M



VAMVIS . IACOBE . CON-
TARENE, de Te ad Teipsum
scribere non deceat, feci tamē,
quod meus summus amor am-
plius a me requiri non est pas-
sus, ut, quantum Tibi debeā,
quando soluendo esse non possum, profitear sal-
tem . Ingenui animi est, debitum agnoscere .
Tuque, conscientia contentus recte agendi, prae-
mium ipsum non requiris, qui Tibi amplissimum
praemium proposueris, Gloriam . quam cum bo-
norum iudicio iam sis affecutus, minimum tibi
deesse ad summam felicitatem omnes fatentur .
Christianissimus Rex Henricus III . ex Polonia
in Galliam, ob Caroli IX . fratris obitum, re-
diens, dum Venetam Remp . singulare Italiae or-
namentum, inuisendam sibi statuit, quanti fe-
cerit eximias animi Tui dotes, publice ostendit :
Te delegit, cui uoce faueret . in quo mirum elu-
xit Regis iudicium, qui te Regio illo praecone di-
gnum esse iudicauit . Sed, quid ego ? quasi hoc
exiguo

De Cast. Pago, Vi. Op. Urb. Vil. 89

exiguo curriculo laus tua comprehendi possit. Volui tamen aliquid in tuo nomine apparere, quod meum de te iudicium omnibus notum faceret.

CASTRVM, siue castellum, differt a pago, uico, opido, urbe, uilla. est enim locus arte, uel natura munitus, ambitus exigui, factus ad similitudinem castrorum militarium: nisi si castra potius ipsa a castro, quasi ad eius exemplar facta, nomen acceperunt. quod ego magis existimo: quia ciuilia prius uidentur castra fuisse, quam militaria. Et castella uel diu duratura, in quibus tuto habitaretur, uel ad tempus lignea fiebant obsidendi caussa. prioris generis ea sunt, quae a se capta Cicero dicit Fam. ep. 10. lib. 11. Et in Bruto: Qui Ligurum castella expugnaerunt. Et ep. 7. lib. 111. ad Att. Castellum, inquit, munitum habitanti mihi prodesset, transfuenti non est necessarium. Ad posterius genus illud refero, quod est Fam. ep. 4. lib. xv. Sex castellis, castrisque maximis saepsi. Et in Antonium: Aditus hostium castellis, aggeribusque prohibetur. Et, quoniam dixi castella uel natura, uel arte fuisse munita: miretur aliquis, cur Cicero Fam. ep. 10. lib. 11. dixerit, Castella munita. Et ep. 7. lib. 111. ad Att. Castellum munitum: non simpliciter, Castella, & Castellum. uerum non omnia castella pariter munita,

ta, sed alia magis, alia minus. de parum munitis locutus est *Liuius lib. xxi. cum ait: Edicto proposito, ut, quibus opida, castellaq. immunita essent, in loca tuta conmigrarent. Disferre autem ab opido castellum, eadem uerba, proxime recitata, demonstrant: & Caesar lib. ii. bel. ci. Cunctis opidis, ait, castellisq. desertis.*

PAGVS constare uidetur e pluribus uicis, ut uicus e pluribus casis: ut sit regio, nullo moenium ambitu, accolis dispersis, in plano circa flumina, uel fontes, qui ad unum locum consilij caussa coeunt. itaque distinguit eos Cicero a montanis, cum ait in oratione pro domo: Nulli pagani, aut montani, qui non amplissime de meo reditu decreuerint. Et Festus: Pagi dicti a fontibus; quod eadem aqua uterentur. Tacitus etiam a uico diuersum esse pagum ostendit in libro de moribus Germanorum: Eliguntur, inquit, qui iura per pagos, uicosq. reddant. Caesar lib. i. bel. Gal. Sueuos ipsos, qui pagis habitarent, pagos uocat. ait enim: Treuiri nunciabant, pagos centum Sueuorum ad ripam Rheni consedisse, qui Rhenum transire conarentur.

VICVS duplex, extra urbem, & in urbe. Si extra urbem, constat, ut dixi iam, e pluribus casis, nulla munitione saeptus. ep. i. lib. xiv. Quod scribis te uicum uendituram: quid, obsecro te, quid futurum est? Et ep. 4. lib. xv. Quintum fratrem negotio praeposui, ut in uicis aut captis,

captis, aut male pacatis exercitus collocaretur. Vicus in urbe, aedium est continuata series, non ipsa uia, quae suo nomine appellatur. lib. III. Off. Omnibus uicis statuae factae sunt. Quia non in media uia, sed prope aedes ponuntur, statuae. Et ep. 3. ad Att. lib. IV. Supero Crassum diuitijs, atque omnium uicos, & prata contemno. Quo loco diuitiae primum urbanae, deinde rusticae, demonstrantur. Horatius ep. 10. lib. I.

Turior in uicis aqua tendit rumpere plumbum?
Et epist. I. lib. II.

Deferar in uicum uendentem thus & odores.

OPIDVM proprie infra urbē est, ut in ep. Varrinij, x. lib. v. Viginti opida sunt Dalmatiae antiqua: quae ipsi sibi adsciuerūt, amplius sexaginta. Interdū tamē opidi nomē pro urbe usurpatur. itaque Athenas, urbem nobilem, opidum uocat Cicero ep. 7. lib. III. ad Att. praeterea, quis ignorat, lautam, in primisq. celebrem, atque opibus praestantem, urbem Corinthum fuisse? at eam, & simul Aeginam, & Megaram, opida Sulpicius appellat ep. 5. lib. IV.

VRES nobiliusquiddam est, ac plenius, quam opidum. unde κατ' ἐξοχὴν Roma dicitur Vrbs.

VILLA, quae nūc lingua cōmuni plures in agro domus significat, domus olim una fuit, uirorum nobiliū. unde nominantur Luculli uillae, Metelli, Ciceronis, aliorum praestantium uirorum.

IIX

De Caestu .

AD · NICOLAVM BARBADICVM

E T A N T I Q V A amicitia,
quae tibi cum Patre meo fuit,
& uero, quam mihi ostendis,
beneuolentia, postulare a me
uidentur, NICOLAE · BAR
BADICE, ut aliquid ad Te
scribam . Sed, cum nihil dignum tua expecta-
tione praestari a me posse iudicem, saepe in ipsa
scriptione animum abieci . Tandem audacis po-
tius, quam ingrati, crimen incurrendum mi-
hi statui . Haec ad te mittere libuit, quae Tuam
mihi beneuolentiam cōseruent, meque Tibi (quā
uis commendatum) commendent . Maximum
quiddam consecutum me existimabo, si Tu in
illa Tua uetere beneuolentia persenerabis . enī
tar equidem, ut eam Te non male collocasse iu-
dices .

CAESTVS, pugilum arma, non, ut arbitror,
clauae, quibus pilae plumbeae loris bubulis ap-
penderentur, quod uideo doctos uiros existimas-
se,

se, sed lora ex multiplici crudo tergoe bonis
agrestis, ut ait Homerus, manibus & lacertis
inducta, ferreis, plumbeisue clavis, aut squa-
mis, ut ita dicam, clauatis conuoluta, ad simi-
litudinem arietini cornus: quod egregie, ut so-
let, expressit Plinius lib. x. 1. cap. 37. Dedit,
inquit, natura in amfractum conuoluta arietum
generi cornua, ceu caestus daret. Arietum enim
cornua non sunt aequali superficie, sed cingulos
quosdam habent eminentes, ambitu imperfecto,
cum aliis oriatur ex alio, ut in cochlearum te-
stis: unde Plinius, in amfractum conuoluta, di-
xit: Inde patet caestus quales sint. Accedit in-
terpres Homeri Eustathius: Οἱ τῶν πυγμαίων
ἱμάτες οἱ βόειοι περὶ τὰς χεῖρας αὐτοῖς ἐλάττω σωερ-
γαζόμενοι τι ταῖς πληγαῖς: καὶ τὰς δακτύλους δὲ
σωέχοντες, καὶ ὥσεί τινα κορύνην σφαιρῶντες γερ-
ρῶς. idest: Pugilum lora bubula circa manus
ipsis inuoluebantur, plagas non nihil adiuvantia:
digitos autem simul continebant, & quasi cla-
uam quandam rotunda forma dure faciebant. Ma-
nus igitur loris illis inuolutae, clauae quaedam
esse uidebantur. isq. caestus erat: clavis tamen
pugiles non utebantur. nam, si caestus uere claua
fuiſſet; non dixisset Valerius Flaccus lib. i v.
Quos potes, indue caestus: & ibidem infra: Tro-
ianos exsue caestus: &: Paribus palmas ambo-
rum innexuit armis. Nam induere, innectere,
indu-

inducere, exsuere, certe manuum integumentis
potius, quam clauae, convenire, nemo negave-
rit. Haec ipsa lora nominavit Propertius lib.
III. ad Sparten de Ludis Laconicis: Nunc li-
gat ad caestum gaudentia brachia loris. Quod
autem dixi, conuolutos fuisse caestos ferreis
plumbeis ue uel clauis, uel squamis; de plumbo,
& ferro auctorem habeo Virgilium in eo uersu:

- ingentia septem

Terga bouum plumbo insato ferroq. rigeant.
De clauis uero, aut squamis, etsi iam satis Pli-
nij testimonio uideor probasse, tamen ex eodem
Virgilij uersu coniecturam facere licet: nam uer-
bo, Rigeant, horribilem illam speciem ostendit
clauorum in loro bubulo eminentium: ut omit-
tam illud Statij lib. VI.

Nigrantia plumbo tegmina cruda borum:
Et illud infra:

Explorant caestus, hebetantq. terendo.

Apparet enim, propterea nigrantia plumbo teg-
mina illa dici, quia plumbeis squamis, aut cla-
uis, praetegerentur. Et illud, Hebetantq. teren-
do, acumen omnino clauorum, aut squamarum
tumorem in acutum tendentem, uidetur indica-
re. Hebes enim opponitur acuto. Eustathius
μύρμηκας appellat, ad similitudinem uερμηκα-
rum in corpore exstantium. Item Pollux lib.

III. Ὅπλα τῶν καὶ ἐρῶν μύρμηκας, καὶ ἱμάντες. Το-
tum

tum certamen dextro pariter ac sinistro pugno fiebat : unde pugiles dicti : & Virgilius :

Nūc dextra ingeminās ictus, nūc ille sinistrae. Et:


Creber utraque manu pulsatur uersatq. Dareta .

Iam Cicero in Bruto : Pugiles inexercitati, etiam si pugnosc & plagas Olympiorum ferre possint, solem tamen ferre saepe non possunt . Quod si quis, huic loco haud omnino acquiescens, pugiles quidem pugnis, non tamen caestibus decertasse putet: legat eundem Ciceronem Tusc. II. Pugiles, ait, caestibus contusi ne ingemiscunt quidem . Et de pugno in aduersarium illato significat aliquanto post, cum ait : Pugiles, cum feriunt aduersarium, in iactandis caestibus ingemiscunt . Hac tota de re si quis exempla ueterum requirit, sciat caestuum sex certamina reperiri, tria apud Graecos, Homerum, Theocritum. Apollonium Rhodium; totidem apud Latinos, Virgilium, Valerium Flaccum, Statium, qui fere a Graecis omnia sumpserunt . Manum caestu armatam uidimus in aereo nummo Pyrrhi Ligorij, excellenti ingenio uiri, & in studio cognoscendae antiquitatis eximia cum laude uersati . Huius autem exercitationis hodieq. apud Senenses, sollemni more, aliqua similitudo remanet . reducta enim ceruice, praetenta quasi scuto laeua manu, ita dextra minantur, ut, iniecta saepe laeua, incauti aduersarij oculos, & ora contendant. Quod
ad

ad orthographiam attinet: licet uinculū sit uter-
 que cestus, & Veneris, & pugilum: unde di-
 xit Homerus de pugilibus: τῶν δὲ ζῶτα μένω βήτην
 ἱς μέσσοι ἀγῶνα: tamen Seruium sequor, qui cae-
 stum esse pugilum ait, cestum Veneris. & ob ua-
 riam significationem uarie scribi. quod ideo pla-
 cet, quia uidetur caestus a caedendo dictus esse.

IX

De Caelatura, & Sculptura.

A D . A L O Y S I V M
M O C E N I C V M

LVRIMVM mihi gaudeo,
ALOYSI . MOCENICE,
oblatam aliquādo mihi esse,
etsi perexiguam, occasionem,
qua Tibi de ista Tua erga lit-
teratos viros uoluntate gra-
tuler. Quid enim Tu non agis, quid ue praete-
ris, in quo consulere studiosis possit opera tua?
Quo maximas Tibi referunt grates ipsa littera-
rum studia, cum earum patrocinium prorsus
non abiectum uideant. laetanturq. plurimum
Te patrono, quo auspice, nihil tam arduum
putant, quod non posse se consequi confidunt.
Magna Te manent praemia, si uirtutem, ex-
sulem fere, apud Venetam Remp. quae semper
hanc sibi praecipuam laudem adscinit, Tuo au-
xilium iuuabis. Qua in re cum multos habiturus
sis socios, me semper laudum tuarum decantato-
rem habebis.

CAELATURAM sculpturae partem facit
G Quin-

Quintilianus lib. 11. cap. ult. & eam ait esse in auro, argento, aere, ferro: sculpturam autem in his ipsis, & in ligno praeterea, ebore, marmore, uitro, gemmis. quo dici potest, caelaturam omnem sculpturam esse, non contra: siquidem, quae materia caelaturae est, eadem sculpturae; non item quae sculpturae, eadem caelaturae. Cum hac Quintilianiani sententia congruere uidentur ea, quae subscripsi, ueterum exempla. dixit enim Cicero de Diuin. lib. 1. Hanc speciem Praxiteles caelauit argento. & Tusc. v. Abacos complures ornauit argento, auroq. caelato. Linius lib. vii. Pictis, & auro caelatis resurgens armis. Et lib. ix. Duo exercitus erant. scuta alterius auro, alterius argento caelauerunt. Virgilius quoque lib. 1. Aen.

- caelataq. in auro Fortia facta patrum.

Nec dissentit Plinius multis in locis. idē tamen caelaturā cretae, uel argillae, & marmorī etiā cōmunicat. nam lib. xxxv. cap. 12. Fastigia, inquit, tēplorū etiā in urbe crebra, et municipijs, mira caelatura, & arte, firmitateq. aevi sanctora auro, certe innocentiora. Cum uero ait lib. xxxvi. c. 5. Ab oriente caelauit Scopas, a septētrione Bryaxis, a meridie Timotheus, ab occasu Leochares: uidetur indicare, caelaturam etiam ad marmora pertinere. non enim, tantum opus uel auro, uel argento etiam caelatum esse,

esse, uerisimile est. fallit igitur regula. In gemmis quoque, quas caelatura Quintilianus excludit, sculpturae tribuit, possit aliquis ab eo dissentire. nam caelatam a Pyrgotele Alexandri Magni imaginem, ait Appuleius Flor. lib. 1. qui quamquam de gemma mentionem nullam faciat. Plinio tamen supplente dubitatio tollitur. is lib. XXXVII. cap. 1. Confirmat, inquit, hanc opinionem edictum Alexandri Magni, quo uetuit in gemma se ab alio scalpi, quam a Pyrgotele. Quid, quod ligneo de opere dixit Virgilius Ecl. 111.

Caelatum diuini opus Alcimedontis.

Verum detur poetis haec libertas, ut a uerborum proprietate interdum discedant: tria tamen superiora exempla, unum de argilla, alterum de marmore, tertium de gemma, Quintilianum coarquant. cui si quaeritur excusatio; dicamus, primis temporibus metalla dumtaxat caelari solita esse, paullatim deinde hanc artem reliquis generibus communicatam. sic non omnino abrogabitur Quintiliano fides. Quod si caelaturam a sculptura, ut illius uerba declarant, materia non distinguit; quo signo internoscantur? nam, si aurum, argentum, aes, ferrum, communis utriusque materia est: sequitur, ut, quod caelatum, idem sculptum sit; & quod sculptum, si modo sit in auro, argento, aere, ferro, idem caelatum.

G 2 tum.

tum. quaerenda igitur aliqua nota est, qua discernantur. ea mihi uidetur esse forma, non materia. opinor enim, caelata opera dici a ueteribus, quae uel in materia plana, uel in tumida, uel in conuexa ita fiunt, ut in ipsa materia, quaecumque sit, haereant, & aliqua parte promineant: sculpta uero, quae uel integra undique, & solida cernuntur, ex quacumque materia scalpendo facta; quo in genere sunt statuae: uel in cauo depressa neque solidam exprimunt effigiem, neque integram ab omni latere ostendunt, ut sigilla. nam, si sculptura in statu is tantum uersaretur, non dixisset Plinius lib. xxxv. cap. 12. plasticam matrem esse statuariae, sculpturaeq. & caelaturae. quo loco diuersam esse sculpturam a statuaria, & a caelatura, perspicue demonstratur. tres enim artes, quia differunt inter se, ideo separatim singulae nominantur. differunt autem eodem modo, quo totum a partibus. nam sculptura duas reliquas complectitur: scalpendo enim & statuae fiunt, & caelata opera. nisi si quis obijciat, caelata ex argilla scalprum non requirere, quod ex incisa lignea tabula, argillaq. impressa, exprimantur. cui responderi possit, siue scalpro tabulam illam non incidi. atque illud sculpturae tertium genus est. nam reliqua duo uel solida integraq. sunt opera, ut statuae; uel dimidiae eminentiae, ut caelata: tertium, ut dixi, incisum

incisum intus in materia, uel ut ipsum per se delectet, uel ut inde caelata effigies exprimatur: nam & ceream effigiem, e sigillo effictam, inter caelata opera retulerim; quoniam dimidiam habet eminentiam. Ut igitur, qui statuam dicit, signum dicit, sed hominis, aut dei, neque solum e lapide, sed ligno etiam, argilla, cera, gypso, ebore, auro, argento, aere; non contra, qui signum, idem statuam dicit, quia brutorum quoque signa sunt, quae, ut opinor, statuae non uocantur, licet communis eadem utrisque sit materia: sic, qui sculpturam, idem statuariam, & caelaturam dicit, non contra. Caelata uero opera eminere omnia, & subiectam habere, unde exstent, quaeq. ambiantur, materiam aliquam, idem ille, rerum pulcherrimarum uarietate, & copia excellens, familiaris nosler, Plinius lib. XXXIII. cap. 12. indicat his uerbis: Haec ars ita exoleuit, ut sola iam uetustate censeatur, usque adeo attritis caelaturis, ne figura discerni possit. Caelata etiam dici uideo, quibus ornamenta ex alia materia sunt adiuncta, ita scite, ut ex eadem edueta uideantur: qualia fuere uasa illa, quibus crustas, & emblemata Verres detraxit. quod caelatum argentum appellat Cicero. Negotium, inquit, dedit Archagathos, ut, quidquid Haluntij esset argenti caelati, id omne statim ad mare ex opido deportaretur. Sub

iungit autem paullo post . Omnia deferuntur .
Cybiratae fratres uocantur : pauca improbant :
quae probarant, ijs crustae, aut emblemata detra-
hantur . Sic Haluntini, excussis delicijs, cum ar-
gento puro domum reuerterunt . Idem ostendit
satis aperte infra, cum ait : In regiam maxi-
mam palam artifices omnes, caelatores, ac ua-
scularios conuocari iubet . menses octo continuos
opus his non defuit, cum uas nullum fieret, nisi
aureum. tum illa ex patellis, et turibulis, quae
uellerat, ita scite in aureis poculis illigabat, ita
apte in scyphis aureis includebat, ut ea ad illam
rem nata esse diceres . Haec postrema uerba cae-
laturam plane indicant, ex addita materia, non
e subiecta, expressa. nec aliter intelligitur ex duo-
bus Lini locis supra recitatis . arma enim, & scu-
ta auro caelata, ipsa non sunt aurea, sed auro ad-
dito exornantur . omitto alia exempla . nec ta-
men negauerim, caelata etiam dici, ex quibus
ipsis exculpuntur opera, ut ex Mausoleo uide-
mur posse conicere . nam opera illa praeclara, in
tabulis opinor fuisse marmoreis, educta e subi-
ecta materia, non apposita ex alia . Est igitur cae-
latura duplex, & eam facit forma, non mate-
ria . alioqui esset idem, quod sculptura . a uerbis
enim idem significantibus utraque deducta, al-
tera a scalpendo, altera a caedendo, d in l per-
mutata, ut ait Festus . & caelare Nonius in-
terpre-

interpretatur, insculpere, *Ab hoc uerbo, atque ab illa significatione, quam posuimus, deductum Caeli nomen putauere non nulli, uidelicet eam rationem secuti, quod in caelo sidera illa, quae suis perpetuo sedibus inhaerent, ut in cute humani corporis uerrucae, prominere uideantur. hanc analogiam probauit Plinius lib. 11. cap. 4. Caelum quidem, inquit, haud dubie caelati argumento duximus, ut interpretatur M. Varro. adiuuat rerum ordo; descripto circulo, qui signifer uocatur, in duodecim animalium effigies. Plinius ipse quid sentiat, apparet: de Varronis interpretatione quod addit, est cur ambigam. nam Varronis haec sunt uerba lib. 14. de lin. Lat. Ego magis puto a chao cauum, & hinc caelum: quoniam Hoc circum supraque quod complexu continet terram, cauum caelum. Alios igitur Varronis libros, qui hodie non exstant, Plinius legerit, necesse est: in quibus aliter, atque in his, quos habemus, de Caeli sensu etymologia. nam qui hodie Varronis libri leguntur, in dubium uenire non possunt, nominati a Carisio, & Nonio.*

X

De Phaleris .

AD · FRANCISCVM
MOLINIVM


NOLVI committere, FRANCISCUS . MOLINI, ut meam amplius requirere benevolentiam posses, quae cum tacita in animo meo resideret, originemq. duceret ab humanitate Tua, & ab illa numquam satis laudata erga studiosos uoluntate, finibus se tenere non potuit: erumpere uoluit: &, quantum Tibi debeam, non Tibi solum, cui haec forsā superuacanea poterat esse ostentatio, sed alijs quoque, indicare. Tuum erit, hoc officium non respuere, ab animo grato profectum. Et, si me omnia Tua causa uelle, nihilq. tam difficile esse, quod cum existimatione Tua coniunctum mihi facillimum non uideatur, in animum induxeris, faciam, ut Te recte sensisse omnes iudicent.


PHALERAЕ uidentur esse equorum frontalia, si Suidae credimus: qui cum φάλαρα interpretetur, haec subiungit: Τὰς προμετωπίδας,
τὸς


τὰς ἀσπίδίσκας , τὴν κόσμησιν τὴν κατὰ τὸ μέτωπον
τῶν ἵππων . παρὰ δὲ Ἡροδότῳ , τὰς περὶ τὰς γυά-
δες σκεπάσματα . id est : Frontis ornamenta , scu-
tula , id , quo frons equorum exornatur . apud
Herodotum uero , circa maxillas tegumenta .
Quod autem dixit Suidas ἀσπίδίσκας , formam
ornamenti significauit scutum imitantem , ut a
naribus ad frontem inter oculos ducta illustris la-
mina dilataretur in fronte , attenuata in imo ,
similitudine ueterum scutorum , quae Virgilius
ideo Longa lib. I I X . nominauit . uerum , siue
frons , ut Suidas dixit , siue Herodotus , maxil-
lae phaleris ornentur , apparet esse ornamentum
capitis , deductum a φάλα , quem κάσμον idem
Suidas esse dixit τῆς περικεφαλίας , uel a φαλός , ut
alijs placere uideo . Seruius Honoratus neque
frontem , neque maxillas , sed pectus phaleris
ornari solitum ait , & esse idem , quod in mulie-
ribus monilia . sic enim interpretatur in eo Vir-
gilij uersu ,


Aurea pectoribus demissa monilia pendent .
monile autem a collo praependere , ex Festo , &
alijs , constat . Plinius quoque satis plane distin-
guit a frontalibus phaleras , & sentire cum Ser-
uio potius , quam cum Suida , aut etiam Hero-
doto , uidetur : ait enim sic lib. x x x v I I . cap.
12 . de gemma quadam facta : Quondam tan-
tae magnitudinis fecere , ut equis regum in
oriente


oriente frontalia , atque pro phaleris pensilia facerent . Verbum Pensilia , quis non putet referri potius ad monile illud , quod collo pendere diximus , quam ad illud scutulum , quo frons , aut maxillae decorantur ? Rursus a Plinio , & Servio dissentit Gellius , perspicue distinguens a monilibus phaleras , cum ait lib. v. cap. 5. Equitum frenis , ephippijs , monilibus , phaleris praefulgentem . Horum scriptorum auctoritas dubitationem parit , utrum phalerae sit ornamentum frontis in equo , ut sensit Suidas ; an maxillarum , ut Herodotus ; an pectoris , ut Servius , & Plinius . nam Gellius , ut a Servio , & Plinio plane dissentit , cum eas a monilibus separat : sic , utrum frontale cum Suida , an , ut ita dicam , maxillare cum Herodoto putet , in dubio relinquit . Equidem , controuersiae dirimendae gratia , (nam ueteres in ea re , quam oculis quotidie cernerent , deceptos esse , non libenter credo) ita sentirem , quidquid equorum frontibus , maxillis , pectoribus ad speciem adderetur , communi uocabulo Phaleras esse nominatas : nisi manifeste eas & Plinius a frontali-
bus , & Gellius a monilibus diuersas ostenderet .














I
De Epistolis.

A D . M . A N T O N I V M
M V R E T V M ,

amicorum κορυφαίων .

E RREVS omnino sit, qui Te non amet, mi MVRETE, amabilem multis de causis, sed praecipue ob insignem quandam, & Tuam prorsus in amicitia humanitatem. Ego quidem, Te mihi non amandum solum, sed colendum, proposui: Te ut alterum parentem observandum statui. nam, cum Tu me praecipuum habeas, nihilq. tantum esse iam ostenderis, quod non pro me Te libentissime facturum confidere possim, praecipuam quandam Tibi me praestare observantiam, par est. Pergamus in amore. in quo etsi alter alterum superare conetur, victoria tamen, qualiscumque sit, utrique nostrum grata futura est. Noli quaerere, quam saepe de Te cogitem, quam Te in ore habeam, quam Tui & absentis est, & praesentis esset, iucunda commemoratio. Interim fruamur litterarum bono, quae absentes, praesentes nos efficiunt. &, ut me scias id praecipue optare, nihilq.

▲

nihilq. mihi tanti esse; affirmo Tibi, in quo uel sine iureiurando potes mihi fidem adhibere, nulla me ex re pari laetitia, ac ex tuarum litterarum lectione, affectum iri.

EPISTOLARVM omnium quae materia sit, quaeque nos hortentur saepe, interdum etiam impellant ad scribendum causae, diu saepe ac perattente cogitavi. artem enim quasi quandam, quae uiam ad inuentionem patefaceret, inuenire cupiebam. Atque in hoc meditandi studio cum occurrissent plurima, eaq. admodum diuersa; tandem aliquando, inspecta rei cuiusq. natura, atq. ui, ad duo quaedam capita referri posse omnia uisum est: quorum alterum Graece ἠθικόν, alterum πραγματικόν, uocatur; nos morale, & negotiale possumus appellare. omnium enim epistolarum argumenta uel a negotio, uel ab officio, tamquam a duobus fontibus, deducuntur. Negotiales, quo res in statu sit, siue nostra, siue aliena, siue priuata, siue publica, significant. nec, si quae sunt, in quibus aliqua de re disputatur, ab hoc genere disiungo. nostrum enim negotium uidetur esse, si ultro scribimus; aliorum, si rogati. quamquam disputationes remouet ab Epistola scriptor egregius Demetrius, at nō Latini. nam Varro quaestiones multas Epistolis explicauit, ut Gellius, & Carisius docent: & Valgius Rufus,

ut

ut idem Carisius ostendit, scripsit de rebus per epistolam quaesitis. qua nos quoque Inscriptio-
ne delectati sumus. Morales officium potius quam negotium, continent. quod genus late patet. hinc enim emergunt, quaecumque aut humanitatis, aut benevolentiae, aut alicuius omnino uirtutis aliquam significationem habent; ut commendaticiae, consolatoriae, laetitiam, aut dolorem indicantes, admonentes, hortantes, querentes, obiurgantes, gratias agentes, & ut summatim complectar, quae materiam a negotio non sumunt. Tertium quoddam genus, ex utroque consistens, reperiri, non negauerim: sed hoc ut aequaliter ex utroque constet, id est ut eae causae, quae ad scribendum adduxere, graues aequae sint, nec morales negotialibus, aut negotiales moralibus uincantur, perquam raro solet euenire. quod si morale, aut negotiale in epistola mista excellat; (quod autem, ut ea scriberetur, uehementius impulit, id dico excellere) quis dubitet, quin, quae res in ea plus habet ponderis, eadem ei nomen tribuat? Non enim in assignando genere uel partes numerandae sunt, uel longitudinis habenda ratio est: possunt esse plures morales partes, quam negotiales; aut, si pauciores sint, uel una esse longior, quam negotiales omnes: nec tamen ad morale genus epistola pertinebit. quo enim (ut iam dixi) praecipue ad-

A 2 duci-

ducimur ad scribendum, id siue multis, siue paucis uerbis exponatur, epistolas facit aut negotiales, aut morales. At morales quidem in simplici plerumque uersantur argumento; suisque quasi finibus contentae, negotialem materiam non attingunt: negotiales contra, non quia necesse sit, sed quia deceat, morale saepe aliquid assumunt. Possum probare exemplis, possum auctoritate eorum, qui de epistolis praecepta tradiderunt: sed ipsa quoque in promptu ratio est. quis enim, cum scribit, quod uel sua, uel eius, ad quem scribit, intersit, aliquam rei perficiendae cupiditatem non exponit? quis ad ea, quae restant, curam, & diligentiam non pollicetur? quis aut, confecto negotio, non laetatur; aut, desperato, non dolet? quae interdum grati animi, humanitatis quidem semper signa sunt. Moueor etiam non leuiter auctoritate Demetrii, scriptoris accurati in primis, & docti: Πλεῖστον, αὐτὸ ἐχέτω τὸ ἠθικόν ἢ ἐπιστολὴν, ὥσπερ καὶ ὁ διάλογος: σχεδὸν γὰρ εἰκόνα ἑκάστος τῆς ἑαυτοῦ ψυχῆς γράφει τὴν ἐπιστολήν. Exemplum uero Ciceronis ad Lentulum scriptae epistolae suppeditant. negotiales enim omnes fere sunt: & his tamen morales Cicero sententia libenter admiscet, nimirum officij causa; ut, in patriam opera, ac uirtute Lentuli reuocatus, tanti beneficii memoriam, & remunerandi studium declaret. fortasse etiam, ut ingenio ualebat, ad officium

cium artem adhibuit. nam, quia morales in primis ad conciliandam beneuolentiam idoneae sententiae sunt; iccirco, futurum intelligens, ut negotialem primae epistolae partem, idest narrationem, Lentulus non admodum libenter legeret, quippe quae aduersa paene omnia, & inclinatam rem ostenderet; eam molestiam morali principio leniendam putauit. ad leniendum autem, si cetera deficient, ipsa tamen amoris, & grati animi significatio multum ualet. & grata uoluntas societate quādam eiusdem doloris ostenditur. dolor autem Ciceronis, in Lentuli causa susceptus, quod singulari quodam studio ualde tamen non proficiat, cum ex ipsa sententia, & ex toto orationis ambitu, tum uero maxime ex primis uerbis, unde oritur sententia, colligitur: Ego omni officio, ac potius pietate. nam & in, Ego, uis est; & augetur in, Omni officio; & cumulatur demum correctione proxima, Ac potius pietate. officium enim amoris expers esse potest, & communiter in omnes conuenit: nomen autem Pietatis quiddam etiam grauius, quam amor, significat: itaque non communiter in omnes, sed proprie conuenit in deos, quibus omnia debemus: deinde in patriam, atque in parentes; quorum caritas proxime accedit ad deos: tertio loco, erga omnes propinquos: postremo, erga optime meritos; quos diligere ut propinquos, & co-

lere parentum fere loco, aequum est . quae singula eodem, quo proposuimus, ordine probemus. Ac pietas quidem in deos multis cognoscitur exemplis : quorum pauca recitabo . de Nat. de lib. I. Pietas, sanctitas, religio pure, & caste tribuenda sunt deorum numini . Et infra, ibidem: Pietas est iustitia aduersus deos . Et lib. III. de Fin. Nec uero pietas aduersus deos, nec quanta ijs gratia debeat, sine explicatione naturae intelligi potest. Et pro domo: Nec est ulla erga deos pietas, nisi honesta de nomine eorum, ac mente opinio . Et lib. II. Off. Pietas & sanctitas deos placatos efficiet . Et in Topicis: Aequitas tripartita dicitur esse, una ad superos deos, altera ad manes, tertia ad homines pertinere . prima pietas, secunda sanctitas, tertia iustitia, aut aequitas nominatur . Quae uero, ad patriam, parentes, propinquos etiam, licet non bene meritos, pertinent, haec sunt . lib. II. de Inuent. Pietas est, quae erga patriam, aut alios sanguine coniunctos, officium conseruare moneat . Pro Flacco : Nimia pietas, & summus amor in patriam . De somnio Scip. Iustitiam cole, & pietatem: quae cum sit magna in parentibus, & propinquis, tum in patria maxima est . Et in Bruto : Utinam C. Gracchus non tam fratri pietatem, quam patriae, praestare uoluisset . Pro Coelio : Pietas in parentes, indulgentia in liberos.

Pro

*Pro Plancio : Omitto illa , ut uiuat cum suis ,
primum cum parente : nam pietas fundamen-
tum est omnium uirtutum . Et Acad. lib. II.
Admodum adolēcentes cum fratre , pari pieta-
te , & industria praedito , paternas inimicitias
est persecutus . Et ad Att. ep. 3 . lib. VI . Cum
bellum esse in Syria magnum putetur ; uideatur
ne pietatis esse meae , fratrem relinquere . Pro
Quinctio : Si pietate propinquitās colitur ; qui
affinem prodit , impius sit necesse est . Et ad Tho-
ranium , ep. 20 . lib. VI . Hic tui omnes ualent ,
summaq. pietate te desiderant . Atque haec uno
loco omnia , in oratione pro Plancio , comprehen-
duntur . Pietas enim definitur , grata uoluntas
in parentes , in patriam , in deos , in amicos : eaq.
tribus modis laudatur , ut uirtus , ut uirtus ma-
xima , ut uirtutum reliquarum omnium mater .
Exemplum pietatis etiam parentum in filios
unum Ciceronis afferam ex ep. 39 . lib. XIII .
Domo sibi carendum propter matrem , plenam
pietatis . Alterum Catulli :*

*Egregium narras mira pietate parentem ,
Qui ipse sui gnati minxerit in gremium .
Deorum in homines .*

Status in Silu. Vera deum pietas .

*Extremum restat de pietate in bene meritos . quo
ex genere est illud ep. I . lib. I . Fam. Ego omni of-
ficio , ac potius pietate erga te . & ibidem ep. 9 .*

Per iucundae mihi fuerunt litterae tuae : quibus intellexi te perspicere meam in te pietatem : quid enim dicam, beneuolentiam? cum illud ipsum grauiissimum, et sanctissimum nomen Pietatis leuius mihi meritis erga me tuis esse uideatur. Et in eadem, in extremo: Sunt enim testes meritorum tuorum erga me, meaeq. in te pietatis. Cur autem, cum id, quod dijs, hominibusq. debemus, proprie Pietatis nomine totum exprimatur, non eodem nomine erga Lentulum Cicero uteretur, quem in utraque post reditum oratione non modo parentem, uerum etiam deum suae salutis, uitae, fortunae, memoriae, nominisq. uocat? Sic in epistola ad Curionem lib. 11. cum Milonem commendat, bis nomen Pietatis usurpat; quod, eo adnitente, patriam recuperauerit. Et alibi saepe. Quod autem in primis quattuor uerbis epistolae 1. ad Lent. Ego omni officio, ac, uocales concurrere passus est; in eo etiam moralis uirtus elucet. laborare enim uidetur, quod amantissimi hominis est, de re potius, quam de uerbis. itaq. hanc indiligentiam non solum a reprehensione uindicat, uerum etiam cum aliqua laude coniungit in Oratore: Habet, inquit, ille tamquam hiatus, concursu uocalium, quasi molle quiddam, quod indicet non ingratam negligentiam de re hominis magis, quam de uerbis, laborantis. Et in eodem libro, infra: Nemo est tam rusticus, qui

qui uocales nolit coniungere . in quo quidam etiam Theopompum reprehendunt , quod eas litteras tantopere fugerit : etsi idem magister eius Isocrates, at nō Thucydides, ne ille quidem haud paullo maior scriptor Plato. Demosthenes tamen magna ex parte concursione uocalium , ut uitiōsam , fugit . Sed Graeci uiderint : nobis , ne si cupiamus quidem, distrahere uocales conceditur . Haec ille: qui tamen paullo post, non debere admodum crebro uocales uocalibus occurrere, indicat, his uerbis : Hoc idem nostri saepius non tulissent, quod Graeci laudare etiam solent . Gelius & in poetis hoc probat lib. vii. cap. 20. aitq. suauius esse in Virgilio , *Vicina Vesuo Ora iugo* , quam , *Vicina Vesuo Nola iugo* : & apud Catullum , *Ebriosa acino ebriosioris* .

Dictum est de generibus epistolarum: quibus demonstratis , duplex occurrit animaduersionis , primum, quae utrique sint aptae generi sententiae ; deinde, quibusnam sententiae uerbis enuncientur . Ac licet , nisi fallor , simul utrumque complecti , & ita definire : Epistola consuetudinem fere quotidiani sermonis debet imitari . nam, si, quod inter longe remotos nequaquam uox & lingua praestare potest , id bono litterarum consequimur, ut ijs de rebus, quae uel nostra, uel amicorum intersint , communicemus : profecto nihil aliud , quam imago quaedam sermonis , uidetur epistola.

epistola. idem sensit Artemon ille, qui descripsit epistolas Aristotelis: quem dixisse Demetrius ait, oportere eodem stylo & dialogum scribi, & epistolas: esse enim epistolam dialogi partem. Sententias tamen interdum grauiiores, quam dialogus, & maiorem elegantiam admittit epistola; non modo, quia studio curaq. maiore scribimus, quam loquimur; uerum etiam, quia, cum ad principes uiros, aut etiam ad ciuitates, litteras mittimus, quod interdum euenire solet, habenda omnino uidetur personarum ratio; & in eo paullum se tollat epistola, non modo licet, uerum etiam necesse est. quales enim putemus fuisse epistolas illas, quibus uiri eloquentes, & docti, atque ipse in primis Aristoteles Alexandrum Magnum, incensum cupiditate uerissimae gloriae, cohortabatur ad decus? Iam uero, quae leguntur Demosthenis ad Philippum, habere eas quiddam amplum, longeque distare a communi sermone, negari, non potest. Nec desunt Ciceronis in hoc genere nonnullae, ut illa ad Lucceium lib. v. Fam. de sui consulatus historia separatim componenda; et illa ad Dolabellam lib. ix. quae ei de sublata columna, & ijs, qui eam Caesari mortuo, tamquam deo, in foro erexerant, supplicio affectis, gratulatur. in illa uero ad Lentulum, quae incipit, Periucundae, partes multae sunt. in quibus aliquanto maior uel uerborum

rum copia, uel sententiarum splendor apparet, quam dialogi ratio, & natura postulet. Age, quid in ea dialogo simile reperitur, in qua M. Brutus Ciceronem accusat, quod suppliciter nimis, ac demissè, ad Octanum scripsisset? Verum hoc, quidquid est licentiae, prudentia moderatur. tempus, personarum dignitas, res ipsa, quousque progredi liceat, ostendit. Proprie uero & simplici argumento, & simplici stylo contentae sunt epistolae. Recte, & festiue Cicero ad Paetum: Quid tibi ego uideor in epistolis? non ne plebeio sermone agere tecum? nec enim semper eodem modo. quid enim simile habet epistola aut iudicio, aut concioni? quin ipsa iudicia non solemus omnia tractare uno modo: epistolas uero quotidianis uerbis texere solemus. Idè tamen, qui hoc praecipit, non usquequaque seruat suam regulam: indulget enim ingenio non numquam, & epistolas concinnat, atque ornat uerbis aliquanto illustrioribus, quam quae populo familiaria, & communi sermone trita sunt. sed hoc eiusmodi est, ut, immodice, ac temere si fiat, fastidium pariat, & in reprehensionem incurrat; sin modice, & loco, deleat sine satietate, & laudem assequatur. decet igitur idem, & dèdecet, pro utentis ingenio; quod alijs quoque rebus contingit. hac uirtute uel solus inter Latinos, ut mihi quidem uidetur, uel certe maxime

maxime omnium Cicero excelluit . Demoſthe-
nem quidem ita uicit , ut comparatio nulla ſit :
quod Quintilianus quoque uidit . Breuitas lau-
datur in epistolis : iure quidem . breui enim sermo
ne magis capimur , quam producto : uerum in
omni re modus est : & peccat eodem fere modo ,
qui multa paucis contrahit , & qui pauca diffun-
dit in multa . Praeclare Gregorius Nazianze-
nus , qui utroque uitio laborant , eos iaculanti-
bus comparat , ita mittentibus telum , ut uel ſu-
pra scopum , uel infra feratur . utrique enim er-
rant pariter , licet contrario modo . Hic mihi
committendum non puto , quando de epistolis
agitur , ut fraudentur studiosi pulcherrima ipsius
Gregorij , uiri eloquentissimi , epistola , nondum
edita : in qua prudenter , & ingeniose , quae ad
hoc ipsum scribendi genus attinent , omnia per-
sequitur , ſic , ut ne Demetrius quidem ille , quem
ſupra appellauimus , uel plura , uel meliora tra-
diderit

Γρηγόριος Νικοβέλω.

ΤΩΝ γραφόντων ὁπισολὰς, ἐπειδὴ καὶ τῶτο αἰτεῖς, οἱ μὲν μακρότερα γράφουσιν, ἢ περ εἰκὸς: οἱ δὲ, καὶ λίαν ἐνδεέσερα: καὶ ἀμφοτέρω τῷ μέτρῳ διαμαρτάνουσιν, ὥσπερ τῷ σκοπῷ οἱ τοξόοντες, ἅντε εἰσωπέμπωσιν, ἅντε ὑπὲρ πέμπωσι. τὸ γὰρ ἀποτυγχάνειν ἴσον, καὶ ἀπὸ τῶν ἐναντίων γίνηται. ἐσι δὲ μέτρον ὁπισολῶν ἡ χρεία: καὶ οὔτε μακρότερα γραπτέον, οὔ μὴ πολλάτα πράγματα: οὔτε μικρολογητέον, ἐνθα πολλά. τί γὰρ ἢ τῇ Περσικῇ χοίνῳ μετρεῖσθαι δεῖ τὴν σοφίαν, ἢ παιδικοῖς πήχεσι: καὶ οὔτω: ἀτελῇ γράφειν, ὡς μὴ δὲ γράφειν; ἀλλὰ μιμεῖσθαι τῶν σκιῶν τὰς μεσιμβρινὰς, ἢ τῶν κέντρων τὰς κατὰ πρόσωπον ἀπαντώσας, ὧν σωρίζαναι τὰ μήκη: καὶ παραφαίνεται μᾶλλον, ἢ φαίνεται, τῶν ἀκρων τινὶ γνωριζόμενα: καὶ ἐσι, πῶς ἂν ἔῃ τοιμι καμρίως; εἰ κασμάτων εἰκάσματα. δεὸν ἀμφοτέρων φάγοντα τὴν ἀμετρίαν, τοῦ μέτρου κατατυγχάνειν. Περὶ μὲν τῆς σωτομίας ταῦτα γινώσκω. Περὶ δὲ σαφηνείας, ἐκεῖνω γινώριμον, ὅτι καὶ φάγοντα τὸ λογοειδὲς ὅσον ἐνδέχεται, μᾶλλον εἰς τὸ λογικώτερον ἀποκλίνειν, καὶ ἰν' εἰπω σωτόμως, αὐτῇ τῇ ὁπισολᾷ ἀρίστη, καὶ κάλλιστα ἔχουσα, ἢ ἂν καὶ τὸν ἰδιώτῃ, καὶ τὸν πεπαιδευμένον: τὸν μὲν, ὡς κατὰ τοὺς πολλοὺς οὔσα: τὸν δὲ, ὑπὲρ τοὺς πολλοὺς: καὶ ἢ αὐτόθεν γινώριμος. ὁμοίως γὰρ ἀκαμρον, καὶ γριφον νοεῖσθαι, καὶ ὁπισολῇ ἐρμηνεύεσθαι. Τρίτον δὲ τῇ ὁπισολῇ ἡ χάρις. ταύτῃ δὲ φυλάξομεν, εἰ μήτε παντάπασιν ξηρὰ, καὶ ἄχαρι γράφομεν, καὶ ἀκαλλώπισα, ἀκόσμητα, καὶ ἀκόρητα, ὃ δὴ λέγεται, οἷον δὴ γνωμῶν, καὶ παροιμιῶν, καὶ ἀποφθεγμάτων ἐκτός: ἐτι δὲ σκομμάτων, καὶ αἰνιγμάτων, οἷς ὁ λόγος καταγλυχάνεται:

ται:

ται: μήτε λίαν τούτοις φανοίμεθα καταχρώμε-
 νοι. τὸ μὲν γὰρ ἄγροικον, τὸ δὲ ἄπλησον καὶ το-
 σαῦτα τούτοις χρεῖον, ὅσα καὶ ταῖς πορφύραις ἐν
 τοῖς ὑφάσμασι. προπᾶς δὲ παραδεξόμεθα μὲν,
 ὀλίγας δὲ: καὶ ταύτας οὐκ ἀναχυνύτως. ἀν' τίθετα
 δὲ, καὶ πάρισα, καὶ ἰσόκωλα, τοῖς σοφισαῖς ἀπορρίψω-
 μεν. εἰδέμε καὶ παραλάβοιμεν, ὡς καταπαύζον-
 τες μᾶλλον τοῦτο ποιήσωμεν, ἢ σπουδάζοντες.
 Πέρασ τοῦ λόγου: ὅπερ καὶ κομφῶν τινος ἤκουσα
 περὶ τοῦ αἰετοῦ λέγοντος: ὡς ἰκα ἐκρίνοντο περὶ βα-
 σιλείας οἱ ὄρνιθες, καὶ ἄλλος ἄλλως ἤκον ἑαυτὸν κο-
 σμήσαντες, ὅτι ἐκείνου κάλλισον ὡς τὸ μὴ οἶδω
 καλὸν εἶναι. τοῦτο καὶ ταῖς ὀπισθολαῖς μάλιστα τη-
 ρητέον, τὸ ἀκαλλώπισον, ὅτι ἐγγυτάτω τῇ κα-
 φύσιν. Τοσαῦτα σοι περὶ ὀπισθολῶν, ὡς δι' ὀπισθολής,
 παρ' ἡμῶν: καὶ ταῦτα ἴσως οὐ πρὸς ἡμῶν, οἷς τὰ
 μέζω σπουδάζεται. τ' ἄλλα δὲ, αὐτός τε φιλοπονή-
 σεις, ἀμαθής ὢν: καὶ οἱ περὶ ταῦτα κομφοὶ διδά-
 ξουσιν.

Quam sic Latine uertimus .

GREGORIUS . NAZIANZENSIS
NICOBULO

VI epistolas scribunt, (quoniam hoc etiā postulas) alij quidem pluribus uerbis, quā deceat, alij uero exsilitate admodum scribunt: & utrique modum non seruant: quemadmodum qui ad scopum iaculantur, siue infra mittunt, siue supra. errare enim aequale est, licet a contrarijs fiat. est autem epistolarum modus ipsa res: cum neque pluribus uerbis, ubi non multae sunt res, scribendum sit; neque paucioribus, ubi multae. quid enim oportet uel Persica schoeno, uel puerilibus cubitis sapientiam metiri, atque sic imperfecta scribere, ut nec scribere, sed imitari umbrarum meridianas, aut centrorum, in oculos incurrentes, quarum confident longitudines, & obscure potius, quam perspicue, cernuntur, extremo aliquo significatae: suntq. (quomodo apposite dicam?) similitudinum similitudines. cum oporteat, qui utriusque iniustam mensuram uelit euitare, iustam eum consequi. De breuitate igitur haec statuo. De perspicuitate autem illud constat, oportere, qui elaboratum uitet, quā tum oporteat, magis ad id, quod communius est, inclinare. & ut complectar paucis, optima est & pulcherrima epistola, quae tum indoctum, tū etiam eruditum persuadere possit; indoctum, ut ad multitudinē scripta; eruditum, ut multitudinis

nis captum superans . item , quae sua sponte intelligitur . aequae enim absurdum est , & griphos considerare , & epistolam interpretari . Tertium est epistolarum gratia . hanc porro seruabimus , si neque sicca prorsus , & inuenusta scribamus , & illepida , & inornata , & inculta , quod dicitur , ut sine sententijs , & prouerbijs , & dictis , & salibus , & reconditis iocis , quibus sermo conditur ; neque ualde his abusi esse uideamur . alterum enim agreste , alterum uero cum satieta-
te . Haec autem eatenus utenda , quatenus & purpuris in textilibus . figuras autem recipiemus quidem & paucas , & has non impudenter . antitheta uero , & aequalia , & similiter desinentia rhetoribus dimitemus . sicubi autem assumamus , tamquam iocantes potius hoc faciamus , quam serio agentes . Summa haec est : quod ab eloquente quodam homine de aquila accepi , cum diceret : Quo tempore aues de principatu disceptabant , & aliae aliter exornatae uenerunt , in aquila formosissimum id fuisse , quod nihil formosum esse putaretur . hoc & in epistolis maxime obseruandum , ut minime sint elaboratae : quod proxime ad naturam accedit . Haec tibi de epistolis , tamquam per epistolam , a nobis : nec fortasse nobis conuenienter , qui maiora curamus . Reliqua uero & ipse tibi tuo studio comparabis , cum ingenio ualeas ; & docebunt ij , qui hoc scientiae genere excellunt .

Prouerbia

PROVERBIA non excludit, sed crebra
 non probat. quod Ciceroni quoque placuit: ita
 que paucis utitur. at Demetrius, Κάλλος, inquit,
 ἐπιστολῆς πυκναὶ παροιμίαι: δημοτικὸν γὰρ ἐστὶν ἡ πα
 ροιμία, καὶ κοινόν. Ego seruo, & seruabo Gregorij
 documentum, ut prouerbijs neque numquam, ne
 que saepe utar: accedente praesertim Ciceronis
 exemplo: quem cum lego, nullius rhetoris praece
 pta desidero

18 De Epistolis.
 DEMETRIVS . PHALEREVS
 Περὶ ἑρμηνείας .

ΕΠΕΙ δὲ καὶ ὁ ὀπισθολικός χαρακτήρ δέεται
 ἰχνότητος, καὶ περὶ αὐτοῦ λέξομεν. Ἀρτέ-
 μων μὲν ἐν, ὁ τὰς Ἀριστοτέλους ἀναγράφας
 ὀπισθολὰς, φησὶν, ὅτι δεῖ ἐν τῷ αὐτῷ τρόπῳ, διάλο-
 γόν τε γράφειν, καὶ ὀπισθολὰς : ἔῃ γὰρ τὴν ὀπισθο-
 λῶν, οἷον τὸ ἕτερον μέρος, τοῦ διαλόγου. καὶ λέ-
 γει μὲν τι ἴσως, ἐμὴν ἅπαν : δεῖ γὰρ ὑποκατεσ-
 κατάσθαι πῶς μᾶλλον τῷ διαλόγῳ τὴν ὀπισθολῶν : ὁ
 μὴ γὰρ, μιμεῖται αὐτοχαρακτίζοντα : ἡ δὲ, γράφε-
 ται καὶ δῶρον πέμπεται τρόπον τινα. τίς γοῦν
 ἔτῳς ἂν διαλεχθῇ πρὸς φίλον, ὥσπερ ὁ Ἀριστοτέ-
 λης πρὸς Ἀντίπατρον, ὑπὲρ τῆς φυγάδος γράφων τῷ
 γέροντός, φησὶν ; Εἰ δὲ πρὸς ἀπάσας οἴχεται τὰς
 φυγάς ἔτος, ὥς ἐμὴν κατὰ γιν, δῆλον ὡς τοῖς γε-
 οῖς ἄδὲ κατελθεῖν βυλομένοις, οὐδεὶς φθόνος : ὁ
 γὰρ οὕτω διαλεγόμενος, ὅτι δεικνυμένῳ ἔοικε μᾶλ-
 λον, οὐ λαλοῦντι. καὶ λύσεις συχναί, ὁποῖαι, οὐ
 πρέπουσιν ὀπισθολαῖς : ἀσαφὲς γὰρ ἐν γραφῇ ἡ λύσις.
 καὶ τὸ μιμητικόν, οὐ γραφῆς οὕτως οἰκείον, ὡς
 ἀγῶνος. οἷον ὡς ἐν τῷ Εὐθυδήμῳ. Τίς ἴσως, ὡς Σά-
 κρατες, ὡς χθρὲς ἐν Λυκείῳ διελέγε ; ἡ πολὺς ἡ
 μᾶς ὄχλος περιεισῆκει. καὶ μικρὸν προελθὼν ὀπιφέ-
 ρει. Ἀλλὰ μοι ξένος τίς φαίνεται ἔῃ, ὡς διελέγε,
 τίς ἴσως : ἡ γὰρ τοιαύτη πᾶσα ἑρμηνεία, καὶ μίμησις
 ὑποκριτῇ πρέπει μᾶλλον, οὐ γραφομέναις ὀπισθο-
 λαῖς. πλεῖστον δὲ ἔχει τὸ ἡθικόν ἢ ὀπισθολῶν, ὥσπερ
 καὶ διάλογος : χεδὸν γὰρ εἰκόνα ἑκάστος τῆς ἑαυ-
 τῷ ψυχῆς γράφει τὴν ὀπισθολῶν. καὶ ἐστὶ μὴ καὶ ἐξ ἄλ-
 λου λόγου παντός ἰδεῖν τὸ ἡθικόν τῷ γράφοντος : ἐξ οὗ
 δεινὸς δὲ οὕτως, ὡς ἐξ ὀπισθολῆς, τὸ μέγεθος σωφρο-
 σιάθω

ἴσῃ τῇς ὀπισθοῦς, ὥσπερ καὶ ἡ λέξις. αἱ δὲ ἄγαν
 μακρὰ καὶ προσέτι καὶ τὴν ἑρμηνείαν ὀγκοδέσονται,
 οὐ ματρὶ ἀλήθειαν ὀπισθοῦς γένοιτο ἂν, ἀλλὰ
 συγγράμματα, τὸ χαίρειν ἔχοντα προσγεγραμ-
 μένον. κατὰ περτὰ Πλάτωνος πολλὰ, καὶ ἡ Θεκυ-
 δίδης. καὶ τῇ σωτάξει μὴ τὰ λελύθω μᾶλλον: γε-
 λοῖον γὰρ περιόδειν, ὥσπερ οὐκ ὀπισθὺν, ἀλλὰ
 δίκῃ γράφοντα, καὶ οὐδὲ γελοῖον μόνον, ἀλλ' οὐ
 δὲ φιλικόν: τὸ γὰρ δὴ καὶ τὴν παροιμίαν, τὰ συ-
 κα, σύκα, λεγόμενον, ὀπισθοῦς ταῦτα ἐπιτη-
 δεῖν. εἰδέναι δὲ χρὴ, ὅτι οὐκ ἑρμηνεία μόνον,
 ἀλλὰ καὶ πράγματα τῶν ὀπισθολικῶν εἰσιν. Ἀριστο-
 τέλης γοῦν, ὃς μάλιστα ἐπιτεταχέναι δοκεῖ τὴν
 περ ὀπισθολικοῦ. Τοῦτο δὲ οὐ γράφω σοι, φήσιν: οὐ
 γὰρ καὶ ὀπισθολικόν: εἰ γὰρ τίς ἐν ὀπισθῇ σοφίσμα-
 τα γράφει καὶ φυσιολογίας, γράφει μὲν, οὐ μὴν ὀπι-
 σθὺν γράφει: φιλοφρόνησις γὰρ τίς βούλεται εἶναι
 ἢ ὀπισθὸν σωτόμος, καὶ πάλιν ἀπλοῦ πράγματος
 ἐκθεσις, καὶ ἐν ὀνόμασιν ἀπλοῖς. κάλλος μὴ τοι
 αὐτῇς αἵ τε φιλικαὶ φιλοφρονήσεις, καὶ πυκναὶ πα-
 ροιμίαι ἐνοῦσαι. καὶ τοῦτο γὰρ μόνον ἐνέσω αὐτῇ
 σοφόν: διότι δημοτικὸν τὸ ὅτι καὶ παροιμία καὶ κοι-
 νόν: ὃ δ', γνωμολογῶν, καὶ προστεπόμενος, οὐ
 δὲ ὀπισθοῦς ἐτι λαλοῦντι ἔοικεν, ἀλλὰ μηχανῇς.
 Ἀριστοτέλης μὴ τοι καὶ ἀποδείξει περ χρητῶν ὀπι-
 σθολικῶν: οἷον διδάξαι βεβλόμενος, ὅτι ὁμοίως
 χρὴ ἐργετῆν τὰς μεγάλας πόλεις καὶ τὰς μικράς.
 φησὶν. Οἱ γὰρ θεοὶ ἐν ἀμφοτέραις ἴσοι ὥς τε πάλαι
 χάριτες θεαί, ἴσαι ἀπεκείσονται σοι παρ' ἀμφοτέ-
 ραις. καὶ γὰρ τὸ ἀποδεικνύμενον αὐτὸ ὀπισθολικόν,
 καὶ ἡ ἀπόδειξις αὐτῇ. ἐπεὶ δὲ καὶ πόλεις ποτε καὶ βα-
 σιλεῖσι γράφομεν, ἔσωσαν τοι αὐταὶ αἱ ὀπισθοῦς,
 μικρὸν ἐξηρμέναι πᾶς: σοχαστέον γὰρ καὶ τὴν προστά-

πρὸς ὃ γράφεται . ἐξηρμένη μὲν τοι καὶ οὐχ ἄσε σὺ
 γραμματεῖ) ἀντ' ὀπισθολήτης, ὥπερ αἱ Ἀριστοτέλους
 πρὸς Ἀλέξανδρον, καὶ πρὸς τοὺς Δίωνος οἰκέτους ἢ
 Πλάτωνος . καθόλου δὲ μεμίχθω ἢ ὀπισθολὴ καὶ τὴν
 ἐρμηνείαν ἐκ δυοῖν χαρακτήρων τούτοις, τοῦ τε
 χαρίεντος καὶ τοῦ ἱχνυῦ . Καὶ περὶ ὀπισθολήτης μὴ
 τοσαῦτα, καὶ ἅμα περὶ χαρακτήρος τοῦ ἱχνυῦ .

Quae sic uersa sunt:

EPISTOLARVM character cum exsilitate in-
digeat, & de ipso dicemus. Artemo igitur,
qui Aristotelis epistolas collegit, ac in lucem
protulit, eodem modo dialogum & epistolas
oportere scribere asserit: eo quod epistola fere
tamquam altera dialogi pars, non tamen omnis
esse uideatur. Nihilo secius opus est epistolam
magis, quam dialogum, exornare. nam hic, in-
considerate ac improuide facientem imitatur; il-
la uero scribitur, & quodam modo dono mitti-
tur. Quis enim, ad amicam litteras dans, ea
dicendi genere utatur, quo Aristoteles ad An-
tipatrum, de quodam sene extorre scribens, uti-
tur? dum inquit: Si hic autem ad omnia abiit ex-
silia, adeo ut in patriam ullo pacto reduci, reuo-
cariq. non possit; perspicuum est, neminem ad in-
feros descendere uolentibus inuidere. Nam, qui
ita sermocinatur, demonstranti potius, quam lo-
quenti, similis esse uidetur: & solutiones tanto-
pere exsiles sunt, ut epistolis nequaquam con-
gruant. Solutio etenim in scriptione est res perob-
scura. Et illud sane, quod ad imitandum per-
tinet, non est tam scriptionis, quam certaminis,
proprium, ac peculiare, ueluti in Euthydemo:
Quis nam ille erat, o Socrates, qui cum heri in
Lycio disputabas? frequens profecto turba cir-

B 3 cum-

cum stabat . Et paullulum procedens , infert :
At mihi peregrinus uidebatur . deinde , cum quo
disputabas , quisnam erat ? Omnis enim eiusmo-
di elocutio & imitatio , histrionem magis , quam
epistolas scribentem , decet . Plurimum etiam
moralitatis contineat epistola , quemadmodum
& dialogus . nam quilibet imaginem sui prope ip-
sius animi , scribit epistolam . Et ex alio quidem
dicendi genere , licet etiam scribentis morem , seu
ingenij indolē omnino cognoscere , sed ex nullo alio
magis & melius , quam ex epistola . Magnitudo
autem epistolae , ueluti & elocutio , contraha-
tur . Nam , quae sunt nimis longae , & ad haec per
locutionem tumidiores efficiuntur : quae profe-
cto reuera epistolae non sunt , at opera potius ,
epistolae inscriptionem , Saluere , habentia . que
quemadmodum Platonis , & Thucydidis plurima .
Verum constructione nimirum magis dissolua-
tur . Nam per periodos ire , tamquam non epi-
stolam , sed iudicium scribentem , supra quam di-
ci possit , ridiculum est ; & non solum ridiculum ,
sed & amicitiae nequaquam conueniens . In scri-
bendis enim epistolis , illud , quod in prouerbio
dicitur , Ficus ficus , sectari , ac comminisci oportet .
Insuper scire itidem opus est , quod non so-
lum elocutio , uerum etiam res quaedam sunt epi-
stolarum propriae . Itaque Aristoteles id , quod
epistolis conuenit , earumque proprium est , ut ui-
detur

detur maxime consecutus esse . non enim inquit ,
Hoc tibi scribo ; eo quod epistolae non congrue-
ret . nam , si quispiam sophismata , & de natura
disputationes , epistola complecteretur , scribe-
ret quidem , sed epistolam nequaquam . In epi-
stola enim quae brevis , & de re simplici narra-
tio esse debet , & simplicibus nominibus confici ,
comitas quaedam requiritur , atque festiuitas .
Pulchritudo autem ipsius est , amica benignitas :
ac , si frequentia in ea fuerint prouerbia , hoc pla-
ne scitum , cum sit commune , et uulgo satisfaciat ,
solum insit epistolae . Qui uero sententias & co-
hortationes scribit , non per epistolam , sed per ar-
tificium & machinationem loquenti similis ad-
modum uidetur . Aristoteles sane & demonstra-
tionibus in modum ferme epistolae utitur . sicut
cum uult docere ; similiter magnis & paruis ci-
uitatibus benefaciendum esse , inquit : Dij utique
in ambabus aequales sunt . igitur , quando deae
gratiae aequales sunt , & apud ambas tibi resi-
debunt , ambas beneficio oportet afficere . Et-
enim , quod ab ipso demonstratum est , & demon-
stratio ipsa , epistolarum est propria . Et , quo-
niam ad ciuitates aliquando , interdum ad reges
scribimus , eiusmodi epistolae sint etiam aliquo
modo parum eleuatae . Consideranda item est
persona , cui scribitur , ut eleuata sit epistola , si
opus est : non tamen pro epistola uolumen scriba-

tur : quemadmodum Aristotelis ad Alexandrum epistolae & ad Dionis familiares Platonis epistola. Vniuersae autem ex his duobus characteribus per elocutionem commisceantur epistolae ; ex urbano scilicet , & ex sili . Et de epistola quidem , & de tenui simul caractere , haec dicta sufficiant .

CODICILLORVM usus antiquissimus fuit
iam ante chartam inuentam . itaq. scripsit
Homerus Il lib. II. pag. 66: Bellerophonti in Ly
cia codicillos esse datos . quo argumento, nondum
eo tempore inuentam esse chartam, Plinius lib.
XIII. cap. 13. probare conatur . etsi aliter sen
tire uideatur eiusdem lib. cap. II. qui chartam
Alexandri Magni uictoria repertam, condita in
Aegypto Alexandria, scribit. Codicilli autem,
dicti a Caudicibus, idest, arborum libris: plures
enim lignae tabellae glutino iungebantur, item
ut iunguntur hodie nostrates libri . Sed ante,
quam in arborum libris, palmarum in folijs esse
scriptum, idem Plinius auctor est, eodem libro,
& eodem cap. & haec subiungit: Publica po
stea monumenta plumbeis uoluminibus, mox &
priuata linteis confici coepta, aut ceris . pugilla
rium enim usum fuisse, etiam ante Troiana tem
pora, inuenimus apud Homerum . Quibus uer
bis Pugillaria significat codicillos esse, idest, ta
bellas cera illitas, in quibus pungendo, stylo im
presso, scriberetur: unde Pugillaris nomen . Ve
rum, etsi ante chartam fuere, post eandem tamen
inuentam mansere Codicilli, commodi scilicet
caussa: quoniam, ubi charta, & atramentum non
adesset, ut in itinere, in cena, in senatu, Codi
cilli, stylo scripti, mittebantur . itaque Cicero,
Fam. ep. 18. lib. VI. Quaesui, inquit, e Balbo,
per

*per codicillos, quid esset in lege. & Sulpicius, ep.
12. lib. 14. Puer Acidini mihi obuiam uenit,
cum codicillis. Interdum ipsi codicilli non mitte-
bantur, sed scribebatur in ijs, quod in chartam
deinde translatum mitteretur. propterea, Ha-
rum exemplum in codicillis exaravi, ait Cicero,
lib. 14. Fam. ep. ult.*

NON eodem modo libri apud ueteres, & epistolae, scribebantur. libri enim pluribus paginis conscripti, circa lignum, aut aliquid osseum, ut ait Porphyrio, uel corneum, teretis formae, inuoluebantur. id appellabant *Umbilicum*: quod, ut umbilicus in medio uentre, item illud, libro iam circa inuoluto, medium. extremae partes a similitudine uocabantur *Cornua*, ut multis poetarum exemplis intelligitur. Epistolae autem nec semper una, pluribus ue, sed modo una, modo pluribus conscribebantur paginis; nec inuoluebantur, sed complicabantur. complicatis, linoq. transiectis, qui mercatorum hodie mos est, anulus imprimebatur. Obijcietur illud, epist. 7. lib. III. Fam. Appiani mihi uolumen a te reddiderunt. quod de una epistola dictum esse, eo constat, quia sequitur, Eadem epistola petebas. Sed, *Volumen*, dixit Cicero non de inuoluta epistola, sed de longissima, quae uoluminis instar esset. Quod si epistolas conseruari opus esset; alia ratio erat. tunc enim non complicabantur, sed inuoluebantur; quotq. epistolarum libri, tot uolumina fiebant. unde illud ad Tironem epist. 17. lib. XVI. Video, quid agas. tuas quoque epistolas uis referam in uolumina. Et ad Atticum, epist. 30. lib. XII. Euolui uolumen epistolarum tuarum. Ad Cornificium autem, epistola ultima lib. XII. cum scripsit, Non te epistolis,

epistolis, sed uoluminibus, lacefferem: non de multis epistolis dixit, sed de longissimis, quae uolumen singulae conficere posse uiderentur. Plinius etiam singulos historiae suae libros Volumina appellat lib. x i i x. cap. 3. cap. 25. cap. 26. cap. 32. Nunc dicendum aliquid est de pagellis epistolarum. Latitudo non omnium eadem erat: quod Plinij testimonio comprobatur: qui lib. x i i i. cap. 13. maximam latitudinem ait fuisse tredecim digitorum. id Cicero ipse Fam. ep. 13. lib. 11. ad Coelium significat. ait enim: Extrema pagella pupugit me tuo chirographo: cum tamen eae Coelij litterae, quibus Cicero respondet, quarum lib. 11 x. initium est, Non dubito, satis longae sint. Idem lib. x i i. epist. 25. ad Brutum, dixit in extremo: Altera iam pagella procedit. nec tamen tota illa epistola, quam non ceperat unica pagella, quartam illius Coelianae partem aequat. ergo haec, qua scripsit Cicero ad Brutum, angusta pagina; illa uero latior, qua Coelius ad Ciceronem. Quaeri etiam potest, ab una tantum parte, an utrimque, scriberentur epistolarum, & librorum paginae. Utrunque non puto. quod uel unico illius ad Brutum epistolae argumento cognoscitur, cuius proxime facta mentio est. nam, si angustam eam pagellam fuisse constat, quae tantulam epistolam non ceperit: quanto angustiore fuisse necesse esset, quae utrimque scripta tamen non sufficeret?

EST ante omnia oratio alia iuncta, atque contexta, soluta alia, qualis in sermone & epistolis, nisi cum aliquid supra naturam suam tractant, ut de philosophia, de rep. similibusque. Quod non eo dico, quia non illud quoque solutum habeat suos quosdam, & forsitan difficiliore etiam, pedes. neque enim aut hiare semper uocalibus, aut destitui temporibus, uolunt sermo, & epistola, sed non fluunt, nec cohaerent, nec uerba de uerbis trahunt; ut potius laxiora in his uincula, quam nulla, sint.

D. Hier. ep. 42. ad Niceam.

TVRPILIVS, Comicus, tractans de vicissitudine litterarum, Sola, inquit, res est, quae homines absentes praesentes facit.

Ibidem

RVD E S illi Italiae homines, quos Cascos Ennius appellat, qui sibi, ut in Rhetoricis ait Cicero, ritu ferino victum quaerebant, ante Chartae, & Membranarum, usum, aut in dolatis e ligno codicillis, aut in corticibus arborum, mutua epistolarum alloquia missitabant. unde & portitores earum Tabellarios; & scriptores, a libris arborum, Librarios uocauere.

Cicero Fam. lib. 11. ep. 4

EPISTOLARVM genera multa esse non ignoras, sed unum illud certissimum, cuius causa inuenta res ipsa est, ut certiores faceremus absentes, si quid esset, quod eos scire, aut nostra, aut ipsorum, interesset. reliqua sunt epistolarum genera duo, quae me magnopere delectant. unum, familiare, & iocosum; alterum, seuerum, & graue.

II

De Galliae diuisione.

FRANCISCI

MORANDI

MEMORIAE



QVAE amicis, dum uiuunt, officia praestamus, ea mortuis quoque deberi, iudico. Ne mirum igitur uideatur, si FRANCISCI . MORANDI nomine haec nunc edi uoluimus . nam, etsi mortuus sit, non tamen eius memoria umquam apud nos intermoritura est . id eius & singularis humanitas, & eximia doctrina a nobis postulare uidentur.

SAEPE legendo incurrimus in haec tria Galliae cognomina, Togatae, Comatae, Brachatae : nec tamen omnes, quae sit earum differentia, nouere . quod ostendere, breui definitione proposita, ueterum testimonio conabimur . De finitur Gallia uel a regione, uel ab hominum cultu . a regione sic : Gallia uel transalpina est, quae ulterior etiam dicitur ; uel cisalpina, quae citior . utraque diuiditur in duas, transalpina in Nar-

Narbonensem, & comatam; cisalpina in transpadanam, & cispadanam. Rursus a cultu definitur hoc modo: Gallia uel comata est, uel brachata, uel togata. comata est omnis transalpina, praeter Narbonensem; brachata, quae postea Narbonensis dicta; togata, cisalpina omnis. de comata, probat Plinius lib. 1v. cap. 17. Gallia inquit, omnis, comata uno nomine appellata, in tria populorum genera diuiditur; omnibus maxime distincta, a Scalde ad Sequanam Belgica; ab eo ad Garumnam Celtica, eademq. Lugdunensis; inde ad Pirenaei montis excursus, Aquitania, Aremorica ante dicta. Apparet Narbonensem omitti, de qua separatim lib. 111. cap. 4. iam locutus erat. Opinor autem, antiquitus Galliam omnem transalpinam comatam fuisse; postea uero Narbonensem, in qua fuere Allobroges, prouinciam a Romanis factam, Romanorum hominum consuetudine alere comas desisse. Intonsas enim gentes uocat Plinius alpinas quoque gentes, quarum nonnullas Narbonensis opinor Galliae partem fuisse. lib. x. cap. 37. Nomina, inquit, ex eo capillatis alpium incolis, Galliae Comatae. Et, quamquam reliqua quoque Gallia a C. Caesare in prouinciae formam est redacta: quia tamen Narbonensis prius prouincia facta fuerat; ideo Prouinciae nomine, quod hodie quoque retinet, semper appellata, reliqua
uero

uero Gallia uetus Comatae cognomen retinuit. propterea nec Agrippa, cum Galliam longe lateq. metiretur, Narbonensis rationem habuit, quasi prouinciae separatae. scripsit enim haec Plinius eodem loco: Agrippa uniuersarum Galliarum inter Rhenum, & Pirenaeum, atque Oceanum, ac montes Gebennam, & Iuram, quibus Narbonensem Galliam excludit, longitudinem CDXX. ∞ pass. latitudinem CCCXIII. computauit. & Catullus Comatam appellauit Galliam a Caesare perdomitam:

Quis hoc potest uidere, quis potest pati?

Mamurram habere, quod comata Gallia

Habebat omnis, ultima & Britannia?

Quis porro dubitet, quin transalpina Gallia, non cisalpina, significetur in ijs Antonij uerbis, quae recitat Cicero Philippica IIX? Galliam togatam remitto: comatam postulo. Fuit enim hoc Antonij consilium, ut cisalpinam Galliam D. Bruto, iam eam obtinenti, relinqueret, transalpinam autem, a L. Planco tunc administratam, quae longe erat firmior, sibi assumeret; quo posset deinde, superatis alpibus, in Bruti prouinciam, quae Togata Gallia a Romano uesitu uocabatur, impetum facere, Brutoq. eiecto, urbem ipsam, exemplo Caesaris, occupare. quod Ciceronem non fugit. subiecit enim in eo loco: Otiosus uidelicet esse mauult. Et Philippica V.

C

Est,

Est, inquit, opinio, decreturum aliquem Antonio illam ultimam Galliam, quam Plancus obtinet. Comata igitur omnis transalpina, praeter Narbonensem: togata uero cisalpina, quam ab Italia amnes duo, Rubico a supero mari, Arnus ab infero, dirimebant. Quod autem ait Plinius, Ab Ancone Gallica ora incipit, Togatae Galliae cognomine: in eo terminos iurisdictionis non spectauit: nam ita Anconem Italiae adiudicasset: sed Gallorum, ueterum incolarum, rationem habuit. Quis autem Anconem cis Rubiconem esse nescit? Mela quoque Togatam nominat Galliam: & ait: Carni, & Veneti colunt togatam Galliam. Placet autem Dionis uerba recitare ex libro XLVI. quae Galliarum distinctionem ostendant, adiuncta nominis causa & Togatae, & Comatae.

Λεπίδω τὴν Ἰβηρίαν πᾶσαν, καὶ τὴν Γαλατίαν τὴν Ναρβονησίαν, Ἀντωνίου δὲ τὴν λοιπὴν Γαλατίαν, τήν τε ἐν τῷ τῶν ἀλπέων, καὶ τὴν ὑπὲρ αὐτὰς ὄσαν ἄρχειν δοθῆναι. Ἐκαλεῖτο δὲ ἐκείνη μὲν Τόγατα, ὅτι τε εἰρηνικώτερα παρὰ τὰς ἄλλας ἐδόκει εἶναι, καὶ ὅτι καὶ τῇ ἐδῆτι τῇ Ῥωμαϊκῇ τῇ ἀσικῇ ἐχρῶντο ἥδη: αὐτὴ δὲ δὴ Κόματα, ὅτι οἱ Γαλάται οἱ ταύτῃ ἐς κόμην τὸ πλεῖστον τὰς τρίχας ἀνιέντες, ἐπίσημοι κατὰ τοῦτο παρὰ τοὺς ἄλλους ἦσαν. Brachata restat. haec transalpinae pars fuit, quae postea Narbonensis nominata. Plinius lib. I I I.

cap. 4.

cap. 4. Narbonensis prouincia appellatur pars Galliarum , quae interno mari alluitur , brachata ante dicta , amne Varo ab Italia discreta , alpiumq. saluberrimis Romano imperio iugis : a reliqua uero Gallia latere septentrionali , montibus Gebenna , & Iura . Et Mela lib. 11. cap. 3. Pars Galliae nostro mari apposita , fuit aliquando brachata , nunc Narbonensis . Cicero etiam in oratione in Pisonem , Brachatae illum cognationis dedecus appellat , quod auus eius maternus trans alpes natus erat . Et in oratione pro Fonteio , Sagatos , brachatosq. uocat Gallos , qui Fonteium accusabant . cum Narbonensi Galliae , quod ipsa declarat oratio , Fonteius praefuisset . Quo patet ; licet ea Galliae pars nomen mutauerit , Narbonensis dicta , quae Brachata fuerat , ipsas tamen brachas non esse depositas . Brachae autem quasi tunica fuit omnis Galliae transalpinae , cui sagum imponebatur ; comata tamen potius , quam a brachis dicta , quae capillatior fuit . Quod si quis roget , cur brachas tunicam fuisse Gallicam putem : recitabo illud Suetonij , quod in C. Caesaris uita scriptum est : Idem in curia Galli brachas deposuerunt , latum clauum sumpserunt . Latus enim clauus tunica senatorum Romae fuit , quem Galli , brachis depositis , sumpserunt .

III
De Primipilo .

AD . HANNIBALEM
CRUCEIVM



VM multa, apud ueteres scripta, obscuritatis habent plurimum, HANNIBAL . CRUCEIE : tum uero, quae ad militiam pertinent, difficulter a nobis intelligi, quis ignorat ? Primipilus quid sit, quidq. in militia significet, uideo a multis dubitari . Volui igitur, quae hac de re in ueteribus obseruaui, edere : eaq. in Tuo nomine apparere : ut, hac re, Patrem imitans, meam quoque summam obseruantiam Tibi ostenderem, ortam ab eximijs tuis erga nos officijs, quorum memoriam nulla umquam dies apud nos obliterabit, nulla uetustas imminuet.

PRIMIPILVS, & Primus pilus, non idem sunt . nā Primipilus, siue Primopilus (utrumq. enim, ut infra ostendam, ueteres dicebant : unde Primipilaris, apud Quintilianum, lib. v i . Plinium epist. lib. x . & apud Suetonium in Tiberio, & Spartianum, in Pescennio Nigro ; Primopilaris autem in antiquis lapidibus reperitur)

tur) centurio primus fuit, inter decem centuriones triariorum. Primus pilus autem non centurio, sed centurionatus, fuit, quem ordinem centurio Primipilus ducebat. Vtriusq. subiungam exempla, & centurionis primum, deinde ordinis. Exemplorum autem quia duo genera sunt, quae ex libris, quaeq. ex antiquis lapidib. sumuntur; primum a libris ordiar. Caesar, de Primipilo centurione, lib. 11. Bel. Gal. Primipilo P. Sextio, multis uulnerib. confecto. Liuius, lib. VII. P. Salonijs alternis prope annis & tribunus militum, & primus centurio, erat, quem nunc Primipilum appellant. Idem, lib. 119. Duo Primipili ex utraq. acie inter Triarios erant. Valerius, lib. 1. cap. 6. de prodigijs: Aquilarum altera uix conuelli a primipilo potuit. Addam etiam Dionysii Halic. Graeca uerba, quae sunt lib. IX. Ε' νὸς τῶν ταγμάτων τῇ λαμφοτάτῃ ἀρχῇ κεκοσμημένος, ἢ τὰς ἐξήκοντα ἑκατονταρχίας ἐπεσθαι τε, καὶ τὸ κελεύμενον ὑπηρετῆιν, κέλευει νόμος. τέτις Ῥωμαῖοι τὰς ἡγεμόνας τῇ πατρίῳ γλώττῃ Πριμοπίλους καλεῖσιν. Quibus uerbis intelligitur, centurioni Primipilo solitas obedire sexaginta centurias, idest, totam legionem. Et Vegetius, eum Aquilae praesuisse, quod erat signum legionis, lib. 11. demonstrat. Cuius potestatis ea ratio fuit; quia, cum essent in legione tria militum genera, denis singula

centurionib. instituta, hastati, principes, triarii; & ceteris omnibus triarij, aetate, usu, fortitudine, praestarent; eo fiebat, ut primus centurio triariorum non modo reliquis nouem triariorum centurionibus, uerum etiam reliquis hastatorum, & principum, centurionibus imperare posset. Propterea dixit Dionysius, eum sequi solitas sexaginta centurias. uerum id perquam raro factum opinor; quippe cum in proelis separatim singuli ordines, hastati, principes, triarii, pugnarent. quod si & hastati, & principes, loco moti, fusiq. ab hostibus, fuissent; tunc triarii, fugientibus exceptis, renouata pugna, hostes inuadebant, eosq. hastati, & principes, modo uicti, sequebantur. ita, permixtis ordinibus, unum esse oportebat, cuius uoluntati, & imperio, milites omnes parerent. is autem primus centurio, idest Primipilus, fuit: qui, cum aquilae praecesset, ut ait Vegetius, & inter centuriones triariorum primum locum obtineret; iure omnibus reliquorum quoq. ordinum centurionibus imperabat. Quod & Plinius lib. xxii. cap. 6. declarat. inquit enim: Primum pilum capessens sub Catulo, exclusam ab hoc legionem suam hortatus, tribunum suum, dubitantem per castra hostium erumpere, interfecit, legionemq. eduxit. Quibus uerbis constat, eum, qui primum pilum duceret, primum locum in legione, post

post tribunum militum, obtinere solitum. Li-
uius quoq. honoratiores ceteris centurionibus in-
dicat fuisse Primipilos, cum ait, lib. XLII.
Cum tribuni militum centuriones, sed primum
quemque, citarent; tres & uiginti centuriones,
qui primos pilos duxerant, citati tribunos pl. ap-
pellarunt. Quemadmodum autem Primipili
primum locum inter omnes suae legionis centu-
riones obtinebant: sic primae legionis Primipi-
li honore praestabant omnibus ceterar. legionum
Primipilis. Propterea Sp. Ligustino, qui an-
tea quater primum pilum duxerat, primus pi-
lus, in legione prima, uirtutis caussa, est assi-
gnatus. Quod apud Liuium scriptum est, eo-
dem libro.

Haec, ex libris: Nunc lapidum testimonia
subscribamus.

Fulginei. I

P . AELIO . F . PAPIR
MARCELLO . CENT.

PRVM . SVB . PRINCIPI . PE
PEREGRINORVM . ADSTATO
ET . PRINCIPI . ET . PRIMIPILO
LEG . VII . GEM . PIAE . FEL . ADLEC
TO . AD . MVNERA . PRAEFF
LEGG . VII . CLAV . ET . PRIMAE
ADIVTRICIS . V . F . FLAMINI
LVCVLARI . LAVREN . LAVINA
PATRONO . ET . DECVRIONI
COLONIAE . APVLESIVM . PATRONO
CIVITAT . FORO . FLA . FVLGINIA
ITEMQVE . IGVVINORVM . SPLEN
DIDISSIMVS . ORDO . FOROFLAM
CVIVS . DEDICAT . DECVRIONIBVS
ET . LIBERIS . FORVM . PANEM
ET . VINVM . ff . XX . N . ITEM
MVNICIPIEVS . ff . IIII . N . DEDIT

Sorae,

De Primipilo .

41

Sorae, ad D. Restitutae . 2

L . FIRMIO . L . F
PRIM . PIL . TR . MIL
IIII . VIR . I . D
COLONIA . DEDUCTA
PRIM . PONTIFICI
LEGIO . IIII . SORANA
HONORIS . ET . VIRTUTIS
CAVSSA

Capuae, ad D. Vincentij . 3

PAVLO . AEMILIO
PRIMIPILO . BIS
PRAEFECTO . EQVIT
TRIBVNO . CHORTIS
IIII . PRAETOR
. . . . SENE CIO

Romae,

Romae, in domo Caesia. 4

M . POMPEIO . M . F . ANI . ASPRO
 7 . LEG . XV . A POL LIN AR . 7 . COH . III . PR
 PRIMOP . LEG . III . CYREN . PRAEF . CASTR
 LEG . XX . VICTR
 ATIMETVS . LIB . PVLLARIVS
 FECIT . ET . SIBI . ET
 ET . CIN CIAE
 SATVRNINAE
 VXORI . SVAE
 M . POMPEIO . M . F . COL . ASPRO . FILIO . MINORI

Vena-

Venafri, post tribunal altaris maioris Episcopatus . 5

SEX . AVL I ENO . SEX . F . ANI
 PRIMOPIL . II . TR . MIL
 PRAEF . LEVIS . ARMAT.
 PRAEF . CASTR . IMP . CAESAR . AVG
 ET . TI . CAESARIS . AVGVSTI
 PRAEF . CLASSIS . PRAEF . FABR
 II . VIR . VENAFRI . ET . FORO . IVLI
 FLAMINI . AVGVSTALI
 NEDYMVS . ET . GAMVS . LIB

Seno-

P.F.....A.PRIMOPILLO.SPECTATAE.VIRTVTIS
 EQVESTRI . . . ORDINIS . . . V
 PATRIBVS . . . ET . . . PLEBI . . . GRATO
 OB . . . GRATAM . . . ADOLESCENTIS . . . INDOLEM
 BENE . . . MERITAM . . . SAXVM . . . DEDIT

Senogaliae, in Piceno. 6

Parmae

.
 PRAEF . LEG . XX . VALEN
 VICTR . PRIMOP . LEG
 X . GEMIN . PIAE . FIDEL
 CENT . LEGION . IIII . SCY
 THIC . XI . CLAVD . XIIII . GEM
 VII . GEMIN^M
 ATR . COL . IVL . AVG . PAR
 PATR . MUNICIPIORVM
 FORODRVENT . ET . FORO
 NOVANORVM . PATRON . COL
 LEGIOR . FABR . ET . CENT . ET
 DENDROPHOR . PARMENS
 COLLEG . CENT . MERENTI

*Brixiae, apud Forum piscarium uetus,
 nuper effoss. 8*

C . MEFFIO . C . F
 CLA . SAXONI
 PRIMO . PILO . PRAEF
 COHORT . PRAEF . FABR
 PONTIFIC . QVINQVEN
 COHORS . CARIETVM . ET
 VENIAESVM

*Emendandus locus Plinij, lib. III. cap. 3. in
 quo, Vennensium, corrupte legitur.
 Bononiae,*

Bononiae, in aedibus Aquilinorum. 9

. . . . ENTICOL . Q . F . C . B
 PRIM . PIL . PRAEF . EQ
 VIR . I . D
 PIL . TRIB . MIL . PRAEF
 AEF . FABRVM
 . . QVINQ . POTEST
 . . ICVS . DE . P . S . D

Taurini, in aedibus Aiacum. 10

C . G A V I O . L . P
 STEL . SILVANO
 PRIMIPILARI . LEG . VIII . AVG.
 TRIBVNO . COH . II . VIGILVM
 TRIBVNO . COH . XIII . VRBAN.
 TRIBVNO . COH . XII . PRAETOR.
 DONIS . DONATO . A . DIVO . CLAVD.
 BELLO . BRITANNICO
 TORQVIBVS . ARMILLIS . PHALERIS
 CORONA . AVREA
 PATRONO . COLON.
 D D

Matel-

Matellicae. II

C . ARRIO . C . F . COR
 CLEMENTI . MILITI . COH . IX
 PR . EQVITI . COH . EIVSDEM . DONIS
 DONATO . AB . IMP . TRAIANO
 TORQVIEVS . ARMILLIS . PHALERIS
 OB . BELLVM . DACICVM . SINGVLARI
 PRAEFECTORVM . PR . TESSERARIO . O
 PTIONI . FISCO . CVRATORI . CORNICVL .
 TRIBVNI . EVOCATO . AVG . 7 . COH . I . VIGIL . 7
 STATORVM . 7 . COH . XIIII . VRB . 7 . COH . VII . PR .
 TRECENARIO . DONIS . DONATO . AB . IMP .
 HADRIANO . HASTA . PVRA . CORONA . AVREA
 7 . LEG . III . AVG . PRIMIPILARI . II . VR . QVIN
 QVENNALI . PATRONO . MVNICIPI
 CVRATORI . REIPVBLICAE
 DECVR . ET . AVG . V . : : : MVNICIPES . MAT . . .

Tar-

Tarraconae. 12

In

TEMPLVM . HOC . SACRVM . HER . . .
 AVGVSTI . NOMEN . FELIX
 REMANEAT . STIRPIS . SVAE . LAETITVR . . .
 PARENS . NAM . QVOM . TE . CAESAR . TE . M . . .
 EXPOSCE . DEVM . CAELOQVE . REPERIES . . .
 MVNDVM . REGES . SINT . HEI . TV . . EI
 HVIC . IMPERENT . NEGANTQ . NOS . FELICIBVS . VOTEIS . SVEIS
 L . AVRELIVS . L . F . PAL . RVFVS . PRIMIPILARIS
 X V I . MILITARIS . SEC
 IMP . CAESARIS

In Hispania. 13.

L . AVRELIVS . L . F

P A L

R V F V S

P R I M O P I L A R I S

L E G . X V I

H . S . F

DE ordinis ductore, qui Primipilus, uel Primopilus, uocabatur, diximus. Nunc de ipso ordine, qui Primus pilus, non Primipilus, aut Primopilus, appellabatur, ea, quae scripta sunt a ueteribus, afferamus. Caesar, lib. III. Bel. Gal. P. Sextius Baculus primi pili centurio. Idem planius etiam, lib. V. Baluentius anno superiore primum pilum duxerat. Et, lib. VI. Sextius primum pilum apud Caesarem duxerat. Et, lib. I. Bel. ciu. L. Pupius, primi pili centurio. Et, lib. III. Scaenam, centurionem, ab octauis ordinibus ad primum pilum traduxit. tametsi mendose, in uulgatis libris, eo loco, legatur, Primipilum. nam in antiquo Borromaei Cardinalis libro est, Primum pilum. Et, ibidem, infra: Crastinus primum pilum superiore anno in legione decima duxerat. De hoc ordine significasse eundem puto lib. V. Bel. Gal. cum dixit: Erant in ea legione centuriones, qui iam

D primis

primis ordinibus appropinquarent, T. Pulsio,
 & L. Varenus. Et Tacitum, lib. xix. Occisi
 sex primorum ordinum centuriones. Et Liuium,
 lib. vii. Septimum primum pilum iam Tullius
 ducebat. Et, lib. iix. ubi de acie tertia loqui-
 tur: Sub signis quindecim ordines locabantur,
 ex quibus ordo unusquisq. tres partes habebat,
 eam unamquamq. Primum pilum uocabant. tri-
 bus ex uexillis constabat. Cum dicimus etiam
 centurio Primipili; idem ualet, ac si dicamus,
 centurio, primum pilum ducens. quod ostendit
 Sallustius, in Ingurtha. Et Velleius, lib. ii. Pri-
 mi pili centurionem, nomine Vibillum, fuste
 percussit. Liu. l. ii. Populus dedicationem ae-
 dis dat M. Plaetorio, primi pili centurioni. Sue-
 tonius, in Caligula: Nonnullis centurionibus,
 ante paucissimos, quā consummaturi essent, dies,
 primos pilos ademit, caussatus senium cuiusque,
 & imbecillitatem. Et Valerius, lib. ix. Dedi-
 catio aedis Mercurij M. Plaetorio, primi pili
 centurioni, data est. Et Tacitus, lib. xiii.
 Curam praesidiorum Pactio Orphito, primi pili
 honore perfuncto, mandat. Et, lib. xix. A-
 quilam Aelius Verus, primi pili centurio, ser-
 uauerat. Et Plinius, lib. xxii. cap. 6. Pri-
 mum pilum capeffens, legionem eduxit. Haec
 ex historia. Sed a Cicerone quoq. tria suppe-
 runt huiusce generis exempla. Epist. 20. lib.

v. ad Atticum: Cohortem primam totam perdidit, centurionemq. primi pili, Asinium Dentonem. Et, in oratione pro Balbo: L. Marcius, primi pili centurio, cum Gaditanis foedus icisse dicitur. Et, in Antonium, oratione XII. Cum Aquilae primi pili nummos aureos daret. Quo loco subaudiri, centurioni, non dubito: alioqui legendum putarem, Aquilae primipilo. Constat igitur ex Caesare, Sallustio, Cicerone, Livio, Velleio, Suetonio, Valerio, Tacito, Plinio, ordinem in militia fuisse Primum pilum: de quo lapidum testimonia non habemus: ordinis autem ductorem fuisse Primipilum, & lapidibus, & libris, probatum iam est. Quaeri potest: cum Primipilus appellaretur is, quem fuisse primum in Triarijs centurionem, Livio maxime teste probauimus, qui eum tribuno mil. honore proximum locat, quibus nominibus reliqui novem triarior. centuriones appellarentur. Opinor, numero distinctos fuisse, ut post Primipilum diceretur, Centurio secundi triarij; post hunc autem, Centurio tertij triarij; eademq. ratione, usq. ad decimum. Et, cum dixit Caesar, Ab octavis ordinibus ad primum pilum Scaenam traduxit: indicat, opinor, Scaenam, e centurione octavi triarij, primum centurionem, idest primipilum, ob uirtutem, esse factum. Sic Primus hastatus, pro primo ordine hastatorum, a

Caesare nominatur, lib. 11. bel. ci. Cecidit, inquit, Q. Fulginius, ex primo hastato legionis XII. qui, ob eximiam uirtutem, ex inferioribus ordinibus in eum locum peruenerat: idest, a decimo hastato, per omnes reliquos ordines, usq. ad primum. Et Cicero, lib. 1. de Diuin. Signifer primi hastati signum loco mouere non potuit. Eadem ratione Primus princeps uocabatur Primus ordo inter principes; sic secundus, tertius, usq. ad decimum. Vnde illud, in Ciceronis ad M. Brutum epistola: Nasennius, Cretensi bello, Metello imperatore, octauum principem duxit. Transibant autem centuriones, uirtutis gratia, ab inferiore ordine ad altiores; ut, a decimo hastato, ad nonum; a nono, ad octauum; & sic, usq. ad primum: a primo uero hastato non ad decimum principem, sed ad primum; nec deinde a primo principe ad decimum triarium, sed ad primum, qui priscis temporibus uocabatur primus centurio; posterioribus, Primipilus, ut Liuij uerbis ostendimus. Hanc mihi coniecturam de centurione primi hastati ad ordinem Primum principem traducto, Liuius affert: apud quem lib. XLII. ita loquitur Sp. Ligustinus: Hic me imperator dignum iudicauit, cui Primum hastatum prioris centuriae assignaret. tertio iterum uoluntarius miles factus sum in eum exercitum, qui aduersus Aetolos, & Antiochum regem,

gem, est missus. a M. Acilio mihi Primus princeps prioris centuriae est assignatus. De centurione autem primi principis, ad ordinem Primipili traducto, sic Vegetius, lib. 11. Vetus consuetudo tenuit, ut ex primo principe legionis promoueretur centurio primi pili. Haecenus recte Vegetius. Quod autem subiungit, in eo mutatam militiae rationem declarat: ait enim: Qui non solum Aquilae praeerat, uerum etiam quattuor centurias, idest, quadringentos milites, in prima acie gubernabat. Primum, non quattuor centurias, uerum unam tantum, gubernabat Primipilus: & erant in Triarijs, quot Manipuli, totidem Primipili; qui antea, ut lib. VII. scripsit Linius, primi centuriones appellati fuerant. In hoc igitur ualde a Polybio, cui plurimum in historia tribuo, Vegetius dissentit. Quod si centuria Manipulus est, ut equidem facile credo; quia centuriones, qui Manipulis praeerant, nominabantur: non intelligo, qui potuerint in quattuor centurijs milites esse quadringenti. Concedam, priscis illis temporibus, cum Roma Regibus pareret, atq. etiam aliquanto post, centenos fuisse milites in centuria; sed, quo tempore aduersus Latinos Romani, T. Manlio Torquato, & P. Decio Mure cos. dimicarunt, in singulis hastatorum, principumq. manipulis erant milites sexageni; praeterea centuriones.

D . 3 duo,

duo, uexillarius unus: Triariorum autem 180,
 & centuriones item duo, uexillarius unus: to-
 tidemq. & Rorarij, & Accensi, in eodem, cum
 Triarijs, manipulo. nam in tertia acie quindecim
 manipulos Liuius constituit: quos etiam Or-
 dines uocat: singulosq. diuidit in partes tres,
 Triarios, Rorarios, Accensos. Age, Liuianos
 manipulos omittamus: de ijs cogitemus, quos
 Polybius denos quidem in singulis militum ge-
 neribus, idest in Hastatis, Principibus, Tria-
 rijs, diuerso tamen militum numero, constituit.
 singulis enim Hastatorum, & Principum, ma-
 nipulis milites attribuit CXX; Triarior. autem
 manipulis dimidium, idest LX. Ita neq. Vege-
 tio cum Liuiio, aut Polybio; neq. rursus inter Li-
 uium, & Polybium, conuenit. Quid, quod
 Primum pilum in acie prima statuit Vegetius,
 contra quem Liuius, & Polybius, qui locum ei
 postrema in acie inter triarios assignat. nimi-
 rum diuersis temporibus magna rei militaris fa-
 cta commutatio est. Nec enim perpetuo mansit
 ea militiae ratio, quam a Polybio, qui cum A-
 fricano minore uixit, explicatam uidemus. Ille
 pilum solis uelitibus tribuit, hastatis autem, &
 principibus, ueruta bina; triarijs, neq. pilum,
 neq. ueruta, sed hastam, praeter gladium: Cae-
 sar autem, lib. III. Bel. ci. (ut uno contenti si-
 mus exemplo, cum suppetant multa) iacta esse
 pila,

pila, significat, ab ijs, qui cum Crastino euocato contra Pompeianos procurrerunt: quos non fuisse uelites, qui minimae fortitudinis erant, ostendit non obscure: ait enim: Electi milites eum circiter CXX. uoluntarie eiusdem centuriae sunt persecuti. Ut omittam, quod legionem C. Marius auxit, ad militem sex millia: ut is esset ordinarius numerus, qui antea fuerat quattuor millia ducenti: quod Polybius memoriae prodidit.

IV
De Tibijs .

AD . BARTHOLOMAEV M
CAPRAM

INGRATVS *sim* , BARTHOLOMAEE . CAPRA , *si* , quae in Patrem meum officia contulisti , ea mihi in animo fixa non haerent . Memini , quam grata , & incunda Tui memoria Patri esset . nec ego ei dissimilis in eo umquam ero . & , cum eximijs tuis erga nos meritis uix ullo pacto respondere possim , enitar saltem , ut , ijs agnoscendis , & praedicandis , non omnino ingratus iudicer .

DEXTRAE *tibiae* erant , quae dextra histriones spectabant , sinistra scilicet spectatores . Sinistrae contra , quae sinistra histriones , dextra spectatores . Opinor autem , sinistras grauem sonum reddidisse , dextras acutum . sinistrae enim ex ea arundinis parte fiebant , quae proxima terrae nascitur ; quae cum crassior sit , & foramen latius habeat , quam quae longinquior a radice est ,

est, grauiorem sonum reddat, necesse est. dextrae autem ex superiore arundinis parte fiebant. testis Plinius lib. xvi. in extremo capite 36. his uerbis: Sed tum ex sua quamque tantum arundine congruere persuasum erat: & eam, quae radicem antecesserat, laenae tibiae conuenire; quae cacumen, dextrae. Hinc legas, *Acta est tibijs dextris, & sinistris, idest sono acuto, & graui, tibijs utrimque constitutis. Vbi autem legitur, Paribus dextris, & sinistris, Sarranas significat, dextrorsum sinistrorsumque positas, quae Pares uocabantur, quod foraminis cauerna, ut ait Seruius, par erat; ideoque sonum parem reddebant; ut Phrygiae impares, quod cauernam imparem habebant, ex quo sonum reddebant imparem, acutum scilicet partim, & partim grauem. Ex quo Seruius interpretans illud Virgilij lib. ix.*

O uere Phrygiae, (neque enim Phryges) ite
per alta

Dyndyma, ubi assuetis biformem dat Tibia
cantum:

explanat, Biformem, dissonum, imparem, & dissimilem, iuxta Phrygiarum tibiatarum naturam, quae hoc a Sarranis distabant, quod, ut ait Seruius, cauernam foraminis imparem habebant; ut Phrygiae distabant, quod dextrae unicum foramen habebant, ut sonitu uniformi sonarent;
sini-

sinistrae uero , duo ; quorum unum grauem , alterum acutum sonum reddebant . Quod uero dextrae tibiae acutum , sinistrae grauem sonum reddiderint , praeter Plinij , Varronis quoque testimonium exstat , de re rust. lib. 1. cap. 2. quo loco ait , Tibias dextras , & sinistras , cum uno eodemq. tempore sonarent , ut histrionum uocem sequerentur , alteram incentiuam , alteram succentiuam fuisse . Quod autem , ubi Incentiuam nominat , dextram significet ; ubi Succentiuam , sinistram ; nihil dubito . subiungit enim : Agricultura succinit pastoralis , quod est inferior , ut tibia sinistra dextrae foraminibus . Cum igitur sinistra succentiuam sit , gravis sonus erit ; dextrae autem acutus , quoniam incentiuam , sinistraeq. foraminibus superior , cum maiorem foraminis numerum habeat sinistra , cui , ut grauius sonet , pauca foramina sufficiunt . Quo loco uero dicit , Tibijs Sarranis , idem est , ac si dicas , Paribus : cauernam enim parem habebant , ex quo parem quoque sonum reddebant . Et , quoniam eruditi quidam Artis Musicae scriptores , scripsere , ideo in Terentij Adelphis , quae comoedia acta fuit ludis funebribus Q. Fabij Maximi , sonuisse Sarranas sine Phrygijs , quod par sonus rebus maestis aptior esset , quam acutus : opinor ego , Sarranas , idest pares , non solum in rebus maestis , uerum etiam in laetis sonuisse ; cum uideam non
tan-

tantum in Adelphis, sed & in Andria, & in Hecyra fuisse Tibias pares, idest Sarranas. nisi si tres eas comoedias actas fuisse ludis funebribus alicuius summi ciuis credamus: quod falsum est: Hecyra enim primum acta ludis Romanis. Et, quoniam Acro, in Horatij Artem Poeticam ait, ex Varronis sententia, Tibias ueteres quattuor foraminum fuisse: potest id dupliciter intelligi. prior explanatio est, quod, cum Acro legerit in Varrone, Tibias ueteres, indicio id est, Varronis tempestate Tibiarum foramina mutata fuisse, cum Veteres nominet. Verum, si Acro ex persona sua Veteres nominat, quemadmodum ego arbitror, cum ipse inferior multis annis, saeculisq. a Varrone fuerit: dicamus, ita locutum Acronem, ut rem alienam a temporibus suis designaret, Tibias scilicet non habuisse quattuor foramina, quemadmodum Varronis tempestate; uel quod prorsus in usu esse desiissent, nec amplius in Comoedijs sonarent, ut hodieq. in usu non sunt. Donatus dextris tibijs grauem sonum tribuit, sinistris acutum. in quo aperte fallitur: quod non solum Plinij iam recitato testimonio probauimus, qui Tibias dextras ex arundinis cacumine fieri ait, sinistras ex ea, quae radicem antecesserit; sed etiam Varronis, qui dextram incentiuam, succentiuam sinistram appellat. Fallitur quoque in eo, quod ait, Tibias
Sarra-

Sarranas, sinistrasque easdem esse. nam, si Sarranae pares sunt, & Phrygiae impares, ob foraminis aequalitatem, inaequalitatemque, quod ait Seruius: manifesto patet, Sarranas tam dextras, quam sinistras esse posse: quales in Andria Terentij fuisse existimo: ideoq. in Inscriptione legitur, Tibijs paribus dextris, & sinistris, idest, Sarranis. Et in Adelphis, ubi legitur, Tibijs Sarranis, easdem opinor fuisse cum paribus dextris, & sinistris. Et in Phormione, Tibijs imparibus, explano, Tibijs Phrygijs dextris, & sinistris. Hanc opinionem meam id confirmat, quod numquam reperi Phrygias, aut Sarranas nominatas una cū paribus, aut imparibus. quod indicio est, Paribus, ad indicandas Sarranas; &, Imparibus, ad Phrygias, satis fuisse. Illud etiam animaduerti, Sarranas, Phrygiasq. in una eademq. comoedia numquam sonuisse, sed uel has, uel illas. ideoq. legitur, Paribus, aut imparibus; nec umquam una, Paribus, & imparibus. Opinor etiam, ubi legitur, Dextris, & sinistris, intelligendum esse, non unam tantum, sed plures Tibias a dextris sonuisse, sinistrisq. scenae: aliquandoq. sonuisse tantum ex altera parte, quo modo in Eunuchi inscriptione legitur, Tibijs duabus dextris: itaq. est in scriptis libris. & recte. Quo loco dubitavi interdum deesse Paribus, uel imparibus: ut ostenderet, Phry-

Phrygiae ne, an Sarranae, essent; quod in alijs dixerat. sed postea, cum neque Paribus, neque Imparibus ibi scriptum sit, intelligi debere existimaui, Pares potius, quam impares, fuisse; Sarranas scilicet potius, quam Phrygias: cum aequalis sonus grauior sit, qui Sarranarum erat, ideoq. conuenientior, & Romanorum auribus iucundior. Quod autem dextrae Tibiae sint pares, id patet ex Heauton timorumenu Inscriptio-
ne, ubi est, Acta primum tibijs imparibus, deinde duabus dextris. nam, si dextrae non eadem sunt cum imparibus, sequitur pares esse. pares autem easdem fuisse cum Sarranis, iam diximus. impares igitur Phrygiae sunt, a sinistraq. sonabant. Ex quo patet, Sarranas modo utrimque sonuisse, tuncq. dicebant, Tibijs paribus dextris, & sinistris, ut in Andriae inscriptione; modo a dextra tantum, ut in Heauton timorumenu, ubi ait, Deinde duabus dextris; cum dixisset iam, Acta primum tibijs imparibus. In Eunuchos quoque sonuerunt tantum a dextra: dicit enim, Tibijs duabus dextris. Vbi uero neque dextrae, neque sinistrae nominantur, ut in Phormionis, Hecyraeq. Inscriptionibus: credendum est, ab uno tantum latere sonuisse: a sinistro scilicet, in Phormione; cum dicat, Tibijs imparibus; a dextro autem, in Hecyra, cum dicat, Tibijs parilibus. testimonio enim Inscriptionis
Heau-

Heauton timorumenu iam demonstrauiamus, impares, Phrygias scilicet, sonuisse tantum a parte sinistra. Sarranas uero sonuisse opinor modo a dextra solum, ut in Eunucho, & in Heauton timorumenu : tuncq. in Comoediae Inscriptione id aperte significabatur, & dicebatur Tibijs dextris : modo a dextra, & sinistra, ut in Andria, ubi, tamquam de re, quae interdum uariaret, Dextris, & sinistris, dicitur. Diomedes Tibiarum tria genera nominat, dextras, Sarranas, sinistras. in quo dupliciter errat. primum, quod, si Sarranae aliae sunt a dextris & sinistris, non tria, sed quattuor Tibiarum genera erunt; cum sint & Phrygiae, quas Seruius Sarranis opponit. errat & in eo, quod Sarranas a dextris, & sinistris distinguit, cum Sarranae possint esse dextrae, sinistraeque. quod & iam probauimus & ex Adelphorum Inscriptione patet. in qua cum sit, Tibijs Sarranis, neque dicatur, dextris, aut sinistris : quis non uidet, in Sarranis inesse dextris, & sinistris, uel saltem dextris? cum ex altero scenae latere, uel ex ambobus sonuisse necesse fuerit. utriusque autem moris exempla dedimus, cum de Sarranis loqueremur. Phrygias enim a latere sinistro tantum sonuisse uidetur : quod ex Heauton timorumenu Inscriptione elicitur.

TIBIAE

*TIBIAE autem non semper ex arundine fa-
ctae sunt, sed Plinij aetate sacrificae e buxo, lu-
dicrae autem e loto, ossibusq. asininis, & argen-
to. Quae de re in nostro Commentario Artis Poe-
ticae Horatii, quem ad te mittimus, BARTHO-
LOMAEE CAPRA, diximus; & apud Plinium
in extremo cap. 35. lib. XVI. quaedam leguntur.*

V

De Fulgure, & Fulminē.

AD·OCTAVIANVM
FERRARVM

NOLLEM, quod siluerint
inter nos litterae, siluisse
amorem existimares. non is
sum, OCTAVIANE
FERRARI, qui, cum
quem semel amandum, &
colendum ob eximias uirtutes mihi proposui,
non in amicitia perstem. & Tu, qui Patri
meo ita carus, itaq. acceptus semper fuisti,
cur non & mihi filio eodem loco esse debes?
Sed excitabo meipsum, uel potius excitabit
me amor erga me tuus: quem cum recordor,
aliquid esse mihi uideor: idq. iudicio Tuo mul-
tum tribuens.

FVLGURA pro Fulminibus usurpat Plinius
lib. xxxv. cap. 10. nam Ceraunobolon quod ibi
appellari dicit, significat, fulmen quod iacitur;
ut Symbolum, est pecunia, quae confertur. Eadē
tria nominat lib. 11. cap. 47. quo loco Fulmina
uocat, quae lib. xxxv. Fulgura. Si in nube, in-
quit, luētur flatus, aut uapor, tonitrua edi:
si

De Fulgure , & Fulmine . 65

si erumpat ardens , fulmina : si longiore tra-
ctunitatur , fulgetra . Praeterea lib. xv. cap.
18. manifeste pro fulminibus Fulgura usurpauit.
Colitur , inquit , ficus . arbor in foro ipso , ac Co-
mitio Romae nata , sacra fulguribus ibi conditis.
Sic Varro lib. iv. C. Aelius , & Q. Lutatius scri-
bunt eum locum esse fulguratum , & ex S. C. sae-
ptum esse . idem Plinius lib. ii. cap. 54. cum lo-
quatur de fulminibus , Quaedam , inquit , ful-
gura enunciare , non putant fas . magna huius ob-
seruationis uanitas tacta Iunonis aede deprehen-
sa est Scauro cōsule noctu magis , quam interdiu ,
sine tonitribus fulgurat . unum animal homi-
nem non semper exstinguit , cetera illico . Ac-
cedit Tranquillus : qui scripsit in Augusto : To-
nanti Ioui aedem consecrauit liberatus pericu-
lo , cum expeditione Cantabrica per nocturnum
iter lecticam eius fulgur perstrinxisset , seruumq.
praelucentem exanimasset . Et in Domitiano :
Continuis octo mensibus tot fulgura facta , au-
ditaq. sunt , ut exclamauerit , Feriat iam quem
uolet . Nec uidetur Cicero aliud significasse , cum
dixit lib. ii. de leg . Diuorum iras prouidento ,
ijsq. apparento : caeliq. fulgura regionibus ratis
temperanto : urbemque , agros , & templa , li-
berata , & effata habento . Et paullo post : Ful-
gura , atque obstita pianto . Eodem illud spectat ,
quod idem Cicero posuit lib. i. de Diuin . Quae

E

est

est gens, aut quae ciuitas, quae non aut exstis pecudum, aut monstra, aut fulgura interpretantium, aut augurum, aut astrologorum praedictione moueatur? Et ibidem, infra: De fulgurum ui dubitare num possumus? non ne cum multa alia mirabilia, tum illud in primis. cum Summanus in fastigio Iouis opt. max. qui tum erat fertilis e caelo ictus esset; nec usquam eius simulacri caput inueniretur: haruspices in Tiberim id depulsum esse dixerunt: etc. Ouidius quoq. lib. 1. Fast.

-- spirare Typhoea credas,

Et rapidum Aetnaeo fulgur ab igne iaci.

Per spicue Plautus idem sensit in Trinummo: Fulgurit assunt alternae arbores: sues moriuntur. Et idem Plinius lib. XIX. cap. ult. Cum sereno caelo fulget, pluuiae erunt, & tonitrua, & hiemabit: atrocissime autem, cum ex omnibus quattuor partibus caeli fulgurabit. Nam, si vibrationem tantum luminis significasset; uerbum, Fulgurabit, omisisset breuitatis causa. Ab hac sententia, nisi fallor, non discrepat illud lib. IX. cap. 35. Si fulguret, comprimere conchas, ac pro ieiunij modo minui: si uero & tonuerit, pauidas, ac repente compressas, quae uocant phrysemata, efficere: hos esse concharum abortus. Nonius quoque Fulguritum, pro fulgure ictum, explanat: & Fulgurire, pro fulgur iacere: unde illud Naeui:

A suo

A suo sonitu claro fulguravit Iupiter .

Est etiam locus lib. 11. de Diuin. in quo Fulgurare, pro fulmen iacere, dictum est . uerba subscribam : Quid est, quod obseruatum sit in fulgure ? caelum in xvi. partes diuiserunt Etrusci . facile id quidem fuit , quattuor, quas nos habemus, duplicare, post idem iterum facere ; ut ex eo dicerent, fulmen qua ex parte uenisset . Et paullo post : In nostris commentarijs scriptum habemus : Ioue tonante, fulgurante, comitia populi habere nefas. hoc fortasse reip. caussa constitutum est : comitiorum enim non habendorum caussas esse uoluerunt : itaque comitium solum uitium est fulmen, quod idem omnibus rebus optimum auspiciū habemus, si sinistrum fuerit . Ex hoc loco Fulgur, & Fulmen idem esse, nemo, ut opinor, negabit . Neque tamen propterea mendosum esse aut in oratione, uel interrogatione potius in Vatinium, aut lib. 11. de nat. de . ubi legitur in uulgatis libris : Ioue fulgente, tonante . nam ego tria puto fuisse comitiorum uitia, fulgere, tonare fulgurare . quam capio coniecturam ex hoc ipso de Diuinatione libro : in quo scriptum uideo in extremo : Si fulserit, si tonuerit, si tactum aliquid erit de caelo . quare nec, Fulgurante Ioue, in Fulgente mutauerim ; cum iam ostenderim, Fulgur, & Fulmen idem esse, Fulmen autem comitiorum uitium : nec, fulgente,

68 De Fulgure, & Fulmine.

in fulgurante; cum &, fulgere, malum in comitijs omen existimetur. Nec moueor, quod in eodem libro uidetur Cicero fulgura distinguere a fulminibus: inquit enim sic: Placet Stoicis, eos anhelitus terrae, qui frigidi sint, cum fluere coeperint, uentos esse: cum autem se in nubem induerint, eiusq. tenuissimam quamque partem coeperint diuidere, atque disrumpere, idq. crebrius facere, & uehementius; tum & fulgura, & tonitrua exsistere: si autem nubium conflictu ardor expressus se emisserit, id esse fulmen. Aut quod scripserit Seneca lib. II. nat. quaest. Fulguratio ostendit ignem, fulminatio emittit. Aut quod Nonius; qui Fulgur ait ignem esse, qui coruscat fulmine? Ego enim fulgura a fulgetris ita distinguo, ut fulgetra sit fulgor sine fulmine, fulgura autem & cum fulmine, & interdum etiam sine fulmine: ut in duobus proxime recitatis, Ciceronis, & Senecae locis. nam fulgura, quia numquam sine fulgore sunt, eadem fulgetra, uocari possunt: quia saepe ignem, nubium conflictu expressum, emittunt, fulmina: fulgetra uero, quia tantum fulgent, fulminum significatione semper carent.

VI
De Etesijs.

AD . CAROLVM
SIGONIVM

PERPETVA Tua erga me
merita, non vulgaribus testa-
ta officijs, CAROLE . SI-
GONI, poscere videntur,
ut Patris mei erga Te bene-
volentiae, qui Te semper fra-
tris loco duxit, respondeam; Et, quantum meae
uires possint, nihil praetermittam, quod pro-
pensam uoluntatem testari possit. Tu hoc si
ita accipies, ut pro animo rem Te accepisse iudi-
ces, non Tu quidem me Tibi deuinctum maiore
uinculo adstringes, sed eximiae Tuae humanita-
ti plurimum addes.

ETESIAE qui uenti sint, quaq. anni
parte, quamq. diu, flent; deinde, quo modo gi-
gnantur; postremo, quorsum spirent, breui co-
nabor ostendere. Etesias, uentos esse a Septem-
trione excitatos, inter omnes constat. ideo di-
xit Lucretius, lib. VI.

Etesia flabra Aquilonum.
Nam poetae Aquilonem, pro Septemtrione,
E 3 accipiunt.

accipiunt . licet Aquilo , qui & Boreas idem est ,
 medius inter Septemtrionem , orientemque , sit .
 qui enim directe a Septemtrione ipso , atque ab
 Urfa , ut loquitur Aristoteles , aduersus Meri-
 diem flat , Ἀπαρκτίας a Graecis , a nostris uo-
 catur Septemtrio . Quo tempore spirare inci-
 piant , ueterum testimonio docebimus . Aristot-
 eles Meteor. lib. II . Ετησίαι , inquit , πνέουσι με-
 τὰ τροπὰς , καὶ κυνὸς ἐπιτολῶν . καὶ οὐτε τηνικαῦτα ,
 ὅτε πλησιάζει μάλιστα ὁ ἥλος ἕτε ὅτε πόρρω . καὶ τὰς
 μὲν ἡμέρας πνέουσι , τὰς δὲ νυκτὰς παύονται . Quod
 ita uertimus : Etesiae spirant post Solstitium , &
 Canis ortum , neque appropinquante admodum
 sole , neque recedente ; & interdum quidē spirant ,
 noctu autem quiescūt . Columella autem , sic , lib.
 XI . cap. 2 . II X . idus Iul . Capricornus medius
 occidit , VII . idus Iul . Cepheus uespere exori-
 tur . VI . idus Iul . prodromi flare incipiunt . Pro-
 dromos uocat Etesias , quia Caniculae ortum
 praecurrant diebus octo . Et Plinius Etesiarum
 prodromos , appellat lib. XII . cap. 28 . quorum
 in ortu Columellae assentitur , his uerbis lib. II .
 cap. 47 . Ardentissimo aestatis tempore exoritur
 Caniculae sidus , Sole primam partem Leonis in-
 grediente : qui dies decimus quintus ante Augu-
 sti kal . est . huius exortum diebus II X . ferme
 Aquilones antec edunt , quos Prodromos appel-
 lant . post biduum autem exortus , ijdem Aequi-
 lones

lones constantius perflant diebus XL, quos Etesias uocant. Idem infra: Etesiae noctu desinunt flare, & a tertia diei hora oriuntur. Cicero etiam lib. II. de nat. deor. Etesiae, quorum flatu nimij temperantur calores, a quibusq. etiam maritimi cursus celeres, & certi diriguntur. Etesijs nomen ab ἔτος, quasi anniuersarijs, quod nulli uenti, ut ait Plinius, magis statim sint, & singulis annis certo tempore reuertantur. Gignuntur dissolvente sole humorem in Septemtrionis regione collectum. de quo sic Aristoteles eodem loco: Ο μὲν Βορέας ἀπὸ τῶν ὑπὸ τὴν ἄρκτον πνεῖ τόπων, οἱ πλήρεις ὕδατος καὶ χιόνος εἰσὶ πολλοὶ: ὧν τηκομένων ὑπὸ τῆς ἡλίου μετὰ τὰς θερινὰς τροπὰς μᾶλλον ἢ ἐπ' αὐταῖς, πνέουσιν οἱ Εἰησῖαι. Id est: Spirat quidem Boreas a locis Septemtrionalibus, aqua & niue multa confertis: quibus a Sole liquefactis post aestiua Solstitia magis, quam in ipsis, Etesiae flant. Placet hic Sudaе uerba subscribere, quod ex ijs non hoc solum de origine Etesiarum, sed alia quaedam, de ijsdem uentis, non indigna litteris, & memoria, cognoscuntur. Εἰησῖαι οἱ ἄνεμοι οἱ κατ' ἔτος πνέοντες πνέουσι δὲ ἐν ἀκμῇ τοῦ θέρους. Διότι ὁ ἥλιος μεθεωρότερος, καὶ ἀπὸ τῶν μεσημβρινῶν τόπων ἀρκτικώτερος γεγόμενος, λύει τὰ ὑγρά τὰ ἐν τοῖς ἄρκτοις· λυόμενα δὲ ταῦτα, ἐξαίρεται, καὶ πνευματίζεται: καὶ ἐκ τούτων γίνονται οἱ Εἰησῖαι: καὶ ἀπὸ τῶν ἀρκτῶν τό-

πω φέρονται ἐπὶ τοὺς μεσιμβρινούς. ἄσπρος πίπτει
 τοῖς ὑψηλοτέροις ὕρεσι τῆς Αἰθιοπίας καὶ πολλὰ, καὶ
 ἀθρόα γιγνόμενα, ἀπεργάζονται ὕετους. καὶ ἐκ τῶν
 ὕετῶν τοῦ τῶν πληθορεῖται ὁ Νεῖλος τοῦ Δέρους, ἀπὸ
 τῶν μεσιμβρινῶν, καὶ ξηρῶν τόπων ῥέων. Id est: Ete-
 siae spirant aestate maxima: propterea quod Sol
 altius adscendens, & a meridianis locis ad Se-
 ptemtrionem propius accedens, humores, qui
 sunt in eo tractu, dissolvit. quibus in aerem spi-
 ritumq. conuersis, Etesiae gignuntur: & a Se-
 ptemtrione ad meridianam plagam delatae, cum
 in altiores Aethiopiae montes inciderint, in u-
 num coactae pluuias efficiunt: quibus exūdat Ni-
 lus, aestate a meridianis aridisq. locis defluens,
 Quod autem hic Sudas de Nili incremento nar-
 rat, id ab alijs quoque creditum, Plinius indi-
 cat, ubi de Nili ortu sententias diuersas comme-
 morat, lib. v. cap. 9. Causas, inquit, incre-
 menti Nili uarias prodidere, sed maxime proba-
 biles; Etesiarum eo tempore ex aduerso flantium
 percussum; ultro in ora actō mari; aut imbres
 Aethiopiae aestiuos, ijsdem Etesijs nubilla illo
 ferentibus e reliquo orbe. Et Ammianus, lib.
 xxii. Opinio celebrior est, quod, spirantibus
 prodromis, perq. dies xlv. Etesiarum continuis
 flatibus repellentibus, eius meatus, uelocitate
 cohibita, superfluis fluctibus intumescunt, &
 reluctante spiritu controuerso adolescens in ma-
 ius,

ius , hinc ui reuerberante uentorum , inde urgen-
 te cursum uenarum perennium , progrediens in
 sublime tegit omnia . Quas autem de Nili in-
 cremento opiniones & Ammianus , & Plinius ,
 & Sudas , in suos libros retulerunt , eas uiden-
 tur accepisse a Callisthene , & Democrito , quo-
 rum ipsi nomina omiserunt . Verba eorum reci-
 tare , si hoc esset instituti nostri . non enim hic
 de Nili incremento , sed de Etesiarum generatio-
 ne , agimus . Qua parte iam absoluta , eorum
 cursum ostendamus . Feruntur a Septemtrione
 in occidentem , inde in orientem . quod auctor gra-
 uissimus Aristoteles eodem libro , infra docet his
 uerbis : Οἱ Ετησίαι περίσσανται τοῖς μὲν περὶ δυ-
 σμᾶς οἱ κοῦσιν , ἐκ τῶν ἀπαρκτίων εἰς θρασκίας ,
 ἀργέσας καὶ ζεφύρους : ἀρχόμενοι μὲν ἀπὸ τῆς ἀρ-
 κτου , τελευτῶντες δὲ εἰς τοὺς πόρρω ; τοῖς δὲ
 πρὸς ἑω , περίσσανται μέχρι τοῦ Αἰθιοπικοῦ .
 Latine sic : Etesiae ijs quaedam , qui ad occiden-
 tem habitant , e Septemtrionibus in Thrascias ,
 Argestas , & Zephyros commutantur ; initio fa-
 cto ab Ursa , sine in ijs , qui longinqua loca inco-
 lunt : ijs uero , quibus ad orientem sedes est , us-
 que ad eum uentum , qui Apeliota dicitur . Sen-
 tentiam Aristotelis comprobant uerba Cicero-
 nis epist. 15 . lib. 11 . ad Coelium . Ego , inquit ,
 nisi quid me Etesiae morabuntur , celeriter , ut
 spero , uos uidebo . Nam e Cilicia Italiam uer-
 sus ,

*sus, hoc est ab orientis partibus ad occasum, nauigaturus, ne impediretur Etesiis, timebat, non a Septemtrione, idest dextro latere, incurrentibus, sed ab occasu, idest a fronte, reflantibus; cum ab occidente ad ortum referuntur. Quod etiam clarius demonstrat in epistola 7. lib. VI. ad Att. Rhodum, inquit, uolo, puerorum causa: inde quamprimum Athenas: etsi Etesiae ualde reflant. Nam, Reflant, impedimentum a fronte significat. Et ibidem epistola 8. Nos Etesiae uehementissimae tardarunt. In epist. quoque ad Cornificium, flare ab Occidente Etesias Orientem uersus, Et eos prosequi solere, qui ex Italia Graeciam peterent, ostendit his uerbis: In Graeciam desperata libertate rapiebar, cum me Etesiae, quasi boni ciues, relinquentem remprosequi noluerunt: Austerq. aduersus maximo flatu me ad tribules tuos Rhodium retulit. Prosequi noluerunt, inquit, qui prosequi alios eo anni tempore solerent. Etesiarum dies uocat in epist. ad M. Brutum, in qua sunt haec, eadem de re: In medio Achaico cursu cum Etesiarum diebus Auster me in Italiam retulisset, te uidi Veliae. Ad Marcellum cum scriberet lib. XV. Ego, inquit, si me nauigatio non morabitur, quae incurrebat in ipsos Etesias, propediem te, ut spero, uidebo. Tacitus quoque lib. XII. Flatus, inquit, in Orientem nauigantibus secundus, inde aduersus erat. Idem colligitur ex
 Cae-*

Caesare lib. 111. de bel. ci. Quae cū ita sint, non uideo, quae Plinium adduxerit ratio, ut illa scriberet, naturalis historiae lib. 11. In Hispania, & Asia, ab oriēte flatus est eorū, in Ponto ab Aquilone, reliquis in partibus a meridie. Non modo enim ab oriente Etesiae non spirant Hispaniam & Asiam uersus, uerum contra ab occidente in orientem. Quod ex Aristotelis sententia, qui mihi instar omnium est, atque etiam e Ciceronis locis, uidemur ostendisse. A meridie uero nunquam omnino Etesiae flant: contra quam hic Plinius sensit. Tertium, illud, flare Etesias in Ponto ab Aquilone, potest esse uerum; hoc modo, ut aliquam Etesiarum aurae incolae Ponti, non tamen uehementem spiritum, sentiant: cum, Etesias a Septemtrione recta occidentem petere, ex Aristotele probatum sit. Verum & Plinius ueterum quorundam auctoritatem secutus uidetur; & eosdem, opinor, Gellius, cum dixit lib. 11. cap. 22. Etesias ex alia, atque alia parte caeli spirare: qui tamen in ea se nutare sententia demonstrauit, quia subiunxit haec: Quod supra dixi, ΕΤΗΣΙΑΣ ex alia & alia parte caeli flare; haud scio, an, secutus opinionem multorum, temere dixerim. In hac opinionum uarietate, quid probem, obscurum est: Aristotelis tamen unius auctoritate uehementer moueor.

VII
De Drachmis .

AD . IO . VINCENTIVM
P I N E L L V M

VELLE M, quo erga Te sim
animo, ita dignoscere posses,
ut ea, quae oculis cernuntur.
perspiceres certe eximiam vo-
luntatem erga Te meam . nec
vulgariter me sentire de Tuis
virtutibus uideres : Te, tuaq. studia extollere :
& in Te amando nemini cedere . &, quamquam
uirium imbecillitate non is sim, qui tua merita
pro dignitate enumerare possim; amore tamen, ui-
deor posse, aliquid atque adeo multum apud Te
gratiae mihi conciliare .

DRACHMARVM Atticarum duo gene-
ra fuisse: unum ante Solonem, alterum a Solone
inductum; utrumq. XCVI . drachmarum in li-
bra, sed pondere diuersum : quia Solonis drach-
mae leniores antiquis quarta parte ipsarum anti-
quarum fuerunt : ut XCVI . Solonis drachmae
non plus ponderis haberent, quam LXXII . su-
periores . Quod ex Plut. etiam intelligitur. quā-
quam loquitur perplexe . ait enim centum drach-
marum

marum a Solone minam esse factam, cum antea LXIII. fuisset. quod si ita sentit, ut uerba uidentur ostendere: forsitan errauit. numquam enim uariatus est in Mina drachmar. numerus, sed mutatum in Drachmis pondus, cum centenae semper in Mina fuerint. Hoc igitur aut significauit Plutarchus, aut significare debuit, centum drachmas, a Solone percussas, non plus habuisse ponderis, quam septuagintaquinque superiores. quod idem erat, si dixisset, e drachmarum septuagintaquinque ueterum pondere nouas centum a Solone factas. Sed, cum ante Solonem Minam dixit fuisse drachmarum septuaginta trium; aberrasse mihi uidetur a uero. conuenit enim inter omnes, numquam apud Athenienses, ac ne apud alias quidem gentes, drachmas in Mina fuisse pauciores centum. Etiam illud operae pretium est, animaduerti; cum dicimus, in Mina drachmas centum fuisse, drachmas quidem centum numero significari, sed pondere tantum nonagintasex; cum in eo pondere centum ferirentur, quattuor centesimas lucrante officina. ita septuaginta duae pondere numero erunt septuagintaquinque; & quadraginta octo, quinquaginta; & triginta quattuor, uiginti quinque: cum drachmam unam in uiginti quinque officina lucretur; quae sunt duae, in quinquaginta; & tres in septuagintaquinque, & quattuor, in centum: quas modo centesimas quattuor appellauimus.

De

De hoc posteriore Drachmarum genere, a Solone inducto, loquitur *Liuius*, lib. xxxiv. cum ait, in tetradrachmo denarios fere tres inesse. Ex quo fit, ut, cum in Mina sint tetradrachma uiginti quinque numero, pondere autem uiginti quattuor, idest drachmae centum numero, ponderi autem nonaginta sex, in eadem Mina sint denarij ter uiginti quinque numero, pondere autem uiginti quattuor; idest septuaginta quinque numero, pondere septuaginta duo. Nec uero, quia *Liuius* addidit, Fere, propterea quisquam dubitet. nam, cum monetae pondus paullulum nonnumquam & apud Graecos, et apud Romanos imminui non ignoraret, ideo ueritus, ne quando drachma, & denarius, officinarum fraude, non aequarentur, de incerta re sibi plane affirmandum non putauit. Cum igitur & denarius, & antiqua drachma aequae superarent Soloninam drachmā quarta utriusque parte, tertia uero Soloninae; patet, eiusdem esse ponderis denarium, & antiquam drachmam, & ex eo sequi, ut septem antiquae drachmae in uncia Romana feriantur, aequae ac denarij; in uncia uero Attica denarij octo, aequae ac drachmae. Sed, quoniam Solon, cum drachmae pondus minuit, id maxime secutus est, ut debitores onere leuaret aeris alieni; propterea drachmae pondus in moneta dumtaxat imminutum, in medicinis uidetur idem remansisse, ut a denarij pondere

dere nihil differret . ideo scripsit Plinius , lib.
xxi . cap . ultimo . Drachma Attica denarij ar-
gentei habet pondus . fere enim Attica observa-
tione Medici utuntur . Quamquam , non modo
Plinij aetate , sed multis ante annis , uideo drach-
mae pondus in moneta fuisse idem , quod ante So-
lonem fuerat , idest , idem cum denarij pondere .
quod intelligere , facile est ; cum & Varro apud
Plinium ; & Festus , & Pollux , Talentum ae-
stiment sex millibus denarium . qua aestimatio-
ne , Denarium , Drachmae respondere , perspi-
cuum est . Ut igitur Drachma , sic Mina , & Ta-
lentum , mutatum est . Minam uero , uel anti-
quam , uel a Solone inductam , ne quis putet librae
Romanae aequalem pondere fuisse . nam antiqua
gravior fuit , quam libra , Solonina uero latior .
Probemus utrumque . In Solonis Mina dena-
rios tantum fuisse L X I I , cum de tetradrach-
mo ageremus , ostendimus . at in libra Romana de-
narios x x c i v . Plinius , & Celsus , ponunt .
sunt igitur in libra Romana duodecim denarij
plures , quam in Mina Solonina . quod idem est ,
ac si dicas : Libra superat pondere Minam So-
loninam septima sui parte ; sexta Soloninae .
In drachma uero antiqua si tantundem est pon-
deris , quantum in denario : quod iam probatum
est : sequitur , ut , quemadmodum drachmae sunt
in Mina x c v i , item Denarij totidem sint , id-
est duodecim plures , quam in libra . ita fit , ut
libra

libra pondere superetur a Mina antiqua, septima sui parte, octava uero Minae. Verisimile autem est, libram Romanam respondere pondere Minae Euboicae: quia Africanus maior, cum Antiocho imponeret leges tributi, praescripsit Talenta Euboica: quasi nihil Euboica Mina differret a libra Romana. Concludimus igitur sic: Octo drachmae antiquae Atticae aequales pondere sunt octo denarijs; octo Soloninae, sex denarijs; octo Euboicae, septem denarijs.

Nunc, ut nihil omittatur, quod ad Drachmarum cognitionem pertineat, omnes omnium gentium Drachmas, adscripto cuiusque ualore, nominabimus.

I. Drachma Attica, ante Solonem, cuius usum a Solone sublatum, postea tamen restitutum diximus, eiusdem fuit cum denario ponderis; & pendit Venetos trientes, qui sunt Marculorum tertiae partes,	48.
II. Drachma Solonis,	36.
III. Euboica, Romanae unciae octava pars,	42.
IV. Babylonica,	49.
V. Corinthiaca,	50.
VI. Aegyptia,	56.
VII. Aeginetica, & Hebraica, ciuitis,	60.
IIIX. Hebraica sacra,	120.
IX. Syriaca.	144.

IIX
De Sestertijs .

AD · IO · CRATONEM
A · CRAFFTHEIM



NIHIL magis ex animi mei
sententia potest accidere,
IO · CRATO, quam cū,
Tuis meritis aliqua saltem
ex parte respondendi, ali-
quam rationem in eo . uereor
enim aliquando, ne me, quod in referenda gra-
tia minime respondeam, in habendo quoque im-
parem iudices . quod praecipue uitandum mihi
statui: et, ut id affirmāti credas, summopere peto.
Quae sint Tua erga nos merita, sentio. quid de-
beam, agnosco. debitum fateor. de solutione
cogito. & forsā animo respondebunt uires.
Sed, quid ago? Tu, animo contentus, am-
plius a me non requiris. &, quae Tua est huma-
nitas, maioribus me officijs in dies onerare non
desinis .

ANIMADVERTI, permultas in anti-
quorum libris reperiri Sestertiorum summas,
quae non facile ad eius pecuniae, qua nunc uti-
mur, rationem transducantur . Nec enim omnes

in hoc scientiae genere uersantur; & , qui uersantur, non omnes tamen recte subducunt; & , qui recte, ijs tamen saepe non placet; alienaque, si licet, industria frui malunt. quare dedi operam, ut explanarem omnia, quaecumque cogitandi & subducendi molestiam afferre poterant, ab exigua summa principio sumpto, ad immensam narrationem perducta.

Quattrino, quadrans, qui erat quarta pars assis,
nummus aereus, Teruncius, argenteus.

Marchetto, quadrantes tres.

Baiocco, quadrantes quattuor.

Grossetto, quadrantes duodecim, id est, asses tres, quibus aestimabatur argenteus nummus Sestertius: qui post secundum Punicum bellum tribus assibus, id est, duodecim quadrantibus, permutatus est: cum antea decem tantum quadrantibus, id est, duobus assibus, & semisse tertio. Placuit autem ueteribus in ratione pecuniaria sestertios potius, quam alios nummos, nominare; ut nulla esset tanta pecunia, quam non, multiplicatis sestertijs, exponerent. Et, quoniam, ut illi sestertios, sic nos scutatos in qualibet summa nominamus: subscribemus, quot sestertij scutatum unum conficiant. Quo posito, satis constabit, quo modo sestertiorum summae, in antiquorum libris inuentae, per scutatos, quibus utimur, possint explicari. Sed,
uitandae

uitandae satietatis causa , per quosdam quasi
gradus denarij numeri , omissis leuioribus sum-
mis , propemodum innumerabilibus , eo usque
procedemus , ut , quantum auri in uniuerso ter-
rarum orbe uix reperitur , per hanc , ut ita di-
cam , sestertiariam rationem comprehendamus .
Ac primum de scutato uno , qui conficitur se-
stertijs tricenis ternis & asse . In quo illud
animaduertendum , de eo scutato sermonem ef-
se , qui permutabatur denis Iulijs Romanis ,
quorum erat idem argenti pondus , quod in ho-
diernis undecim ; & permutabantur singuli qua-
dragenis quadrantibus , id est , sestertijs trice-
nis ternis , & asse : qui erant omnino in decem
Iulijs , sestertij triceni terni cum asse . Quam
summam per scutatum unum interpretabimur .

HS XXXIII . cum asse Scudo uno .

HS 50 trenta .

HS decem millia trecento .

HS centum millia tre mila .

Decies cētena millia HS,
 uel , Decies, (utroque
 enim modo dicitur) trenta mila .

Vicies (& hic , & in se-
 quētibz omnibus, ad
 extremum usque, sub-
 auditur, centena mil-
 lia)

sessanta mila .

Tricies

nonanta mila .

Quadrages

cento uenti mila .

Quinquages

cento cinquanta mila .

Sexages

cento ottanta mila .

Septuages

dugento dieci mila .

Octogies

dugento quaranta mila .

Nonagies

dugento settanta mila .

Centies

trecento mila .

Ducenties

seicento mila .

Trecenties

nouecento mila .

Quadringenties

un milione, e dugento mila .

Quingenties

un milione, e cinquecento mila .

Sexcenties

un milione, e ottocento mila .

Septingenties

due milliona, e cento mila .

Octingenties

due milliona, e quattrocēto mila .

Nongenties

due milliona, e settecento mila .

Millies

ies	tre milliona .
ies decies	tre milliona , e trenta mila .
ies uicies	tre milliona , e sessanta mila .
ies tricies	tre milliona , e nouanta mila .
ies quadragies	tre milliona , e cento uenti mila .
ies quinquagies	tre milliona , e cēto cinquāta mila .
ies sexagies	tre milliona , e cento ottāta mila .
ies septuagies	tre milliona , e dugēto dieci mila .
ies octogies	tre milliona , e dugēto quarāta mila .
ies nonagies	tre milliona , e dugento settāta mila .
ies centies	tre milliona , e trecento mila .
ies ducenties	tre milliona , e seicento mila .
ies trecenties	tre milliona , e nouecento mila .
ies quadringenties	quattro milliona , e dugento mila .
ies quingenties	quattro milliona , e cinquecēto mila .
ies sexcenties	quattro milliona , e ottocento mila .
ies septingenties	cinque milliona , e cento mila .
ies octingenties	cinque milliona , e quattro cēto mila .
ies nongenties	cinque milliona , e sette cento mila .
s millies	sei milliona .
s millies centies	sei milliona , e trecento mila .
s millies ducenties	sei milliona , e seicento mila .
s millies trecenties	sei milliona , e nouecento mila .
s millies quadringēties	sette milliona , e dugento mila .
s millies quingenties	sette milliona , e cinquecento mila .
s millies sexcenties	sette milliona , e ottocento mila .
s millies septingenties	otto milliona , e cento mila .
s millies octingenties	otto milliona , e quattrocento mila .
s millies nongenties	otto milliona , e settecento mila .

<i>Ter millies</i>	<i>noue milliona .</i>
<i>Quatter millies</i>	<i>dodici milliona .</i>
<i>Quinquies millies</i>	<i>quindici milliona .</i>
<i>Sexies millies</i>	<i>diciotto milliona .</i>
<i>Septies millies</i>	<i>uent' un milliona .</i>
<i>Octies millies</i>	<i>uentiquattro milliona .</i>
<i>Nonies millies</i>	<i>uentisette milliona .</i>
<i>Decies millies</i>	<i>trenta milliona .</i>
<i>Vicies millies</i>	<i>sessanta milliona .</i>
<i>Tricies millies</i>	<i>nouanta milliona .</i>
<i>Quadrages millies</i>	<i>cento uenti milliona .</i>
<i>Quinquages millies</i>	<i>cento cinquanta milliona .</i>
<i>Sexages millies</i>	<i>cento ottanta milliona .</i>
<i>Septuages millies</i>	<i>dugento dieci milliona .</i>
<i>Octoges millies</i>	<i>dugento quaranta milliona .</i>
<i>Nonages millies</i>	<i>dugento settanta milliona .</i>
<i>Centies millies</i>	<i>trecento milliona .</i>
<i>Ducenties millies</i>	<i>seicento milliona .</i>
<i>Trecenties millies</i>	<i>nouecento milliona .</i>
<i>Quadringenties millies</i>	<i>mille, e dugento milliona .</i>
<i>Quingenties millies</i>	<i>mille, e cinquecento milliona .</i>
<i>Sexcenties millies</i>	<i>mille, e otto cento milliona .</i>
<i>Septingenties millies</i>	<i>due mila, e cento milliona .</i>
<i>Octingenties millies</i>	<i>due mila, e quattrocento milliona .</i>
<i>Nongenties millies</i>	<i>due mila, e settecento milliona .</i>
<i>Millies millies</i>	<i>tre mila milliona .</i>
<i>Decies millies millies</i>	<i>trenta mila milliona .</i>
<i>Centies millies millies</i>	<i>trecento mila milliona .</i>

IX

De Artibus Liberalibus.

A D . I V L I V M
I A C O B O N I V M



X . EO die, quo primum Te
uidi, I V L I . I A C O B O N I ,
amare Te coepi amore quodā
incredibili . ad quem cum nihil
accessionis fieri posse uideretur ,
accessio tamen ea facta est, quae, uel me iudice, non solum aliorum,
uerum etiam mei ipsius, opinionem uicerit . non
enim, ut in alijs amicitijs usu uenit, quae, anti-
quitatem cum sapiunt, refrigescunt, ego minus
Te amare coepi: sed, cum quotidie magis ad eam
Te perfectionem accedere cognoscerem, quā asse-
quitur fere nemo, attingunt quidem pauci, cre-
uit amor meus singulis diebus cum Tua uirtute:
nec umquam crescendi finem faciet, donec Tu in
uirtute, idest in Teipso, perstabis . Quo fit, ut
non minorem mihi molestiam semper afferat ab-
sentia Tua, quam aliquando uoluptatem sentio
ex recordatione Tuae uirtutis . Fac igitur, si
quid me amas, quod multum esse, ex eo, quod
Te multum ipse amo, facile coniugio, ut, ad nos
saepe scribendo, Tui desiderium aliquantisper
lenias .

lenias. Id ego uehementer opto: & ut sperem, Tua summa facit humanitas: quae cū rogari non patiatur, nec Tu is sis, de cuius animo dubitare amplius possim, non uereor, quin, nobis, qui Tui maiori ex parte sumus, laetitiam hanc sis allaturus. Quod si pro litteris Te ipsum habere-mus, digito caelum, ut in prouerbio.

ARTIVM, doctrinarumq. liberalium duo genera diuersis temporibus Romae floruerunt, unum laboris, & abstinentiae, remotum a luxu, atque libidine, cum ipsa urbe natum, & si-mul cum eadem auctum, quod integrum fere man-sit usque ad finem tertij Punici belli, uel certe us-que ad illud tempus, quo Antiochus, Asiae rex, acie uictus, ultra montem Taurum regnare in-sus est; alterum peregrinum, e Graecia, & Asia post bella Punica importatum, otij totum, & de-sidia, quod opum in primis abundantia, & per-petuis rerum secundarum euentus excitauit. Et, ut ordiamur a priore; ueteres Romani non iisdem, quibus Graeci, scientijs, atque artibus delectabantur. nam Graeci & studiose colebant, & liberales uocabant, grammaticam, rhetori-cam, dialecticam, poeticam, geometriam, mu-sicam, omnemq. plane litterarum cognitionem, picturam etiam, medicinam, palaestram. Ro-mani contra nullum his artibus, ac studijs hono-rem,

rem, per multa saecula, tribuerunt: rebusque potius, quam uerbis, aut uoluptatibus, dediti, operam omnem, atque industriam, in augenda re domestica, publica recte administranda, tuendis, aut propagandis imperij terminis, collocarunt. artes, quae a litteris petuntur, ut poeticam, rhetoricam, medicinam; quaeque oculorum iucunditati seruiunt, ut picturam, statuariam, figlinam; quaeque animos etiam oblectant, ut musicam, histrionicam, has omnes uel serui, uel peregrini colebant. populi Romani artes erant, domesticam rem uigilanter, parce, frugaliter; publicam grauiter, iuste, sapienter administrare. Domestica diuiditur in duo genera. nam & bonum agricolam, ut quaeratur, desiderat; & bonum patrem familias, ut conseruetur. Publica res duplicem curam & ipsa desiderat, urbanam, & externam. rursus urbana triplex est, externa duplex. nam, in urbe cum senatores, iudices, magistratus requirantur; diuersa tamen singulorum officia sunt. extra urbem, siue tuendi fines imperij, siue propagandi sint, forti milite, & perito imperatore opus est. Ergo, ut haec summatim colligantur, liberales ueteribus Romanis artes fuisse septem, duae priuatae, quinque publicae: priuatae, agricultura, & domestica frugalitas: publicae, si urbanae, tres, in senatoris, iudicis, magistratus officio

fitio sitae; si extra urbem, duae, fortitudo militis, peritia imperatoris. nam iuris prudentia, cuius antiquissimum studium fuit, separatim locum non habet, sed ad iudicis magistratus munusq. pertinet. Quid artes ludicrae, quae-
ret aliquis, liberales, an serviles? Quae uoluptatis tantum gratia repertae, serviles, ut musica, histrionica, de quibus diximus: quae corpori vires addunt, liberales, ut luctatio, pugilatio, cursus, discus, iaculum. quae tamen artes non tam propter ipsas, quam quia militiae seruirent, quandoquidem ijs roboratur corpus, liberales uocandae. liberi enim homines, non serui, militabant. quamquam bello Punico secundo, aduersis proelijs exhausta ciuitate, serui quoque, empti publice, in militiam profecti sunt. Ludicrae igitur artes aliae serviles, aliae liberales: & quae liberales, ad militiam aggregantur. itaque constat, iam praefinitus a nobis, artium liberalium numerus septenarius. Hoc disciplinae genere, dum omnis fere litterarum oblectatio, omnis Graecarum artium elegantia, quasi malarum uoluptatum illecebra, contemnitur, a tenui primordio ad opes maximas Respublica Romana peruenit. Contra Graeci, earum siue artium, siue scientiarum, quas liberales appellabant, cupiditate, & studio ducti, a bellica illa uirtute, qua saepe barbararum nationum copias

*pias innumerabiles fuderant, paulatim ad otium,
mollitiemq. deflexerunt. quod multarum calamita-
tatum, ac miserrimae demum seruitutis ini-
tium, & origo, fuit. Hinc Horatius ep. 1. lib. 2.*

*Vt primum, positis, nugari Graecia, bellis,
Coepit, & in uitium fortuna labier aequa :
Nunc athletarum studijs, nunc arsit equorum :
Marmoris, aut eboris fabros, aut aeris amauit :
Suspendit picta uultum, mentemq. tabella :
Nunc tibicinibus, nunc est gauisa tragoedis.
Hoc paces habuere bonae, uentiq. secundi .*

*Eaedem igitur artes in urbem Romam, post deui-
ctam maxime Asiam, inuectae, ueterem illam
seueritatem, & salutarem industriam facile mu-
tarunt. ex quo, quasi orta simul cum Graecis do-
ctrinis in ciuitate discordia, bellorum ciuiliū,
quibus labefactata Resp. concidit, exitiosa prin-
cipia manarunt. id M. Cato ille Senior, ut Pli-
nius lib. xxix. cap. 1. docet, multo ante diuina
quadam coniectura prospiciens, de Graecis ita
scripsit ad filium : Hoc puta uatem dixisse: Quan-
documque ista gens litteras dabit, omnia cor-
rumpet ; multo etiam magis, cum medicos mit-
tet . Aperte autem Horatius in eadem epistola:*

*Graecia uicta ferum uictorem cepit, & artes
Intulit agresti Latio .*

*Id quo tempore factum sit, idem indicat in eo-
dem loco :*

Serus

Serus enim Graecis admouit cacumina chartis,
Et post Punica bella quietus quaerere coepit,
Quid Sophocles, & Thespis, & Aeschylus
utile ferre t.

Tentaui quoque, rem si digne uertere posset.
Egregie autem Sallustius in Catilina: Vbi labore, atque iustitia Resp. creuit; Reges magni bello domiti; nationes ferae, & populi ingentes ui subacti, Carthago, aemula imperij Romani, ab stirpe interijt; cuncta maria, terraeq. patebant: saeuire fortuna, ac miscere omnia, coepit. qui labores, pericula, dubias, atque asperas res facile tolerauerant, ijs otium, diuitiae, optandae alijs, oneri, miseriaeq. fuere. igitur primo pecuniae, deinde imperij, cupido creuit. ea quasi materies omnium malorum fuere. namque auaritia fidem, probitatem, ceterasq. artes bonas, subuertit; pro his superbiam, crudelitatem, deos negligere, omnia uenalia habere, edocuit: ambitio multos mortales falsos fieri subegit; aliud clausum in pectore, aliud promptum in lingua habere; amicitias, inimicitiasque, non ex re, sed ex commodo, aestimare; magisq. uultum, quam ingenium, bonum habere. haec primo paullatim crescere, interdum uindicari. post, ubi contagio, quasi pestilentia, inuasit; ciuitas immutata; imperium ex iustissimo, atque optimo, crudele, intolerandumq. factum. Et in
Iugurtha:

*Iugurtha : Ante Carthaginem deletam populus
& senatus R. placide , modesteq. inter se Remp.
tractabant : neque gloriae , neque dominationis
certamen inter ciues erat : metus hostilis in bo-
nis artibus ciuitatem retinebat. sed , ubi illa for-
mido mentibus decessit ; scilicet ea , quae secun-
dae res amant , lasciuia , atque superbia incesse-
re . ita , quod in aduersis rebus optauerant , otium
postquam adepti sunt , asperius , acerbiusq. fuit.
namque coepere nobilitas dignitatem in super-
biam , plebes libertatem in libidinem uertere : si
bi quisque ducere , trahere , rapere . ita omnia in
duas partes abstracta sunt : Resp. quae media fue-
rat , dilacerata . Idem lib. I. historiarum apud
D. Aug. de Ciu. Dei lib. II. cap. 18. At discor-
dia , & auaritia , atque ambitio , & cetera se-
cundis rebus oriri sueta mala , post Carthaginis
excidium maxime aucta sunt . Paterculus quo-
que , historiae suae lib. II. Potentiae Romano-
rum , inquit , prior Scipio uiam aperuerat , lu-
xuriae posterior aperuit . quippe , remoto Car-
thaginis metu , sublataq. imperij aemula , non
gradu , sed praecipiti cursu , a uirtute descitum ,
ad uitia transcursum ; uetus disciplina deserta ,
noua indueta ; in somnum a uigilijs , ab armis ad
uoluptates , a negotijs in otium conuersa ciuitas .
tum Scipio Nasica in Capitolio porticus , tum ,
quas praediximus , Metellus , tum in Circo Cn.*

Octanius

Octavius multo amoenissimam moliti sunt : publicamq. magnificentiam secuta priuatim luxuria est . Florus quoque, lib. I V. Dum Poenorum, inquit , hostium imminens metus disciplinam ueterem continebat . Illud animaduersione dignum duximus , quod a Plinio lib. XXIX. cap. I. traditum est , Medicinam usque ad ipsius aetatem inter ceteras Graecas artes Romanos discere noluisse . Solam , ait , hanc artium Graecarum nondum exercet Romana grauitas in tanto fructu, paucissimi Quiritium attigere, & ipsi statim ad Graecos transfugae . Nec uero picturam , ut idem Plinius lib. XXXV. cap. 10. demonstrat , coluere multi . unus omnino , qui floruit Reip. temporibus , Arellius ab eo nominatur : post Augustum qui floruerint, tres, Amulius , Cornelius, Attius . At reliquae Graecorum artes , praesertim eae , quae litteris cognoscuntur , post Punica bella Romae a liberis hominibus exerceri coeptae , plus quotidie dignitatis adeptae sunt .

X

De Sacro, Sacrosancto, Sancto,
& Religioso.

AD · IO · MARIAM
IOVIVM



QUID de Te sentiam, IOVI,
quid humanitati Tuae tri-
buā, & ego optime noui, &
auriti mihi testes plurimi esse
possunt. In quo mihi ipsi sa-
tisfacio, qui ea de Te prae-
dicem, quae Te humanitate in primis praesla-
re faciunt. quod etsi exsilter admodum pro
meritis tuis faciam, uideo tamen ea eloquen-
tiam ullam non requirere, quae per se illustra-
cum sint, omnibus nota sunt, nec alicuius com-
mendatione egent. Tuum me scito esse, Tuaeque
dignitatis ita semper studiosum futurum, ac si
res mea ageretur.

SACRVM, Sacrosanctum, Sanctum, & Re-
ligiosum, differunt inter se. Sacrum est, alicui deo
dicatum, non a priuatis, sed publico ciuitatis
instituto. itaque locus, ubi sacra priuata fierent,
sacrum non uideri Festus ait; cum ea tamen uo-
centur

96 De Sacro, Sacrosancto,

centur sacra, quae in eo loco fiunt. sacra uero dicitur aedes, ara; sacer lucus, mons; sacrum saxum, signum: quorum ad consecrationem ciuitas consensit. Sacrum definiebat Trebatius lib. x. Religionum, quidquid est, quod deorum habetur: ut Macrobius lib. i i i. Sat. auctor est. quod Festus quoque, Aelij Galli testimonio, sensit. Sacrosanctum, inquit idem Festus, dicitur, quod iureiurando interposito est institutum, si quis id uiolasset, ut morte poenas penderet. cuius generis sunt tribuni pl. aedilesq. eiusdem ordinis. Cicero autem in oratione pro Balbo non mutat, sed auget Festi definitionem: ait enim: Sacrosanctum nihil est, nisi quod per populum, plebem ue sancitum est. in quo non dissentit a Festo. si quidem nihil per populum, plebem ue sine iureiurando sanciebatur. Et Sacrosancta tam inanimata sunt, quam animata: itaque sacrosanctas possessiones uocauit Cicero in orat. 2. in Catilinam: Et Sacrosanctum foedus, pro Balbo: Sacrosanctos autem tribunos pl. Liuius, & alij. At sacra tantum arbitror inanimata esse. nam Vestae sacerdotem sacram non dixerim, sed sacrosanctam, ut sanctione populi Vestae dicatam. nec sacer quisquam uocabatur, auctoribus Festo, & Macrobio, nisi quem impune liceret occidere. unde Horatius Sat. 6. lib. ii. Intestabilis, & sacer esto.

Praeterea,

Praeterea, Sacrosanctū est, quod si uiolatur, homines legibus uindiciant: Sacrum autē, quo uiolato, nō ab hominibus, sed a dijs poena impēdet. Item, Sacrosanctum non uiolatur, si attingitur, sed si uis affertur: Sacrum autem, si attingitur a profanis, uiolatum creditur. Sanctum a Sacro, & Sacrosancto in hoc differt, quod omnia sacra, & omnia sacrosancta, dicuntur sancta; non item omnia sancta, sacra, & sacrosancta. nam sacrae aedes templa sunt; & sanctissimum templum Cicero dixit pro Sextio. Sacrosancti tribuni, & ijdem Sancti, ut eos idem Cicero lib. III. de leg. appellat: qui & sanctissimum magistratum uocauit tribunatum pl. in oratione pro Sextio. Sancti uero dii, nec ijdem sacri, aut sacrosancti. proprie enim diuina sancta sunt: humana uero sacra, & sacrosancta. homines autem non uere, sed similitudine bonitatis & sancti, & diuini interdum uocantur. idem sensisse uidetur Macrobius lib. Sat. 3. cum ait: Sanctum est, ut Trebatius refert lib. x. Religionum, interdum idem, quod sacrum, idemq. quod religiosum; interdum aliud, hoc est nec sacrum, nec religiosum: ut Virgilius: Sancta ad uos anima, atque istius inscia culpae Descendam. Non enim sacro, aut religioso eius anima tenebatur, quam sanctam, hoc est incorruptam, uoluit ostendere: ut in illo quoque: Tuq. o sanctissima coniux Felix morte tua.

98 De Sacro, Sacrosancto,

in quo castitatis honorem incorruptae uxoris amplexus est. unde et sanctae leges, quae non debent poenae sanctione corrumpi. Sanctum autem, pro sacro, & religioso, posuit idem Virgilius:

Nos pauidi trepidare metu, crinēq. flagrātem
Excutere, et sãctos restinguere fontibus ignes.
hic enim sanctos, ac si sacros, accipiemus; quia diuinitus contigerunt. Item: Tuq. o sanctissima uates, Praescia uenturi. non aliud, nisi sacram, uocat, quam uidebat & uatem, & deo plenam, & sacerdotem. Haec postrema Macrobij uerba, Sanctum interdum idem esse, quod Sacrum, ostendunt: nec tamen ideo sequitur, ut, qui sanctus, & idem sacer uocetur. nam sanctus, ut dixi iam, appellatur, qui similitudinem aliquam, & speciem gerit diuinae naturae: & quomodo deus uocatur sanctus, non sacer; ita, si quis homo sanctus, non idem uocabitur sacer: nec nisi in malam partem, cum de homine loquimur, hoc uerbum usurpamus. nam, quod Ouidius dixit:

At sacri uates, & diuum cura, uocamur:
ita non proprie locutus est, ut cum aliquis appellatur sanctus. proprie uero sacra ara dicitur, sacer lucus, sacrum saxum: quia deo dicata, caerimonijs, & publico ciuitatis instituto. uates autem, quia tamquam sacris rebus honor ijs habetur ob ingenij praestantiam, non quia re uera,
&

Et publico ciuitatis instituto dicati deo sint, propterea sacri nominantur. Religiosum, Et Religionem dici putat Macrobius, Ser. Sulpicium secutus, a Relinquendo: quod religio propter sanctitatem aliquam remota, ac seposita a nobis sit. hinc religiosa loca, secreta. Cicero autem, quem sequor libentius, lib. 11. de nat. de. a Relegendo deducit. Qui omnia, inquit, quae ad cultum deorum pertinerent, diligenter retractarent, Et tamquam relegerent, sunt dicti religiosi. Ego hoc addo amplius: religiosum accipi quinque modis: nam hoc nomen conuenire Et loco, in quo pie colatur, ut delubro; Et rei, quae colatur, ut signo; Et homini, qui colat; Et tempori, unde dies religiosi, quibus, nisi quod necesse est, nefas habetur facere; Et actioni, unde religiosum dicimus, in aedem Bonae deae uirum introire, aduersus auspicia legem ad populum ferre, die nefasto apud praetorem lege agere. quae probare exemplis omnia facile possunt. Religiosum autem si de loco, aut re inanimata, dicatur, interdum idem est, quod sacrum, interdum diuersum: idem, ut altaria religiosissima in oratione pro Plancio, Et in ea de haruspicum resp. quae dici eadem posse sacra, nemo dubitauerit, qui legerit illud de Diuin. lib. 1. Ara Aio loquenti consecrata est. Et illud pro domo: Licinia, uirgo Vestalis, aram, Et aediculam sub saxo sacro dedica-

uit. Praeterea, sacrae aedes, eadem sunt religiosae: itaque Festus, Religiosum, ait, ac sacrum est, ut templa omnia, atque aedes, quae etiam sacratae dicuntur. Diuersum a sacro nonnumquam esse religiosum, proposui. id probatur exemplo sepulcrorum: quae religiosa dici possunt, sacra non possunt. id intelliget, qui, sacrum quo modo iam sit a nobis definitum, animaduertit. Sacrum enim alicui deo dedicatum, sepulcrum non item. Sacrum si attingitur a profanis, uiolatur; sepulcrum non item. Sacrum publicam religionem obtinet, sepulcrum priuatam. dixit enim Cicero lib. I I. de Leg. Cum multa in eo loco sepulcra fuissent, ubi dedicata est aedes Honoris extra portam Collinam, exarata sunt. statuit enim collegium, locum publicum non potuisse priuata religione obtineri. Et fortasse non esset absurda definitio: Religiosum, si publicam habet religionem, sacrum est; si priuatam, non est. nam & loca, in quibus sacra priuata fierent, sacra non uocari, Festus ait, ut supra ostendimus; opinor, quia publica religione carent. Sed haec uideri fortasse possunt obscuriora: quare illustrentur auctoritate Aelii Galli: de quo sic Festus: Inter sacrum, & sanctum, & religiosum differentias bellissime refert. Sacrum aedificium, consecratum deo. Sanctum murum, qui sit circum opidum. Religiosum

sum sepulcrum, ubi mortuus sepultus, aut humatus sit, satis constare ait. His uerbis, non esse eadem, sacrum, sanctum, & religiosum, intelligitur: eadem tamen uideri posse, ostendit idem Festus, haec subscribens, quae cum superioribus proximis connectuntur: Sed ita portione quadam, & temporibus eadem uideri posse. si quidem, quod sacrum est, idem lege, aut instituto maiorum sanctum esse putat, ut uiolari id sine poena non possit: idem religiosum quoque esse; quoniam sit aliquid, quod ibi homini facere non liceat; quod si faciat, aduersus deorum uoluntatem uideatur facere: similiter de muro, & sepulcro debere obseruari, ut eadem & sacra, & sancta, & religiosa fiant, sed quo modo, quod supra expositum est, cum de sacro diximus. Comparauimus religiosum cum sacro; & interdum esse eadem, interdum diuersa, ostendimus: nunc de religioso, & sancto, idem dicimus, modo eadem esse, modo differre. eadem sunt, ut in templis, quae non solum religiosa, uerum etiam sancta licet appellari. nam, si dii sancti; sancta quoque templa, quae domus deorum putantur. itaque dixit Cicero in oratione pro Sextio: Sanctissimo in templo, sanctissima in causa, sanctissimo in magistratu. Differunt autem religiosum, & sanctum in deorum appellatione. dii enim sancti dicuntur, non religiosi. At eorum signa religiosa.

giosa nuncupantur. Vere: sed signa deos refe-
 runt, dii non sunt: itaque religiosa uocari pos-
 sunt, quia sacra: dii uocari religiosi non pos-
 sunt, quia sacri non uocantur. diximus autem su-
 pra, quae sacra, eadem religiosa dici; non con-
 tra, quidquid sacrum, idem religiosum. Festi
 quoque uerba, paullo ante recitata, de muro, &
 sepulcro, interesse aliquid inter sanctum, & re-
 ligiosum, demonstrant: Sanctum enim potius di-
 ci murum, quam religiosum; & religiosum se-
 pulcrum potius, quam sanctum. Aduersari ui-
 detur Cicero, qui orat. IX. in Antonium sepul-
 cris sanctitatem tribuit. Maiores nostri, ait,
 statuas multis decreuerunt, sepulcra paucis. sed
 statuae intereunt uetustate: sepulcrum autem san-
 ctitas in ipso solo est. Hanc dubitationem sus-
 tulit Festus, qui dixit, etsi sacrum, & san-
 ctum, & religiosum, differant inter se, portione
 tamen quadam, & temporibus, eadem uideri pos-
 se. hanc igitur ob causam Cicero sanctitatem se-
 pulcris assignauit, non quia sancta re uera sint,
 sed quod esse uideantur, similitudine quadam re-
 ligionis: sicuti homines quoque, similitudine
 quadam diuinae bonitatis, appellantur sancti,
 non quia sancti uere sint. Restat, ut ostenda-
 mus, eadem ne sint, an diuersa, religiosum, &
 sacrosanctum. Diuersa esse dico. nam tribuni
 pl. sacrosancti: nec tamen ideo sequitur, ut reli-
 giosi.

Sancto, & Religioso. 103

*giosi . itemq. religiosi homines , non ideo sacro-
sancti . loca uero religiosa , non eadem sacrosan-
cta : nec , quae sacrosancta , eadem religiosa . quam
quam sacra potius , quam sacrosancta , dicuntur
loca . etsi Cicero sacrosanctas possessiones dixit ,
non proprie , sed similitudine hominum , quibus
sacrosanctis inferri uis , & iniuria non potest .*
